



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

879

203.7

U-16

1863

1863

50

12012

ՍԱՂՄԱՍԷ

Դ Ա Ի Թ Ի



203.7

ՍԱՂՄՈՍՔ

Ս-16 ւրջ.

Դ Ա Ի Թ Ի

ԸՍՏ ԸՆՏԻՐ ԳՐԱԳՐԻ



120 01

Ի Թ Է Ո Դ Ո Ս Ի Ա.

Ի Տ Կ ար ա ղ Ի Խ ր ի Կ Ե ան Ո ս տ ւ մ Ե ր ան Ի Ա զ զ Ի Կ Ե Հ ա յ ր ց



1963 = ՌՅԺԲ.

20483-60

100839
37522

36961 ահ.

ՀՐԱՄԱՆԱԻ ԳՐԱԳՆՆՈՒԹԵԱՆ, իԹեոզոսիա, ի20 Մայիսի 1863.

Գ Ի Բ Գ

ՍԱՂՄՈՍԱՅ ԴԱԻԹԻ

ՍԱՂՄՈՍ Ա.

Սաղմոս Դաւթի.



րանեալ է այր որ ոչ գը-
նաց խտորհուրդս ամ-
բարշտաց . իճանապար-
հի մեղաւորաց նա ոչ ե-
կաց , եւ յաթոռս ժան-
տից նա ոչ նստաւ :

Ա.յլ յօրէնս Տեառն
են կամք նորա , եւ յօրէնս նո-
րա խտրհեսցի նա իտուէ եւ ի
գիշերի . եւ եղիցի նա որպէս ծառ որ
անկեալ է իգնացս ջուրց :

Որ զպտուղ իւր իժամու տացէ, եւ տերեւ նորա մի թափեսցի, եւ զամենայն զոր ինչ արասցէ՝ յաջողեսցի նմա:

Ոչ այսպէս են ամբարիշտք, եւ ոչ այսպէս. այլ որպէս զփոշի՝ զոր հոսէ հողմ իվերայ երեսաց երկրի:

Վասն այսորիկ ոչ յարիցեն ամբարիշտք իդատաստան, եւ ոչ մեղաւորք իխորհուրդս արդարոց:

Քանզի ճանաչէ Տէր զճանապարհս արդարոց. ճանապարհք ամբարշտաց կորիցեն:

ՍՍ.ՂՄՈՍ Բ.

Անվերնագիր ինկբրայեցւոց դրոց, երկօքեան սոքա ընդ մի համար են:

Ընդէր խռովեցան հեթանոսք, եւ ժողովուրդք խորհեցան իանտիս:

Յանդիման եղեն թագաւորք երկրի, եւ իշխանք ժողովեցան իմիասին՝ վասն Տեառն եւ վասն Օծելոյ նորա:

Խղեսցուք զկապանս նոցա, եւ ընկեսցուք իմէնջ զլուծ նոցա:

Բնակեալն յերկինս ծիծաղեսցի ըզ-

Նորօր, եւ Տէր արհամարհեսցէ զնոսա :
Յայնժամ խօսեսցի ընդ նոսա բար-
կութեամբ իւրով, եւ սրտմտութեամբ
իւրով խռովեցուսցէ զնոսա :

Ես կացի թագաւոր ինմանէ, իվե-
րայ Սիօնի լերին սրբոյ նորա՝ իպատ-
մել զհրամանս Տեառն :

Տէր ասաց ցիս՝ որդի իմ ես գու,
եւ ես այսօր ծնայ զքեզ :

Խնդրեա յինէն, եւ տաց քեզ ըզ-
հեթանոսս իժառանգութիւն, եւ իշ-
խանութիւն քեզ ընդ ամենայն ծագս
երկրի :

Հովուեսցես զնոսա գաւազանաւ եր-
կաթեաւ, եւ որպէս զանօթ բրտի փըշ-
րեսցես զնոսա :

Արդ թագաւորք՝ զայս իմիտ ա-
ռէք եւ խրատեցարուք ամենքեան,
ոյք դատիք զերկիր :

Ծառայեցէք Տեառն երկիւղիւ, եւ
ցնծացէք առաջի նորա գողութեամբ :

Ընկալարուք զխրատ նորա՝ զի մի
բարկասցի Տէր, եւ կորնչիցիք իճանա-
պարհացն արդարութեան :

Իժամանակի յորժամ՝ բորբոքեսցի
բարկութիւն նորա :

Երանի ամենեցուն՝ ոյք յուսացեալ
են իՏէր :

ՍԱՂՄՈՍ Գ.

Սաղմոս Գաւթի. իժամանակի՝ զի փախուցեալ էր նա յե-
րեսաց Աբխողոմայ որդւոյ իւրոյ :

Տէր՝ զի բազում եղեն նեղիչք իմ,
եւ բազումք յարեան իվերայ իմ :

Բազումք ասէին զանձնէ իմմէ,
թէ չիք փրկութիւն սորա առ Աստուած
իւր :

Այլ դու Տէր՝ օգնական իմ ես,
փառք իմ եւ բարձրացուցիչ գլխոյ
իմոյ :

Ձայնիւ իմով ես առ Տէր կարգա-
ցի, եւ լուաւ ինձ իլեռնէ սրբոյ իւրմէ :

Ես ննջեցի եւ իքուն եղէ, զար-
թեայ՝ եւ Տէր ընդունելի իմ է :

Ոչ երկեայց ես իբիւրաւոր զօրաց
նոցա, ոյք շուրջանակի պատեալ պա-
շարեալ պահէին զիս :

Արի Տէր՝ եւ փրկեալ զիս Աստուած
իմ, զի դու հարեր զամենեսեան՝ ոյք
էին ընդ իս թշնամութեամբ իտարա-
պարտուց. եւ զատամունս մեղաւորաց
փշրեսցես :

Տեառն է փրկութիւն. իմերայ ժո-
ղովրդեան քոյ օրհնութիւն քո :

ՍԱՂՄՈՍ Դ.

Իկատարած օրհնութեան. Սաղմոս երգոց Դաւթի :

Իկարգալ իմում լուար ինձ Աս-
տուած ըստ արգարութեան. ինեղու-
թենէ ինձ անդորր արարեր. ողորմեա
ինձ եւ լուր աղօթից իմոց :

Որդիք մարդկան՝ մինչեւ յերբ էք
խստասիրտք. ընդէր սիրէք զնանրու-
թիւն, եւ ինդրէք զստութիւն :

Ծաներուք՝ զի սքանչելիս արար
Տէր սրբոյ իւրում. եւ Տէր լուիցէ ինձ
իկարգալ իմում առ նա :

Բարկանայք եւ մի մեղանչէք. զոր

ինչ ասէք իսիրտս ձեր՝ յանկողինս ձեր
զգջացարուք :

Մատուցէք սկատարագս արդարու-
թեան , եւ յուսացարուք իՏէր :

Բազումք ասէին՝ թէ ո՞ր ցուցցէ մեզ
զբարութիւն Տեառն . նշանեցաւ առ
մեզ լոյս երեսաց քոց , եւ ետուր ու-
րախութիւն սրտից մերոց :

Իպտղոյ ցորենոյ գինւոյ՝ եւ ձիթոյ
իւրեանց լցուցեր զնոսա :

Խաղաղութեամբ յայս եւ իտոյն
ննջեսցուք եւ զարթիցուք . զի գո՛ւ
Տէր միայն առանձին յուսով քո բնակե-
ցուցեր զմեզ :

ՍԱՂՄՈՍ Ե.

Եկատարած վասն վիճակելոցն . Սաղմոս Դաւթի :

Բանից իմոց ունկն դիր Տէր , եւ
իմիտ առ զազազակ իմ :

Նայեա իձայն աղօթից իմոց , թա-
գաւոր իմ եւ Ստուած իմ :

Ես զքեզ ազաչեմ Տէր , ընդ առա-
ւօտս լուիցես ձայնի իմում . ընդ ա-
ռաւօտս սկատրաստ եղէց՝ յանդիման

լինել առ քեզ :

Ոչ թէ դու՛ Աստուած, կամիս զանօրէնութիւն. եւ ոչ բնակին առ քեզ չարք. եւ անօրէնք մի՛ բնակեսցին առաջի աչաց քոց :

Ատեցեր զայնօսիկ՝ ոյք գործեն զանօրէնութիւն. կորուսանես զամենեսեան ոյք խօսին սուտ :

Չայր արիւնահեղ եւ զնենգաւոր պիղծ առնես դու Տէր. այլ ես ըստ բազում ոլորմութեան քում՝ մտից խտուն քո, եւ երկիրպագից խաճար սուրբ քո երկիւղիւ քո :

Տէր առաջնորդեա ինձ յարդարութեան քում. վասն թշնամեաց իմոց ուղիղ արա առաջի իմ՝ զճանապարհս քո :

Ձի ոչ գոյ իբերանս նոցա ճշմարտութիւն, եւ սիրտք նոցա նանրեալք են :

Որպէս գերեզման բաց է կոկորդ նոցա. եւ լեզուօք իւրեանց նենգաւորք եղեն :

Դատեա զնոսա Աստուած՝ զի անկցին իխորհրդոց սրտից իւրեանց. ըստ

բազում ամբարշտութեան նոցա մեր-
ժեա զնոսա, զի դառնացուցին զքեզ:

Ուրախ լիցին ամենեքեան՝ ոյք
յուսացեալ են իքեզ. յաւիտեան ցըն-
ծասցեն, եւ բնակեսցես դու ինոսա:

Պարծեսցին իքեզ սիրելիք անուան
քո, զի օրհնեսցես դու զարդարն. Տէր
որպէս զինու հաճութեամբ քով պսա-
կեցեր զնոսա:

ՍԱՂՄՈՍ 9.

Կատարած ընդ օրհնութիւնս վասն ութերորդացն .
Սաղմոս Դաւթի:

Տէր մի սրտմտութեամբ քով յան-
դիմաներ զիս, եւ մի բարկութեամբ
քով խրատեր զիս:

Ողորմեա ինձ Տէր, զի հիւանդ եմ
ես. բժշկեա զանձն իմ, զի խռովեցան
ոսկերք իմ:

Անձն իմ յոյժ խռովեցաւ՝ եւ դու
Տէր մինչեւ յերբ:

Դարձ Տէր եւ փրկեա զանձն իմ.
Կեցո զիս Տէր՝ ըստ ողորմութեան քում:

Զի ոչ ոք է՝ որ իմահու յիշէ զքեզ,
կամ իդժոխս խոստովան առնի առ
քեզ :

Վաստակեցայ ես իհեծութեան ի-
մում. լուացի զամենայն գիշեր զմա-
հիճս իմ, եւ արտասուօք իմովք զան-
կողինս իմ թացի :

Խռովեցաւ իսրտմտութենէ ակն
իմ, եւ մաշեցայ ես իվերայ ամենայն
թշնամեաց իմոց :

Իբաց կացէք յինէն ամենեքեան
ոյք գործէք զանօրէնութիւն :

Կուաւ Տէր ձայնի լալոյ իմոյ, լը-
ւաւ Տէր աղօթից իմոց. եւ Տէր ըզ-
խնդրուածս իմ ընկալաւ :

Ամաչեսցեն եւ խռովեսցին յոյժ
ամենայն թշնամիք իմ. դարձցին յետս
եւ ամաչեսցեն յոյժ վաղվազակի եւ
խռովեսցին :



ՍԱՂՄՈՍ Է.

Սաղմոս Գաւթի, զոր ասաց Տեառն վասն բանին Գուսեայ
որդւոյ Յեմինայ :

Տէր Աստուած իմ իբեզ յուսացայ,
փրկեան զիս, եւ յամենայն հալածչաց
իմոց ապրեցո զիս :

Գուցէ երբէք յափշտակիցէ որպէս
առիւծ զանձն իմ. ոչ ոք իցէ որ փրկ-
կիցէ, եւ ոչ այն՝ որ ապրեցուցանիցէ :

Տէր Աստուած իմ թէ արարի զայս,
եւ թէ իցեն անօրէնութիւնք իձեռս իմ :

Թէ հատուցի երբէք այնօցիկ՝ ոյք
հատուցին ինձ չար, անկայց եւ ես ի
թշնամեաց իմոց ընդունայն :

Հալածեացէ ապա թշնամին զանձն
իմ. հասցէ եւ կոխեսցէ յերկիր ըզ-
կեանս իմ, եւ զփառս իմ իհող բնակե-
ցուցէ :

Արի՛ Տէր բարկութեամբ քով, եւ
բարձր լեր իսպառել թշնամեաց իմոց :

Զարթիր Տէր Աստուած իմ իհը-
րամանս քո՝ զոր պատուիրեցեր, եւ
ժողովք ժողովրդոց շուրջ եղիցին զքեւ :

Վասն այսորիկ իբարձունս դարձ
Տէր, եւ Տէր դատի զժողովուրդս իւր:

Դատ արա ինձ Տէր ըստ արդարու-
թեան իմում, եւ ըստ ամբժութեան
իմում՝ որ յիս:

Կատարեսցին չարիք իվերայ մեղա-
ւորաց, եւ յաջողեսցես դու արդարոյ:

Որ քննէ զսիրտս եւ զերիկամու-
նըս Աստուած արդար, յիրաւի է օգ-
նութիւն ինձ յԱստուծոյ՝ որ ապրեցու-
ցանէ զայնոսիկ, ոյք ուղիղ են սրտիւք:

Աստուած դատաւոր արդար հզօր
եւ երկայնամիտ, որ ոչ ածէ զբարկու-
թիւն իւր զօրհանապագ:

Ապա թէ ոչ դառնայք առ նա,
զսուր իւր սրեալ է, եւ զաղեղն իւր
լարեալ, եւ ինմա սատրաստեալ է զա-
նօթս մահու, եւ զնետս իւր այրեցե-
լովք է գործեալ:

Ահաւասիկ երկնեաց զանօրէնու-
թիւն, յղացաւ զցաւս, եւ ծնաւ զան-
իրաւութիւն:

Գուքն՝ զոր փորեաց եւ պեղեաց,

ինոյն անկցի իխորխորատ՝ զոր եւ գործեաց :

Դարձցին ցաւք իգլուխ նորա, եւ իվերայ գագաթան նորա անօրէնութիւնք իւր իջցեն :

Խոստովան եղէց Տեառն ըստ արգարութեան նորա, եւ սաղմոս ասացից անուան Տեառն Բարձրելոյ :

ՍԱՂՄՈՍ Ը.

Եկատարած իվերայ հնձանացն . Սաղմոս Դաւթի :

Տէր Տէր մեր, զի սքանչելի է անունքո իվերայ ամենայն երկրի :

Համբարձաւ մեծվայելչութիւնքո իվերոյ քան զերկինս . իբերանոյ մանկանց տղայոց եւ ստնդեայց հաստատեցեր զօրհնութիւն :

Վասն թշնամեաց քոց Տէր . զի եղծցի թշնամին եւ հակառակորդն :

Տեսից զերկինս զգործս մատանց քոց . զլուսին եւ զաստեղս, զորս գուհաստատեցեր :

Ո՞վ է մարդ, զի յիշես գուզնա .

կամ որդի մարդոյ, թէ այց ինչ արասցես դու նմա :

Փոքր ինչ խոնարհ արարեր զնա քան զհրեշտակս քո . փառօք եւ պատուով սլսակեցեր զնա , եւ կացուցեր զնա ի վերայ ամենայն ձեռակերտաց քոց :

Զամենայն ինչ հնազանդ արարեր իներքոյ ոտից նորա , զխաշն եւ զարջառ՝ եւ զամենայն ինչ : Եւս եւ զերէ վայրի , զթռչունս երկնից , եւ զձկունս ծովու՝ որք շրջին ընդ շաւիղս ծովու :

Տէր Տէր մեր , զի սքանչելի է անուն քո ի վերայ ամենայն երկրի :

ՍԱՂՄՈՍ Թ.

Նկատարած վասն դաւատեան որդւոյն . Սաղմոս Դաւթի :

Գոհացայց զքէն Տէր՝ բոլորով սըրտիւ իմով . պատմեցից զամենայն ըսքանչելիս քո :

Ուրախ եղէց եւ ցնծացայց իքեզ .



սաղմոս ասացից անուան Տեառնդ Բար-
ձրելոյ :

Իգառնալ յետս թշնամեաց իմոց ,
տկարացին եւ կորիցեն յերեսաց քոց :

Արարեր զգատաստանս իմ եւ զի-
րաւունս . նստար յաթոռ՝ դատաւոր
արդարութեան :

Սաստեցեր իհեթանոս , եւ կորեալ
ամբարիշտն . զանուանս նոցա ջնջեցեր
յաւիտեանս յաւիտենից , եւ թշնամ-
ւոյն զէն սլակասեաց մինչ իսպառ :

Զքաղաքս աւերեցեր , եւ կորեալ
յիշատակ նոցա ազազակալ :

Աստուած կայ եւ մնայ յաւիտեան .
սլատրաստ արար զաթոռ իւր իգա-
տաստանի

Ինքն գատի զաշխարհս արդարու-
թեամբ , եւ զժողովուրդս իւր ուղղու-
թեամբ :

Եղեւ Տէր սպաւէն տնանկի , օգնա-
կան ինեղութեան իդէպ ժամանակի :

Յուսասցին իքեզ ամենեքեան՝ ոյք
գիտեն զանուն քո . զի ոչ թողցես զայ-
նոսիկ՝ ոյք խնդրեն զքեզ Տէր :

Սաղմոս ասացէք Տեառն՝ որ բնա-
կեալն է իՍիօն, պատմեցէք իհեթանո-
սըս զգործս նորա :

Իխնդրել զարիւն նոցա՝ յիշեաց .
եւ ոչ մոռացաւ Տէր զազօթս տնան-
կաց :

Ողորմեա ինձ Տէր՝ եւ տես զխո-
նարհութիւն իմ իթշնամեաց իմոց . ո
բարձր արարեր զիս իգրանց մահու :

Որպէս պատմեցից զամենայն օրհ-
նութիւնս քո իգրունս դստեր Սիօնի ;
եւ ցնծացայց իփրկութեան քում :

Ընկլան հեթանոսք յապականու-
թեան իւրեանց զոր արարին . եւ որո-
գայթ զոր թագուցին՝ առցէ զոտս
նոցա :

Ճանոսչի Տէր յառնել զդատաս-
տանս իւր . եւ իգործս ձեռաց իւրեանց
կապեսցին մեղաւորք :

Դարձցին մեղաւորք անդրէն ի
դժոխս ; եւ ամենայն հեթանոսք որք
մոռացան զՍատուած :

Ո՛չ իսպառ մոռանայ Տէր զաղքա-
տըն . համբերութիւն տնանկաց մի կո-

ընդէ իսպառ :

Արի Տէր՝ եւ մի զօրասցի մարդ-
դատեսցին հեթանոսք առաջի քո :

Կացո Տէր օրէնսդիր իվերայ նո-
ցա, եւ ծանիցեն հեթանոսք՝ թէ մար-
դիկ են :

Ընդէր Տէր կացեր իհեռաստանէ .
անտես արարեր իդէպ նեղութեան ժա-
մանակի :

Յամբարտաւանել ամբարշտին՝ այ-
րի աղքատն, արգելցին խորհուրդս
իւրեանց զոր եւ խորհեցան :

Զի գովի մեղաւորն իցանկութիւն
անձին իւրոյ . որ զրկէն, եւ նա գովի :

Իսկ ընդէր բարկացոյց մեղաւորն
զԱստուած, ըստ բազում բարկութեան
իւրում, թէ ոչ խնդրի :

Ոչ է Աստուած առաջի աչաց նո-
րա, պիղծ են ճանապարհք նորա յա-
մենայն ժամ :

Բարձեալ են իրաւունք յերեսաց
նորա . իվերայ ամենայն թշնամեաց
իւրոյ տիրեսցէ :

Ասաց իսրտի իւրում, թէ ոչ սա-

սանեցայց արգէ յարգ առանց չարի :

Անիծիւք եւ դառնութեամբ եւ նենգութեամբ լի է բերան նորա, եւ ի ներքոյ լեզուի նորա ցաւք եւ վաստակք :

Նստի դարանեալ ընդ մեծամեծս իգաղտնիս՝ սպանանել զամբիծն :

Աչք նորա խոնանկս հային . վարանի իգաղտնիս, որպէս զառիւծ իմորոջ իւրում :

Դարանի յափշտակել զաղքատն . յափշտակել զաղքատն, եւ ձգել զնա :

Յորոգայթ իւր խոնարհեցուցէ զնա . խոնարհեցի եւ անկցի իտիրել իւրում իվերայ անանկաց :


Զի ասաց իսրաի իւրում թէ մոռացաւ Աստուած . դարձոյց զերեսս իւր զի մի տեսցէ իսպառ :

Արի Տէր Աստուած իմ . բարձր եղիցի ձեռնքոյ, եւ մի մոռանար զանանկս :

Իսկ ընդէր բարկացոյց ամբարիշտըն զԱստուած, զի ասաց իսրաի իւրում թէ . ոչ քննի :

Տեսանես դու զնա իցաւս եւ ի սրտմաութիւնս՝ հայիս, մատնել զնա ի

1008
37522



ձեռս քո . իքեզ թողեալ է աղքատն ,
եւ որբոյն դու ես օգնական :

Խորտակեսցի բազուկ մեղաւորի եւ
չարի . խնդրեսցին մեղք նորա , եւ նա
մի գացի :

Տէր թագաւոր յաւիտեանս յա-
ւիտենից . կորիցեն հեթանոսք յերկրէ
նորա :

Զցանկու թիւն տնանկաց լուար Տէր .
խլատրաստու թիւն սրտից նոցա հայե-
ցաւ ակն քո :

Դատ առնել որբոյն եւ տնանկի ,
զի մի եւս յաւելուցու մարդ իմեծաբա-
նել իւրում իվերայ երեսաց երկրի :

ՍԱՂՄՈՍ Ժ .

Եկատարած . Սաղմոս Դաւթի :

ԻՏէր յուսացայ . սրպէս ասիցէք
ցանձն իմ , փոխոխեաց իլերինս որպէս
ճնճղուկ :

Զի ահա մեղաւորք լարեցին զաղե-
ղունս իւրեանց . պատրաստ արարին
զնետս իկասպարճս , ձգել ընդ խաւար

այնոցիկ՝ ոչք ուղիղ են սրտիւք :

Զի զոր դու շինեցեր՝ նորա աւերեցին, իսկ արդարն զի արար :

Տէր խաճար սուրբ իւրում. Տէր յերկինս յաթու իւրում :

Աչք նորա խոնանկս հային, եւ արտեւանունք նորա քննեն զորդիս մարդկան :

Տէր քննէ զարդարն եւ զամբարիշտալն. որ սիրէ զմեզս՝ ատէ զանճն իւր :

Տեղասցի իվերայ մեղաւորաց որոգայթ՝ հուր եւ ծծումբ. այս մրրիկ՝ բաժին բաժակի նոցա :

Արդար է Տէր եւ զարդարութիւն սիրէ, եւ զուղղութիւն տեսանեն երեսք նորա :

ՍԱՂՄՈՍ ԺԱ.

Եկատարած իվերայ ութերորդացն. Սաղմոս Դաւթի :

Ապրեցո զիս Տէր, զի նուազեաց սուրբ, նուազեցին ճշմարտութիւնք յորդւոց իմարդկանէ :

Ինանիր խօսեցաւ այր ընդ ընկերի

իւրում. շրթամբք նենգաւորօք սրտէ
խիրտ խօսեցաւ :

Սատակէ Տէր զամենայն շրթունս
նենգաւորս եւ զլեզուս մեծաբանս .

Ոյք ասացին . զլեզուս մեր մեծս ա-
րասցուք, շրթունք մեր առ մեզ են,
եւ արդ մեր ո՞վ է Տէր :

Վասն տառապանաց ազքատին եւ
հեծութեան տնանկին, այժմ՝ յարեայց
ասէ Տէր. եղից զփրկութիւն իմ, եւ
համարձակեցայց ինոսա :

Բանք Տեառն են բանք սուրբ, որ-
պէս զարծաթ ընտրեալ եւ փորձեալ
յերկրէ, սրբեալ եւ սլարղեալ եօթըն-
պատիկ իհողոյ :

Դու Տէր պահեցեր զմեզ, եւ ապրե-
ցուցեր յազգէ յայսմանէ մինչեւ յա-
ւիտեան :

Շուրջանակի ամբարիշտք շրջին .
ըստ բարձրութեան քում մեծ արասցես
գու զորդիս մարգկան :

ՍԱՂՄՈՍ ԺԲ.

Եկատարած . Սաղմոս Գաւթի :

Մինչեւ յերբ Տէր՝ մոռանաս զիս
խապառ . մինչեւ յերբ դարձուցանես
զերեսս քո յինէն :

Մինչեւ յերբ դնեմ զխորհուրդս
յանձն իմ . եւ ցաւք սրտի իմոյ զաւուրս :

Մինչեւ ցերբ բարձրանայ թշնամին
իվերայ իմ . նայեա եւ լուր ինձ Տէր
Աստուած իմ :

Լոյս տուր Տէր աչաց իմոց , զի մի
երբէք ննջեցից իմահ :

Մի ասասցէ թշնամին՝ թէ յաղթե-
ցի նմա . կամ նեղիչք իմ ցնծասցեն
թէ ես սասանեցայց :

Ես յողորմութիւնս քո Տէր յուսա-
ցայ , ցնծացաւ սիրտ իմ իվրկութեան
քում . օրհնեցից զՏէր զբարերարդ իմ .

ՍԱՂՄՈՍ ԺԳ.

Եկատարած . Սաղմոս Գաւթի :

Ասաց անզգամն խորաի իւրում ,
թէ ոչ գոյ Աստուած :

Ապականեցան եւ պղծեցան յանօրէնութեան իւրեանց, եւ ոչ ոք է՝ որ առնէ զքաղցրութիւն :

Տէր յերկնից նայեցաւ յամենայն որդիս մարդկան, տեսանել թէ իցէ ոք իմաստուն՝ որ խնդրիցէ զԱստուած :

Ամենեքեան խոտորեցան իմիասին եւ անպիտանացան :

Ոչ ոք է որ առնէ զբարի, եւ չէ ոք մինչեւ իմի :

Որպէս ոչ ծանիցեն ամենեքեան, ոյք գործեն զանօրէնութիւն :

Ոյք ուտէին զժողովուրդ իմ որպէս կերակուր հացի, եւ առ Տէր ոչ կարգացին :

Անդ երկիցեն զերկիւղ՝ ուր ոչ իցէ երկիւղ, զի Տէր է յազգս արգարոց :

Զխորհուրդ ազքատին յամօթ արարին, զի Տէր է յոյս նորա :

Ռտացէ իՍիօնէ զփրկութիւն Իսրայելի. իդարձուցանել Տեառն զգերութիւն ժողովրդեան իւրոյ, ցնծասցէ Յակոբ՝ եւ ուրախ եղիցի Իսրայել :

ՍԱՂՄՈՍ ԺԴ

Եկատարած . Սաղմոս Դաւթի :

Տէր ո՞վ կացցէ իխորանի քում, կամ
ո՞վ բնակեսցէ իլեառն սուրբ քո :

Որ գնայ անբիծ՝ գործէ զարգարու-
թիւն, խօսի զճշմարտութիւն իսրտի
իւրում :

Որ ոչ նենգաւորեաց լեզուաւ իւ-
րով, եւ չար ընկերի իւրում ոչ արար :

Նախատինս իմերձաւորաց նա ոչ
առնու . արհամարհեալ է առաջի նորա
չարագործն :

Զերկիւղածս Տեառն փառաւոր առ-
նէ . որ երդնու ընդ ընկերի իւրում,
եւ ոչ ստէ :

Զարծաթ իւր իվարձու ոչ տայ,
եւ կաշառս իվերայ իրաւանց ոչ առնու .
որ զայս արասցէ՝ նա մի սասանեսցի
յաւիտեան :

ՍԱՂՄՈՍ ԺԵ .

Յարձանադիր . Սաղմոս Դաւթի :

Պահեա զիս Աստուած իմ՝ զի ես
իբեղ յուսացայ . ասացի Տեառն, Տէր



իմ ես դու, եւ բարիք իմ ինձ իբէն են:

Սրբոց քոց որք են յերկրի քում,
սքանչելի արարեր զամենայն կամս իմ
ինոսա:

Յաճախեսցին հիւանդութիւնք նո-
ցա, յետ այսորիկ ապա վաղվաղեսցին:

Ոչ ժողովեցայ ի ժողովս նոցա յա-
րեանց, եւ ոչ յիշեցից զանուանս նոցա
իշրթունս իմ:

Տէր բաժին ժառանգութեան իմոյ
եւ բաժակի իմոյ դու ես, որ այսրէն
դարձուցանես զժառանգութիւն իմ յիս:

Վիճակք ելին ինձ ընդ ընտիրս,
եւ ժառանգութիւն իմ հաճոյ եղեւ ինձ:

Օրհնեցից զՏէր՝ որ իմաստուն ա-
րար զիս, մինչ իգիշերի եւս խրատե-
ցին զիս երիկամունք իմ:

Յառաջագոյն տեսանէի զՏէր առա-
ջի իմ յամենայն ժամ. զի է ընդ աջմէ
իմմէ, զի մի սասանեցայ:

Վասն այսորիկ ուրախ եղեւ սիրտ
իմ, եւ ցնծացաւ լեզու իմ, եւս եւ
մարմին իմ բնակեսցի յուսով:

Զի ոչ թողցես զանձն իմ իգժօխս,

եւ ոչ տայես սրբոյ քում տեսանել
զապականութիւն :

Յուցեր ինձ զճանապարհս քո կե-
նաց, լցուցեր զիս ուրախութեամբ ե-
րեսաց քոց իբր զցրութենէ վայելչու-
թեան աջոյ քո մինչ իսպառ :

ՍՍ.ՂՄՈՍ ԺԶ.

Աղօթք. Սաղմոս Դաւթի :

Լուր Տէր արդարութեան, եւ նայ-
եա ի ինդրուածս իմ. ունկն դիր աղօ-
թից իմոց, զի ոչ շրթամբք նենգա-
ւորօք :

Յերեսաց քոց իրաւունք ինձ ելցեն,
եւ աչք իմ տեսցեն զուղղութիւն :

Փորձեցեր զսիրտ իմ, եւ քննեցեր
ի գիշերի. փորձեցեր զիս՝ եւ ոչ գտաւ
յիս անիրաւութիւն :

Մի խօսեցի բերան իմ զգործս որ-
դւոց մարդկան. վասն բանից շրթանց
քոց ես սահեցից զճանապարհս խիստս :

Հաստատեա զշաւիղս իմ իճանա-
պարհի քում, զի մի գայթակղեսցին
գնացք իմ :

Ես առ քեզ Տէր կարդացի՝ զի լուար ինձ Աստուած, խոնարհեցո առ իս զունին քո եւ լուր բանից իմոց :

Աքանջելի արարեր զողորմութիւնքս քո. ո փրկես զայնոսիկ ոյք յուսացեալ են իքեզ, յայնցանէ ոյք հակառակ կան աջոյ քո :

Պահեա զիս որպէս բիբ ական. ընդ հովանեալ թեւոց քոց ծածկեսցես զիս յերեսաց ամբարշտաց, ոյք տառապեցուցին զիս :

Թշնամիք զանձն իմ պաշարեցին, եւ իճարպս իւրեանց արգելան. եւ բերանք նոցա խօսեցան զամբարտաւանութիւն :

Մերժեցին զիս, եւ այժմ դարձեալ պատեցան զինեւ. ուշ եզին խոնարհեցուցանել զիս յերկիր :

Համարեցան ինձ որպէս առիւծ զի պատրաստ է յորս, եւ որպէս կորիւն առիւծու զի նստի դարանեալ :

Արի Տէր՝ ժամանեա նոցա եւ խափանեա զնոսա. փրկեա զանձն իմ յամ-

բարշտաց, խորոյ եւ իձեռաց թշնամւոյն :

Տէր կորոս զնոսա յերկրէ . բաժանեա եւ խափանեա զնոսա իկեանս իւրեանց :

Գաղտնեօք քովք լցան որովայնք նոցա . յագեցան կերակրովք, եւ թողին զմնացուածս տղայոց իւրեանց :

Ես արդարութեամբ երեւեցայց երեսաց քոց . եւ յագեցայց յերեւել փառաց քոց :

ՍՍ.ՂՄՈՍ ԺԷ.

Եկատարած իվերայ սրտերազմող նահատակի ծառայի Տեառն Դաւթի . զոր խօսեցաւ ընդ Տեառն զբանս օրհնութեան, յաւուր յորում փրկեաց զնա Տէր իձեռաց ամենայն թշնամեաց, եւ իձեռաց Սաւուղայ . եւ ասէ :

Սիրեցից զքեզ՝ Տէր զօրութիւն իմ, Տէր հաստատիչ իմ, ապաւէն իմ եւ Փրկիչ իմ :

Աստուած օգնական իմ եւ ես յուսամ ինա . ապաւէն իմ, եղջիւր փրկկութեան իմոց ընդունելի իմ է :



Օրհնելով կարգացից առ Տէր, եւ
իթշնամեաց իմոց ապրեցայց :

Շուրջ եղէն զինեւ երկունք մահու .
եւ ուղիք անօրէնութեան խռովեցու-
ցին զիս :

Վիշտք դժօխոց սլաշարեցին զիս .
եւ ժամանեցին ինձ սրողայթք մահու :

Ինեղութեան իմում ես առ Տէր
կարգացի, եւ առ Աստուած իմ աղա-
ղակեցի :

Լուաւ ինձ խտածարէ սրբոյ իւրմէ
ձայնի աղօթից իմոց . եւ աղաղակ իմ
առաջի նորա, մտցէ յականջս նորա :

Խռովեցաւ եւ դողաց երկիր, եւ
հիմունք լերանց սասանեցան եւ խռո-
վեցան, զի բարկացաւ իլերայ նոցա
Աստուած :

Եւ ծուխ իբարկութենէ նորա, եւ
հուր յերեսաց նորա բորբոքեցաւ, եւ
փայլատակունք հատան ինմանէ :

Խոնարհեցոյց զերկինս եւ էջ . եւ
մէգ լներբոյ ոտից նորա :

Եւ իբրովրէս եւ թուեաւ . սլացաւ
նա իթեւս հողմոց :

Եզ զխաւար իծածկոյթ իւր, եւ շուրջ զնովաւ են յարկք իւր, եւ խաւարային ջուրք մինչեւ յամսս օգոյ :

Իփայլատակել նորա առաջի նոցա, ամսք անցուցին զկարկուտ, եւ զկայծակունս հուր :

Որոտաց Տէր յերկնից, եւ Բարձրեալն ետ զձայն իւր իկարկուտ եւ իկայծակունս հուր :

Առաքեաց զնետս իւր եւ ցրուեաց զնոսս . յաճախեաց զփայլատակունս իւր, եւ խռովեցոյց զնոսս :

Երեւեցան աղբերք ջուրց, եւ յայտնեցան հիմունք աշխարհի :

Իսաստէ քումմէ Տէր, եւ իշնչել հոգւոյ բարկութեան քո :

Առաքեաց իբարձանց եւ ընկալաւ զիս . ընկալաւ զիս իջուրց բազմաց :

Փրկեսցէ զիս Տէր իթշնամեաց իմոց հզօրաց, եւ յատելեաց իմոց զի հզօր եղեն քան զիս :

Ժամանեցին ինձ աւուրք չարչարանաց իմոց . եղեւ Տէր հզօրիչ իմ, եւ եհան զիս յանդարր, եւ փրկեաց

զիս Տէր՝ զի կամեցաւ զիս :

Հատուսցէ ինձ Տէր ըստ արգարու-
թեան իմում, ըստ ամբժուութեան ի-
մում հատուսցէ ինձ :

Ես պահեցից զճանապարհս Տեառն,
եւ ոչ ամբարշտեցայց յԱստուծոյ իմմէ :

Ամենայն իրաւունք նորա առաջի
իմ են. եւ զարդարութիւն իւր ոչ ի
բացեայ արար յինէն :

Եղէց եւ ես ամբիծ ընդ նմա, եւ
զգուշացայց յանօրէնութենէ իմմէ :

Հատուսցէ ինձ Տէր ըստ արգարու-
թեան իմում, ըստ սրբութեան ձեռաց
իմոց առաջի աչաց իւրոց :

Ընդ սրբոյն սուրբ եղիցիս, ընդ
առն ամբժի ամբիծ եղիցիս, ընդ ըն-
տրեալն ընտրեալ եղիցիս, եւ զթիւր-
սըն կործանեսցես :

Դու զժողովուրդս խոնարհս կեցու-
ցանես, եւ զաչս ամբարտաւանից դու
խոնարհեցուցանես :

Դու լուսաւոր առնես զճրագ իմ
Տէր. Աստուած իմ, լոյս արա ինձ ի
խաւարի :

Քեւ փրկեցայց խիորձութենէ . Աստուծով իմով անցից ընդ սլարխսս :

Աստուած իմ, ամբիժ են ճանապարհք քո, եւ բանք Տեառն ընտրեալ են . եւ ապաւէն ամենեցուն որ յուսան ինա :

Վասն զի ո՞վ է Աստուած բաց ի Տեառնէ, կամ ո՞վ է Աստուած բաց յԱստուծոյ մերմէ :

Աստուած՝ որ զգեցուցեր ինձ զօրութիւն, եւ եզեր յամբժութեան ըզճանապարհս իմ :

Հաստատեցեր զոտս իմ որպէս զեղջերուի . եւ իվերայ բարձանց կացուցեր զիս :

Ուսուցեր զձեռս իմ իսլատերազմ, եւ արարեր զբազուկ իմ որպէս զաղեզն հաստ . եւ ետուր ինձ զպաշտպանութիւն փրկութեան քո :

Աջ քո ընկալաւ զիս, եւ խրատ քո կանգնեաց զիս իսպառ, եւ խրատ քո ուսուցէ զիս :

Ընդարձակեցեր զգնացս իմ իստորէ իմմէ . եւ ոչ տկարացան շաւիղք իմ :

Հալածեցից զթշնամիս իմ եւ Հասից նոցա . եւ ոչ դարձայց ինոցանէ՛ մինչեւ սպառեցից զնոսա :

Նեղեցից զնոսա , եւ այլ մի կարացեն կեալ . եւ անկցին իներքոյ սաից իմոց :

Զդեցուցեր ինձ զօրութիւն իպատերազմի . եւ զյարուցեալն իվերայ իմ՝ ներքոյ իմ արարեր :

Զթշնամիս իմ Հալածականս արարեր , եւ զատելիս իմ սատակեցեր :

Ազազակեցին՝ եւ ոչ ոք էր որ փրկէր զնոսա . կարգացին առ Տէր՝ եւ ոչ լուաւ նոցա :

Մանրեցից զնոսա որպէս փոշի առաջի հողմոյ . եւ որպէս կաւ գռեհաց կոխեցից զնոսա :

Փրկեսցէ զիս Տէր իհակառակութենէ ժողովրդոց , եւ կացուցէ զիս գլուխ հեթանոսաց :

Ժողովուրդ զոր ոչ գիտէի՝ ծառայեաց ինձ , եւ իլուր ականջաց լուաւ ինձ :

Որդիք օտարաց ստեցին ինձ, որդիք օտարաց մաշեցան, եւ կաղացան իշաւղաց իւրեանց :

Կենդանի է Տէր եւ օրհնեալ է Աստուած, եւ բարձր եղիցի Աստուած փրկութեան իմոյ :

Աստուած է որ խնդրէ զվրէժ իմ, եւ հնազանդ առնէ զժողովուրդս ընդ ինեւ :

Փրկիչ իմ իթշնամեաց իմոց բարկացողաց. յայնցանէ որք յարուցեալ են իվերայ իմ, բարձր արարեր զիս, եւ յառնէ անիրաւէ փրկեցեր զիս :

Վասն այսորիկ խոստովան եղէց քեզ իհեթանոսս, եւ անուան քում սաղմոս ասացից :

Մեծ արարեր զփրկութիւն թաղաւորի նորա առնել ողորմութիւն ընդ Օծելոյ նորա Դաւթի, եւ ընդ զաւակի նորա ազգէ մինչեւ յազգ :



ՕՐՀՆՈՒԹԻՒՆ ՄՈՎԱԶՄԻ ԵՒ ՈՐԳԻՈՅՆ ԻՍՐԱՅԵԼԻ

ԵԼԻԿ ԺԵ :

Օրհնեսցուք զՏէր, զի փառօք է
փառաւորեալ:

Զհեծեալս եւ զերիվարս ընկէց ի
ծով. օգնական ընդունելի իմ՝ Տէր, եւ
եղեւ ինձ խիրկութիւն

Սա է իմ Աստուած, եւ փառաւոր
առնեմ զսա. Աստուած հօր իմոյ, եւ
բարձր արարից զսա:

Տէր խորտակէ զպատերազմունս.
եւ Տէր է անուն նորա:

Զընտիրս արանց եւ զընտիրս սպա-
ռազինաց, զկառս եւ զերիվարս եւ զա-
մենայն զօրութիւնս Փարաւոնի ընկէց
իծով:

Ծով ծածկեաց զնոսա. ընկլան յան-
դունդս խորոց իբրեւ զլէմս:

Աջ քո Տէր՝ փառաւորեալ է զօրու-
թեամբ իւրով. եւ աջ քո Տէր՝ խոր-
տակեաց զթշնամիս քո:

Եւ մեծութեամբ փառաց քոց ման-

րեցեր զհակառակորդս քո. առաքեցեր
զբարկութիւն սրամտութեան քո, եւ
եկեր զնոսա որպէս զեղէգն:

Հողւով զօրութեան սրամտութեան
քո պատառեցան ջուրք. դիզան՝ կա-
ցին որպէս պարիսպ քարեայ ջուրք ծո-
վուն. եւ պաղեցան դիզան ալիք ջուր-
ցըն իմէջ ծովուն:

Ասաց թշնամին. ասէ, հալածեցից՝
հասից՝ հարից. բաժանեցից զաւարն,
եւ լցուցից ինոցանէ զանձն իմ:

Իսուր իմ արկից զնոսա. տիրեսցէ
եւ բարձրասցի իվերայ նոցա աջ իմ:

Առաքեցեր զհողմն քո, եւ ծած-
կեաց զնոսա ծով. ընկղմեցան, եւ իջին
որպէս կապար իջուրս սաստիկս:

Ո՞ նմանի քեզ յաստուածս Տէր,
կամ ո՞վ նմանիցի քեզ՝ փառաւորեալդ
խուրբս:

Աքանջելի փառաւորեալ՝ որ առնես
զնշանս եւ զարուեստս. ձգեցեր զձեռն
քո, եւ եկուլ զնոսա երկիր:

Առաջնորդեցեր արդարու թեամբ
ժողովրդեան քո այսմ, զոր եւ փրկե-
ցեր :

Մխիթարեցեր զնոսա զօրու թեամբ
քով իբանակեաղ սրբու թեան քո . լուան
ազգք եւ բարկացան, եւ երկունք կա-
լան զբնակիչսն Փղշտացւոց :

Յայնժամ փութացան դատաւորք
եզովմայ, եւ իշխանք Մովաբացւոց :

Կալաւ զնոսա դողումն . հալեցան
ամենայն բնակիչք Քանանացւոց :

Անկցի իվերայ նոցա ահ եւ դո-
ղումն, եւ իզօրութենէ բազկի քո քա-
րասցին :

Մինչեւ անցցէ ժողովուրդ քո Տէր,
մինչեւ անցցէ ժողովուրդ քո այս,
զոր ստացար :

Տարեալ անկեսցես զնոսա իլերին
ժառանգութեան քո, իպատրաստու-
թիւն բնակութեան ժառանգութեան
քո :

Զոր ստացար իսկզբանէ Տէր, ըս-
տացար սրբութեամբ, զոր պատրաստե-

ցին ձեռք քո. Տէր [Թագաւոր յաւիտեանս յաւիտենից, եւ եւս :

Ձի եմուտ փարաւօն կառօք եւ երիւարօք եւ ընտիր սպառազինօք իմէջ ծովուն :

Փառք Հօր եւ Որդւոյ եւ :

ՄԱՂԹԱՆՔ.

Քրիստոս է իմ Աստուած, եւ փառաւոր առնեմ զսա. Աստուած հօր իմոյ, եւ բարձր արարից զսա :

Մարդասէր Տէր, վասն սրբուհւոյ անարատի մօր քո եւ Կոստի, եւ վասն խաչի քո պատուականի, ընկալ զաղաջանս մեր, եւ կեցօ զմեզ :

Քարող եւ աղօթք երԱՆԵԱԼ եւ ԻԲԻԵԻ կանոնացն :

Վասն իվերուստ խաղաղութեան եւ փրկութեան անձանց մերոց զՏէր աղաջեսցուք : Տէր ողորմեա :

Վասն լսելի լինելոյ Տեառն Աստուծոյ ձայնի աղաջանաց մերոց, զՏէր աղաջեսցուք :

Վասն քաւիջ եւ ներող լինելոյ Աստուծոյ իվերայ մեզաց մերոց, զՏէր աղաջեսցուք :

Վասն Թողլոյ մեզ զամենայն յանցանս մեր զկամայ եւ զակամայ, զՏէր աղաջեսցուք :

Վասն զի մի ընդ խոտանան գտանիցիմք յառօրն պատասխանատուութեան, զՏէր աղաջեսցուք :

Վասն հոգւոցն հանգուցելոց՝ որք ճշմարիտ եւ ուղիղ հաւատով իբրիստոս ննջեցին, զՏէր աղա :

Եւ եւս՝ միարան վասն ճշմարիտ եւ սուրբ հաւատոյս մերոյ զՏէր աղաջեսցուք :

Հանձինս մեր եւ զմիմեանս Տեառն Աստուծոյ ամենակալին յանձն արասցուք :

Ողորմեաց մեզ Տէր Աստուած մեր ըստ մեծի ողորմութեան քում. ասասցուք ամենեքեան միարանութեամբ :

Տէր ողորմեա . Տէր ողորմեա . Տէր ողորմեա :

Աղօթք :

Տէր տունջեան՝ եւ գոյացուցիջ գիշերոյ, որ արարեր զտիւ իզրոսանս բարեգործութեան իփրկութիւն անձանց մերոց, եւ զգիշեր իհանգիստ քնոյ տկարացեալ բնութեան մերոյ : Իսկ այժմ զարթուցեալ բացեր զբերանս մեր յօրհնարանութիւն՝ ահաւոր եւ փառաւորեալ անուանդ քում սրբոյ : Ընկալ եւ այժմ զաղաչանս մեր, եւ յաջողեա մեզ ուղիղ հաւատով եւ առաքինասէր վարուք ինոյն պաշտօն քո կանխել միշտ, եւ նովին կանոնիւս անդադար փառաւորել զՀայր եւ զՈրդի եւ զսուրբ Հոգիդ, այժմ եւ միշտ եւ յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկրպագեացուք :

Զքեզ, որ յամենայնի գթած եւ մարդասէր Տէրդ ես՝ աղաչեմք հանապազ, զի զօրացուցես զմեզ օր ըստ օրէ կալ իկարգի կրօնաւորութեան մերում: Թեթեւացո Տէր զքաղցր լուծ քո՝ զոր եդեր իվերայ մեր. զի կարացուք կալ իպատուիրանի քում, եւ զհասոյան առնել առաջի քո յամենայն ժամ իտուէ եւ իգիշերի: Հրեշտակային երգակցութեամբ զքեզ օրհնել, զքեզ գովել, եւ քեզ գոհութիւն եւ փառս մատուցանել ամենազօր Տէրութեանդ, այժմ եւ միշտ եւ յաւիտեանս յաւիտենից. ամէն:

Մաղթանք:

Սաղմոսիւք եւ օրհնութեամբ եւ երգօք հոգեւորօք անդադար փառաւորեմք զՀայր եւ զՈրդի եւ զսուրբ Հոգիդ այժմ եւ միշտ եւ յաւիտեանս յաւիտենից. ամէն:

Օրհնեալ Տէր մեր Յիսուս Քրիստոս. ամէն:

Հայր մեր որ յերկինս:



ՍԱԳՄՈՍ ԺԸ.

Իկատարած. Սաղմոս Դաւթի:



րկինք պատմեն զփառս Աստուծոյ, եւ զարարածս ձեռաց նորա պատմէ հաստատութիւն:

Օր աւուր բղխէ զբան, եւ գիշեր գիշերի ցուցանէ զգիտութիւն:

Ոչ են բանք եւ ոչ են խօսք, որոց ոչ լսին ձայնք նոցա:

Ընդ ամենայն երկիր եւ բարբառ նոցա, եւ մինչեւ իծագս աշխարհի են խօսք նոցա:

Յարեւու եհար զխորան իւր, եւ ինքն որպէս փեսայ զի ելանէ յառագաստէ իւրմէ, եւ ցնծայ նա որպէս հսկայ յընթանալ զճանաստարհս իւր:

Իծագաց երկնից են ելք նորա. եւ հանգիստ նորա մինչեւ իծագս նորուն.



եւ ոչ որ իցէ որ թագիցէ իտապոյ
նորա :

Օրէնք Տեառն ամբիժ են, եւ դար-
ձուցանեն զհոգիս. վկայութիւն Տեառն
հաւատարիմ է, եւ իմաստուն առնէ
զտղայս :

Արդարութիւն Տեառն ուղիղ է, եւ
ուրախ առնէ զսիրտս. պատուիրանք
Տեառն լոյս են, եւ լոյս տան աչաց.
Երկիւղ Տեառն սուրբ է, եւ մնայ յա-
ւիտեան :

Դատաստան Տեառն ճշմարիտ է, եւ
արդար է ինոյն :

Յանկալի է նա քան զոսկի եւ քան
զականս պատուականս բազումս. քաղցր
է նա քան զմեղու խորիսիս :

Քանզի ծառայ քո պահեսցէ զայս.
Իպահել նմա հատուցումն բազում :

Զյանցուածս իւր ո՞վ կարէ առնուլ
իմիտ. իգազանեաց իմոց սուրբ արա
զիս Տէր, եւ յօտարէն պահեա զժա-
ռայս քո :

Ապա թէ ոչ տիրեսցեն ինձ, յայն-

Ժամ անբիծ եղէց, եւ սուրբ եղէց ի մեղաց մեծաց :

Եղիցին քեզ հաճոյ բանք բերանոյ իմոյ, եւ խորհուրդք սրտի իմոյ առա. ջի քո յամենայն ժամ. Տէր օգնական իմ եւ Փրկիչ իմ :

ՍԱՂՄՈՍ ԺԹ.

Եկատարած. Սաղմոս Դաւթի :

Լուիցէ քեզ Տէր յաւուր անձկու-
թեան. օգնական եղիցի քեզ անունն
Աստուծոյ Յակոբայ :

Առաքեսցէ քեզ Տէր օգնութիւն ի
սրբութենէ իւրմէ, եւ իՍիօնէ ընկալ-
ցի զքեզ :

Յիշեսցէ Տէր զամենայն պատարա-
գըս քո, եւ զուխտս քո ընդունելի ա-
րասցէ :

Տացէ քեզ Տէր ըստ սրտի քում,
եւ զամենայն խորհուրդս քո նա կա-
տարասցէ :

Յնծասցուք մեք իփրկութեան քում.

յանունն Աստուծոյ մերոյ մեք մեծք ե-
զիցուք :

Էցուսցէ՛ Տէր զամենայն խնդրուա-
ծըս քո . այժմ՝ ծանեաք , զի կեցոյց Տէր
զօժեալ իւր :

Լուաւ սմա յերկնից իսրբութենէ
իւրմէ , իզօրութիւն փրկութեան աջոյ
իւրոյ :

Սոքա կառօք եւ սոքա երիւարօք ,
այլ մեք զանունն Տեառն Աստուծոյ մե-
րոյ կարգասցուք :

Սոքա խափանեցան եւ անկան , մեք
յարեաք եւ ուղիղք եղաք :

Տէր կեցո զթագաւորն , եւ լուր մեզ
յաւուր յորում կարգասցուք առ քեզ :

ՍԱՂՄՈՍ Ի .

Եկատարած . Սաղմոս Գաւթի :

Տէր իզօրութեան քում ուրախ ե-
զիցի թագաւորն . իփրկութեան քում
ցնծասցէ՛ յոյժ :

Զցանկութիւն սրաի նորա ետուր

Նմա, եւ զկամս շրթանց նորա ոչ ար-
գելեր ինմանէ :

Ժաման արարեր զնա յօրհնութիւն
քաղցրութեան քո, եւ եգեր իգլուխ
նորա պսակ իքարէ պատուականէ :

Կեանս խնդրեաց իքէն, եւ ետուր
նմա ընդ երկայն աւուրս՝ յաւիտեանս
յաւիտենից :

Մեծ են փառք նորա խփրկութեան
քում. զփառս մեծվայելչութեան քո
գիցես իվերայ նորա :

Տացես զնա յօրհնութիւն յաւիտեա-
նըս յաւիտենից. եւ ուրախ արասցես
զնա յուրախութիւն երեսաց քոց :

Թագաւոր յուսացաւ իՏէր, յո-
ղորմութենէ Բարձրելոյն նա մի սասա-
նեսցի :

Գացի ձեռն քո իվերայ թշնամեաց
քոց, եւ աջ քո գացէ զամենայն ատե-
լիս քո :

Գիցես զնոսա որպէս հնոց իհուր՝
իթամանակի երեսաց քոց :

Տէր բարկութեամբ իւրով խռովե-

ցուսցէ զնոսա. եւ հուր կերիցէ զնոսա :

Պատու չոցա յերկրէ կորիցէ. եւ զաւակ չոցա յորդւոց իմարդկանէ :

Խոտորեցան իքէն չարութեամբ, խորհեցան խորհուրդ՝ զոր ոչ կարասցեն հաստատել :

Արասցես զնոսա հալածեալս. իմնացուածս քո պատրաստեսցես զերեսս նոցա :

Բարձր լեր Տէր իզօրութեան քում. օրհնեսցուք, եւ սաղմոս ասացուք ի զօրութեան քում :

ՍԱՂՄՈՍ ԻԱ.

Իկատարած. վասն առաւօսին օգնականութեանց .

Սողմոս Դաւթի :

Աստուած Աստուած իմ՝ նայեաց առ իս. ընդէր թողեր զիս. հեռի եղէ ի փրկութենէ իմմէ վասն բանից յանցանաց իմոց :

Աստուած իմ, իտուէ կարգացի առ քեզ, եւ ինձ լուար. իգիշերի, եւ ինձ ոչ անսացեր :

Դու իսուրբս բնակեալ ես, եւ գովեալդ Իսրայելի :

Իքեզ յուսացան հարբն մեր, յուսացան ի քեզ, եւ փրկեցեր զնոսա :

Առ քեզ աղաղակեցին, եւ կեցին, իքեզ յուսացան, եւ ոչ ամաչեցին :

Այլ ես որդն եմ, եւ ոչ եմ մարդ, նախատինք մարդկան, եւ արհամարհանք ժողովրդոց :

Ամենեքեան որք տեսանէին զիս, արհամարհէին զինեւ, խօսէին շրթթամբք, եւ շարժէին զգլուխս իւրեանց :

Յուսացաւ իՏէր, եւ փրկեսցէ զնա, կեցուցէ զնա, զի կամի զնա :

Դու ես՝ որ հաներ զիս յարգանդէ, յոյս իմ իստեանց մօր իմոյ :

Իքեզ անկայ ես յարգանդէ, յորովայնէ մօր իմոյ դու ես Աստուած իմ :

Մի իբացեայ առնիր յինէն՝ զի նեղութիւնք մերձեալ են, եւ ոչ ոք է՝ որ օգնէ ինձ :

Շուրջ եղեն զինեւ զուարակք բա-

զուժք . եւ ցուլք գէրք պաշարեցին զիս :
Բացին իմերայ իմ զբերանս իւրեանց,
որպէս առ իւժ՝ զի մռնչէ եւ յափշտակէ :

Ես որպէս զջուր հեղայ, եւ ցրուե-
ցան ամենայն ոսկերք իմ . եւ եղեւ
սիրտ իմ որպէս մոմ հալեալ իմէջ ո-
րովայնի իմոյ :

Չորացաւ որպէս խեցի զօրութիւն
իմ . լեզու իմ իքիմս իմ կցեցաւ . եւ
իհող մահու իջուցին զիս :

Շուրջ եղեն զինեւ շունք բազումք .
եւ ժողովք չարաց պաշարեցին զիս :

Ծակեցին զձեռս իմ եւ զոտս իմ,
եւ թուեցին զամենայն ոսկերս իմ . նո-
քա հայեցան եւ տեսին զիս :

Բաժանեցին զհանդերձս իմ իմէջ
իւրեանց, եւ իմերայ պատմուճանի ի-
մոյ վիճակս արկանէին :

Դու Տէր մի հեռի առներ զօգնու-
թիւն քո յինէն . եւ Տէր յօգնել ինձ
նայեաց :

Փրկեա իսրոյ զանձն իմ, եւ իձեռաց
շանց զմիամօրութիւն իմ :

Փրկեա զիս իբերանոյ առիւծու ,
յեղջերէ միեղջերուի զխոնարհութիւն
իմ :

Պատմեցից զանուն քո եղբարց իմոց .
եւ իմէջ եկեղեցւոյ օրհնեցից զքեզ :

Երկիւղածք Տեառն օրհնեցէք զՏէր .
եւ ամենայն զաւակն Յակոբեան փա-
ռաւոր արասցեն զնա :

Երկիցէ իՏեառնէ ամենայն զաւակն
Իսրայելի , զի ոչ արհամարհեաց եւ ոչ
անարգեաց Տէր զազօթս աղքատի , եւ
ոչ դարձոյց զերեսս իւր յինէն . այլ
իկարգալ իմում առ նա՝ լուաւ ինձ :

Իքէն է գովութիւն իմ Տէր , յեկե-
ղեցիս մեծս օրհնեցից զքեզ :

Զուխտս իմ կատարեցից առաջի ա-
մենայն երկիւղածաց նորա :

Կերիցեն տնանկք եւ յագեսցին ,
օրհնեսցեն զՏէր՝ ոյք խնդրեն զնա :

Կեցցեն սիրտք նոցա յաւիտեանս
յաւիտենից . յիշեսցեն , եւ դարձցին
առ Տէր ամենայն ծագք երկրի :

Երկիրսպագցեն նմա ամենայն սոհմք
ազանց . զի Տեառն է արքայութիւն ,

եւ նա տիրէ իվերայ ամենայն հեթա-
նոսաց :

Կերին եւ երկիր պագին նմա ամե-
նայն պարարտք երկրի. առաջի նորա
անկցին ամենեքեան՝ որք իջանեն իհող :

Անձն իմ նովաւ կեայ. եւ զաւակ իմ
ծառայեսցէ նմա :

Պատմեսցի Տեառն ազգ՝ որ գալոցն
է. պատմեսցեն զարդարութիւն նորա
ժողովրդեան որ ծնանելոցն է, զոր ա-
րար Տէր :

ՍԱՂՄՈՍ ԻԲ.

Եկատարած. Սաղմոս Գաւթի :

Տէր հովուեսցէ զիս, եւ ինձ ինչ ոչ
պակասեսցի :

Իվայրի դաւարւոջ անդ բնակեցոյց
զիս, եւ առ ջուրս հանդստեան սնոյց
զիս :

Գարձոյց զանձն իմ առ իս, եւ առաջ-
նորդեաց ինձ իճանապարհս արդա-
րութեան վասն անուան իւրոյ :

Թէպէտ եւ գնացից ես իմէջ ստուե-
րաց մահու, ոչ երկեայց իչարէ զի

դու Տէր ընդ իս ես :

Յուպ քո եւ դաւազան՝ նորա մխի-
թարեացեն զիս :

Պատրաստ արարեր առաջի իմ զսե-
զան՝ ակն յանդիման նեղչաց իմոց :

Օճեր իւղով զգլուխ իմ. բաժակ քո
որպէս անապակ արբեցոյց զիս :

Ողորմութիւն քո Տէր զհետ իմ եկես-
ցէ զամենայն աւուրս կենաց իմոց.
բնակել ինձ իտան Տեառն ընդ երկայն
աւուրս :

ՍՍ.ՂՄՈՍ ԻԳ.

Սաղմոս Գաւթի. միաշաբաթուն :

Տեառն է երկիր լրիւ իւրով. աշ-
խարհ եւ ամենայն բնակիչք նորա

Նա ինքն իվերայ ծովու հիմունս
էարկ նմա. իվերայ գետոց պատրաս-
տեաց զնա :

Ո՞վ ելցէ իլեառն Տեառն. կամ ո՞վ
կացցէ իտեղոջ սրբութեան նորա :

Որ սուրբ է ձեռօք եւ ամբիժ սրբ-
տիւ. որ ոչ էառ զնանրութիւն յանձն
իւր, եւ ոչ երգուաւ ընդ ընկերի իւ-

րում նենգութեամբ :

Սա առցէ զօգնութիւն իՏեառնէ ,
զողորմութիւն յԱստուծոյ փրկչէ իւրմէ :

Այս ազգ է որ խնդրէ զՏէր , խնդրէ
տեսանել զերեսս Աստուծոյ Յակօբայ :

Համբարձէք իշխանք զգրունս ձեր
իվեր , համբարձցին գրունք յաւիտե-
նից եւ մտցէ թագաւոր փառաց :

Ո՞վ է սա թագաւոր փառաց . Տէր
հզօր զօրութեամբ իւրով , Տէր հզօր
իպատերազմի :

Համբարձէք իշխանք զգրունս ձեր
իվեր . համբարձցին գրունք յաւիտե-
նից , եւ մտցէ թագաւոր փառաց :

Ո՞վ է սա թագաւոր փառաց . Տէր
զօրութեանց՝ սա ինքն է թագաւոր
փառաց :

ՍԱՂՄՈՍ ԻԴ .

Իկատարած . Սաղմոս Դաւթի .

Առ քեզ Տէր համբարձի զանձն իմ .
Աստուած իմ իքեզ յուսացայ , մի ամա-
չեցից . եւ մի ծիծաղեացին զինեւ թշ-
նամիք իմ :

Ամենեքեան որք համբերենք եղ, մի
ամաչեսցեն. այլ ամաչեսցեն անօրէնք
յունայնութեան իւրեանց :

Զճանապարհս քո Տէր ցոյց ինձ, եւ
զշաւիղս քո ուսո ինձ :

Առաջնորդեա ինձ իճշմարտութեան
քում եւ ուսո զիս, զի դու ես Աստուած
փրկիչ իմ. եւ ես քեզ համբերի զօր-
հանապաղ :

Յիշեա Տէր զգթութիւնս քո եւ զո-
ղորմութիւնս քո՝ որք են յաւիտենից :

Զմեղս մանկութեան իմոյ եւ զան-
գիտութեան իմոյ մի յիշեր. այլ յիշեա
զիս Տէր ըստ ողորմութեան քում վասն
քաղցրութեան քո. զի քաղցր եւ ու-
զիղ ես :

Վասն այսորիկ օրէնագէտ առնես
զմեղաւորս իճանապարհի. առաջնոր-
դես հեզոց իգատաստանի. եւ ուսու-
ցանես հեզոց զճանապարհս քո :

Ամենայն ճանապարհք Տեառն ո-
ղորմութեամբ եւ ճշմարտութեամբ են
այնոցիկ՝ ոյք խնդրեն զուխտ եւ զվկայ-
ութիւն նորա :

Վասն անուան քո Տէր քաւեա զմեզս
իմ, զի բազում եղեն. ո՞վ է մարդ որ
երկնչի իՏեառնէ. օրէնսդէտ առնէ զնա
իճանապարհի յոր եւ հաճեցաւ :

Անձն նորա իբարութեան հանդիցէ.
եւ զաւակ նորա ժառանգեսցէ զերկիր :

Զօրութիւն է Տէր երկիւղածաց իւ-
րոց. եւ զկտակարանս իւր ուսուցանէ
նոցա :

Աչք իմ յամենայն ժամ առ Տէր
են. եւ նա հանէ յորոգայթէ զոտս իմ :

Նայեա առ իս եւ ողորմեա ինձ,
զի միամօր եւ աղքատ եմ ես :

Նեղութիւնք սրտի իմոյ բազում ե-
ղեն յոյժ. եւ իմշտաց իմոց հան զիս :

Տես զխոնարհութիւն իմ եւ զվա-
տակ իմ, եւ թող ինձ զամենայն զմեզս
իմ :

Տես զթշնամիսն իմ զի բազում ե-
ղեն ատելութեամբ, որք ինանիր ատե-
ցին զիս :

Պահեա զանձն իմ եւ փրկեա զիս.
եւ մի յամօթ եղէց, զի յուսացայ իքեզ :

Ամբիժք եւ ուղիղք կցորդք եղեն

ինձ, եւ ես քեզ համբերի, փրկեա
Աստուած զԻսրայէլ յամենայն նեղու-
թեանց նորա:

ՍԱՂՄՈՍ ԻԵ .

Եկատարած . Սաղմոս Դաւթի :

Դատ արա ինձ Տէր զի ես յամբժու-
թեան իմում գնացի, իՏէր յուսացայ
զի մի եղէց հիւանդ:

Փորձեա զիս Տէր եւ քննեա զիս .
փորձեա զերիկամունս իմ եւ զսիրտ իմ:

Ողորմութիւն քո Տէր առաջի աչաց
իմոց, եւ հաճոյ եղէց ճշմարտութեան
քում:

Ոչ նստայց ես յաթոռս նանրաց, եւ
ընդ անօրէնս ես ոչ մտից:

Ատեցի ես զժողովս չարաց, եւ ընդ
ամբարիշտս ես ոչ նստայց:

Կուացից սրբութեամբ զձեռս իմ,
եւ շուրջ եղէց զսեղանով քով Տէր:

Կսել ինձ զձայն օրհնութեան քո,
եւ սպասմել զամենայն սքանչելիս քո:

Տէր, սիրեցի զվայելչութիւն տան
քո, եւ զատեղի յարկի փառաց քոց:

Մի կորուսաներ ընդ ամբարիշտս զան-
ձըն իմ, եւ մի ընդ արս արիւնահեղս
զկեանս իմ:

Որոց ձեռք իւրեանց յանօրէնու-
թեան են, եւ աջ նոցա լի է կաշառօք:

Ես յամբժութեան իմում գնացի,
փրկեա գիս Տէր եւ ողորմեա ինձ:

Ոտն իմ կացցէ յուղղութեան, յե-
կեղեցիս մեծս օրհնեցից զքեզ:

ՍԱՂՄՈՍ ԻԶ .

Սաղմոս Դաւթի . մինչչեւ օծեալ էր:

Տէր լոյս իմ եւ կեանք իմ՝ ես յում-
մէ երկեայց . Տէր ապաւէն կենաց իմոց՝
եւ յումմէ դողացայց:

Իմերձենալ առ իս չարաց ուտել
զմարմին իմ . նեղիչք իմ եւ թշնամիք
իմ, նոքա տկարացան եւ անկան:

Թէ պատրաստեսցի իվերայ իմ պա-
տերազմ, ոչ երկիցէ սիրտ իմ . թէ յա-
րիցէ իվերայ իմ ճակատամարտ, սա-
կայն եւ այսուիկ իքեզ Տէր յուսացայ:

Զմի խնդրեցի իՏեառնէ, եւ զսոյն
աղաչեմ . բնակիլ ինձ իտան Տեառն զա-

մենայն աւուրս կենաց իմոց :

Տեսանել ինձ զվայելչութիւն Տեա-
ռըն, եւ Հրաման տալ իտաճարի նորա :

Ծածկեաց զիս իխորանի իւրում յա-
ւուր չարի. ընդ յարկաւ արար զիս ի
ծածկոյթ խորանի իւրում :

Իվիմէ բարձր արարեր զիս, եւ այ-
ժըմ բարձր արա զգլուխ իմ իվերայ
թշնամեաց իմոց :

Շուրջ եղէց եւ մատուցից իխորանի
նորա պատարագ օրհնութեան. օրհնե-
ցից եւ սաղմոս ասացից Տեառն :

Լուր Տէր ձայնի իմում զի կար-
գացի առ քեզ. ողորմեա ինձ եւ լուր
ինձ, զի քեզ ասաց սիրտ իմ. եւ խըն-
դրեցին երեսք իմ, զերեսս քո Տէր խըն-
դրեցին :

Մի դարձուցաներ զերեսս քո յի-
նէն, եւ մի խոտորիր բարկութեամբ
իծառայէ քումմէ :

Օգնական իմ լեր Տէր, մի անար-
գեր զիս, եւ մի թողուր զիս Աստուած
փրկիչ իմ :

Հայր իմ եւ մայր իմ թողին զիս .

եւ Տէր իմ ընկալաւ զիս :

Օրէնսգէտ արա զիս Տէր իճանապարհի քում, եւ առաջնորդեա ինձ ի շաւիղս քո ուղիղս :

Վասն թշնամեաց իմոց, մի մատներ զիս իձեռս նեղչաց իմոց :

Յարեան իվերայ իմ վկայք մեղաց, եւ ստեցին ինձ յանօրէնութեան իւրեանց :

Հաւատացի տեսանել զբարութիւն Տեառն յերկրին կենդանեաց . համբեր Տեառն եւ քաջալերեաց . զօրացի սիրա քո եւ համբեր Տեառն :



ՍԱՂՄՈՍ ԻԷ.

Սաղմոս Գաւթի :

Առ քեզ Տէր կարգացի Աստուած իմ, մի լուեր յինէն, մի երբէք լուեսցես յինէն . նմանիցիմ այնոցիկ՝ ոյք իջանեն իգուր :

Լուր Տէր ձայնի խնդրուածաց իմոց յազաչել ինձ առ քեզ, իհամբառնալ ձեռաց իմոց իտաճար սուրբ քո :

Մի համարիր ընդ ամբարիշտս զան-

ձըն իմ՝ եւ մի՛ ընդ այնոսիկ՝ ոյք գործե՛ն զանօրէնութիւն՝ կորուսաներ զիս :

Ոյք խօսէին զխաղաղութիւն ընդ ընկերս իւրեանց . եւ չարութիւն է ի սիրտս նոցա :

Տուր նոցա Տէր ըստ գործոց նոցա . եւ ըստ անօրէնութեան գնացից նոցա հատո նոցա :

Ըստ գործոց ձեռաց նոցա հատո նոցա՝ զհատուցումն նոցա նոցին :

Ոչ իմացան նոքա զգործս Տեառն , եւ ոչ իգործս ձեռաց նորա հայեցան , կործանեսցես զնոսա , եւ այլ մի՛ շինեսցին :

Օրհնեալ է Տէր՝ զի լուաւ ձայնի աղօթից իմոց . Տէր օգնական իմ՝ եւ պաշտպան իմ :

Ինա յուսացաւ սիրտ իմ . օգտեցաւ եւ զուարճացաւ մարմին իմ . եւ ես կամօք իմովք խոստովան եղէց նմա :

Տէր զօրութիւն ժողովրդեան իւրոյ , ապաւէն փրկութեան օծելոյ իւրոյ :

Փրկեա զժողովուրդս քո, եւ օրհնեա զժառանգութիւնս քո. հովուեա եւ բարձրացո զնոսա մինչեւ յաւիտեան:

ՍԱՂՄՈՍ ԻԸ.

Սաղմոս Դաւթի. օրհնութեանց նաւահատեաց տաճարին:

Մատուցէք Տեառն՝ որդիք Աստուծոյ, մատուցէք Տեառն զորդիս խոյոց:

Մատուցէք Տեառն զփառս եւ զպատիւ. մատուցէք Տեառն զփառս անուան նորա. եւ երկիրպագէք Տեառն իսրահ սրբութեան նորա:

Ձայն Տեառն իվերայ ջուրց՝ եւ Աստուած փառաց որոտաց. եւ Տէր ինքն իվերայ ջուրց բազմաց:

Ձայն Տեառն զօրութեանց, եւ ձայն Տեառն մեծվայելչութեանց:

Ձայն Տեառն փշրէ զմայրս, եւ մանրէ Տէր զմայրսն իբրանանու:

Մանրեսցէ զնոսա որպէս զմատաղատունկն իբրանանու. որ սիրելին է որպէս զորդիս միեղջերուի:

Ձայն Տեառն հատանէ զբոց իհրոյ.

ձայն Տեառն շարժէ զանասպատն, եւ
խռովեցուցանէ Տէր զանասպատն կադէս:

Ձայն Տեառն հաստատէ զեղջերուս .
եւ յայտնի առնէ զանտառս:

Իտաճարի նորա ամենեքեան ասաս-
ցեն զփառս նորա:

Տէր զջրհեղեղս նստուցանէ եւ ցա-
ծուցանէ. թագաւորեսցէ Տէր յաւի-
տեան:

Տէր զօրութիւն ժողովրդեան իւրոյ
տացէ. եւ օրհնեսցէ զժողովուրդ իւր
իխաղաղութիւն:

ՍԱՂՄՈՍ ԻԹ.

Սաղմոս Դաւթի. ինոյն:

Բարձր առնեմ զքեզ Տէր, զի ըն-
կալար զիս, եւ ոչ ուրախ արարեր ըզ-
թշնամին իմ յիս:

Տէր Աստուած իմ՝ կարգացի առ
քեզ, եւ բժշկեցեր զիս. Տէր հաներ ի
դժոխոց զանձն իմ, եւ փրկեցեր զիս
յայնցանէ՝ որք իջանեն իգուբ:

Սաղմոս ասացէք Տեառն սուրբք նո-

րա . եւ խոստովան եղերուք յիշատակի սրբութեան նորա :

Սրամտութիւն է իբարկութեան նորա . եւ կեանք են իկամաց նորա :

Ընդ երեկոյս հանգիցեն լալիք . առաւօտու եղիցի ուրախութիւն :

Ես ասացի իբարեկենդանութեան իմում , թէ ոչ սասանեցայց յաւիտեան :

Տէր իկամս քո ետուր գեղոյ իմոյ զօրութիւն . դարձուցեր զերեսս քո յինէն , եւ ես եղէ խռովեալ :

Առ քեզ Տէր կարգացի , եւ առ Աստուած իմ աղաղակեցի . զինչ օգուտ է քեզ յարենէ իմմէ , թէ իջանեմ ես յապականութիւն :

Միթէ հող խոստովան առնիցի առ քեզ . կամ պատմեսցէ զճամարտութիւնն քո :

Լուաւ ինձ Տէր եւ ողորմեցաւ , եւ Տէր եղել ինձ օգնական :

Դարձոյց զսուգ իմ յուրախութիւն . եղերձ յինէն զքուրձ , եւ ինձ զգեցոյց զուրախութիւն :

Որպէս սաղմոս ասասցենք եղ փառք
իմ, եւ այլ մի եւս զղջացայց . Տէր Աս-
տուած իմ յաւիտեան խոստովան եղէց
քեզ :

ՍԱՂՄՈՍ Լ.

Եկատարած . նահատակութիւն գովութեան .

Սաղմոս Դաւթի :

Իքեզ Տէր յուսացայ, մի ամաչեցից
յաւիտեան . յարգարութեան քում փըր-
կեա եւ ապրեցո զիս :

Խոնարհեցո առ իս զունկն քո . վաղ-
վաղեա կեցուցանել զիս :

Լեր իմ Աստուած պաշտպան եւ տուն
ասլաւինի ասրեցուցանել զիս . զի հզօ-
րիչ իմ եւ ասլաւէն իմ գու ես :

Վասն անուան քո Տէր առաջնորդե-
ցեր ինձ, եւ սնուցեր զիս . եւ հանցեա
զիս յորագայթէ յայսմանէ՝ որ թա-
գուցաւ ինձ :

Դու ես պաշտպան իմ Տէր, եւ իձե-
ռըս քո յանձն առնեմ զհոգի իմ :

Փրկեցեր զիս Տէր Աստուած ճշմարտութեամբ քով. ատեցեր զայնոսիկ՝ ոյք պահեն զերկիւղ իսնոտիս :

Ես իՏէր յուսացայ, ցնծացայց եւ ուրախ եղէց իփրկութեան քում :

Զի հայեցար իխոնարհութիւն իմ, եւ փրկեցեր իվշտաց զանձն իմ, եւ ոչ մասնեցեր զիս իձեռս նեղչաց իմոց. եւ կացուցեր յանդորրու զոտս իմ :

Ողորմեա ինձ Տէր, զի նեղեալ եմ ես. խռովեցաւ իսրտմտութենէ ակն իմ, անձն իմ եւ փոր իմ :

Պակասեցան իցաւոց կեանք իմ, եւ ամբ իմ յոգւոց ելանելոյ :

Աղքատացաւ իտկարութենէ զօրութիւն իմ. եւ ոսկերք իմ խռովեցան :

Քան զամենայն թշնամիս իմ եղէ ես նախատ դրացեաց իմոց, յոյժ ահ եւ երկիւղ ծանօթից իմոց :

Ամենեքեան ոյք տեսանէին զիս՝ արտաքս փախչէին յինէն :

Մոռացեալ եղէ ես որպէս մեռեալ իսրտէ. եւ եղէ ես որպէս զանօթ կորուսեալ :

Զի լուայ ես զբամբասանս բազմաց՝
որք շուրջ էին զինեւ. իժողովիլ նոցա
իմիասին, առնուլ զանձն իմ՝ խորհե-
ցան. այլ ես իքեզ Տէր յուսացայ :

Ասացի, դու ես Աստուած իմ, եւ ի
ձեռս քո է ժառանգութիւն իմ :

Փրկեա զիս իձեռաց թշնամեաց ի-
մոց, եւ իհալածչաց իմոց :

Երեւեցո զերեսս քո իծառայս քո.
ապրեցո զիս Տէր ըստ ողորմութեան
քում. Տէր՝ մի յամօթ եղէց զի կար-
դացի առ քեզ :

Ամաչեսցեն ամբարիշտք, եւ իջցեն
իդժոխս. համր եղիցին շրթունք նեն-
գաւորք, ոյք խօսէին զարդարոյ զանի-
րաւութիւն՝ յամբարտաւանիլ եւ յան-
գոսնեւ իւրեանց :

Որպէս զի բազում է ողորմութիւն
քաղցրութեան քո Տէր, զոր պահեցեր
երկիւղածաց քոց :

Արարեր դու այնոցիք ոյք յուսա-
ցեալ են իքեզ, առաջի որդւոց մարդ-
կան :

Ամրացուցեր զնոսա իծածկոյթ երե-

սաց քոց իխուովութենէ մարդկան :

Ծածկեցեր զնոսա իխորանի քում, ի
հակառակութենէ լեզուաց :

Օրհնեալ է Տէր՝ զի սքանչելիս արար,
զողորմութիւն իւր իբաղաք ամուր :

Ես ասացի իղարմանալ իմում՝ թէ
ընկեցայ ուրեմն յերեսաց աչաց քոց :

Վասն այսորիկ լուար ձայնի աղօթից
իմոց՝ յաղաղակել իմում առ քեզ :

Սիրեցէք զՏէր ամենայն սուրբք նորա,
զի ստուգութիւն խնդրէ Տէր. եւ
հատուցանէ այնոցիկ՝ որք առաւել առ-
նեն զամբարտաւանութիւն :

Քաջալերացարուք, եւ զօրասցին
սիրտք ձեր, ամենեքեան՝ ոյք յուսա-
ցեալ էք իՏէր :

ՍԱՂՄՈՍ ԼԱ.

Իմաստութիւն. Սաղմոս Դաւթի :

Երանի՛ ում թողութիւն եղել մե-
ղաց, եւ ծածկեցան ամենայն յանցանք
նորա :

Երանի առն՝ որում ոչ համարի Տէր
զմեղս նորա, եւ ոչ գոյ նենգութիւն ի
բերան նորա:

Լուեցի ես՝ եւ մաշեցան ամենայն
ոսկերք իմ, առ աղաղակել ինձ առ Տէր
զօրհանապազ իտուէ եւ իգիշերի:

Մանրացաւ ձեռն քո իվերայ իմ.
դարձայ իթշուառութիւն, զի հարան
յիս փուշք:

Զմեղս իմ ցուցից քեզ եւ զանօրէ-
նութիւնս իմ ոչ ծածկեցից իքէն:

Ասացի՝ թէ պատմեցից ինձէն զմե-
ղրս իմ, եւ դու թողցես զամենայն ամ-
բարշտութիւնս մեղաց իմոց:

Վասն այսորիկ յաղօթս կացցեն առ
քեզ ամենայն սուրբք իժամ ընդունելի:

Իայց միայն իջուրցն հեղեղաց բազ-
մաց, որք առ նոսա ինձ ոչ մերձեսցին:

Դու ես ապաւէն իմ ինեղութենէ
յայսմանէ՝ որ շուրջ եղեն զինեւ:


Յնծութիւն իմ, փրկեա զիս յայն-
ցանէ՝ ոյք պաշարեցին զիս:

Իմաստուն արարից զքեզ եւ խելա-
մուտ իճանապարհ՝ յոր եւ գնասցես.

եւ հաստատեցից իվերայ քո զաչս իմ :
Մի լինիք որպէս զձիս եւ զՉորիս ,
զի ոչ գոյ ինոսա իմաստութիւն . իսան-
ձրս եւ իգանդանաւանդս ճմլեսցես ըզ-
կզակս նոցա , որք առ քեզ ինչ ոչ մեր-
ձեսցին :

Բազում տանջանք են մեղաւորաց ,
բայց ոյք յուսան իՏէր . ողորմութիւն
Տեառն շուրջ եղիցի զնոքօք :

Ուրախ եղերուք եւ ցնծացէք ար-
դարք . իՏէր պարծեցարուք ամենե-
քեան՝ ոյք ուղիղ էք սրտիւք :



ՍԱՂՄՈՍ ԼԲ .

Սաղմոս Դաւթի :

Յնծացէք արդարք իՏէր . ուղղոց
վայելէ օրհնութիւն . խոստովան եղե-
րուք Տեառն օրհնութեամբ . տասնա-
ղեալ սաղմոսարանալ սաղմոս ասացէք
նմա :

Օրհնեցէք զՏէր յօրհնութիւն նոր ,
զի է բարի . սաղմոս ասացէք նմա օրհ-
նութեամբ :

Ուղիղ են պատգամք Տեառն, եւ ամենայն դործք նորա հաւատովք են. եւ սիրէ զողորմութիւն եւ զիրաւունս Տէր :

Ողորմութեամբ Տեառն լի եղեւ երկիր, եւ բանիւ Տեառն երկինք հաստատեցան, եւ հոգւով բերանոյ նորա ամենայն զօրութիւնք նոցա :

Ժողովեաց որպէս իտիկ զջուրս ծովու. եւ դնէ իխորս զգանձս իւր :

Երկիցէ իՏեառնէ ամենայն երկիր. եւ ինմանէ զողասցին ամենայն բնակիչք աշխարհի :

Զի նա ասաց՝ եւ եղեն. ինքն հրամայեաց՝ եւ հաստատեցան :

Տէր ցրուէ զխորհուրդս հեթանոսաց. անարգէ Տէր զխորհուրդս ժողովրդոց. եւ արհամարհէ Տէր զխորհուրդս իշխանաց :

Խորհուրդ Տեառն յաւիտեան մնայ, եւ խորհուրդ սրտի նորա ազգէ մինչեւ յազգ :

Երանի ազգի՝ որոյ Տէր Աստուած օգնական է նմա. ժողովուրդ զոր ընտրեաց իժառանգութիւն իւր :

Յերկնից նայեցաւ Տէր յամենայն
որդիս մարդկան, իպատրաստ բնակու-
թենէ իւրմէ հայեցաւ յամենայն բնա-
կիչս աշխարհի :

Ո ստեղծ առանձին զսիրտս նոցա, ի
միտ առնու զամենայն գործս նոցա :

Ոչ թէ իբազում զօրս իւր ապրեսցի
թագաւոր, եւ ոչ հոգայ իբազում զօ-
րութեան իւրում :

Սուտ է ձի իփրկութեան իւրում, ի
բազում զօրութեան իւրում ոչ ապրե-
ցուցանէ զհեծեալն :

Աչք Տեառն իվերայ երկիւղածաց
իւրոց, եւ ոյք յուսան յողորմութիւն
նորա :

Փրկել իմահուանէ զանձինս նոցա,
եւ կերակրել զնոսա խոովու :

Անձինք մեր համբերեսցեն Տեառն,
զի օգնական եւ պաշտպան մեր է :

Ինա ուրախ եղիցին սիրաք մեր, եւ
յանուն սուրբ նորա յուսասցուք :

Եղիցի ողորմութիւն քո Տէր իվերայ
մեր, որպէս յուսացաք իբեզ :

ՍԱՂՄՈՍ ԼԳ.

Սաղմոս Դաւթի . ի ժամանակի զի սյլադունեաց զերեսս
իւր առաջի Աբիմէլեքայ . եւ սուր արձակեաց զնա , եւ
զնաց :

Օրհնեցից զՏէր յամենայն ժամ , յա-
մենայն ժամ օրհնութիւնն նորա իբե-
րան իմ :

ԻՏէր պարծեսցի անձն իմ . լուիցեն
հեզք , եւ ուրախ եղիցին :

Մեծ արարէք զՏէր ինեւ . եւ բարձր
արասցուք զանունն նորա իմիասին :

Խնդրեցի իՏեառնէ եւ լուաւ ինձ .
յամենայն նեղութենէ իմմէ փրկեաց
զիս :

Մատիք առ Տէր , եւ առէք զլոյս . եւ
երեսք ձեր մի ամաչեսցեն :

Այս աղքատ կարգաց առ Տէր , եւ
Տէր լուաւ սմա . յամենայն նեղութե-
նէ սորա փրկեաց զսա :

Բանակք հրեշտակաց Տեառն շուրջ
են զերկիւղածովք իւրովք , եւ պահեն
զնոսա :

Ճաշակեցէք եւ տեսէք զի քաղցր է
Տէր . երանեալ է այր ' որ յուսայ ինա :

Երկերուք իՏեառնէ ամենայն սուրբք նորա . զի ոչինչ է պակասութիւն երկիւղածաց նորա :

Մեծամեծք աղքատացան եւ քաղցեան . բայց ոյք խնդրեն զՏէր՝ մի պակասեսցի ինոցանէ ամենայն բարութիւն :

Եկայք որդեակք իմ, լուարուք ինձ, եւ զերկիւղ Տեառն ուսուցից ձեզ :

Ո՞վ է մարդ՝ որ կամի զկեանս, սիրէ զաւուրս իւր տեսանել իբարութեան :

Լռեցո զլեզուք ի չարութենէ . եւ շրթունքք մի խօսեսցի զնենգութիւն :

Խոտորեա ի չարէ, եւ արա զբարի . խնդրեա զխաղաղութիւն, եւ երթ ըզհետ նորա :

Աչք Տեառն իվերայ արդարոց, եւ ականջք նորա իվերայ աղօթից նոցա :

Երեսք Տեառն իվերայ չարադործաց . սատակել յերկրէ զյիշատակս նոցա :

Կարգացին արդարքն առ Տէր, եւ Տէր լուաւ նոցա . յամենայն նեղութենէ նոցա փրկեաց զնոսա :

Մերձ է Տէր առ այնօսիկ՝ որք մա-

շեալ են սրտիւք. եւ զխոնարհս հոգւով կեցուցանէ :

Բազում նեղութիւնք են արդարոց . յամենայնէ փրկէ զնոսա Տէր . եւ պահէ զամենայն ոսկերս նոցա , եւ մի ինացանէ մի փշրեսցի :

Մահ մեղաւորին չար է . բայց որ ատէ զարդարն՝ զղջացի :

Փրկէ Տէր զանձինս ծառայից իւրոց , մի զղջացին ամենեքեան՝ ոյք յուսացեալ են ինա :

ՍԱՂՄՈՍ ԼԴ .

Եկատարած . Սաղմոս Դաւթի :

Դատեա Տէր զայնոսիկ՝ ոյք զատեն զիս , մարտիր ընդ այնոսիկ՝ որք մարտընչին ընդ իս :

Ա՛ռ զզէն եւ զասպար քո , եւ արի յօգնել ինձ . հան զսուր քո ընդդէմ հալածչաց իմոց , արգել զնոսա . եւ ասա գուցանձն իմ՝ թէ փրկութիւն քո ես եմ :

Ամաչեսցեն եւ յամօթ լիցին՝ ոյք
խնդրէին զանձն իմ, դարձցին յետս
եւ ամաչեսցեն՝ ոյք խորհէին ինձ չար :

Եղիցին նոքա որպէս փոշի առաջի
հողմոյ, եւ հրեշտակ Տեառն նեղեսցէ
զնոսա :

Եղիցին ճանապարհք նոցա իխաւար
եւ իգայթակղութիւն, եւ հրեշտակ
Աստուծոյ հալածեսցէ զնոսա :

Ինանիր թագուցին ինձ որոգայթ
յապականութեան իւրեանց, եւ ինանիր
նախատեցին զանձն իմ :

Հասցէ իվերայ նոցա որոգայթ՝ զոր
ոչ գիտացին, եւ որսն զոր թագուցին՝
առցէ զոտս նոցա, եւ յորոգայթ ինոյն
անկցին :

Այլ անձն իմ ցնծասցէ իՏէր, ուրախ
եղիցի իփրկութեան նորա, եւ ամենայն
ոսկերք իմ ասասցեն, Տէր օ նման է
քեզ :

Զի փրկեաց զաղքատն իձեռաց հզօ-
րի, զաղքատն եւ զտնանկն յայնցանէ՝
որք յափշտակեն զնա :

Յարեան իվերայ իմ վկայք չարաց .

եւ զոր ինչ ոչ գիտէի՝ հարցանէին յիս :

Հատուցին ինձ շար փոխանակ ընդ-
բարւոյ . անժառանգել զանձն իմ խոր-
հեցան յորդուոյ իմարդկանէ :

Ես ինեղել նոցա քուրձ զգենուի ,
խոնարհ առնէի սրահօք զանձն իմ . եւ
աղօթք իմ իծոց իմ դարձցին :

Որպէս զեղբայր եւ զընկեր՝ այսպէս
հաճոյ լինէի . որպէս զսգաւոր եւ ըզ-
տրտում , այնպէս խոնարհ առնէի :

Ի վերայ իմ ուրախ եղեն եւ ժողո-
վեցան . ժողովեցան յիս տանջանք , եւ
եւս ոչ ծանեայ . ցրուեցան՝ եւ ոչ զըզ-
ջացան :

Փորձեցին զիս եւ արհամարհեցին
արհամարհանօք . կրճատեցին ի վերայ
իմ զատամուռս իւրեանց . Տէր , երբ
տեսցես :

Իբաց արա զանձն իմ ի խորաման-
կու թենէ նոցա , եւ յառիւծուց զմիա-
մօրու թիւն իմ :

Խոստովան եղէց քեզ Տէր՝ յեկեղե-
ցիս մեծս , եւ ի ժողովս բազմաց օրհնե-
ցից զքեզ :

Մի ուրախ եղիցին յիս թշնամիք
իմ, ոյք ատէին զիս խաարապարտուց .
ակնարկի առնէին յիս աչօք իւրեանց :

Ընդ իս զխաղաղութիւն խօսէին .
եւ ինքեանք բարկութեամբ զնենդու-
թիւն խորհէին :

Բացին իվերայ իմ՝ զբերանս իւր-
եանց . եւ ասացին՝ այո՛, այո տեսին
աչք մեր :

Տեսեր Տէր՝ եւ մի լռեր . Տէր՝ մի
իբացեայ առնիր յինէն :

Զարթիր եւ հայեաց Տէր՝ յիրաւունս
իմ . Աստուած իմ եւ Տէր իմ իդատաս-
տանս իմ . եւ իրաւ արա ինձ ըստ ար-
դարութեան քում, Տէր Աստուած իմ :

Մի ուրախ եղիցին յիս թշնամիք
իմ . եւ մի ասացեն իսիրտս իւրեանց,
թէ վաշ վաշ անձանց մերոց, զի ընկ-
լուզաք զնա :

Ամաչեսցեն եւ յամօթ լիցին՝ ոյք
խնդան ընդ չար իմ . զդեցցին զամօթ
եւ զանարգանս՝ ոյք մեծաբանեն իվե-
րայ իմ :

Յնծասցեն եւ ուրախ լիցին իքեղ ա-

մենեքեան՝ ոյք կամին ընդ արդարութիւն իմ :

Ասասցեն յամենայն ժամ, մեծ է Աստուած. եւ ոյք կամին զխաղաղութիւն ծառայի քո :

Լեզու իմ խօսեսցի զարդարութիւնս քո, զօրհանապազ զգովութիւնս քո :

ՍԱՂՄՈՍ ԼԵ.

Եկատարած, ծառայի Տեառն. Սաղմոս Գաւթի :

Ասէ անօրէնն մեզանչեւ ընդ միտս իւր, թէ չիք երկիր զ Աստուծոյ առաջի աչաց նորա :

Նենգեաց առաջի նորա, գտանել զանօրէնութիւն, եւ ատել զնա :

Բանք բերանոյ նորա անօրէնութիւն եւ նենգութիւն են :

Ոչ կամեցաւ նա իմանալ զբարի. զանօրէնութիւն խորհեցաւ յանկողնի իւրում :

Եկաց նա յամենայն ճանապարհ որ ոչ է բարի. եւ իչարէ նա ոչ ձանձրացաւ :

Տէր՝ յերկինս է ողորմութիւն քո. ճշմարտութիւն քո մինչեւ յամպս :

Արդարութիւն քո որպէս լերինք Աստուած . իրաւունք քո որպէս խորք բազումք . զմարդիկ եւ զանասուն կեցուցանես դու Տէր :

Որպէս զի բազում արարեր զողորմութիւն քո Աստուած . այլ որդիք մարդկան իհովանի թեւոց քոց յուսասցին :


Արբեսցին նոքա իպարարտութենէ տան քո . եւ զուղիս փափկութեան քո տացես ըմպել նոցա :

Իքեն է Տէր աղբիւր կենաց , եւ լուսով երեսաց քոց տեսանեմք զլոյս :

Ծագեա զողորմութիւնս քո՝ ոյք ճանաչեն զքեզ , զարդարութիւնս քո՝ ոյք ուղիղ են սրտիւք :

Մի եկեսցեն իվերայ մեր ոտք ամբարտաւանից , եւ ձեռք մեղաւորաց մի գողացուցեն զմեզ :

Անդ անկցին ամենեքեան՝ ոյք գործեն զանօրէնութիւն . մերժեսցին եւ այլ մի կարասցեն հաստատիլ :



ՕՐՀՆՈՒԹԻՒՆ ՄԵԾԻՆ ՄՈՎԱՍԻՍԻ

ԱՍՏՈՒԱԾԱՏԵՍ ՄԱՐԳԱՐԷԻ.

Բ Օրինաց, ԼԲ:

Նայեցարուք երկինք, եւ խօսեցայց լուիցէ երկիր զպատգամս բերանոյ իմոյ:

Ընդունելի լիցի որպէս անձրեւ բարբառ իմ, եւ իջցեն որպէս ցօղ պատգամք իմ:

Որպէս անձրեւ իվերայ սիզոյ, որպէս տարափ իվերայ խոտոյ. զի զանուն Տեառն կարգասցուք. եւ տուք օրհնութիւն Տեառն Աստուծոյ մերոյ:

Աստուած՝ որոյ ճշմարտութեամբ են գործք նորա, եւ ամենայն ճանապարհք նորա իրաւամբք են:

Աստուած հաւատարիմ է, եւ ոչ գոյ ինմա անիրաւութիւն. արդար եւ ճշմարիտ է Տէր:

Մեղան՝ եւ ոչ նմա՝ որդիքն արատոյ, ճնունդք խոսորեալք եւ թիւրեալք:

Ո՞չ այդ այն է՝ զոր Տեառն հասուցանէիք դուք, ժողովուրդք յիմարք եւ ոչ իմաստունք :

Ո՞չ սա ինքն է Հայր քո, որ ստացաւ զքեզ, արար զքեզ, եւ ստեղծ զքեզ :

Յուշ լիցին քեզ աւուրքն յաւիտենից . իմացարուք զամս ազգաց մինչեւ յազգս :

Հարցջիր դու ցհարս քո՝ եւ պատմեսցեն քեզ, ցծերս քո՝ եւ ասասցեն քեզ :

Իժամանակի՛ յորժամ բաժանեաց Բարձրեալն զազգս ամենայն . որպէս տիռեաց նա զորդիսն Ադամայ :

Կացոյց սահմանս հեթանոսաց ըստ թուոյ հրեշտակաց Աստուծոյ :

Եղեւ բաժին Տեառն ժողովուրդ իւր Յակոբ, եւ վիճակ ժառանգութեան իւրոյ Իսրայէլ :

Բաւական եղեւ նմա յանապատի . ի ծարաւ տօթոյ յանջրդւոջ պաշտպանեաց զնա :

Խրատեաց զնա, եւ պահեաց որպէս բիրական . որպէս զարծուի իթեւս իւր

ընկալաւ զնա, եւ որպէս իվերայ ձագուց իւրոց գթացաւ :

Տարածեաց զթեւս իւր, եւ ընկալաւ զնա. եւ բարձեալ բերէր զնա իվերայ միջնողաց իւրոց :

Տէր միայն ածէր զնոսա, եւ ոչ գոյր ընդ նոսա աստուած օտար :

Էած եհան զնոսա իզօրութիւնս երկրի. եւ կերակրեաց զնոսա արդեամբք անդաստանաց :

Դիեցոյց նոցա մեզր իվիմէ, եւ իւզ յապառած վիմէ :

Իւզ կովուց եւ կաթն մաքեաց, ճարպով հանդերձ խոյոց որթուց, ցլուց եւ նոխազաց :

Զպարարտութիւն երիկամանց ցորենոյ, եւ զարիւն խաղողոյ էարբ գինի :

Եկեր Յակովբ եւ յագեցաւ, եւ անգուշեաց զսիրելին :

Գիրացաւ, օտուարացաւ, լայնացաւ. եթող զՏէր Աստուած զարարիչ իւր, եւ յետս եկաց յԱստուծոյ Փրկչէ իւրմէ :

Բարկացուցին զիս օտարոտիւք իւր-

եանց, եւ կռուիք իւրեանց դառնացուցին զիս :

Զոհեցին գիւաց՝ եւ ոչ Աստուծոյ .
գիցն՝ զորս ոչ գիտէին . նոր եւ առ-
ժամայնք, զորս բնաւ ոչ ճանաչէին
հարք նոցա :

Թողին զՏէր՝ որ ծնաւ զնոսա . մոռա-
ցան զԱստուած՝ որ կերակրեաց զնոսա :

Ետես Տէր եւ նախանձեցաւ . եւ
սրամտեցաւ ի վերայ ուստերաց եւ դըս-
տերաց նոցա, եւ ասէ .

Դարձուցից զերեսս իմ՝ ինոցանէ, եւ
ցուցից նոցա զինչ լինելոց իցէ յասպ
ժամանակի :

Զի ազգ մի թիւր են նոքա՝ եւ որ-
դիք անհաւանք, նոքա նախանձեցուցին
զիս իչաստուածս իւրեանց, եւ դառ-
նացուցին զիս իկուռս իւրեանց :

Արդ եւ ես նախանձեցուցից զնոսա
յազգ անպիտան . եւ անմիտ ազգաւ
զկծեցուցից զնոսա :

Փսալմ Զօր եւ Որդւոյ եւ :



ՄԱՂԹԱՆՔ

Տուք փառս Աստուծոյ, տուք օրհնութիւն մարդասիրին թագաւորին յաւիտենից, որ փրկէ զճառայս իւր եւ կեցուցանէ :

Մարդասէր Տէր, վասն սրբուհւոյ անարատի մօքո եւ Կուսի, եւ վասն խաչի քո պատուականի, ընկալ զաղաջանս մեր եւ կեցո զմեզ :

Քարող եւ աղօթք երկինք ՊԱՏՄԵՆ եւ Տէր ԱՊՍԻԷՆ կանոնացն :

Վասն իգիշերի եւ իտունջեան եւ յամենայն ժամու խօսել մեզ զբան Տեառն, զՏէր աղաջեսցուք. Տէր ողորմեա :

Վասն ջանկանելոյ մեզ իփորձութիւն՝ որում ոչ կարեմք հանդուրժել, զՏէր աղաջեսցուք :

Վասն անրիժ եւ անդատապարտ կալ մեզ առաջի ահեղ ատենին՝ Քրիստոսի, զՏէր աղաջեսցուք :

Վասն առաջնորդելոյ մեզ ինաւահանգիստն կենաց անվախճանից, զՏէր աղաջեսցուք :

Վասն արժանի լինելոյ մեզ վերին կոջմանն եւ երկնից արքայութեանն, զՏէր աղաջեսցուք :

Վասն հոգւոցն : Եւ եւս : Զանձինս : Ողորմեաց :

Աղօթք :

Իգիշերի եւ խոունջեան եւ յամենայն ժամու գրեզ աղաչեմք , եւ իքէն խնդրեմք՝ մարդասէր Տէր : Լուր մեզ Աստուած Փրկիչ մեր . խոնարհեսցի ունկն քո ի խնդրուածս մեր , զի մի ունայն լիցին վաստակք ծառայից քոց . այլ համարեա զաշխատութիւնս մեր իգործ արդարութեան եւ իպտուղ աստուածպաշտութեան : Ընկալ Տէր զաղօթս եւ զերկրպագութիւնս մեր , եւ հատո մեզ զողորմութիւն քո առատապէս . ծածկեա զմեզ ընդ հովանեաւ ամենազօր աջոյ քո . զօրացո զմեզ Տէր՝ զօրութեամբ սուրբ Հոգւոյդ . սահեա զմեզ որպէս բիր ական , եւ արա առ մեզ նշան բարի իգովեստ եւ խիառարանութիւն անուանդ քոմ սրբոյ : Զի իքո փառս կատարի ամենայն արարածոց մշտնջենաւոր փառարանութիւն իբարձունս , Հօր եւ Որդւոյ եւ Հոգւոյն սրբոյ , այժմ եւ միշտ եւ յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկրպագեսցուք :

Հովիւ քաջ՝ հովիւ բարի եւ յաւիտենական , նայեաց եւ այց արա բանաւոր հօտի քո , զոր ժողովեցեր առ քեզ գթութեամբ քով : Զի քո առաջի

կամք Տէր , եւ առ իբէն ողորմութեանցդ եւ գթութեանցդ ակն ունիմք : Զամենեսեան օրհնեա , զամենեսեան իմաստնացո , զամենեսեան լուսաւորեա , եւ ամենեցուն պարգեւեա զերկնից արքայութիւնդ : Վասն զի դու ես Տէր կենաց եւ Աստուած ողորմութեանց . եւ քեզ վայելէ փառք իշխանութիւն եւ պատիւ , այժմ եւ միշտ եւ յաւիտեանս յաւիտենից . ամէն :

Մաղթանք :

Իգիշերի եւ իտունջեան եւ յամենայն ժամու անդադար փառաւորեմք զՀայր եւ զՈրդի եւ զսուրբ Հոգիդ , այժմ եւ միշտ եւ յաւիտեանս յաւիտենից . ամէն :

Օրհնեալ Տէր մեր Յիսուս Քրիստոս . ամէն :

Հայր մեր որ յերկինս :



Սաղմոս Դաւթի:



ի նախանձիր ընդ չարս, եւ մի ընդ այնոսիկ՝ ոյք գործեն զանօրէնութիւն:

Զի որպէս խոտ վաղվաղակի ցամաքեսցին. որպէս զղալարի խոտոյ վաղվաղակի անցցեն:

Յուսա իՏէր եւ արա զքաղցրութիւն. բնակեա յերկրի, եւ հովուեսցիս իմեծութեան նորա:

Ժտեա իՏեառնէ, եւ նա տացէ քեզ զինդրուածս՝ սրտի քո. յայտնեա առաջի Տեառն զճանապարհս քո, եւ յուսա ինա:

Նա արասցէ եւ հանցէ որպէս զլոյս զարգարութիւնս քո, եւ զիրաւունս քո որպէս զօր հասարակ:



Հնազանդ լեր Տեառն, եւ ծառայեա
նմա. եւ մի նախանձիր ընդ այնոսիկ՝
որոց առակեալ իցեն ճանապարհք իւր-
եանց ընդ մարդոյ՝ որ գործէ զանօ-
րէնութիւն:

Լռեա իբարկութենէ, եւ հանգիր
իսրամտութենէ, եւ մի նախանձիր
ընդ չարս:

Զի չարք վաղվաղակի սատակեսցին.
բայց ոյք համբերեն Տեառն՝ նոքա ժա-
ռանգեսցեն զերկիր:

Փոքր մի եւ այլ ոչ եւս իցէ ամբա-
րիշտն. խնդրեսցես զաեղի նորա՝ եւ
ոչ գացես:

Այլ որ հեզքն են՝ նոքա ժառանգե-
ցեն զերկիր, եւ փափկասցին իբազում
խաղաղութեան իւրեանց:

Սպասէ մեղաւորն արդարոյ, եւ
կրճտէ իվերայ նորա զատամուկս իւր,
այլ Տէր ծիծաղեսցի զնովաւ:

Քանզի յառաջագոյն տեսանէ՝ զի
հասեալ է օր նորա:

Սուր հանին մեղաւորք, եւ լարեցին
զազեղունս իւրեանց՝ հարկանել զաղ-

քատն եւ զանանկն, սպանանել զայն՝
որ խոնարհն է սրաիւ :

Սուրբ նոցա մտցեն խիւրտս նոցա,
եւ աղեղունք նոցա վշրեսցին :

Լաւ է սակաւիկ ինչ արդարոյ, քան
զբազում մեծութիւն մեղաւորաց. եւ
բազուկք ամբարշտաց խորտակեսցին :

Հաստատէ Տէր զարդարս, եւ ճա-
նաչէ զաւուրս ամբժից. ժառանգու-
թիւն նոցա յաւիտեան եղիցի :

Մի ամաչեսցեն նոքա իժամանակս
չարութեան. այլ յաւուրս սովու յա-
գեսցին :

Ահա մեղաւորք կորիցեն. այլ թըշ-
նամիք Տեառն իփառաւորիլ եւ իբար-
ձրանալ իւրեանց պակասեսցին որպէս
ծուխ, զի պակասի :

Փոխ առնու մեղաւորն եւ ոչ հա-
տուցանէ, այլ որ արդարն է՝ ողորմի
եւ տայ :

Ոյք օրհնեն զՏէր՝ ժառանգեսցեն
զերկիր. եւ ոյք անիծանեն՝ սատակես-
ցին ինմանէ :

ԻՏեառնէ ուղղին գնացք առն. զճա-

նապարհս նորա նա կամի յոյժ :

Թէպէտ եւ գայթակղեսցի՝ նա մի կործանեսցի, զի Տէր ձեռնկալու է նորա :

Մանուկ էի ես՝ եւ ծերացայ . եւ ոչ տեսի զարդարն արհամարհեալ, եւ ոչ զաւակ նորա՝ թէ մուրանայ հաց :

Զօրհանապազ ողորմի եւ տայ փոխ . զաւակ նորա օրհնեալ եղիցի յաւիտեան :

Խոտորեա իջարէ, եւ արա զբարի . եւ բնակեսցիս յաւիտեանս յաւիտենից ինմա :

Տէր սիրէ զիրաւունս, եւ ոչ ընդ վայր հարկանէ զսուրբս իւր . այլ յաւիտեան պահէ զնոսա :

Անօրէնք հալածեսցին իմիասին, եւ զաւակք ամբարշտաց սատակեսցին :

Այլ արդարք ժառանգեսցեն զերկիր, եւ բնակեսցին յաւիտեանս յաւիտենից ինմա :

Բերան արդարոյ խորհի զիմաստու թիւն, եւ լեզու նորա խօսեսցի զիրաւունս :

Օրէնք Աստուծոյ իւրոյ են իսրաի

իւրում, եւ մի գայթակղեսցին գնացք
նորա :

Հայի մեղաւորն ընդ արդար, եւ
խնդրէ սպանանել զնա. այլ Տէր ոչ
թողու զնա ի ձեռս նորա, եւ ոչ դա-
տապարտէ զնա յորժամ դատէ զնա :

Համբեր Տեառն եւ պահեա զճանա-
պարհս նորա. եւ բարձր արասցէ զքեզ
ի ժսուանգել զերկիր, եւ զսատակումն
մեղաւորաց տեսցես :

Տեսի զամբարիշտն վերացեալ եւ
բարձրացեալ որպէս զմայրօն Լիբանա-
նու :

Անցի, եւ ահա ոչ էր. խնդրեցի,
եւ ոչ գտաւ տեղի նորա :

Պահեա զամբժութիւն, եւ տես զուղ-
ղութիւն զի գոն մնացուածք առն խա-
ղաղարարի :

Անօրէնք հալածեսցին իմիասին. եւ
զաւակք ամբարշտաց կորիցեն :

Փրկութիւն արդարոց իՏեառնէ է.
վերակացու է նոցա ի ժամանակս նե-
ղութեան :

Օգնեսցէ նոցա Տէր, եւ փրկեսցէ ըզնոսա. ապրեցուսցէ իմեղաւորաց, եւ կեցուսցէ զնոսա, զի յուսացան ինա:



ՍԱՂՄՈՍ ԼԷ.

Սաղմոս Դաւթի. առ Իյիշատակ շաբաթու:



Տէր մի սրտմտութեամբ քով յանգիմաներ զիս, եւ մի բարկութեամբ քով խրատեր զիս:

Զի նետք քո հարան յիս, եւ յիս հաստատեցաւ ձեռն քո:

Ոչ գոյ բժշկութիւն մարմնոյ իմոյ՝ յերեսաց բարկութեան քո:

Ոչ է խաղաղութիւն ոսկերաց իմոց՝ յերեսաց մեղաց իմոց:

Անօրէնութիւնք իմ բարձրացան քան զգլուխ իմ. որպէս բեռն ծանր ծանրացան ի վերայ իմ:

Նեխեցան եւ փտեցան վէրք իմ յերեսաց անզգամութեան իմոյ:

Տառապեցայ եւ խոնարհ եղէ յոյժ. զօրհանապազ տրտում գնայի, զի անձն

իմ լի եղեւ չարչարանօք . եւ ոչ գոյ
բժշկութիւն մարմնոյ իմոյ :

Չարչարեցայ եւ խոնարհ եղէ մինչեւ
յոյժ . մռնչէի առ հեծութեան սրտի
իմոյ :

Տէր առաջի քո է ամենայն ցանկու-
թիւն իմ , եւ հեծութիւն իմ իբէն ոչ
ծածկեցաւ :

Սիրտ իմ խռովեցաւ յիս , եւ եթող
զիս զօրութիւն իմ . լոյս աչաց իմոց ,
եւ այս ոչ եղեւ ընդ իս :

Բարեկամք իմ եւ մերձաւորք իմ
առաջի իմ մերձեցան եւ կացին , եւ
մերձաւորք իմ հեռի եղեն յինէն :

Բռնադատէին զիս եւ խնդրէին զան-
ձըն իմ՝ ոյք խորհէին չար իվերայ իմ ,
խօսեցան զանօրէնութիւն , եւ զնենգու-
թիւն զօրհանապազ խորհեցան :

Այլ ես որպէս խուլ՝ զի ոչ լսէ . որ-
պէս համր՝ որ ոչ բանայ զբերան իւր :

Եղէ ես որպէս մարդ՝ որ ոչ լսէ , եւ
ոչ գոն խօսք իբերան նորա :

Ես իբեզ Տէր յուսացայ , եւ դու լուի-
ցես ինձ , Տէր Աստուած իմ :

Ասացի՛ թէ մի ուրախ եղիցին յիս
թշնամիք իմ. իսասանիլ ոտից իմոց՝
իվերայ իմ մեծամեծս խօսեցան :

Ես իտանջանս պատրաստ եմ, եւ
ցաւք իմ առաջի իմ են յամենայն
ժամ :

Զանօրէնութիւնս իմ պատմեցից, եւ
հոգացայց վասն մեղաց իմոց :

Իսկ արդ թշնամիք իմ կենդանի են,
եւ զօրացեալք են քան զիս. եւ բա-
զումք էին՝ ոյք ատէին զիս իտարա-
պարտուց :

Ոյք հատուցին ինձ չար փոխանակ
ընդ բարւոյ. չարախօսէին զինէն, զի
ես երթայի զհետ արդարութեան :

Մի թողուր զիս Տէր Աստուած իմ,
եւ մի իբացեայ առնիր յինէն. հայեաց
յօգնել ինձ՝ Տէր փրկութեան իմոյ :

ՍԱՂՄՈՍ ԼԸ.

Իկատարած . յիդիդովմայ օրհնութիւնս . Սաղմոս Դաւթի :

Ասացի՛ թէ պահեցից զճանապարհս
իմ, զի մի մեղայց չեղուաւ իմով :

Եղի պահապան բերանոյ իմոյ՝ իհա-
կառակիլ մեղաւորին առաջի իմ:

Խուլ եղէ եւ խոնարհեցայ. լռեցի ի
բարութենէ, եւ ցաւք իմ նորոգեցան
յիս:

Ջեռաւ սիրտ իմ իփոքի իմում, եւ
իխորհուրդս իմ վառեցաւ հուր:

Խօսեցայ լեզուաւ իմով եւ ասացի.
ցոյց ինձ Տէր զկատարած իմ, եւ զթիւ
աւուրց իմոց՝ քանիօն է, զի գիտացից
թէ որչափ ինչ պակասեալ է յինէն:

Ահա չափով եղեր զաւուրս իմ. եւ
կար զօրութեան իմոյ որպէս ոչինչ է
առաջի իմ. սակայն ամենեւին ընդու-
նայն է ամենայն մարդ մսեղի:

Ապաքէն որպէս իպատկերի շրջի
մարդ, սակայն իզուր խռովի. գանձէ՛
եւ ոչ գիտէ ո՛ւմ ժողովէ:

Իսկ արդ ո՞վ է համբերութիւն իմ,
թէ ոչ դու Տէր. կամ կար զօրութեան
իմոյ՝ թէ ոչ իքէն:

Յամենայն անօրէնութենէ իմմէ փր-
կեցեր զիս. նախատինս անզգամաց. ա-
րարեր զիս:

Լուռ եղէ եւ ոչ բացի զբերան իմ,
զի դու արարեր:

Իբաց արա յինէն զտանջանս իմ, զի
իզօրութենէ ձեռին քո ես պակասեցայ:

Կշտամբութեամբ վասն մեղաց խրատեցեր զմարդ. մաշեցեր որպէս սարգիոստայն զանձն նորա. սակայն ընդունայն է ամենայն մարդ:

Լուր Տէր աղօթից իմոց, ունկն դիր խնդրուածաց իմոց, արտասուաց իմոց մի լուեր:

Պանդուխտ եմ ես առաջի քո, նժգեհ եւ անցաւոր որպէս ամենայն հարք իմ:

Թոյլ արա ինձ զի հանգեայց մինչ-չեւ երթեալ իցեմ, եւ այլ ոչ եւս գլտանիցիմ:

ՍԱՂՄՈՍ ԼԹ.

Սկատարած. Սաղմոս Գաւթի:

Համբերելով համբերի Տեառն, եւ նայեցաւ առ իս եւ լուաւ աղօթից իմոց:

Եհան զիս իգբոյ տառապանաց, ի կաւոյ եւ իտղմոյ:

Հաստատեաց իվերայ վիմի զոսս իմ,
եւ ուղղեաց զգնացս իմ:

Էարկ իբերան իմ օրհնութիւն նոր,
զօրհնութիւն Տեառն Աստուծոյ մերոյ:

Տեսցեն բազումք եւ երկիցեն, եւ
յուսասցին իՏէր. երանեալ է այր՝ որոյ
անուն Տեառն յոյս է նորա:

Ոչ հայեցաւ նա ինանրութիւն, եւ
ոչ իմոլութիւն սուտ:

Բազում արարեր գու Տէր Աստուած
իմ զսքանչելիս քո, եւ խորհրդոց քոց՝
ոչ ոք է որ նմանիցի քեզ:

Պատմեցի եւ խօսեցայ, եւ բազումք
եղեն քան զթիւս, ընդ զոհս եւ ընդ
պատարագս ոչ հաճեցար. լսելիս հաս-
տատեցեր ինձ. զողջակէզս եւ զվասն
մեղացն ոչ խնդրեցեր:

Յայնժամ ասացի՝ թէ ահաւասիկ
գամ ես, իգլուխս գրոց գրեալ է
վասն իմ:

Առնել զկամս քո Աստուած իմ կա-
մեցայ, եւ զօրէնս քո իմէջ որովայնի
իմոյ:

Աւետարանեցից զարդարութիւնս քո

յեկեղեցիս մեծս. ահա զշրթունս իմ
ոչ արգելից իքէն :

Տէր դու գիտացեր՝ զի զարդարու-
թիւնս քո ոչ ծածկեցի խորաի իմում,
ճշմարտութիւնս քո եւ փրկութիւնս քո:

Ասացի եւ ոչ թագուցի զողորմու-
թիւնս քո, եւ ճշմարտութիւնս քո ի
ժողովրդենէ մեծէ :

Այլ դու Տէր մի հեռի առներ ըզ-
գթութիւնս քո յինէն. զի ողորմու-
թիւն քո եւ ճշմարտութիւն քո յամե-
նայն ժամ ընկալցի զիս :

Շուրջ եղեն զինեւ չարք՝ որոց ոչ
գոյր թիւ. հասին ինձ անօրէնութիւնք
իմ, եւ ես ոչ կարացի տեսանել :

Բազում եղեն քան զհեր գլխոյ իմոյ.
եւ սիրտ իմ եթող զիս :

Կամեաց Տէր՝ փրկել զիս, եւ Տէր
յօգնել ինձ նայեաց :

Ամաչեսցեն եւ յամօթ լիցին՝ ոյք
խնդրէին զանձն իմ բառնալ զսա. գարձ-
ցին յետս եւ ամաչեսցեն՝ ոյք խոր-
հէին ինձ չար :

Կրեսցեն զամօթ առ ժամայն վաղ-

վաղակի, ոյք ասէին ինձ վաշ վաշ:

Յնցասցեն եւ ուրախ լիցին իքեզ ամենեքեան, ոյք խնդրեն զքեզ Տէր:

Ասասցեն յամենայն ժամ՝ մեծ է Աստուած, եւ ոյք սիրեն զփրկութիւնքս քո:

Ես աղքատ եւ տնանկ եմ, Աստուած խորհեա զիս. օգնական եւ պաշտպան իմ ես. եւ դու՛ Աստուած իմ, մի յամենար:

ՍԱՂՄՈՍ Խ.

Եկատարած. Սաղմոս Դաւթի:

Երանի որ խորհի զաղքատն եւ ըզտնանկն. յաւուր չարի փրկէ զնա Տէր:

Տէր փրկէ զնա եւ կեցուցանէ. երանելի առնէ զնա իվերայ երկրի, եւ ոչ մատնէ զնա իձեռս թշնամեաց իւրոց:

Տէր օգնական է նմա իմահիճս ցաւոց իւրոց. զամենայն անկողինս նորա դարձուցանէ իհիւանդութենէ նորա:

Ես ասացի Տէր ողորմեա ինձ . բժըշկեա զանձն իմ, ես մեղայ քեզ :

Թշնամիք իմ ասացին ինձ չար . երբ իցէ զի մեռցի, եւ կորիցէ անուն նորա :

Մտանէր տեսանել զնանրութիւն, խօսէր իսրաի իւրում, եւ ժողովէր զանօրէնութիւն յանձն իւր :

Արաաքս ելանէր եւ զնոյն խօսէր . զինէն շշնջէին ամենայն թշնամիք իմ :

Խորհեցան չար իվերայ իմ . բան անօրէնութեան եդին իվերայ իմ :

Միթէ որ ննջիցէ՝ այլ ոչ եւս յաւելցի յառնել . քանզի եւ այրն խաղաղութեան իմոյ, յոր եւ եւս յուսացայ :

Որ ուտէր զհաց իմ, յաճախեաց առնել ինձ խաբէութիւն :

Այլ դու Տէր ողորմեա ինձ եւ կանգնեա զիս, եւ ես հատուցից նոցա :

Յայսմ ծանեայ՝ թէ հաճեցար ընդ իս . զի մի ուրախ եղիցին յիս թշնամիք իմ :

Այլ զիս յամբժութեան իմում ընկալար, եւ հաստատեցեր զիս առաջիք յաւիտեան :

Օրհնեալ Տէր Աստուած Իսրայելի յա-
ւիտեանս յաւիտենից . եղիցի եղիցի :

ՍԱՂՄՈՍ ԽԱ.

Իկատարած . իմաստութիւն որդւոցն Սորխայ :
Սաղմոս Դաւթի .

Որպէս փափագի եղջերու յազրերս
ջուրց , այնպէս փափագի անձն իմ առ
քեզ Աստուած :

Ծարաւի է անձն իմ առ քեզ Աս-
տուած , հզօր եւ կենդանի . Էրբ եկից
երեւեցայց երեսացդ Աստուծոյ :

Եղեն ինձ արտասուք իմ կերակուր
խոռէ եւ իզիշերի . եւ այն՝ զի ասէին
ցիս զօրհանապաղ՝ թէ ո՛ւր է Աստուած
քո :

Զայս որպէս յիշէի՝ տառապէր յիս
անձն իմ . քաջալերէի , զի մաից ընդ
յարկաւ սքանչելեաց տանն Աստուծոյ :

Իձայն ցնձութեան խոստովանու-
թեան , եւ իձայն բարեկենդանութեան :

Արդ ընդէր տրտում ես անձն իմ ,
կամ ընդէր խռովես զիս . յուսա առ

Աստուած, խոստովանեա նմա՝ փրկիչ
երեսաց իմոց Աստուած է :

Անձն իմ յոյժ խռովեցաւ. վասն
այսորիկ յիշեցի զքեզ յերկրէն Յոր-
դանանու, իշերմոնէ լեռնէ փոքուէ :

Խորք խորոց կարգացին առ քեզ. ի
ձայն սահանաց քոց :

Ամենայն զբօսանք քո եւ ալիք քո
անցին իվերայ իմ :

Իտուէ պատուիրեաց Տէր զողորմու-
թիւն իւր, իգիշերի զօրհնութիւն նոր,
եւ աղօթք իմ առ Աստուած վասն կե-
նաց իմոց :

Ասացի Աստուծոյ՝ ընդունօղ իմ ես.
ընդէր մերժեցեր զիս. ընդէր տրտում
զնամ ես ինեղել թշնամւոյ իմոյ :

Իփշրիլ ոսկերաց իմոց նախատեցին
զիս թշնամիք իմ. յասել ցիս զօրհա-
նապազ, թէ ո՛ւր է Աստուած քո :

Արդ ընդէր տրտում ես անձն իմ,
կամ ընդէր խռովես զիս. յուսա առ
Աստուած, խոստովանեա նմա՝ փրկիչ
երեսաց իմոց Աստուած է :

ՍԱՂՄՈՍ ԽԲ.

Սաղմոս Դաւթի :

Դ՛ատ արա ինձ Աստուած, եւ իրաւ
արա ինձ իդատաստանի իմում :

Յազգէ՛ որ ոչ է սուրբ, իմարդոյ մե-
ղաւորէ նենգաւորէ փրկեա զիս :

Դու Աստուած հզօրիչ իմ ես. ընդէր
մոռացար զիս, ընդէր տրտում գնամ
ես ինեղել թշնամւոյ իմոյ :

Առաքեա Տէր զլոյս քո եւ զճշմար-
տութիւն քո. զի առաջնորդեսցեն ինձ
եւ հանցեն զիս իլեառն սուրբ եւ ի
յարկս քո :

Մտից առաջի սեղանոյ Աստուծոյ առ
Աստուած՝ որ ուրախ առնէ զմանկու-
թիւն իմ :

Խոստովան եղէց քեզ օրհնութեամբ,
Աստուած Աստուած իմ :

Արդ ընդէր տրտում ես անձն իմ,
կամ ընդէր խռովես զիս. յուսա առ
Աստուած, խոստովանեա նմա՝ փրկիչ
երեսաց իմոց Աստուած է :



ՍԱՂՄՈՍ ԽԳ.

Իկատարած. իմանտուժեան որդւոցն Կորխայ :
Սաղմոս Դաւթի :

Աստուած՝ ականջօք մերովք լուաք,
զոր հարքն մեր պատմեցին մեզ :

Զգործն զոր գործեցեր յաւուրս նոցա,
յաւուրսն առաջինս :

Զեռն քո խլեաց զհեթանոսս, եւ ըզնոսս
տնկեցեր. չարչարեցեր զժողովուրդս քո,
եւ հաներ զնոսս :

Զի ոչ թէ սրով իւրեանց ժառանգեցին
զերկիր, եւ ոչ բազուկ նոցա փրկեաց
զնոսս :

Այլ աջ քո եւ բազուկ քո եւ լոյս երեսաց
քոց, զի հաճեցար գու ընդ նոսս :

Դու ինքն ես՝ թագաւոր իմ եւ Աստուած
իմ, որ հրամայեցեր զփրկութիւնսն
Յակոբայ :

Քեւ զթշնամիս մեր հարցուք. եւ
անուամբ քով արհամարհեսցուք զյարուցեալսն
խլերայ մեր :

Ոչ թէ յաղեղն իմ յուսացեալ եմ,
եւ ոչ սուր իմ կեցուցանէ զիս :

Այլ դու փրկեցեր զմեզ ի թշնամեաց
մերոց եւ զատելիս մեր յամօթ արարեր :

Աստուծով սարժեացուք զօրհանա-
սրազ, եւ անուան նորա խոստովան ե-
զիցուք յաւիտեան :

Բայց արդ մերժեցեր եւ անարգե-
ցեր զմեզ. եւ ոչ ելեր Աստուած ընդ
զօրս մեր :

Դարձուցեր զմեզ յետս քան զթշնա-
միս մեր, եւ ատելիք մեր յափշտակեցին
զմեզ :

Ետուր զմեզ որպէս զոչխար իղե-
նումն, եւ ընդ հեթանոսս ցրուեցեր
զմեզ :

Վաճառեցեր զժողովուրդս քո ա-
ռանց գնոյ. եւ ոչ գոյ թիւ աղաղակի
մերոյ :

Արարեր զմեզ նախատինս դրացեաց
մերոց. ծաղր եւ այսպն կատականաց
այնոցիկ՝ որք շուրջ էին զմեօք :

Արարեր զմեզ յառակս հեթանոսաց
իշարժել զգլուխս ժողովրդոց :

Զօր ամենայն նախատինք իմ առաջի իմ են. եւ ամօթ երեսաց իմոց ծածկեաց զիս :

Իձայնէ նախատորդին եւ չարախօսի, յերեսաց թշնամւոյն եւ հալածչի :

Այս ամենայն եկն ի վերայ մեր, եւ մեք զքեզ ոչ մոռացաք, եւ ոչ ստեցաք ուխտի քում, եւ ոչ դարձաք յետս սրտիւք մերովք :

Դարձուցեր զշաւիղս մեր իճանապարհաց քոց, խոնարհ արարեր զմեզ իտեղի չարչարանաց. եւ ծածկեցին զմեզ ստուերք մահու :

Թէ մոռացեալ իցէ մեր զանուն Աստուծոյ մերոյ, կամ ձգեալ իցէ զձեռս մեր յաստուածս օտարս :

Սակայն Աստուած խնդրէ զայս, զի նա քննէ զգաղանիս սրտից մերոց :

Վասն քո մեռանիմք զօրհանապազ. համարեցաք որպէս զոչխար իզենումն :

Զարթիւր ընդէր ննջես Տէր. արի եւ մի մերժեր զմեզ իսպառ :

Զմէ դարձուցանես զերեսս քո իմէնջ .

մոռանաս զաղքատութիւնս եւ զնեղութիւնս մեր :

Խոնարհ եղեն մինչեւ իհող անձինք մեր , եւ յերկիր կցեցան մէջք մեր :

Արի Տէր օգնեա մեզ , եւ փրկեա ըզմեզ վասն անուան քո :

ՍԱՂՄՈՍ ԽԴ.

Իկատարած . զառանցելոց ժամանակաց , որդւոցն Կորխայ իմաստութեան . Սաղմոս օրհնութեան վասն սիրելւոյն :

Բղխեսցէ սիրտ իմ զպատգամս քո բարի , եւ ասացից զգործս իմ թագաւորի :

Կեզու իմ որպէս գրիչ արագագիր գպրի , գեղեցիկ տեսլեամբ քան զամենայն որդւոց մարդկան :

Սփռեցան շնորհք իշրթանց քոց . վասն այսորիկ օրհնեաց զքեզ Աստուած յաւիտեան :

Աժ զսուր ընդ մէջ քո հզօր , վայելչութեան եւ գեղոյ քոյ :

Լարեա՛ ուղղեա եւ թագաւորեա վասն ճշմարտութեան՝ հեզութեան եւ

արդարու թեան, եւ առաջնորդեսցէ
քեզ սքանչելապէս աջ քո :

Նեաք քս սրեալ են հզօր, եւ ժողո-
վուրդք ինեւրքոյ քո անկցին, իսիրաս
թշնամեաց թագաւորի :

Աթոռ քո Աստուած յաւիտեանս յա-
ւիտենից, գաւազան ուղղութեան՝ գա-
ւազան արքայութեան քո :

Սիրեցեր զարդարութիւն, եւ ատե-
ցեր զանօրէնութիւն :

Վասն այսորիկ էօժ զքեզ Աստուած
Աստուած քո իւզով ուրախութեան, ա-
ռաւել քան զընկերս քո :

Զմուռս եւ ստաշխն եւ կասիայ ի
զգեստէ քումմէ, իտաճարաց փղոս-
կրէից, ուստի ուրախ արարին զքեզ
գստերք թագաւորաց իսլասիւ :

Կացցէ դշխոյ ընդ աջմէ քումմէ՝ ի
հանդերձս ոսկեհուռս զարդարեալ եւ
սպաճուճեալ :

Լուր դուստր եւ տես, իոնարհեցս
զունկն քո, մուռա զժողովուրդ քո եւ
զտուն հօր քո, զի ցանկացաւ թագա-
ւոր գեղոյ քո :

Սա ինքն է Տէր քո՝ երկիր պագցէ
ամա . եւ դուստր ծուրայ երկիր պագցէ
ամա . եւ պատարագօք զերեսս սորա
պաշտեսցեն մեծամեծք իժողովրդոց :

Ամենայն փառք դստեր թագաւորի
ինեքոյ , իլերջաւորս ոսկեհուռս զար-
դարեալ եւ պաճուճեալ :

Տարցին թագաւորի կուսանք զհետ
նորա , եւ զընկերս նորա տարցին նմա :

Ածցին ցնծութեամբ եւ ուրախու-
թեամբ , եւ տարցին իտաճար թագա-
ւորի . եւ փոխանակ հարց քոց եղիցին
որդիք քո :

Կացուցես զնոսա իշխանս ընդ ամե-
նայն երկիր , եւ յիշեսցի անուն քո ընդ
ամենայն ազգս ազգաց :

Վասն այսորիկ ժողովուրդք խոստո-
ւան եղիցին առ քեզ յաւիտեան , եւ
յաւիտեանս յաւիտենից :

ՍԱՂՄՈՍ ԽԵ .

Եկատարած . որդւոցն Կորխայ իլերայ գաղտնեաց :

Աստուած մեր ապաւէն եւ զօրու-

Թիւն . օգնական իվերայ նեղութեանց ,
որք գտին զմեզ յոյժ :

Վասն այսորիկ ոչ երկիցուք մեք ի
խռովիլ երկրի , իփոփոխիլ լերանց ի
ոիրտս ծովու :

Գոչեցին եւ խռովեցան ջուրք նոցա .
խռովեցան լերինք իզօրութենէ նորա :

Գնացք գետոց ուրախ առնեն զքա-
ղաքն Աստուծոյ . եւ սուրբ արար զյար-
կըս իւր Բարձրեալն :

Աստուած իմէջ նոցա , եւ նոքա մի
սասանեսցին . օգնեսցէ նոցա Աստուած
իվաղորդայնէ մինչեւ իվաղորդայն :

Խռովեցան հեթանոսք , եւ խոնար-
հեցան թագաւորութիւնք . ետ զձայն
իւր Բարձրեալն , եւ խռովեցաւ երկիր :

Տէր զօրութեանց ընդ մեզ . ընդու-
նելի է մեր Աստուած Յակոբայ :


Եկայք եւ տեսէք զգործս Աստուծոյ ,
որ արար զնշանս եւ զարուեստս իվերայ
երկրի :

Եհար զպատերազմ իծագաց մինչեւ
իծագս երկրի . զաղեղունս փշրեաց ,

զգէնս խորտակեաց, եւ զասպարս այրեաց հրով:

Կանխեցէք եւ ծաներուք, զի ես եմ Աստուած. բարձր եղէց իհեթանոսս, եւ բարձրացայց իվերայ երկրի:

Տէր զօրութեանց ընդ մեզ. ընդունելի է մեր Աստուած Յակոբայ:



ՍԱՂՄՈՍ ԽԶ.

Իկատարած. վասն որդւոցն Կորխայ. Սաղմոս Դաւթի:

Ծափս հարէք ամենայն հեթանոսք, աղաղակեցէք առ Աստուած իձայն ցընծութեան:

Տէր Բարձրեալ եւ ահարկու, թագաւոր մեծ իվերայ ամենայն երկրի:

Հնազանդ արար զժողովուրդս ընդ մեզ, եւ զհեթանոսս իներքոյ ոտից մերոց:

Ընտրեաց զմեզ իւր իժառանգութիւն, զգեղեցկութիւն Յակովբայ՝ զոր եւ սիրեաց:

Համբարձաւ Աստուած օրհնութեամբ, եւ Տէր մեր ձայնիւ փողոյ:



Սաղմոս ասացէք Աստուծոյ մերում .
սաղմոս ասացէք Թագաւորին մերում ,
սաղմոս ասացէք :

Թագաւոր մեծ իւլերայ ամենայն եր-
կրի Աստուած է , սաղմոս ասացէք նմա
իմաստութեամբ :

Թագաւորեաց Աստուած իւլերայ հե-
թանոսաց . Աստուած նստաւ յաթոռ
սրբութեան իւրոյ :

Իշխանք ժողովրդոց ժողովեցան առ
Աստուած Աբրահամու , զի Աստուծոյ
զօրութիւնք յերկրէ յոյժ համբարձան :

ՍԱՂՄՈՍ ԽԷ .

Սաղմոս օրհնութեան որդւոցն Կորնայ .
երկրորդ շաբաթու :

Մեծ է Տէր , եւ օրհնեալ է յոյժ ի
քաղաք Աստուծոյ մերոյ , իլեառն սուրբ
նորա :

Հաստարմատ ցնծութեամբ ցնծասցէ
ամենայն երկիր . լերինք Սիուլնի , կող-
մանք հիւսիսոյ՝ քաղաք Թագաւորին
մեծի :

Աստուած իտաճարի իւրում յայտնի, իժամանակի որպէս օգնական լինէր նոցա :

Ահաւասիկ թագաւորութիւնք երկրի ժողովեցան, եւ անցին իմիասին :

Ինքեանք տեսին այսպէս եւ զարմացան, խռովեցան, սասանեցան եւ դողումն կալաւ զնոսա :

Անդ երկունք որպէս իծննդեան, եւ հողմն սաստիկ փշրեսցէ զնաւս իժարսիս :

Որպէս լուաք՝ սոյնպէս եւ տեսաք իքաղաք Տեառն զօրութեանց, իքաղաք Աստուծոյ մերոյ :

Աստուած հիմունս էարկ նմա յաւիտեան. ընկալաք Աստուած զողորմութիւն քո իմէջ ժողովրդեան քո :

Ըստ անուանքում՝ սոյնպէս եւ օրհնութիւն քո ընդ ամենայն տիեզերս, եւ արդարութեամբ լի է աջ քո :

Ուրախ եղիցի լեառն Սիււն, եւ ցընծասցեն դստերք Յուդայ վասն իրաւանց քոց Տէր :

Շրջեցարուք զՍիօնիւ, պաշարեցէք

զնա եւ պատեցէք զաշտարակս նորա :

Դիք զսիրտս ձեր ի վերայ զօրութեանց նորա . բաժանեցէք զամուրս նորա , զի պատմել կարասջիք յազգայլ :

Սա է Աստուած , Աստուած մեր յաւիտենից . եւ սա հովուեսցէ զմեզ մինչեւ յաւիտեան :

ՍԱՂՄՈՍ ԽԸ .

Իկատարած որդւոցն Կորխայ .

Սաղմոս օրհնութեան Դաւթի :

Լուարուք զայս ամենայն ազգք . ունկընդիր լերուք ամենեքեան՝ ոյք բնակեալ էք յաշխարհի :

Ծնունդք երկրի եւ որդիք մարդկան , իմիասին մեծամեծք եւ տնանկք :

Բերան իմ խօսեացի իմաստութիւն , եւ խորհուրդք սրտի իմոյ զհանճար :

Խոնարհեցուցից յառակումն զունկն իմ . բացից առակաւ զբերան իմ , խօսեցայց զառակս իսկզբանէ :

Ընդէր բնաւ երկնչիմ ես յաւուր

չարի . զի անօրէնութիւնք դնացից իմոց շուրջ եղեն զինեւ :

Յուսացեալք իզօրութիւն իւրեանց , իբազմութիւն մեծութեան իւրեանց պարծեսցին :

Եղբայր ոչ փրկէ՛ եւ ոչ փրկէ մարդ , եւ ոչ տայ Աստուծոյ զփրկանս իւր , եւ ոչ զգինս փրկանաց անձին իւրոյ :

Վաստակեա յաւիտեան՝ եւ կեցցես մինչեւ իսպառ , եւ ոչ տեսցես զապականութիւն :

Յորժամ տեսցես՝ թէ իմաստունք մեռանին , իմիասին անզգամք եւ անմիտք կորիցեն , եւ թողցեն օտարաց ըզմեծութիւն իւրեանց :

Գերեզմանք նոցա՝ տունք նոցա եղիցին յաւիտեան , եւ յարկք նոցա ազգէ մինչեւ յազգ . եւ կարգասցին անուանք նոցա իհողս իւրեանց :

Մարդ իսպառուի էր եւ ոչ իմացաւ , հաւասարեցաւ անասնոց անբանից եւ նմանեցաւ նոցա :

Այս ճանապարհ է գայթակղութեան նոցա նոցին . յետ այսորիկ բերանօք իւր-

եանց հաճեսցին :

Որպէս խաշն իդժոխս մատնեսցին ,
եւ մահ հովուեսցէ զնոսա , եւ տիրես-
ցեն նոցա ուղիղք ընդ առաւօտս :

Օգնութիւնք նոցա մաշեսցին իդը-
ժոխս , եւ իփառաց իւրեանց անկցին :

Բայց սակայն Աստուած փրկեսցէ զան-
ձըն իմ իձեռաց դժոխոց , յորժամ ըն-
դունին զիս :

Մի երկնչիւր յորժամ մեծանայ մարդ ,
եւ յորժամ բազում լինին փառք տան
նորա :

Զի ոչ թէ իմեռանիլն իւրում առցէ
ընդ իւր զամենայն . եւ ոչ թէ իջցեն
փառք տան նորա ընդ նմա :

Այլ անձն նորա իկեանս իւրում օրհ-
նեսցի . եւ խոստովան եղիցի քեզ՝ յոր-
ժամ բարի արասցես դու նմա :

Մտցէ նա մինչեւ յազգ հարց իւրոց .
մինչեւ յաւիտեան զլոյս մի տեսցէ :

Մարդ իպատուի էր եւ ոչ իմացալ ,
հաւասարեցաւ անասնոց անբանից եւ
նմանեցաւ նոցա :



ՍԱՂՄՈՍ ԽԹ.

Սաղմոս Դաւթի :

Աստուած Աստուած Տէր խօսեցաւ ,
եւ կոչեաց զերկիր յարեւելից մինչեւ
իմուտս արեւու :

ԻՍիծնէ մեծ վայելչութիւն վրկու-
թեան գեղոյ նորա :

Աստուած մեր յայտնապէս եկեսցէ ,
եւ Աստուած մեր մի դադարեացէ :

Հուր առաջի նորա բորբոքեսցի , եւ
շուրջ զնովաւ մրրիկ յոյժ :

Կոչեսցէ զերկիրնս ի վերուստ՝ եւ զեր-
կիր ի դատել զժողովուրդ իւր , ժողո-
վել առ ինքն զսուրբս իւր , եւ ոչք դը-
նեն զպատարագս ուխտից ի վերայ սե-
ղանոյ նորա :

Պատմեսցեն երկինք զարդարութիւն
նորա , զի Աստուած դատաւոր է :

Կուր ժողովուրդ իմ եւ խօսեցայց
քնդ քեզ , եւ Իսրայէլ՝ քեզ վկայեցից ,
զի Աստուած Աստուած քո ես եմ :

Ոչ թէ վասն պատարագաց քոց
կշտամբեմ զքեզ. զի ողջակէզք քո ա-
ռաջի իմ են յամենայն ժամ :

Ոչ ընդունիմ իտանէ քումմէ զը-
լարակս, եւ ոչ իհօտից քոց նոխազս :

Իմ է ամենայն գազան անտառի,
երէ լերանց եւ ամենայն անասուն :

Գիտեմ ես զամենայն թռչունս երկ-
նից. գեղեցկութիւն վայրի ընդ իս է :

Թէ քաղցեայց՝ քեզ ինչ ոչ ասացից,
զի իմ է աշխարհ լրիւ իւրով :

Ոչ ուտեմ ես զմիս զուարակաց քոց,
եւ ոչ զարիւն նոխազաց քոց ըմպեմ :

Մատո Սստուծոյ պատարագ օրհնու-
թեան. կատարեա Ռարձրելոյն զուխտս
քո :

Կարգասցես առ իս յաւուր նեղու-
թեան քո. ես փրկեցից զքեզ, եւ գու-
փառաւոր արասցես զիս :

Սակայն մեղաւորին ասէ Սստուած.
Իսկ դու ընդէ՞ր բնաւ պատմես զար-
գարութիւն իմ, կամ առնուս զուխտս
իմ իբերան քո :

Զի դու ատեցեր զխրատ իմ. մեր-
ժեցեր եւ յետս ընկեցեր զամենայն
բանս բերանոյ իմոյ :

Թէ տեսանէիր զգողս՝ ընթանայիր
ընդ նոսա, եւ ընդ շունս դնէիր զբա-
ժին քո :

Բերան քո յաճախէր զչարութիւն,
եւ լեզու քո նիւթէր զնենդութիւն :

Նստեալ զեղբօրէ քումմէ չարախօ-
սէիր, եւ իվերայ որդւոյ մօր քո դը-
նէիր զգայթակղութիւն :

Զայս ամենայն արարեր, եւ լռեցի
քեզ, կարծեցեր անօրէնդ իմաի քում՝
թէ եւ ես քեզ նմանիցեմ :

Արդ յանդիմանեցից եւ կացուցից
զայս ամենայն առաջի քո. իմացարուք
ամենեքեան՝ որոց մոռացեալ իցէ զԱս-
տուած :

Գուցէ երբէք յափշտակիցիք, եւ ոչ
ոք իցէ՝ որ փրկիցէ :

Պատարագ օրհնութեան փառաւոր
արասցէ զիս. եւ անդ է ճանապարհ՝
ուր ցուցից նմա զփրկութիւն Աստուծոյ :

ՍԱՂՄՈՍ Ծ.

Իկատարած . Սաղմոս Դսութի . իժամանակի զի եկն առ
նա հաթան մարգարէ , իբրեւ զի մտեալ էր նա առ
Բերսաբէէ :

Ողորմեա ինձ Աստուած ըստ մեծի
ողորմութեան քում . ըստ բազում գը-
թութեան քում քաւեա զանօրէնու-
թիւնս իմ :

Առաւել լուա զիս յանօրէնութենէ
իմմէ , եւ իմեղաց իմոց սուրբ արա զիս :

Զանօրէնութիւնս իմ ես ինձէն գի-
տեմ . եւ մեղք իմ առաջի իմ են յա-
մենայն ժամ :

Քեզ միայն մեղայ Տէր , եւ չար ա-
ռաջի քո արարի :

Որպէս արդար եղիցիս իբանս քո , եւ
յազթող իզատել գաս :

Անօրէնութեամբ յղացաւ ' եւ իմեղս
ծնաւ զիս մայր իմ :

Դու Տէր զճշմարտութիւն սիրեցեր .
զանյայտս եւ զծածկեալս իմաստու-
թեամբ քով յայտնեցեր ինձ :

Յօղեա յիս մշտկաւ՝ եւ սուրբ եղէց.
լուա՝ եւ քան զձիւն սպիտակ եղէց :

Լսելի արա ինձ զցնծութիւն եւ զու-
րախութիւն, եւ ցնծասցեն ոսկերք իմ
տառասպելք :

Դարձո զերեսս քո իմեղաց իմոց, եւ
զամենայն անօրէնութիւնս իմ՝ քաւեա
յինէն :

Սիրտ սուրբ հաստատեա յիս Աս-
տուած, եւ հոգի ուղիղ նորոգեա իփո-
րի իմում :

Մի՛ ընկենուր զիս Տէր յերեսաց քոց,
եւ զհոգի քո սուրբ մի՛ հաներ յինէն :

Տուր ինձ ցնծութիւն փրկութեան
քո, եւ հոգւով պետութեան քո հաս-
տատեա զիս :

Ուսուցից անօրինաց զճանապարհս
քո. եւ ամբարիշտք առ քեզ դարձցին :

Փրկեա զիս յարենէ Աստուած՝ Աս-
տուած փրկութեան իմոյ. ցնծասցէ լե-
զու իմ յարգարութեան քում :

Տէր՝ եթէ զշրթունս իմ բանաս,
բերան իմ երգեսցէ զօրհնութիւնս քո :

Թէ կամեցեալ էիր՝ պատարագս

մատուցանէաք. բայց դու ընդ ողջա-
կէզս իսկ ոչ հաճեցար:

Պատարագ Աստուծոյ հոգի խոնարհ .
զսիրտ սուրբ եւ զհոգի խոնարհ Աս-
տուած ոչ արհամարհէ:

Բարի արա Տէր կամօք քովք Սիօնի .
եւ շինեսցին պարխաղքն Երուսաղեմի:

Յայնժամ հաճեսցիս ընդ պատա-
րագս արդարութեան. յորժամ ուխ-
տից պատարագս հանցեն իսեղան քո
զուարակս:

ՍԱՂՄՈՍ ԾԱ.

Իկատարած իմաստութեան, Սաղմոս Դաւթի. իժամանա-
կի զի եկն Դովէկ Եդովմայ, պատմեաց Սաւուղայ, թէ
ահաւասիկ Դաւիթ իտանն Աքիմէլեքայ է:

Զի պարծի իչարութեան հզօր՝ զա-
նօրէնութիւն. զօրհանապազ զանիրա-
ւութիւն խորհեցաւ իլեզուի իւրում:

Որպէս զածելի սուր՝ սրեաց զնեն-
գութիւն, սիրեաց զչարութիւն քան
զբարութիւն, զանօրէնութիւն քան
զխօսս արդարութեան:

Սիրեաց նա զամենայն խօսս կործանման, եւ զլեզուս նենգաւորս :


Վասն այսորիկ Աստուած կործանեացէ զնա իսպառ . խլեսցէ եւ հանցէ զնա յարկաց իւրոց, եւ զարմատս նորա յերկրէն կենդանեաց :

Տեսցեն արդարք եւ երկիցեն . զնովաւ ծիծաղեսցին եւ ասացեն .

Այս այր է՝ որ ոչ արար զԱստուած իւր օգնական . այլ յուսացաւ սա իբազում մեծութիւն իւր, եւ զօրացաւ ի նանրութեան իւրում :

Այլ ես որպէս ձիթենի պտղալից ի տան Աստուծոյ . յուսացայ յողորմութիւն Աստուծոյ յաւիտեան՝ եւ յաւիտեանս յաւիտենից :

Խոստովան եղէց քեզ Տէր յաւիտեան, զի արարեր . եւ համբերից անուանքում, զի քաղցր ես առաջի սրբոց քոց :



ՍԱՂՄՈՍ ԾԲ .

Իկատարած . վասն Մաղաղեթայ , իմաստուլթիւնն Դաւթի :

Ասաց անզգամն իսրտի իւրում թէ
ոչ գոյ Աստուած . ապականեցան եւ
պղծեցան յանօրէնութեան իւրեանց ,
եւ ոչ ոք է որ առնէ զքաղցրութիւն :

Աստուած յերկնից նայեցաւ յամե-
նայն որդիս մարդկան , տեսանել թէ
իցէ ոք իմաստուն ' որ խնդրիցէ զԱ-
ստուած :

Ամենեքեան խոտորեցան իմիասին ,
եւ անպիտանացան :

Ոչ ոք է որ առնէ զբարի , եւ չէ ոք
մինչեւ իմի :

Որպէս ոչ ծանիցեն ամենեքեան , ոյք
գործեն զանօրէնութիւն :

Ոյք ուտէին զժողովուրդ իմ որպէս
կերակուր հացի , եւ առ Աստուած ոչ
կարգացին :

Անդ երկիցեն զերկիւզ ' ուր ոչ իցէ
երկիւզ , զի Աստուած ցրուեսցէ զու-
կերս մարդահաճոյից :

Ամաչեսցեն եւ յամօթ լիցին, զի
Աստուած անարգեաց զնոսա :

Ո՞ տացէ իՍիօնէ զփրկութիւն Իս-
րայելի . դարձուցանել Տեառն զգերու-
թիւն ժողովրդեան իւրոյ, ցնծացէ
Յակոբ, եւ ուրախ եղիցի Իսրայէլ :

ՍՍ.ՂՄՈՍ ԾԳ .

Իկատարած . ընդ օրհնութիւնս իմաստութիւն Դաւթի .
իժամանակի զի եկին Չիփացիքն . եւ ասեն ցՍաւուղ՝
ահաւասիկ Դաւիթ թագուցեալ նստի առ մեզ :

Աստուած յանուան քում կեցո զիս,
եւ իզօրութեան քում իրաւ արա ինձ :
Աստուած լուր աղօթից իմոց, ուն-
կընդիր բանից բերանոյ իմոյ :

Օտարք յարեան իվերայ իմ, եւ
հզօրք խնդրեցին զանձն իմ, եւ ոչ
համարեցան զքեզ Աստուած առաջի
իւրեանց :

Ահա Աստուած օգնական իմ, եւ Տէր
ընդունող հոգւոյ իմոյ :

Իդարձուցանել զչարն իթշնամիս
իմ, ճշմարտութեամբ քով սատակեա
զնոսա :

Ես կամօք իմովք պատարագս մատուցից քեզ, եւ խոստովան եղէց անուան քում Տէր, զի բարի է :

Յամենայն նեղութենէ իմմէ փրկեցեր զիս, եւ իթշնամիս իմ ետես ակն իմ :

ՍԱՂՄՈՍ ԾԴ.

Իկատարած. ընդ օրհնութիւնս իմաստութեան.

Սաղմոս Դաւթի :

Ունկնդիր Աստուած աղօթից իմոց, եւ մի անտես առներ զխնդրուածս իմ :

Նայեա առ իս եւ լուր ինձ. զի տըրումեցայ ես իձանձրանալ իմում, եւ խռովեցայ :

Իձայնէ թշնամւոյն եւ ինեղել մեղաւորին խոտորեցան յիս անիրաւութեամբ, բարկութեամբ ոխս պահէին ինձ :

Սիրտ իմ խռովեցաւ յիս, եւ երկիւղ մահու անկաւ իվերայ իմ :

Ահ եւ դողումն եկն իվերայ իմ, եւ ծածկեաց զիս խաւար :

Ասացի, տնյր ոք ինձ զթեւս օրպէս

զաղաւնւոյ, զի թռչէի վերանայի, եւ
հեռացեալ գաղարէի յանապատի :

Ակն ունէի Աստուծոյ՝ որ փրկէր զիս
իկարճմտութենէ, զայրանալոյ, եւ ի
մրրկեալ նեղսրտութենէ :

Ընկլտ Տէր եւ բաժանեա զլեզուս նո-
ցա. զի տեսի վանօրէնութիւն եւ զհա-
կառակութիւն իքաղաքի :

Իտուէ եւ իգիշերի շուրջ եղեն ըզ-
պարսպօք նորա անօրէնութիւնք. չա-
րիք եւ մեղք են իմէջ նոցա. եւ ոչ պա-
կասեաց իհրապարակաց նոցա վաշխ եւ
նենգութիւն :

Զի թէ թշնամւոյն նախատեալ էր՝
համբերէի արդեօք. կամ ատելւոյն
մեծաբանեալ էր իվերայ իմ՝ թագչէի
արդեօք ինմանէ :

Իսկ դու մարդ հաւասար իմ, առաջ-
նորդ իմ եւ ծանօթ իմ :

Ապաքէն ինոյն քաղցրացուցեր ինձ
եւ քեզ կերակուր, զի գնայաք միաբա-
նութեամբ իտան Աստուծոյ :

Եկեսցէ մահ իվերայ նոցա, եւ կեն-
դանւոյն իջցեն իդժոխս. զի չարու-

Թիւն է իբնակու թեան նոցա եւ իմէջ
նոցա :

Ես առ Աստուած կարգացի . եւ նա
լուաւ ինձ յերեկոյս , իվաղորդայն եւ
իհասարակ աւուր :

Պատմեցի եւ ասացի , եւ լուիցէ ձայ-
նի իմում . փրկեսցէ խաղաղութեամբ
զանձն իմ իմերձաւորաց իմոց , զի
կարեօք հասին իվերայ իմ :

Լուիցէ Աստուած ' եւ խոնարհ արաս-
ցէ զնոսա . որ յառաջն է քան զյաւի-
տեանս :

Ձի ոչ գոյր նոցա փոխանակ , եւ ոչ
երկեան յԱստուծոյ :

Ձգեաց զձեռս իւր իհատուցանել
նոցա . եւ պղծեցին զօրէնս նորա :

Բաժանեցան իսրտմտութենէ երե-
սաց նորա , եւ եհաս իսիրտս նոցա :

Կակուղ էին բանք նոցա քան զձէթ ,
եւ ինքեանք որպէս սլաք :

Ընկեա իՏէր զհոգս քո , եւ նա կե-
րակրէ զքեզ , եւ ոչ տայ յաւիտեան
սասանութիւն արդարոյ :

Դու Աստուած իջուցես զնոսա իգուբ
ասականութեան. արք արիւնահեղք
եւ նենգաւորք մի հասարակեցեն զա-
ւուրս իւրեանց. այլ ես իքեզ Տէր յու-
սայայ :

ՕՐՀՆՈՒԹԻՒՆ ՄԵԾԻՆ ՄՈՎՍԻՍԻ

ԱՍՏՈՒԱԾԱՏԵՍ ՄԱՐԳԱՐԷԻ.

Բ Օրինաց. ԼԲ :

Զի հուր բորբոքեցաւ իբարկութենէ
իմմէ. այրեսցէ եւ իջցէ մինչ իգծոխս
ներքինս :

Կերիցէ զերկիր եւ զամենայն բոյս
երկրի նոցա. վառեսցին հրով, եւ բոր-
բոքեսցին հիմունք լերանց նոցա :

Կուտեցից զչարիս ամենայն իվերայ
նոցա, եւ նետիւք իմովք սպառեցից
զնոսա :

Մաշեալք եւ հիւծեալք իսովոյ, գա-
զանաբեկ գէշ անկեալ ամենայն թրուչ-
նոց երկնից :

Կարս առանց բժշկութեան արձակեցից իվերայ նոցա՝ զգազանս անապատի, որք այսր եւ անդր քարշեսցեն զնոսա ընդ երկիր :

Արտաքուստ մանկակոտորս արասցէ զնոսա սուր, եւ իներքուստ շտեմարանաց նոցա անտի արհաւիրք ահից :

Զերիտասարդս նոցա կուսանօք հանդերձ, եւ զտղայս հաստատելովք ծերովք հանդերձ :

Ասացի թէ ցրեցից զնոսա, եւ դադարեցուցից զյիշատակս նոցա յազգաց :

Թէ ոչ վասն բարկութեան սրտմտութեան թշնամւոյն, զի մի երկայնակեացք եղիցին, եւ մի բարձրասցին հպարտացեալ թշնամիքն եւ ասացեն .

Թէ՛ ձեռն մեր բարձր է, եւ բազուկ մեր հզօր, եւ ոչ Տէր Աստուած արար զայս ամենայն :

Զի ազդ մի խորհրդակորոյսք են նոքա, եւ ոչ գոյ ինոսա իմաստութիւն, եւ ոչ խորհեցան իմիտ առնուլ զայս

ամենայն. եւ արդ ընկալցին զամօթ
յանձինս իւրեանց :

Զարմանք մի մեծ այս են, զի արդ
մին զհազարս հալածեսցէ, կամ երկուք
զբիւրս շարժեսցեն :

Թէ ոչ Տեառն Աստուծոյ մատնեալ
էր զնոսա, եւ տուեալ իցէ զնոսա իձե-
ռըս թշնամեաց նոցա :

Զի ոչ են գիք նոցա որպէս զԱս-
տուած մեր. այլ թշնամիք մեր վատա-
խորհուրդք :

Յայգւոյն Սողոմայ էր որթ նոցա,
եւ տունկ նոցա իԳոմորայ :

Խաղող նոցա խաղող դառնութեան,
եւ ողկոյզ նոցա իգառնութեան լեղւոյ :

Սրտմտութիւն բարկութեան վիշա-
պաց գինի նոցա. սրտմտութիւն իժից՝
անհնարին առանց բժշկութեան :

Ո՛չ այս ամենայն ժողովեալ է առ
իս, եւ կնքեալ պահի իգանձի իմում :

Յաւուր վրիժուց հատուցման հա-
տուցից նոցա, իժամանակի յորում
հարցի զբարի ոտն նոցա :

Մերձ է օր կորստեան նոցա. հա-

սեալ է պատրաստու թեամբ Տէր ի վերայ նոցա :

Դատէ Տէր զժողովուրդ իւր, եւ ի ծառայս իւր մխիթարի :

Զի ետես զնոսա լքեալս, լուծեալս եւ մատնեալս ի գերու թիւն :

Եւ ասիցէ Տէր, ո՞ւր են դիքն ձեր՝ յորս յուսացեալ էիք դուք ինոսա. զորոց զճարպս սպանդիցն ուտէիք, եւ ըմպէիք զգինի զոհիցն :

Արդ յարիցեն օգնեսցեն, եւ եղիցին ձեզ թիկունք :

ՆՈՐԻՆ ՄՈՎՍԻՍԻ.

Ծաներուք եւ տեսէք՝ զի ես եմ, եւ ոչ գոյ այլ Աստուած բաց յինէն :

Ես սպանանեմ, եւ ես կեցուցանեմ. հարկանեմ, եւ ես բժշկեմ. եւ ոչ ոք իցէ՝ որ հանիցէ զձեզ ի ձեռաց իմոց :

Համբարձի յերկինս զձեռս իմ. երգուայ աջով իմով եւ ասացի՝ թէ կենդանի եմ ես յաւիտեան :

Արեցից որպէս փայլակն զսուսեր

իմ, եւ իխնդիր վրիժուց արձակեցից
զաջ իմ :

Հատուցից զհատուցումն թշնամեաց
իմոց; եւ ատելեաց իմոց հատուցից
զհատուցումն նոցա նոցին :

Արբեցուցից զնետս իմ յարենէ նո-
ցա . եւ սուր իմ կերիցէ միս, յարենէ
վիրաւորելոց գերելոց գլխոց իշխա-
նաց՝ թշնամեաց նոցա :

Ուրախ եղիցին երկինք նուլաւ . եւ
երկիրպագցեն նմա ամենայն որդիք
Աստուծոյ :

Ուրախ եղերուք հեթանոսք ընդ ժո-
ղովրդեան նորա . եւ զօրացուցեն զնա
ամենայն հրեշտակք Աստուծոյ :

Խնդրելով խնդրեցաւ վրէժ արեան
որդւոց նոցա . եւ հատուցումն թշնա-
մեաց նոցա հատուցաւ նոցա :

Հատուցումն ատելեաց նոցա հատու-
ցաւ նոցա . եւ սրբեսցէ Տէր զերկիր
ժողովրդեան իւրոյ :

Փառք Հօր եւ Որդոյ եւ :

ՄԱՂԹԱՆՔ.

Գու ես Տէր մեր, դու ես Քրիստոս Փրկիչ մեր,
զքեզ օրհնեն անձինք մեր:

Մարդասէր Տէր, վասն սրբուհւոյ անարատի մօր
քո եւ Կուսի, եւ վասն խաչի քո պատուականի՝
ընկալ զաղաքանս մեր, եւ կեցո զմեզ:

Քարոզ եւ Աղօթք

ՄԻ՛ ՆԱԽԱՆՁԻՐ *եւ* ԽՈՍՏՈՎԱՆ *կանոնացն*:

Վասն ուղղելոյ զգնացս մեր ի ճանապարհս խա-
ղաղութեան, զՏէր աղաչեսցուք: Տէր ողորմեա:

Վասն ցրելոյ իմէնջ զամենայն խորհուրդս ջա-
րին, զՏէր աղաչեսցուք:

Վասն պարգեւելոյ մեզ առողջ խորհուրդս եւ ա-
ռաքինի վարս, զՏէր աղաչեսցուք:

Վասն պահելոյ զմեզ ընդ հովանեաւ ամենազօր
աջոյն իւրոյ, զՏէր աղաչեսցուք:

Վասն խորտակելոյ զհակառակօրդն վաղվաղակի
ընդ ոտիւք մերովք, զՏէր աղաչեսցուք:

Վասն հոգւոցն: Եւ եւս: Զանձինս: Ողորմեաց:

Աղօթք :

Տէր երկնի եւ երկրի՝ արարիչ ամենայն արարածոց երեւելեաց եւ աներեւութից : Առ քեզ կարգամք յամենայն ժամ, զի ընդ ամենայն տեղիս է տէրութիւն քո, եւ արքայութիւն քո ամենեցուն տիրէ : Շնորհեա մեզ երկիւղիւ իպաշտօն քո կանխել հանապազ . սիրել զքեզ իբոլոր սրտէ եւ իբովանդակ մտաց, եւ յամենայն զօրութենէ մերմէ պահել զպատուիրանս քո : Համբառնալ առ քեզ զձեռս մեր իսրբութիւն առանց բարկութեան եւ երկմտութեան . եւ գտանել իքէն զշնորհս եւ զողորմութիւն, եւ զառաքինասէր գործոցն յաջողութիւն : Վասն զի դու ես Տէր կենաց եւ Աստուած ողորմութեանց . եւ քեզ վայելէ փառք իշխանութիւն եւ պատիւ, այժմ եւ միշտ եւ յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկրպագեսցուք :

Քու՛մ ամենազօր եւ յաղթօղ Տէրութեանդ կրկնի ամենայն ծունր յերկրպագութիւն, եւ փառասորի յամենեցունց թագաւորութիւն քո : Նայեա յերկրպագութիւնս մեր, եւ ուստ մեզ առնել զարդարութիւն ճշմարտութեան : Վասն զի դու ես Աստուած խա-

ղաղութեան, որ բարձեր զթշնամութիւն իմիջոյ, եւ արարեր զխաղաղութիւն յերկինս եւ յերկրի. հեռաւորաց եւ մերձաւորաց անտարանեցեր զնոր սարգեսս քոյին բարեացդ: Որում եւ զմեզ մեծի շնորհացդ արժանաւորս արասցես՝ դասելով ընդ ճշմարիտ երկրպագուս քո՝ Աստուած մեր եւ Տէր մեր եւ Փրկիչ Յիսուս Քրիստոս: Որ եւ օրհնեալ ընդ Հօր եւ ընդ սուրբ Հոգւոյդ, այժմ եւ միշտ եւ յաւիտեանս յաւիտենից. ամէն:

Մաղթանք:

Յերգս օրհնութեան եւ իծայն սաղմոսաց անդար փառաւորեմք զՀայր եւ զՈրդի եւ զսուրբ Հոգիդ, այժմ եւ միշտ եւ յաւիտեանս յաւիտենից. ամէն:


Օրհնեալ Տէր մեր Յիսուս Քրիստոս. ամէն:

Հայր մեր որ յերկինս:



ՍՍ.ՂՄՈՍ ԾԵ.

Իկատարած. վասն ժողովրդեանն, որ իսրբոյն հեռացեալ էին. իժամանակի զի կալան զնա այլազգիքն իԳէթ: Յարձանագիր. Սաղմոս Դաւթի:

 Ղորմեա ինձ Աստուած, զի կոխեաց զիս մարդ. զօրհանապազ պատերազմունք նեղեցին զիս:

Կոխեցին զիս թշնամիք իմ զօրհանապազ. բազումք էին՝ ոյք մարտնչէին ընդ իս իբարձանց:

Իտուէ ես ոչ երկեայց, զի իՏէր յուսացայ. Աստուծով գովեցից զբանս իմ. յԱստուած յուսացայ՝ եւ ոչ երկեայց՝ զի արասցէ ինձ մարդ:

Զօրհանապազ զբանս իմ անարգեցին. զինէն էին խորհուրդք նոցա ի չարութեան:

Պանդուխտք եղիցին, եւ թաքթա-
քուր շրջեսցին. նոքա գարշապարի
իմում սպասեսցեն, որպէս եւ սպասէ-
ին անձին իմոյ :

Որպէս առ ոչնչէ մերժեսցես զնոսա
բարկութեամբ զժողովուրդս հնազան-
դեցուսցես :

Աստուած զկեանս իմ պատմեցից
քեզ. եղից զարտասուս իմ առաջի
քո, որպէս խոստացար դու ինձ :

Դարձցին թշնամիք իմ յետս իւր-
եանց, յաւուր յորում կարգացից
առ քեզ :

Ահա ծանեայ զի Աստուած իմ ես
դու. զԱստուած օրհնեցից իբանս իմ,
եւ զՏէր գովեցից իխօսս իմ. յԱստուած
յուսացայ եւ ոչ երկեայց, զի արասցէ
ինձ մարդ :

Յինէն են ուխտք իմ, զոր տաց քեզ
օրհնութեամբ Աստուած Աստուած իմ :

Փրկեցեր զանձն իմ իմահուանէ,
զաչս իմ յարտասուաց, եւ զոտս իմ
իգայթակղութենէ. հաճոյ եղէց առա-
ջի Տեառն յերկրին կենդանեաց :

ՍԱՂՄՈՍ ԾԶ.

Իկատարած . մի ապականեր . Սաղմոս Դաւթի յարձանա-
գիր . իժամանակի զի փախուցեալ եւ թաղուցեալ էր
նա յերեսաց Սաւուղայ յայրի անդ :

Ողորմեա ինձ Աստուած ' ողորմեա
ինձ , զի իբեզ յուսացաւ անձն իմ :

Իհովանի թեւոց քոց յուսացայց ,
մինչեւ անցցէ անօրէնութիւն :

Աղաղակեցի առ Աստուած բարձրեալ ,
առ Աստուած բարերար իմ :

Առաքեաց յերկնից , եւ կեցոյց զիս .
եզ ինախատինս ' որք կոխէին զիս :

Առաքեաց Աստուած զողորմութիւն
եւ զճշմարտութիւն իւր . եւ փրկեաց
զանձն իմ իմիջոյ գազանաց , զի ննջէի
ես խռովեալ :

Որդւոց մարդկան ատամունք իւր-
եանց զէն եւ նեւք են , եւ լեզուք նո-
ցա որպէս զսուր սուսերի :

Բարձրեալ ես դու յերկինս Աստուած ,
եւ յամենայն երկրի են փառք քո :

Որոգայթ պատրաստեցին ոտից ի-
մոց , խոնարհ արարին զանձն իմ , փո-

րեցին առաջի իմ խորխորատ, եւ ան-
կան ինքեանք ինոյն :

Պատրաստ է սիրտ իմ Աստուած,
պատրաստ է սիրտ իմ օրհնել եւ սաղ-
մոս ասել քեզ փառօք իմովք :

Զարթիք փառք իմ, զարթիք սաղ-
մոսիւք եւ օրհնութեամբ. եւ ես զար-
թեաց առաւօտուց :

Խոստովան եղէց քեզ իժողովուրդս
Տէր, եւ սաղմոս ասացից քեզ յազինս :

Մեծ եղեւ մինչեւ յերկինս ողորմու-
թիւն քո, մինչեւ յամպս ճշմարտու-
թիւն քո :

Բարձրեալ ես գու յերկինս Աստուած,
եւ յամենայն երկրի են փառք քո :

ՍԱԳՄՈՍ ԾԷ .

Իկատարած . մի ապականեր . յարձանագիր .

Սաղմոս Դաւթի :

Թէ արդարեւ զարդարութիւն խօ-
սէիք, եւ ուղիղս դատէիք որդիք մարդ-
կան :

Քանզի եւ արդ իսկ իարտի ձերում՝
զանօրէնութիւն գործէք յերկրի . զա-
նիրաւութիւն ձեռք ձեր նիւթեն :

Օտար եղեն մեղաւորք իմօրէ , խա-
բեցան յարգանդէ եւ խօսեցան զսուտ :

Սրտմտութիւն նոցա ըստ նմանու-
թեան օձի . որպէս իժի եւ քարբի ,
զի խցեալ է զականջս իւր .

Զի մի լուիցէ նա զձայն թովչի ճար-
տարի , եւ մի առցէ զգեղ իգեղատուէ
իմասանոյ :

Աստուած փշրեսցէ զատամունս նո-
ցա իբերանս իւրեանց , եւ զժանիս ա-
ռիւծուց խորտակեաց Տէր :

Անարդ եղիցին նոքա որպէս ջուր՝
զի հեղանի . իլարել աղեղան նորա տը-
կարտացին որպէս մոմ՝ զի հալի , եւ
սպառեսցին :

Անկաւ հուր՝ եւ ոչ տեսին զարեւ ,
մինչչեւ իմիտ առեալ էր զփուշս իւր-
եանց . որպէս դժնիկ բարկութեամբ
կենդանւոյն կիզցէ զնոսա :

Ուրախ եղիցի արդարն՝ յորժամ

տեսցէ զհատուցումն. եւ զձեռս իւր
լուսացէ յարեան մեղաւորի :

Եւ ասացէ մարդ. թէ արգարեւ
գուցէ պտուղ արգարոյ, եւ է Աստուած
որ գատի զնոսա յերկրի :

ՍԱՂՄՈՍ ԾԸ.

Նկատարած. մի սպականեր. յարձանագիր. Սաղմոս
Իաւթի. ի ժամանակի զի առաքեաց Սաւուղ եւ պա-
շարեաց զտուն նորա, զի սպանցէ զնա :

Փրկեա զիս ի թշնամեաց իմոց Աս-
տուած, յայնցանէ ոյք յարուցեալ են
ի վերայ իմ՝ ապրեցո զիս :

Փրկեա զիս յայնցանէ՝ ոյք գործ են
զանօրէնութիւն, յարանց արիւնահե-
ղաց ապրեցո զիս :

Որսալ զանձն իմ կամեցան, եւ հա-
սին ի վերայ իմ հզօրք :

Ոչ մեղք իմ եւ ոչ յանցանք. ա-
ռանց մեղաց ընթացայ եւ ուղիղ եղէ :

Զարթիր ընդ առաջ իմ, եւ տես
դու Տէր զօրութեանց Աստուած Իս-
րայելի :

Նայեաց եւ այց արա ամենայն հե-
թանոսաց, մի ողորմիր ամենեցուն՝
ոյք գործեն զանօրէնութիւն :

Դարձցին ընդ երեկոյս, սովեսցին
որպէս շունք եւ շրջեսցին զքաղաքաւ :

Նոքա զօղանջեսցեն բերանօք իւր-
եանց, եւ սուր է իշրթունս նոցա :

Իսկ արդ ո՞վ լուաւ զայս. զի դու
Տէր ծիծաղեսցիս զնոքօք, եւ արհա-
մարհեսցես զամենայն հեթանոսս :

Զզօրութիւն իմ առ քեզ սլահեսցից,
զի Աստուած օգնական իմ է :

Աստուած իմ, ողորմութիւն նորա
կանխեսցէ առ իս. եւ Աստուած իմ
ցուցցէ ինձ իթշնամիս իմ :

Մի սպանաներ զնոսա, զի մի մոռաս-
ցին զժողովուրդս քո :

Յրուեա զնոսա զօրութեամբ քով
եւ ընկճեա զնոսա, զի դու ես սլաշու-
պան իմ Տէր :

Մեզք բերանոյ նոցա եւ բանք շըր-
թանց նոցա, ընկլցին նոքա յամբար-
տաւանութեան իւրեանց :

Յանէծս եւ իստութիւնս մատնե-
ցին. իկատարածի բարկութեան սպա-
ռեսցին, եւ մի գտցին :

Գիտասցեն՝ զի Աստուած տիրէ Յա-
կոբայ եւ ամենայն ծաղայ երկրի :

Դարձցին ընդ երեկոյս, սովեսցին
որպէս շունք եւ շրջեսցին զքաղաքաւ :

Նոքա սիւռեսցին յուտել, ապա թէ
ոչ յագեսցին՝ տրտնջեսցեն :

Ես օրհնեցից զօրհնութիւնս Տեառն,
եւ ցնծացայց առաւօտուց յողորմու-
թեան քում :

Զի եղեր իմ պաշտպան եւ տուն
ապաւինի, յաւուր նեղութեան իմոյ
օգնական իմ :

Քեզ սաղմոս ասացից՝ Աստուած ա-
պաւէն իմ, Աստուած ողորմութեան
իմոյ :

ՍԱՂՄՈՍ ԾԹ.

Սաղմոս Դաւթի . արձանագիր . իկատարած , զառանցե-
լոց ժամանակաց առ ուսմանէ . իժամանակի զի հրձիգ
արար նա զՄիջագետս եւ զԱսորեստանն Սոփողայ , եւ
իդարձին հարկանէր Յովաբ զձորն աղտից
յերկոտասան հազարս :

Աստուած մերժեցեր եւ աւերեցեր
զմեզ , բարկացար ' եւ գթասցիս իմեզ :

Շարժեցեր զերկիր , եւ խռովեցու-
ցեր զսա . բժշկեա զհարուածս սորա '
զի սասանեցալ :

Յուցեր ժողովրդեան քում խստու-
թիւն , եւ ետուր ըմպել մեզ գինի յի-
մարութեան :

Ետուր երկիւղածաց քոց նշան ' զի
ապրեսցին յերեսաց աղեղան :

Որպէս փրկեցան սիրելիք քո , կեցո
աջով քով եւ լուր մեզ :

Աստուած խօսեցալ իսրբութենէ իւր-
մէ . ցնծացայց բարձր եղէց , բաժանե-
ցից զՍիւքէմ , եւ զհովիտսն յարկաց
չափեցից :

Իմ է Գաղայադ, եւ իմ է Մանասէ,
Եփրեմ հզօրիչ գլխոյ իմոյ :

Յուդայ թագաւոր իմ, Մովաբ աւա-
զան յուսոյ իմոյ :

Յեդովմէ ուղղեցից զգնացս իմ, եւ
ինձ այլազգիք հնազանդ եղեն :

Ո՞տարցէ զիս իքաղաք ամուր, կամ
ով առաջնորդեսցէ ինձ մինչեւ ցեղոմ :

Եթէ ոչ դու Աստուած՝ որ մերժե-
ցեր զմեզ, եւ ոչ ելեր Աստուած ընդ
զօրս մեր :

Տուր մեզ օգնութիւն ինեղութեան,
զի ընդունայն է փրկութիւն մարդոյ :

Աստուծով արասցուք զօրութիւն,
եւ նա արհամարհեսցէ զայնոսիկ՝ ոյք
նեղեն զմեզ :

ՍԱՂՄՈՍ Կ.

Եկատարած ընդ օրհնութիւն. Սաղմոս Դաւթի :

Լուր Աստուած աղօթից իմոց, եւ
նայեա Տէր յաղօթս իմ :

Իծագաց երկրի կարգացի առ քեզ,
մինչ իվաստակիլ սրտի իմոյ :

Իվիմէ բարձր արարեր զիս, առաջ-
նորդեցեր ինձ, եւ իմ եղեր յոյս, եւ
աշտարակ հզօր եղեր ինձ յերեսաց
թշնամւոյն :

Բնակեցայց ես իյարկս քո յաւիտեան,
եւ ծածկեցայց ընդ հովանեաւ թեւոց
քոց :

Դու Աստուած լուար ազօթից իմոց,
ետուր ժառանգութիւն՝ ոյք երկնչին
յանուանէ քումմէ :

Աւուրս յաւուրս յաւելեր թագաւո-
րի ամաց նորա, աւուրս ազգաց մին-
չեւ յազգս :

Կայ եւ մնայ յաւիտեան առաջի
Աստուծոյ ոլորմութիւն եւ ճշմարտու-
թիւն, ոյք խնդրեն ինմանէ :

Այսպէս սաղմոս ասացից անուան
քում յաւիտեանս յաւիտենից, եւ տաց
քեզ զազօթս իմ օր ըստ օրէ :



ՍԱՂՄՈՍ ԿԱ.

Իկատարած . իվերայ Իդիթովմայ . Սաղմոս Դաւթի :

Բայց միայն Աստուծոյ Հնազանդ լեր
անձն իմ, զի ինմանէ է ինձ փրկու-
թիւն :

Նա է Աստուած իմ եւ փրկիչ իմ .
ապաւէն իմ, զի մի սասանեցայց ա-
ռաւել :

Մինչեւ յերբ յառնէք իվերայ մար-
դոյ՝ սպանանել ամենեքեան . որպէս
յորմոյ թիւրեւոյ եւ իցանկոյ մերժելոյ :

Բայց միայն զպատիւ իմ խորհեցան
մերժել յինէն, եւ ընթացան իծարաւս
իւրեանց :

Բերանօք իւրեանց օրհնէին, եւ սըր-
տիւք անիծանէին :

Բայց սակայն Աստուծոյ Հնազանդ
լեր անձն իմ, զի ինմանէ է ինձ համ-
բերութիւն :

Նա է Աստուած իմ եւ փրկիչ իմ,
ապաւէն իմ զի մի սասանեցայց :

ՅԱտուածոյ է զօրութիւն իմ եւ
փառք իմ. Ատուած օգնութեան իմոյ,
յոյս իմ առ Ատուած է :

Յուսացարուք ինա ամենայն ժողովք
ժողովրդոց. սփռեցէք առաջի նորա
զսիրտ ձեր, զի Ատուած օգնական է
մեր յաւիտեանս ժամանակաց :

Սակայն ընդունայն են որդիք մարդ-
կան. սուտ են որդիք մարդկան. իկշիռս
իւրեանց մեղանչեն, եւ ինքեանք յու-
նայնութեան են իմիասին :

Մի յուսայք յանիրաւութիւն, յա-
փրշտակութեան մի ցանկայք. եւ մե-
ծութիւն թէ առուիւ գայցէ՝ մի յօ-
ժարեսցին սիրաք ձեր :

Միանգամ խօսեցաւ Ատուած, եւ
երկուս զայս լուար :

ՅԱտուածոյ է զօրութիւն, եւ քո Տէր
ողորմութիւն. եւ գու հատուցանես իւ-
րաքանչիւր ըստ գործոց նոցա :

ՍԱՂՄՈՍ ԿԲ .

Սաղմոս Դաւթի, մինչդեռ նստէր նա
յանապատի անդ շրէաստանի :

Աստուած Աստուած իմ, ես առ քեզ
առաւօտ առնեմ. ծարաւեաց առ քեզ
հոգի իմ, քանիպատիկ եւս եւ մարմին
իմ .

Որպէս երկիր անապատ եւ անջուր,
ուր ոչ գոյ ինմա ճանապարհ :

Այսպէս խտրբս երեւեցայց քեզ,
տեսանել ինձ զզօրութիւն քո եւ ըզ-
փառս քո :

Վասն զի լաւ է ինձ ողորմութիւն
քո քան զկեանս իմ, եւ շրթունք իմ
գովեսցեն զքեզ :

Այսպէս օրհնեցից զքեզ իկեանս իմ,
եւ յանուն քո համբարձից զձեռս իմ :

Որպէս իճարպոյ պարարտութենէ
լցցի անձն իմ, շրթամբք ցնծութեան
օրհնեսցէ զքեզ բերան իմ :

Զի թէ յիշէի զքեզ յանկողնի իմում,
ընդ առաւօտս կանխեալ խօսէի ընդ
քեզ :

Զի եղեր իմ օգնական, իհովանի
թեւոց քոց ցնծացայց :

Եկն զկնի քո անձն իմ, եւ զիս ըն-
կալաւ աջ քո. եւ նոքա ինանիր խընդ-
րեցին զանձն իմ :

Մտցեն իներքոյ անդնդոց երկրի .
մատնեսցին իձեռս սրոյ, եւ բաժինք
ազուխոուց եղիցին :

Թագաւոր յուսացաւ իՏէր. գովես-
ցին ամենեքեան՝ ոյք երգնուն նովաւ .
խցցին բերանք այնոցիկ՝ ոյք խօսէին
զանիրաւութիւն :

ՍԱՂՄՈՍ ԿԳ.

Եկատարած . Սաղմնս Դաւթի :

Լնւր Աստուած ազօթից իմոց յաղա-
ջել ինձ առ քեզ, յերկիւղէ թշնամւոյն
փրկեա զանձն իմ :

Ծածկեսցես զիս իժողովոց չարաց,
իբազմութենէ՝ ոյք գործեն զանօրէ-
նութիւն :

Ոյք սրեցին որպէս սուսեր զլեզուս
իւրեանց . լարեցին զաղեզունս իւրեանց
յիրս դառնութեան :

Ձգել իգաղտնիս այնոցիկ՝ ոյք ուղիղ
են սրտիւք. յանկարծակի ձգեսցեն ի
նոսա, եւ մի երկիցեն :

Ոյք զօրացուցին յանձինս իւրեանց
զբանս չարութեան. խորհեցան թա-
գուցանել ինձ որոգայթ, եւ ասացին
ուչ տեսանէ զայս Տէր :

Քննեցին զանօրէնութիւն, պատրաս-
տեցան իքննել զքննութիւն :

Մատիցէ այր իխորութիւն սրտի իւ-
րոյ, եւ բարձր եղիցի Աստուած :

Նետք տղայոց եղեն վէրք նոցա. տը-
կարացան ինոսա լեզուք նոցա, եւ խը-
ռովեցան ամենեքեան՝ ոյք հայէին ընդ
նոսա :

Երկեալ ամենայն մարդ, իպատմել
զգործս Աստուծոյ. եւ զարարածս նո-
րա իմիտ առին :

Ուրախ եղիցի արդար իՏէր, եւ յու-
սասցի ինա. նովալ գովեսցին ամենե-
քեան՝ ոյք ուղիղ են սրտիւք :



ՍԱՂՄՈՍ ԿԴ.

Իկատարած . Սաղմոս Դաւթի : Օրհնութիւն Երեմիայի ,
Եզեկիելի եւ Ժողովրդեանն , յորժամ իպանդխտու-
թենէն կամէին ելանել :

Քեզ վայելէ օրհնութիւն Աստուած
իՍիօն . եւ քեզ տացին աղօթք յերու-
սաղէմ :

Հո՛ւր աղօթից իմոց , զի առ քեզ ա-
մենայն մարմին եկեսցէ :

Բանք անօրինաց զօրացան իվերայ
մեր . եւ զամբարշտութիւնս մեր դու-
քաւեսցես :

Երանի զոր ընտրեցեր եւ ընկալար ,
եւ բնակեսցին իգաւիթս քո :

Լցցուք մեք իբարութենէ տան քո .
սուրբ է տաճար քս սքանչելի արդա-
րութեամբ :

Հուր մեզ Աստուած փրկիչ մեր , յոյս
ամենայն ծագաց երկրի , եւ որ իծով
հեռի :

Ո պատրաստէ զլերինս զօրութեամբ
իւրով , եւ զգեցեալ է զօրութիւն :

Ո խռովեցուցանէ զմեծութիւն ծովու, եւ զձայն ալեաց նորա ցածուցանէ:

Խռովեսցին հեթանոսք, եւ երկիցեն բնակիչք երկրի ինչանայ քոց:

Յելս առաւօտու՝ ընդ երեկոյս զըլարճասցին. հայեցար յերկիր՝ արբեցուցեր զնա, եւ բազում արարեր ըզմեծութիւն նորա:

Գեան Աստուծոյ լի եղեւ ջուրք. պատրաստ արարեր զկերակուր նորա, զի այսպէս է պատրաստութիւն:

Զակօս նորա արբեցուցեր, եւ բազում արարեր զարմտիս նորա:

Իցօղել նորա զուարթ եղիցի բոյս նորա. օրհնեսցի սոսակ տարւոյ քաղցրութեան քո:

Դաշաք քո լցցին պարարտութեամբ, պարարտացին գեղեցկութիւնք անապատի:

Բլուրք զցնծութիւն զգեցցին, եւ զգեցցին խոյք մաքեաց:

Հովիտք բազում արասցեն զցորեան, աղաղակեսցին եւ օրհնեսցեն:

ՍԱՂՄՈՍ ԿԵ.

Իկատարած. Սաղմոս Գաւթի. յարութեան:

Աղաղակեցէք առ Աստուած ամենայն
երկիր. սաղմոս ասացէք անուան նորա,
եւ տուք զիառս օրհնութեան նորա:

Ասացէք Աստուծոյ, սրպէս զի ասեղ
են գործք քո. իբաղում զօրութեան
քում ստեցին քեզ թշնամիք քո:

Ամենայն երկիր երկիրպագցեն քեզ.
սաղմոս ասացեն քեզ, եւ սաղմոս ասացեն
անուան քում:

Եկայք եւ տեսէք զգործս Աստուծոյ.
որպէս զի ասեղ են խորհրդով քան
զամենայն որդւոց մարդկան:

Ո դարձոյց զծովն իցամաք. եւ ընդ
գետս անցին ստանաւորք:

Անդ ուրախ եղիցուք մեք ինա, որ
տիրէ զօրութեամբ իւրով յաւիտենից:

Աչք նորա իհեթանոսս հային. ոյք
դառնացուցին զնա՝ մի բարձրացին
յանձինս իւրեանց:

Օրհնեցէք հեթանոսք զԱստուած մեր,
լսելի արարէք զձայն օրհնութեան նորա:

Այն որ ետ զանձն իմ իկեանս, եւ
ոչ ետ դողութիւն ոտից իմոց:

Փորձեցեր զմեզ Աստուած եւ քննե-
ցեր, որպէս եւ քննի արծաթ:

Իջուցեր զմեզ յորոգայթ, եղեր
զնեղութիւն իթիկունս մեր, եւ անցու-
ցեր զմարդիկ իվերայ գլխոց մերոց:

Անցաք մեք ընդ հուր եւ ընդ ջուր,
եւ հաներ զմեզ իհանգիստ:

Մտից իտուն քո պատարագօք, տայ
քեզ զուխտ իմ՝ զոր խոստացան քեզ
շրթունք իմ, զոր բերան իմ խօսեցաւ
ինեղութեան:

Զողջակէզս ուղղալիցս մատուցից
քեզ խոյովք եւ խնկովք, եւ քեզ մա-
տուցից զուարակս եւ նոխազս:

Եկայք լուարուք ինձ, եւ պատմեցից
ձեզ ամենեքեան՝ ոյք երկնչիք յԱստու-
ծոյ, զոր ինչ արար անձին իմոյ:

Առ նա բերանով իմով կարգացի,
եւ բարձր արարի զնա լեզուաւ իմով:

Զմեղս թէ տեսանէի իսրտի իմում,
միթէ լսէր ինձ Տէր:

Վասն այսորիկ լուաւ ինձ Աստուած,
եւ նայեցաւ իձայն խնդրուածաց իմոց:

Օրհնեալ է Աստուած՝ որ ոչ իբա-
ցեայ արար զաղօթս իմ, եւ ոչ զողոր-
մութիւն իւր յինէն:

ՍԱՂՄՈՍ ԿԶ.

Իկատարած. ընդ օրհնութիւնս. Սաղմոս երգոց:

Աստուած ողորմեա մեզ եւ օրհնեա
զմեզ. երեւեցո զերեսս քո իմեզ, եւ
ողորմեա մեզ:

Ճանաչել յերկրի զճանապարհս քո,
յազինս ամենայն զփրկութիւնս քո:

Խոստովան եղիցին առ քեզ ժողո-
վուրդք Աստուած, խոստովան եղիցին
առ քեզ ժողովուրդք ամենայն:

Ուրախ եղիցին եւ ցնծասցեն ազինք՝
զի դու դատես զժողովուրդս ուղղու-
թեամբ, եւ ազգաց երկրի դու առաջ-
նորդես:

Խոստովան եղիցին առ քեզ ժողովուրդք Աստուած . գոհասցին զքէն ժողովուրդ ամենայն :

Երկիր ետ զպտուղ իւր , եւ օրհնեաց զմեզ Աստուած Աստուած մեր :

Աստուած մեր օրհնեսցէ զմեզ . եւ ինմանէ երկիցեն ամենայն ծագք երկրի :



ՍԱՂՄՈՍ ԿԷ .

Իկատարած . Սաղմոս Դաւթի :

Յարիցէ Աստուած' եւ ցրուեսցին ամենայն թշնամիք նորա , փախիցեն ատելիք նորա յերեսաց նորա :

Որպէս պակասի ծուխ' պակասեսցին . որպէս հալի մոմ' առաջի հրոյ' այնպէս կորիցեն մեղաւորք յերեսաց Աստուծոյ :

Արդարք ուրախ եղիցին' եւ ցնծացեն առաջի նորա , եւ զուարճասցին յուրախութեան իւրեանց :

Օրհնեսցէք զԱստուած մեր եւ սաղ-

մոս ասացէք անուան նորա . ճանապարհ
արարէք այնմիկ՝ որ նստի ընդ արեւ-
մուտս , եւ Տէր է անուն նորա :

Յնճասցեն առաջի նորա , եւ խռ-
վեսցին յերեսաց նորա :

Որ հայրն է որբոց եւ դատաւոր այր-
եաց , Աստուած խեղճ սրբութեան
իւրոյ :

Աստուած բնակեցուցանէ զմիակրօնս
իտան , եւ հանէ զկապեալս քաջութեամբ
իւրով . սոյնպէս եւ զդառնացողս՝ որք
բնակեալ են իգերեզմանս :

Աստուած ընդ ելանելն քո առաջի
ժողովրդեան քո , ընդ անցանելն քո
ընդ անապատ՝ երկիր շարժեցաւ :

Քանզի եւ երկինք ցօղեսցին յերե-
սաց Աստուծոյ իՍինայէ առաջի Աստու-
ծոյ Իսրայելի :

Անձրեւ կամաց պատրաստեցեր Աս-
տուած ժառանգութեան քում . թէպէտ
եւ հիւանդացաւ՝ սակայն դու հաստա-
տեցեր զնա , եւ գաղանք քո բնակեսցին
ինմա :

Պատրաստ արարեր քաղցրութեամբ քով աղքատի Աստուած. Տէր տացէ զբան՝ ոյք աւետարանեն զօրութեամբ բազմաւ :

Թագաւոր զօրութեանց սիրելոյ, գեղեցկութիւն տան քո բաժանեալ յաւարի. թէպէտ եւ ննջեսջիք իմէջ վիճակաց :

Թեւք աղաւնոյ արծաթապատ, եւ թիկնամէջ նորա իգոյն ոսկոյ :

Իգումարել երկնաւորին զթագաւորըս իվերայ նորա, ձիւնասցին իՍաղմոն :

Լեառն Աստուծոյ լեառն պարարտ, լեառն մածեալ, լեառն պարարտ. եւ զինչ կարծէք լերինք հպարտացեալք :

Լեառն՝ ընդ որ հաճեցաւ Աստուած բնակիլ ինմա, քանզի եւ Տէր իսկ բնակեսցի ինմա իսպառ :

Կառք Աստուծոյ բիւրապատիկք, հազարք ուղղիչք, եւ Տէր ինոսա իՍինէ սրբութենէ իւրմէ :

Եւ իբարձունս եւ գերեաց զգերութիւն. էառ աւար՝ բաշխեաց պարգեւս

եւ ետ որդւոց մարդկան . քանզի թե-
րահաւատից եւս բնակեալ եղիցին ինմա :

Տէր Աստուած օրհնեալ՝ օրհնեալ
Տէր զօրհանապազ , առաջնորդեսցէ
մեզ Աստուած փրկիչ մեր :

Աստուած մեր Աստուած կենարար ,
եւ իՏեառնէ են ելք մահու :

Բայց սակայն Աստուած փշրեսցէ
զգլուխս թշնամեաց մերոց . եւ զհերն
կարճնովին՝ ոյք գնան յանօրէնութեան
իւրեանց :

Ասաց Տէր՝ իխորոց անգնդոց դար-
ձուցից , եւ իմիջոյ ժանեաց զայն ի
գուրս կօրզեցից :

Որպէս թացցի ոսն քո յարեան , եւ
լեզուք շանց քոց յարենէ թշնամեաց
քոց :

Երեւեցան գնացք քո Աստուած . գը-
նացք Աստուծոյ թագաւորին մերոյ
սրբոյ :

Կանխեցին իշխանք հանել զօրհնու-
թիւն իմէջ կուսանաց եւ գովչաց :

Յեկեղեցիս օրհնեցէք զԱստուած , եւ
զՏէր՝ յաղբերացն Իսրայելի :

Անդ Բենիամին խաղայութեան զարմանալի, իշխանք Յուդայ առաջնորդք նորա՝ իշխանք Զաբուղոնի, եւ իշխանք Նեիթաղիմայ :

Հրամայեա Աստուած զօրութեամբ քով, զօրացո զայս՝ զոր հաստատեցեր իմեզ :

Իտաճարէ քուճմէ յերուսաղէմէ քեզ մատուցեն թագաւորք զպատարագս :

Սաստեա իգազան եղեգան, իժողովրս զուարակաց եւ իգասս երնջոց :

Խոտեսցին այնոքիկ՝ ոյք ընտրեալ են արծաթով, ցրուեա զհեթանոսս՝ ոյք կամին ընդ պատերազմ :

Եկեսցեն հրեշտակք յեգիպտոսէ. Հնդիկք յառաջագոյն ձեռնտու լիցին առ Աստուած :

Թագաւորութիւնք երկրի օրհնեցէք զԱստուած, եւ սաղմոս ասացէք Տէառն :

Ճանապարհ արարէք այնմիկ՝ որ նստի յերկինս երկնից ընդ արեւելս :

Ահա տացէ զձայն իւր իձայն զօրութեան, եւ սուք զիառս Աստուծոյ :

Իվերայ Իսրայելի մեծ վայելչութիւնն
նորա. եւ զօրութիւնն նորա մինչեւ
յամպս երկնից :

Աքանչելի է Աստուած իվերայ սրբոց
իւրոց, Աստուած Իսրայելի :

Նա տացէ զօրութիւնն Հաստատու-
թեան ժողովրդեան իւրոյ. օրհնեալ
է Աստուած :

ՍԱՂՄՈՍ ԿԸ.

Եկատարած, Սաղմոս Դաւթի. վտան զառանցելոցն :

Կեցո զիս Աստուած՝ զի Հասին ջուրք
յանձն իմ, ընկլայ ես իխորս անդնդոց՝
ուր ոչ գոյ ինձ Հանդիստ :

Եկի ես իխորս ծովու, եւ շրջանք
ընկղմեցին զիս :

Վաստակեցայ ես առ աղաղակել, եւ
կերկերեցաւ կոկորդ իմ :

Նուաղեցան աչք իմ առ յուսալ ինձ
առ Տէր Աստուած իմ :

Բազումք եղեն քան զհեր գլխոյ ի-
մոյ, ոյք ասէին զիս իտարապարտուց :

Զօրացան յիս թշնամիք իմ եւ ատելիք իմ ինանիր. ինչ զոր ոչ յափըշտակեալ էի՝ տուժէի նոցա :

Աստուած դու ծանեար զանզգամութիւն իմ, եւ յանցանք իմ իբէն ոչ ծածկեցան :

Մի ամաչեսցեն վասն իմ՝ ոյք համբերեն քեզ Տէր Տէր զօրութեանց. մի պատկառեսցին վասն իմ՝ ոյք խնդրեն զքեզ Աստուած Խորայելի :

Վասն քո համբերի նախատանաց, եւ ծածկեաց ամօթ զերեսս իմ :

Օտար եղէ ես եղբարց իմոց, եւ հիւր որդւոց մօր իմոյ :

Նախանձ տան քո եկեր զիս, եւ նախատինք նախատչաց քոց անկան իմերայ իմ :

Խոնարհեցուցի պահօք զանձն իմ, եւ եղեն ինձ այս նախատինք. արարի զհանդերձս իմ քուրձ, եւ եղէ առակ նոցա :

Զինէն խորհէին՝ ոյք նստէին առ դրունս, զիս այսին առնէին՝ ոյք ըմպէին զգինի :

Ես յաղօթս կայի առ քեզ Տէր իժա-
մանակ ընդունելի :

Աստուած իբազում ողորմութեան
քում լնւր ինձ, իճշմարտութիւն փր-
կութեան քո :

Ապրեցո զիս իկաւոյ, զի մի ընկլայց-
ապրեցայց ես յատելեաց իմոց, եւ ի
խորոց ջուրց բազմաց :

Մի ընկլցեն զիս պտոյտք ջուրց, եւ
մի ընկլմեսցեն զիս անդունդք խորոց .
եւ ջրհոր մի կափուսցէ զբերան իւր ի
վերայ իմ :

Լնւր ինձ Տէր, զի քաղցր է ողոր-
մութիւն քո . ըստ բազում գթութեան
քում հայեա յիս, եւ մի դարձուցա-
ներ զերեսս քո իծառայէ քումմէ, զի
նեղեալ եմ ես . վաղվաղակի լուր ինձ :

Հայեա յանձն իմ եւ փրկեա զիս, եւ
վասն թշնամեաց իմոց ապրեցո զիս :

Զի դու գիտես զնախատինս իմ, զա-
մօթ իմ եւ զպատկառանս իմ :

Առաջի քո են ամենայն նեղիչք ան-
ձին իմոյ . նախատանաց համբեր սիրտ
իմ եւ թշուառութեան :

Ակն ունէի՝ թէ ոք տրտմեսցի ընդ
իս, եւ ոչ ոք էր. եւ մխիթարիչ ինձ
ոք ոչ դտաւ :

Նստուն իկերակուր ինձ լեղի, եւ ի
ծարաւ իմ արբուցին ինձ քացախ :

Եղիցին սեղանք նոցա առաջի նոցա
յորոգայթ, իհատուցումն եւ իգայ-
թակղութիւն :

Խաւարեսցին աչք նոցա՝ զի մի տես-
ցեն. եւ զթիկունս նոցա հանասլազ կո-
րացո :

Արկցես իվերայ նոցա զբարկութիւն
քո. եւ սրտմտութիւն բարկութեան
քո հասցէ իվերայ նոցա :

Եղիցին բնակութիւնք նոցա աւերակ,
եւ իյարկս նոցա մի ոք իցէ՝ որ բնա-
կիցէ :

Զի զոր դու հարեր՝ հալածեցին, եւ
իվէրս ցաւոց իմոց յաւելին :

Դիր զմեզս իվերայ մեղաց նոցա, զի
մի մտցեն յարդարութիւն քո :

Ձնջեսցին նոքա իդսլրութենէ քում-
մէ կենաց, եւ ընդ արդարս քո մի
գրեսցին :

Աղքատ եւ ցաւած եմ ես, փրկու-
թիւն քո Աստուած՝ ընկալցի զիս :

Օրհնեցից զանուն Աստուծոյ իմոյ
օրհնութեամբ, եւ բարձր արարից զնա
գովութեամբ :

Հաճոյ եղիցի Աստուծոյ քան զորթ
մատաղ, որ բերէ զեղջիւրս եւ զկճղակս :

Տեսցեն աղքատք եւ ուրախ եղիցին .
խնդրեցէք զԱստուած՝ եւ կեսցեն ան-
ձինք ձեր :

Զի լուաւ Տէր տնանկաց, եւ զկա-
պեալս իւր ոչ արհամարհեաց :

Օրհնեսցեն զնա երկինք եւ երկիր,
ծով եւ ամենայն որ զեռայ ինոսա :

Աստուած փրկէ զՍիօն . եւ շինեսցին
քաղաքք Հրէաստանի . շինեսցեն բնա-
կեսցեն՝ եւ ժառանգեսցեն ինմա :

Զաւակ ծառայից քոց հաստատեսցի
անդ . եւ ոյք սիրեն զանուն քո՝ բնա-
կեսցեն ինմա :

ՍԱՂՄՈՍ ԿԹ.

Իկատարած. Սաղմոս Գաւթի,
աւ իյիշատակ փրկելոյ զնա Տեառն :

Աստուած օգնել ինձ նայեաց, եւ
Տէր յընկերել ինձ փութա :

Ամաչեացեն եւ յամօթ լիցին՝ ոյք
խնդրէին զանձն իմ, դարձցին յետս
եւ ամաչեացեն՝ ոյք խորհէին ինձ չար :

Գարձցին առ ժամայն ամաչեցեալք,
ոյք ասէին ինձ վնշ վաշ :

Յնծասցեն եւ ուրախ լիցին իբեղ
ամենեքեան՝ ոյք խնդրեն զքեզ Տէր :

Ասացեն յամենայն ժամ՝ մեծ է
Աստուած, եւ ոյք սիրեն զփրկութիւնս
քո :

Ես աղքատ եւ անանկ եմ, Աստուած
օգնեա ինձ. օգնական եւ փրկիչ իմ ես
եւ դու Տէր իմ՝ մի՛ յամենար :



ՍԱՂՄՈՍ Հ.

Եկատարած . որբւոցն Յովնադարայ . յետ առաջնոյ
դերութեանն . Սաղմա Գաւթի :

Իքեղ Տէր յուսացայ , մի ամաչեցից
յաւիտեան . յարգարու թեան քում փըր-
կեա եւ ապրեցո զիս :

Խոնարհեցո առ իս զունկն քո , եւ
կեցո զիս :

Էեր իմ Աստուած ապաւէն , եւ տե-
ղի ամուր կեցուցանել զիս . զի հաստա-
տութիւն իմ եւ ապաւէն իմ դ՛ն ես :

Աստուած իմ , փրկեա զիս իձեռաց
մեղաւորի , իձեռաց անօրինի եւ անի-
րաւի :

Գու ես համբերութիւն իմ Տէր , Տէր
յոյս իմ իմանկութենէ իմմէ :

Իքեղ հաստատեցոյ ես յարգանդէ .
յորովայնէ մօր իմոյ դ՛ն ես ապաւէն
իմ , եւ առ իքէն է օգնութիւն իմ յա-
մենայն ժամ :

Որպէս զի նշաւակ եղէ ես բաղմաց ,
եւ դու օգնական իմ եւ հղօրիչ իմ :



Լցցի բերան իմ գովուլթեամբ. որ-
պէս օրհնեցից զփառս քո, զօրհանա-
պազ զմեծ վայելչութիւնս քո :

Մի ընկենուր զիս Տէր իժամանակս
ծերութեան. իսպակասիլ զօրութեան
իմոյ մի թողուր զիս :

Ասացին թշնամիք իմ ինձ. եւ որք
պաշարեցին զանձն իմ, խորհեցան ի
միասին եւ ասացին .

Աստուած եթող զնա, հալածեսցուք
եւ հասցուք նմա, զի ոչ ոք է որ փրկէ
զնա :

Աստուած իմ, մի հեռի առնիր յի-
նէն. եւ Աստուած յօգնել ինձ նայեաց :

Ամաչեսցեն եւ սպակասեցին՝ ոյք
չարախօս կային զանձնէ իմմէ. զգեց-
ցին զամօթ եւ զպատկառանս՝ ոյք
խնդրէին ինձ չար :

Ես յամենայն ժամ յուսացայց, եւ
յաւելից յօրհնութիւնս քո :

Բերան իմ պատմեսցէ զարդարու-
թիւնս քո, զօրհանապազ զգովութիւ-
նըս քո :

Որպէս ոչ թէ խարդախութիւն ինչ
գիտէի գպրութեան. այլ մտից իզօ-
րութիւնս Տեառն, եւ Տէր յիշեցի զար-
դարութիւնս քո միայն :

Աստուած իմ, ուսուցեր զիս իման.
կութենէ իմմէ. եւ ցարդ եւս պատմե-
ցից զարդարութիւնս քո :

Մինչեւ յալեւորիլ եւ իծերանալ՝
Աստուած իմ մի թողուր զիս :

Մինչեւ պատմեսցի բազուկ քո ազ-
գի ամենայնի որ գալոցն է :

Զզօրութիւնս քո եւ զարդարութիւ-
նըս քո մինչեւ իբարձունս զոր արարեր
մեծամեծս, Աստուած ո՞նման է քեզ :

Որչափ ցուցեր ինձ նեղութիւն բա-
զում եւ չարչարանս, դարձեալ մխի-
թարեցեր զիս, եւ իխորոց անդնդոց
երկրի հաներ զիս :

Յաճախեցեր զզօրութիւնս քո, դար-
ձար եւ մխիթարեցեր զիս, եւ իխորոց
երկրի միւսանգամ հաներ զիս :

Արդ եւ ես խոստովան եղէց քեզ ի
պատրաստութիւն սաղմոսաց ճշմարի-

տըդ Աստուած, սաղմոս ստացից քեզ
օրհնութեամբ սուրբդ Իսրայելի :

Յնծասցեն շրթունք իմ յորժամ
սաղմոս ասիցեմ քեզ, եւ անձն իմ զոր
փրկեցեր :

Եւս եւ լեզու իմ զօրհանապազ խօ-
սեսցի զարդարութիւնս քո :

Իժամանակի որպէս յամօթ լիցին եւ
ամաչեսցեն՝ ոյք խնդրէին ինձ չար :

ՍԱՂՄՈՍ ՀԱ.

ԻՍաղմոնն Սաղմոս :

Աստուած զիրաւունս քո արքայի
տուր, եւ զարդարութիւնս քո որդւոյ
թագաւորի :

Դատել զժողովուրդս քո արդարու-
թեամբ, եւ զաղքատս քո իրաւամբք :

Աւցեն լերինք զխաղաղութիւն ժո-
ղովրդեան, եւ բլուրք զարդարութիւն :

Իրաւ արասցէ աղքատաց ժողովրդ-
դեան եւ կեցուսցէ զօրդիս տնանկաց,
եւ խոնարհեցուսցէ զամբարտաւանս :

Կացցէ եւ մնասցէ ընդ արեւու յա-
ռաջ քան զլուսին ազգէ մինչեւ յազգ :

Իջցէ որպէս զանձրեւ իվերայ գեղ-
ման , որպէս ցօղ զի ցօղէ յերկիր :

Ծագեսցի յաւուրս նորա արդարու-
թիւն , բազում խաղաղութիւն՝ մինչեւ
կատարեսցի լուսին :

Տիրեսցէ նա իծովէ մինչեւ իծով , ի
գետոց մինչեւ իծագս աշխարհի :

Առաջի նորա նախ Հնդ-իկք անկցին ,
եւ թշնամիք նորա հող կերիցեն :

Թագաւորք Թարսսի եւ կղզեաց պա-
տարագս մատուցեն նմա . թագաւորք
Արաբայ եւ Սաբայ պատարագս բեր-
ցեն նմա :

Երկիրազգցեն նմա ամենայն թա-
գաւորք երկրի , եւ ամենայն ազգք ծա-
ռայեսցեն նմա :

Զի վրկեաց զաղքատն իձեռաց հզօ-
րի . զաղքատն եւ զանանկն՝ որոյ ոչ
է իւր օգնական :

Անխայեսցէ նա յաղքատն եւ տնան-
կրն , եւ զանձինս տնանկաց կեցուցէ .

իվաշխից չարաց փրկեսցէ զանձինս նոցա :

Պատուական է անունն նորա առաջի նոցա . կեցցէ՛ եւ տացի նմա յոսկւոյն Արաբացւոց :

Յաղօթս կացցենն առ նա յամենայն ժամ, եւ զօրհանապազ օրհնեսցեն զնա :

Եղիցի հաստատութիւն ընդ ամենայն երկիր, եւ իվերայ դլլսոց լերանց :

Բարձրացի քան զԼիբանան պտուղ նորա . եւ ծաղկեսցի իքաղաքի Տեառն որպէս խոտ երկրի :

Եղիցի անունն Տեառն օրհնեալ յաւիտեան . զի յառաջ քան զարեւ է անունն նորա :

Ինա օրհնեսցինն ամենայն ազգք երկրի, եւ ամենայն ազինք երանիցենն նմա :

Օրհնեալ Տէր Աստուած Իսրայելի որ առնէ սքանչելիս միայն . եւ օրհնեալ է անունն սուրբ փառաց նորա յաւիտեան . լցցի փառօք նորա ամենայն երկիր . եղիցի եղիցի :



ԱՂՕԹՔ ԱՆՆԱՅԻ ՄՕՐՆ ՍԱՄՈՒԵԼԻ

Ա. Թագ. Բ.

Հաստատեցաւ սիրտ իմ իՏէր, եւ
բարձրացաւ եղջիւր իմ յԱստուած
փրկիչ իմ:

Ընդարձակեցաւ բերան իմ իվերայ
թշնամեաց իմոց. ուրախ եղէց իփրր-
կութեան քում:

Զի ոչ գոյ սուրբ որպէս զՏէր, եւ
ոչ արգար որպէս զԱստուած մեր, եւ
չիք սուրբ բաց յԱստուծոյ մերմէ:

Մի պարծիք եւ մի խօսիք զամբար-
տաւանս, եւ մի ելցէ ընդ բերանս ձեր
բան հպարտ մեծաբանութեան:

Աստուած գիտութեանց՝ Տէր Աս-
տուած սլատրաստէ իւրով իմաստու-
թեամբ զգիտութիւն յարարածս իւր:

Հզօրաց հաստ աղեղունք թուլացան,
եւ տկարք վառեցան զօրութեամբ:

Յագք եւ լիք հացիւ նուաղեցան, եւ
քաղցեալք լցին զերկիր:

Ամուլն ծնաւ եօթն, եւ բազմածինն
նուաղեցաւ իծննդոց :

Տէր մեռուցանէ եւ Տէր կեցուցանէ,
իջուցանէ իդժոխս եւ հանէ :

Տէր աղքատացուցանէ եւ Տէր մե-
ծացուցանէ. խոնարհ առնէ զամբար-
տաւանս մինչեւ յերկիր, եւ բարձր
առնէ զտառապետս յաղբեւաց :

Նստուցանէ զնոսա իշխանս ընդ իշ-
խանս ժողովրդեան, եւ զաթոռ փառաց
ժառանգեցուցանէ նոցա :

Կատարէ զուխոս ուխտաւորաց, եւ
օրհնեաց զամս արգարոց :

Զի ոչ թէ իւրով զօրութեամբ զօ-
րանայ հզօր, այլ Տէր տկար առնէ ըզ-
հակառակորդս իւր. Տէր սուրբ է :

Մի պարծեսցի խորհրդականն իխոր-
հուրդս իւր, եւ մի պարծեսցի հզօրն
իզօրութիւն իւր. եւ մի պարծեսցի
մեծն իմեծութեան իւրում :

Այլ որ պարծին՝ իՏէր պարծեսցի.
Իխորհուրդս դիտութեան զՏէր ճանա-
չել :

Առնել զիրաւունս եւ գործել զար-
դարութիւն խլերայ երեսաց երկրի :

Տէր եւ յերկինս եւ որոտաց , եւ ին-
քըն դատէ առանց բարբառելոյ :

Տայ զօրութիւն թագաւորաց մերոց ,
եւ բարձր առնէ զեղջիւր օծելոյ իւրոյ :

Փառք Հօր եւ Որդւոյ եւ :

ՄԱՂԹԱՆՔ

Բարձրացաւ եղջիւր իմ յԱստուած փրկիչ իմ .
հաստատեցաւ սիրտ իմ իՏէր տերամբ եւ հաւատով :

Մարդասէր Տէր , վասն սրբուհւոյ անարատի մօր
քո եւ Կուսի , եւ վասն խաչի քո պատուականի ' ըն-
կալ զաղաջանս մեր եւ կեցո զմեզ :

Քարոզ եւ Աղօթք

ՈՂՈՐՄԵԱ ԵՒ ԻՆԵՂՈՒԹԵԱՆ Կանոնացն :

Վասն գտանելոյ մեզ զշնորհս եւ զողորմութիւն
իրարերար Տեառնէ մերմէ , զՏէր աղաչեսցուք :
Տէր ողորմեա :

Վասն փրկելոյ զմեզ իգրպարտութենէ մարդկան
եւ յորոգայթից սատանայի , զՏէր աղաչեսցուք :

Վասն ամենայն անձանց քրիստոնէից եւ տանց
հաւատացելոց , զՏէր աղաջեսցուք :

Վասն որք իլերինս յայրս եւ իփապարս բնակեալ
են սուրբ հարքն մեր , զՏէր աղաջեսցուք :

Վասն որք սաղմոսիւք եւ օրհնութեամբ կատա-
րեն զամենայն ժամանակս կենաց իւրեանց , զՏէր :

Վասն հոգւոցն : Եւ եւս : Զանձինս : Ողորմեաց :

Աղօթք :

Գոհանամք զքեն Տէր Աստուած մեր , որ զարթու-
ցեր զմեզ իհանգստենէ քնոյ շնորհիւ ողորմութեան
քո : Զարթո զմիտս մեր արդարութեամբ առ քեզ
Տէր Աստուած մեր , զի տեսցեն աչք մեր զվրկու-
թիւն քո : Եկեսցէ եւ բնակեսցէ առ մեզ աստուա-
ծութիւն քո , եւ ողորմութիւն քո հովանի եւ պահա-
պան լիցի իվերայ պաշտօնէից քոց : Եւ զմեզ զժա-
ռայքս քո արժանի արա իտուէ եւ իգիշերի եւ յա-
մենայն ժամու միշտ խորհիլ իսէր պատուիրանաց
քոց : Եւ գոհանալով փառաւորել զՀայր եւ զՈրդի
եւ զսուրբ Հոգիդ , այժմ եւ միշտ եւ յաւիտեանս յա-
ւիտենից . ամէն :

Խաղաղութիւն ամենեցուն :

Աստուծոյ Երկրորդ Կոչուք :

Կենդանարար զօրութիւն եւ աղբիւր անմահութեան , դու եւ Բրիստոս Աստուած փրկիչ մեր : Որ շնորհեցեր մեզ իմէջ գիշերի յառնել եւ խոստովան լինել առ քեզ վասն իրաւանց եւ արդարութեան քո : եւ այժմ աղաջեմք զքեզ Տէ՛ր Աստուած մեր , արա զմեզ արթունս եւ պատրաստս իժամ առաւօտու ընդ սուրբս քո : եւ ընդ նոսին գահանալով փառաւորել զքեզ ընդ Հօր եւ ընդ Հոգւոյդ սրբոյ , այժմ եւ միշտ եւ յաւիտեանս յաւիտենից . ամէն :

Մաղթանք :

Գոհութեամբ եւ ճշմարիտ խոստովանութեամբ անդադար փառաւորեմք զՀայր եւ զՈրդի եւ զսուրբ Հոգիդ , այժմ եւ միշտ եւ յաւիտեանս յաւիտենից . ամէն :

Օրհնեալ Տէր մեր Յիսուս Բրիստոս . ամէն :

Հայր մեր որ յերկինս :



ՍԱՂՄՈՍ ՀԲ.

Սաղմոս յԱստի. օրհնութեան:



Բրեւ զի բարի է Իսրայելի
Աստուած, եւ ոյք ուղիղ են
սրտիւք:



Բայց զի իմ փոքր մի եւս
սասանեալ էին ոտք. սակաւիկ մի՛ եւ
գայթակղեալ էին գնացք իմ:

Նախանձեցայ ես ընդ անօրէնս. ըղ-
խաղաղութիւն մեղաւորաց որպէս տե-
սանէի, զի ոչ գոյր վրէպ մահու նոցա:

Հաստատուն են տանջանք նոցա. ի
վաստակս մարդկան չեն նոքա: Եւ ըստ
մարդկան ոչ տանջեսցին:

Վասն այսորիկ կալաւ զնոսա ամ-
բարտաւանութիւն. արկին զիւրեամբք
զամբարշտութիւն եւ զանիրաւութիւն
իւրեանց:

Ելցէ որպէս իճարպոյ անիրաւութիւն նոցա . զի գնացին նոքա ըստ խորհրդոց սրտից իւրեանց :

Խորհեցան եւ խօսեցան չարութեամբ . եւ զապիրատութիւն իբարձունս խորհեցան :

Եդին յերկինս զբերանս իւրեանց , եւ զլեզուս իւրեանց ածէին զերկրաւ :

Վասն այսորիկ ժողովուրդ իմ գարձցի այսրէն . եւ աւուրք իմ լի կատարեալ գտցին ինոսա :

Ասացին՝ զիմօրդ գիտաց Աստուած . կամ գուցէ արդեօք գիտութիւն առ իբարձրելոյն :

Ահա մեզաւորք են եւ յաջողեալ է նոցա . կան եւ ունին զմեծութիւն աշխարհի :

Ասացի՝ իզնւր ուրեմն արդարացուցի զսիրտ իմ , լուացից սրբութեամբ զձեռս իմ . եւ եղէ ես խոշտանկեալ զօրհանապաղ . եւ կշտամբանք իմ ընդ առաւօտս :

Թէպէտ եւ ասէի՝ թէ այսպէս պատմեցից . ահաւասիկ յաղղ որդւոց քոյ՝

որոց եւ ուխտեցից :

Իմաի եզի, թէ սակայն եւ այս ջան
է առաջի իմ, մինչեւ մաից խորբու-
թիւնն Ստոուծոյ եւ իմիտ առից զկա-
տարած նոցա :

Սակայն վասն նենգութեան նոցա
տարագիր արասցես զնոսա, եւ կործա-
նեսցես զնոսա յամբարտաւանութեան
իւրեանց :

Իսկ զիմորդ եղեն յաւեր յանկար-
ծակի. սատակեցան սլակասեցան կո-
րեան վասն անօրէնութեան իւրեանց,
եւ եղեն որպէս երազք զարթուցելոց :

Տէր իբաղաքի քում զպատկերս նո-
ցա անարգեսցես. զի հուր բորբոքեցաւ
խորաի իմում, եւ երիկամունք իմ այ-
լագունեցան :

Ես արհամարհեալ եղէ, եւ ոչ գի-
տացի. որպէս զանասուն համարեցայ
առաջի քո, եւ ես յամենայն ժամ ընդ
քեզ եմ :

Կալար զաջոյ ձեռանէ իմմէ, իխոր-
հուրդս քո առաջնորդեցեր ինձ, եւ
փառօք ընկալար զիս :

Զինչ կայ իմ բնաւ յերկինս, կամ իքէն զինչ եւս խնդրեցից յերկրի :

Նուաղեցաւ սիրտ իմ եւ մարմին իմ, Աստուած սրտի իմոյ, բաժին իմ Աստուած յաւիտեան :

Ահաւասիկ ոյք հեռի արարին զանձինս իւրեանց իքէն՝ կորիցեն, սատակեսցես զամենեսեան՝ ոյք ապստամբ եղեն իքէն :

Ինձ մերձենալ առ Աստուած բարի է, եւ դնել առ Տէր զյոյս իմ :

Պատմել զամենայն օրհնութիւնս քո իդրունս դատեր Սիօնի :

ՍԱՂՄՈՍ ՀԳ.

Իմաստութիւն յԱստի :

Ընդէր մերժեցեր Աստուած խալառ. բարկացաւ սրտմտութիւն քո իվերայ խաշին արօտի քո :

Յիշեա զժողովուրդ քո, զոր ստացար իսկզբանէ. փրկեցեր զվիճակ ժառանգութեան քո :

Լեառն Սիօն այս՝ ուր բնակեցար դու

խամա . Համբարձ զձեռն քո ի վերայ ամբարտաւանութեան նոցա իսպառ :

Որ ինչ անիրաւեցաւ թշնամին իւրբութեան քում . պարծեցան ատելիք քո իմէջ բարեկենդանութեան իւրեանց :

Եղին զնշանս իւրեանց ինշանս , եւ ինքեանք ոչ ծանեան զելս ի վերուստ :

Որպէս յանտառի փայտատօք կոտորեցին զգրունս նորա , իմիասին փայտատօք եւ մրճօք կործանեցին զնա :

Այրեցին ի հուր զսրբութիւն քո յերկրի . պղծեցին զխորան անուան քո :

Ասացին իսիրտս իւրեանց ազգք նոցա իմիասին , եկայք լռեցուսցուք զամենայն տօնս Աստուծոյ յերկրէ :

Նշանս մեք ինչ ոչ տեսաք , եւ ոչ եւս գուցէ մարգարէ . եւ զմեզ ինչ ոք ոչ ճանաչիցէ :

Մինչեւ յերբ' Աստուած' նախատէ թշնամին , բարկացուցանէ հակառակորդն զանուն սուրբ քո :

Ընդէր դարձուցանես զձեռն քո , եւ զաջ քո իմիջոյ ծոցոյ քումմէ իսպառ :

Աստուած թագաւոր մեր յառաջ քան
զյաւիտեանս, որ արարեր զփրկու թիւն
իմէջ երկրի :

Դու հաստատեցեր զօրութեամբ քով
զծով, դու խորտակեցեր զգլուխ վի-
շապին ի վերայ ջուրց :

Դու փշրեցեր զգլուխ վիշապին, եւ
ետուր զնա կերակուր զօրացն Հնգկաց :

Դու բզխեցուցեր զաղբիւրս եւ ըզ-
վտակս, դու ցամաքեցուցեր զգետս սաս-
տիկս :

Քո է տիւ եւ քո է գիշեր, զլուսին եւ
զարեւ դու արարեր. եւ դու հաստա-
տեցեր զամենայն սահմանս երկրի. ըզ-
գարուն եւ զամառն դու ստեղծեր :

Այս յուշ լիցի քեզ՝ զի թշնամին նա-
խատեաց զՏէրդ. ժողովուրդ անզգամ
բարկացոյց զանուն սուրբ քո :

Մի մատներ գազանաց զանձն՝ որ
խոստովան առնի առ քեզ. եւ զանձինս
տնանկաց քոց մի մոռանար իսպառ :

Հայեաց յուխտ քո, լցան տունք արի-
շելոց յերկրի անիրաւութեամբ :

Մի դարձցի տնանկն ամաչեցեալ,
այլ աղքատք եւ տնանկք օրհնեսցեն
զանուն սուրբ քո :

Արի Աստուած՝ եւ դատեա զդատաս-
տանս քո, յիշեա զնախատինս՝ որ յա-
նրզգամէն զօրհանապազ :



ՍԱՂՄՈՍ ՀԴ.

Իկատարած. մի սպականեր. ընդ օրհնութիւնս :

Սաղմոս յԱսափ. երգ առ Ասորեստանեայս :

Խոստովան եղիցուք առ քեզ Աս-
տուած, խոստովան եղիցուք եւ կար-
դասցուք զանուն սուրբ քո :

Պատմեցից զամենայն սքանչելիս քո.
յորժամ ժամ առից՝ ես ուղիղ դա-
տեցից :

Մաշեցաւ երկիր եւ ամենայն բնա-
կիչք նորա, ես հաստատեցի զսիւնս
նորա :

Ասացի անօրինաց՝ թէ մի անօրինիք,
եւ մեղաւորաց՝ թէ մի բարձրացուցա-
նէք զեղջիւրս ձեր :



Մի համբառնայք իբարձունս զեղ-
ջիւրս ձեր, եւ մի խօսիք զԱստուծոյ
անիրաւութիւն :

Զի ոչ յարեւելից եւ ոչ յարեւմը-
տից եւ ոչ յանասլատէ լերանց . այլ
Աստուած գատաւոր է :

Զայս խոնարհ առնէ, եւ զսոյն բար-
ձրացուցանէ . բաժակ իձեռին Տեառն
գինի լի անապակ արկեալ, եւ խոնար-
հեցուցանէ յայսմանէ յայս :

Սակայն մրուր նորա ոչ սպառեսցի .
եւ արբցեն զնա ամենայն մեղաւորք
երկրի :

Ես ցնծացայց յաւիտեան . սաղմոս
ասացից Աստուծոյ Յակորայ :

Զամենայն եղջիւրս մեղաւորաց փըշ-
րեսցես . եւ բարձր եղիցի եղջիւր ար-
դարոյ :

ՍԱՂՄՈՍ ՀԵ .

Իկատարած . ընդ օրհնութիւնս . մի աստիականեր :

Սաղմոս յԱսաի . երգ առ Ատրեստանեայս :

Յայտնի է իՀրէաստանի Աստուած ,
եւ յԻսրայէլ մեծ է անուն նորա :

Եղեւ իխաղաղութեան տեղի նորա ,
եւ բնակութիւն նորա իՍիոն :

Անդ խորտակեաց Տէր զզօրութիւն
աղեղան , զզէն՝ զսուր եւ զճակատա-
մարտ :

Լուսատու ես դու սքանչելապէս լե-
րանցն յաւիտենից . խռովեսցին ամե-
նեքեան որք անմիտք են սրտիւք . նըն-
ջեցին զքունս իւրեանց՝ եւ ինչ ոչ
գտին :

Ամենայն արք իմեծութեան ձեռաց
իւրեանց . իսաստէ քումմէ Աստուած
Յակոբայ ննջեցին , եւ ոյք հեծեալ է-
ին իձիս :

Դու ահաւոր ես , եւ ո՞վ կարէ կալ
առաջի քո . որպէս երեւեցար դու յեր-
կնից , յայտնի եղեւ բարկութիւն քո :

Երկիր երկեալ եւ սարսեցաւ ընդ
յառնելն Աստուծոյ իդատաստան , ընդ
ապրեցուցանել զամենայն հեզս երկրի :

Խորհուրդ մարդկան խոստովան առ-
նին առ քեզ . եւ ծածկեալք իմաստու-
թեամբ օրհնեսցեն զքեզ :

Ուխտս դիք եւ կատարեցէք Տեառն
Աստուծոյ մերոյ ամենեքեան՝ որք շուրջ
էք զնովաւ :

Մատուցէք պատարագս ասաւորին ,
ոքաղէ զհոգիս իշխանաց . ասաւոր է
նաքան զամենայն թագաւորս երկրի :

ՍԱՂՄՈՍ ՀԳ .

Իկատարած . վասն Իդիթովմայ . Սաղմոս յԱսաի :

Չայնիւ իմով ես առ Տէր կարգացի .
ձայնիւ իմով առ Աստուած , եւ նայե-
ցաւ առ իս :

Յաւուր նեղութեան իմոյ զԱստուած
խնդրեցի ձեռօք իմովք , եւ իգիշերի
առաջի նորա ոչ խաբեցայ :

Ոչ կամէր մխիթարել անձն իմ . յի-
շեցի զԱստուած՝ եւ ուրախ եղէ , հո-
գայի՝ եւ նսւաղիւր յիս հոգի իմ :

Ժամանեցին պահուց աչք իմ , խռո-
վեցայ եւ ոչ խօսեցայ , խորհեցայ զա-
ւուրսն զառաջինս՝ եւ զամսն յաւխտե-
նից յիշեցի :

Խօսեցայ իդիշերի ընդ սրտի իմում,
Հոգայի՛ եւ տառապէր յիս Հոգի իմ:

Միթէ յաւիտենից մերժեացէ՞ զիս
Տէր, եւ ո՛չ եւս յաւելցի իհաճիլ եւ եւս:

Կամ իսպառ արգելցէ՞ զողորմու-
թիւն իւր յինէն. կամ կատարեանց
զբան իւր ազգէ՛ մինչեւ յազգ:

Կամ մոռացի՞ գթալ Աստուած իմ
եւ եւս. կամ արգելցէ՞ զգթութիւն
իւր բարկութեամբ իւրով:

Ասացի՛ թէ այժմ՝ սկսայ, այս է նո-
րոգումն աջոյն Բարձրելոյ:

Յիշեցի զգործս Տեառն իսկզբանէ.
Եիշեցի զսքանչելիս նորա:

Խորհեցայ յամենայն գործս քո, եւ
իձեռագործս քո խորհեցայ:

Աստուած, իսրբութեան են ճանա-
պարհք քո. ո՞վ է աստուած մեծ՝ որպէս
զԱստուած մեր. դու ես Աստուած՝ որ
առնես զսքանչելիս:

Յուցեր ժողովրդեան քում զզօրու-
թիւն քո. փրկեցեր բազկաւ քով զժո-
ղովուրդս քո, զորդիսն Յակոբայ եւ
Յովսեփու:


Տեսին զքեզ ջուրք Աստուած, տեսին զքեզ ջուրք՝ եւ երկեան. եւ խորք խռովեցան իձայնէ ջուրց բազմաց :

Չայն ետուն ամպք. քանզի եւ նետք քո գնան իձայնէ որոտալոյ քս անուի :

Երեւեցան փայլատակունքքո տիեզերաց. խռովեցաւ եւ դողաց երկիր :

Իծովու են ճանապարհք քո, եւ շաւիղք քո ի ջուրս բազումս. եւ հետք քո ոչ երեւին :

Առաջնորդեցեր որպէս խաշին ժողովրդեան քո ի ձեռն Մովսիսի եւ Ահարօնի :



ՍԱՂՄՈՍ ՀԷ.

Իմաստութիւն յԱսափ :

Նայեցարուք ժողովուրդք յօրէնս իմ. խոնարհեցուցէք զունկն ձեր իբանըս բերանոյ իմոյ :

Բացից առակաւ զբերան իմ, եւ խոսեցայց զառակս իսկզբանէ :

Որպէս լուաք՝ եւ ծանեաք զայս, եւ
հարքն մեր պատմեցին մեզ:

Ոչ ինչ ծածկեցաւ յորդւոց նոցա
յազգ յայլ, պատմել զօրհնութիւնս
Տեառն, զզօրութիւն եւ զսքանչելիս
իւր զոր արար:

Հաստատեաց զվկայութիւն իւր առ
Յակոբ, եւ օրէնս եղ իվերայ Իսրայելի:

Որ ինչ միանգամ պատուիրեաց
հարցն մերոց, ցուցանել զայս որդւոց
իւրեանց, զի ծանիցեն յազգ յայլ:

Որդիք որք ծնանին՝ յարիցեն եւ
պատմեսցեն զայս որդւոց իւրեանց, զի
գիցեն առ Աստուած զյոյսս իւրեանց,
եւ մի մոռասցին զգործս Աստուծոյ:

Զպատուիրանս նորա խնդրելով խըն-
դրեսցեն, եւ մի եղիցին որպէս եւ
հարքն իւրեանց:

Ազգ չար եւ դառնացող, ազգ՝ որ
ոչ ուղղեաց զսիրտ իւր, եւ ոչ հաս-
տատեաց առ Աստուած զհոգի իւր:

Որդիք եփրեմի լիաձիգք եւ պնդա-
ձիգք, յաւուր պատերազմի կապարճս
դարձուցին:

Ոչ կացին նոքա յուխտի Տեառն . եւ
ըստ իրաւանց նորա ոչ կամեցան գնալ :

Մոռացան զերախտիս նորա եւ զըս-
քանչելիսն՝ զոր եցոյց նոցա :

Առաջի հարց նոցա զոր արար զսքան-
չելիս իւր յերկրին եգիպտացւոց եւ
իգաշտին Տայանու :

Եհերձ զծովն՝ եւ անցոյց զնոսա ,
եւ կացոյց զջուրսն որպէս խոիկս :

Առաջնորդեաց նոցա ամպով խողէ ,
եւ զամենայն գիշեր իլոյս հրոյ :

Եհերձ զվէմն յանապատին , եւ եւ
ըմպել նոցա որպէս իխորոց մեծէ :

Եհան զջուրսն իվիմէն , եւ հոսեաց
որպէս զգետս զջուրսն :

Սակայն յաւելին իմեղանչել . եւ եւս
բարկացուցին զԲարձրեալն յանջրդի :

Փորձեցին զԱստուած իսիրտս իւր-
եանց , իխնդրել զկերակուր անձանց
իւրեանց :

Տրտնջեցին զԱստուծոյ եւ ասացին .
միթէ կարո՞ղ իցէ Աստուած պատրաս-
տել սեղան յանապատի :

Գանդի հարկանէր զվէմն՝ եւ հոսէին

Ղուրբ, եւ վտակք խաղային ինմանէ :

Աղէ հաց եւս կարասցէ տալ նա մեզ. կամ պատրաստեսցէ սեղան ժողովըրդեան իւրոյ :

Վասն այսորիկ լուաւ զայս Տէր, եւ յապաղեաց. հուր բորբոքեցաւ իՅակովբ, եւ բարկութիւն եւ իվերայ Իսրայելի :

Զի ոչ հաւատացին յԱստուած, եւ ոչ յուսացան իփրկութիւն նորա :

Հրաման ետ ամպոյ իվերուստ, եւ զդրունս երկնից եբաց, եւ տեղեաց ի նոսա զմանանայ իկերակուր :

Զհաց երկնից ետ նոցա, զհաց հրեշտակաց կերան մարդիկ. եւ իջոյց ի նոսա զկերակուր իլիութիւն :

Եհան զհողմն հարաւոյ, եւ էած զօրութեամբ իւրով զհիւսիսիւ :

Տեղեաց ինոսա միս որպէս զհող. որպէս զաւազ ծովու զթռչունս թեւաւորս :

Էարկ իմէջ բանակի նոցա, եւ շուրջ զվրանօք նոցա :

Կերան եւ յագեցան յոյժ, եւ զցան-

կութիւն նոցա ետ նոցա . եւ ոչ ինչ կարօտ եղեն իցանկութենէ իւրեանց :

Մինչդեռ կերակուրք իբերանս իւրեանց էին , բարկութիւն յԱստուծոյ ել իվերայ նոցա :

Սպան զբազումս ինոցանէ , եւ զընտիր ընտիրս Իսրայելի սատակեաց :

Յայսմ ամենայնի մեղան եւ եւս . եւ ոչ հաւատացին սքանչելեաց նորա :

Պակասեցան յունայնութեան աւուրք նոցա , եւ ամք նոցա փութապէս անցին :

Յորժամ սպանանէր զնոսա՝ խընդրէին զնա . դառնային եւ առաւօտ առնէին առ Աստուած :

Յիշեցին՝ զի Աստուած օգնական էր նոցա , Աստուած Բարձրեալ փրկիչ էր նոցա :

Սիրեցին զնա բերանօք իւրեանց , եւ լեզուօք իւրեանց ստեցին նմա . եւ սիրտք նոցա ոչ էին ուղիւք ընդ նմա , եւ ոչ հաւատացին ուխտի նորա :

Այլ նա ինքն գթած էր . քաւէր ըզմեղս նոցա , եւ ոչ ապականէր :

Յաճախէր դարձուցանել զբարկու-
թիւնն իւր. եւ ոչ բորբոքէր զամենայն
սրամտութիւնն իւր :

Յիշեաց՝ թէ մարմինն են նոքա . հո-
գի որ ելանէ՝ այլ ոչ եւս դառնայ :

Քանիցս անգամ դառնացուցին զնա
յանապատի, եւ բարկացուցին զԲարձ-
րեալն յանջրգի :

Դարձան եւ փորձեցին զԱստուած,
եւ զսուրբն Իսրայելի զայրացուցին :

Ոչ յիշեցին զձեռն նորա, յաւուր
յսրում փրկեաց զնոսա իձեռաց նեղ-
չաց նոցա :

Որպէս արար զնշանս եւ զարուեստս
իւր յերկրին Եգիպտացւոց եւ իդաշ-
տին Տայանու :

Դարձոյց յարիւն զգետս նոցա . եւ
զանձրեւս նոցա, զի մի արբցեն :

Առաքեաց ինոսա շանաճանձ եւ ե-
կեր զնոսա . եւ գորտիւ ապականեաց
զնոսա :

Ետ ժանկոյ զպտուղս նոցա, եւ զվաս-
տակս նոցա մարախոյ :

Եհար կարկտիւ զայգիս նոցա, եւ

զթղենիս նոցա եղեմամբ :

Մատնեաց իկարկուտ զանասունս նոցա,
եւ զստացուածս նոցա հրով դատեաց :

Առաքեաց ինոսա զսրտմտութիւն
բարկութեան իւրոյ, զսրտմտութիւն՝
զբարկութիւն եւ զնեղութիւն :

Առաքեաց ինոսա տանջանս իձեռն
հրեշտակի չարի. եւ դիմեցոյց ինոսա
զսրտմտութիւն բարկութեան իւրոյ :

Ոչ անխայեաց իմահուանէ զանձինս
նոցա. եւ զանասունս նոցա իմահ մատ-
նեաց :

Եհար զամենայն անդրանիկս Եգիպ-
տացւոց, զսկիզբն ամենայն վաստակոց
նոցա իյարկս Քամայ :

Հորդան ետ որպէս իաշին ժողովըր-
դեան իւրոյ. եւ Եհան զնոսա որպէս
զհօտ յահապատ :

Առաջնսրդեաց նոցա յուսով, եւ ոչ
երկեան. եւ զթշնամիս նոցա ծով ծած-
կեաց :

Եհան զնոսա իլեառն սրբութեան
իւրոյ, իլեառն այն՝ զոր ստացաւ աջ
նորա :

Մերժեաց յերեսաց նոցա զհեթա-
նոսս. եւ վիճակեցոյց ինոսա զվիճակ
ժառանգութեան իւրոյ, եւ բնակեցոյց
իյարկս նոցա զազգն Իսրայելի :

Փորձեցին դառնացուցին զԱստուած
Բարձրեալն, եւ զվկայութիւն նորա ոչ
պահեցին :

Դարձան խոտորեցան որպէս եւ հար-
քըն իւրեանց. դարձան եւ եղեն որ-
պէս զաղեղն թիւր :

Դարձեալ բարկացուցին զնա իբա-
զինս իւրեանց, եւ դրօշելովք իւրեանց
նախանձ արկին նմա :

Լուաւ Աստուած՝ եւ արհամարհեաց
զնոսա, եւ ամարգեաց յոյժ զԻսրայէլ :

Մերժեաց յիւրմէ զխորանն իՍելով,
զխորանն՝ զոր բնակեցոյց իմէջ մարդ-
կան :

Մատնեաց իգերութիւն զզօրութիւ-
նըս նոցա, եւ զգեղս նոցա իձեռս թըշ-
նամեաց նոցա :

Արգել իսուր զժողովուրդ իւր. եւ
զժառանգութիւն իւր անտես արար :

Չերիտասարգս նոցա եկեր հուր, եւ
վասն կուսանաց նոցա ոչ ոք սգացաւ:

Քահանայք նոցա անկան իսուր, եւ
զայրիս նոցա ոչ ոք էր որ լայր:

Չարթեալ որպէս իքնոյ Տէր, որ-
պէս հզօր զի թափէ զգինի:

Եհար յետս զթշնամիս իւր, եւ նա-
խատինս յաւիտենից արար զնոսա:

Մերթեաց նա զխորանն Յովսեփու,
եւ զազգն եփրեմի նա ոչ ընտրեաց:

Այլ ընտրեաց զազգն Յուդայ, ըզ-
լեառն Սիօն զոր եւ սիրեաց:

Շինեաց որպէս միեղջերուի զսրբու-
թիւն նորա. յերկրի հաստատեաց զնա
յաւիտեան:

Ընտրեաց զԴաւիթ ծառայ իւր, եւ
ընկալաւ զնա իհօտէ խաշանց, իվեր-
ջին ծնելոցն ընկալաւ զնա:

Հովուել զՅակոբ ծառայ իւր, եւ զԻս-
րայէլ ժառանգութիւն իւր:

Արածէր զնոսա իմաստութեամբ
սրտի իւրոյ, յանմեղութիւն ձեռաց
իւրոց առաջնորդէր նոցա:



ՍԱՂՄՍՍ ՀԸ.

Սաղմոս յԱսաի :

Աստուած մտին հեթանոսք իժառանգութիւն քո . պղծեցին զտաճար սուրբ քո :

Արարին զերուսաղէմ որպէս զհիւզս մրգապահաց . արկին զդիակունս ծառայից քոց գէշ թռչնոց երկնից , եւ զմարմինս սրբոց քոց գազանաց երկրի :

Հեզին զարիւն նոցա որպէս ջուր շուրջ զերուսաղէմաւ . եւ ոչ ոք էր որ թաղէր զնոսա :

Եղաք մեք նախատինք դրացեաց մերոց , ծաղր եւ այսն կատականաց այնոցիկ ' որք շուրջ էին զմեօք :

Մինչեւ յերբ Տէր ' բարկանաս դու իսպառ . բորբոքեսցի որպէս հուր նախանձ քո :

Հեղ զբարկութիւն քո իվերայ ազգաց ' որք զքեզ ոչ ճանաչեցին , իվերայ թագաւորաց ' որք զանուն քո ոչ



կարդացին . զի կերին զՅակոբ եւ զտե-
զի նորա աւերեցին :

Մի յիշեր զմեզս մեր զառաջինս .
վաղվաղ եկեսցէ առ մեզ ողորմութիւն
քո Տէր , զի ազքատացաք յոյժ :

Օգնեա՛ մեզ Աստուած փրկիչ մեր
վասն փառաց անուան քո :

Տէր փրկեա զմեզ եւ քաւեա զմեզս
մեր վասն անուան քո :

Մի երբէք ասացեն իհեթանոսս ,
թէ ո՛ւր է Աստուած նոցա :

Այլ յայտնի ինչ լիցի իվերայ հե-
թանոսաց առաջի աչաց մերոց , առ ի
ինդրել զվրէժ արեան ծառայից քոց՝
որ եւ հեղաւ :

Ետցէ առաջի քո հեծութիւն կա-
պելոց . ըստ մեծութեան բազկի քո
շահեա դու զորդիս սպանելոց :

Հատո դրացեաց մերոց եօթնապա-
տիկ իծոց նոցա , զնախատինս իւրեանց
զոր նախատեցին զքեզ Տէր :

Մեք ժողովուրդք եւ խաշն արօտի
քո , խոստովան եղիցուք առ քեզ յա-

Լիտեան. ազգէ յազգ պատմեսցուք
զօրհնութիւնս քո :

ՍԱՂՄՈՍ ՀԹ.

Կատարած. իլերայ զառանցելոցն վկայութիւնս.

Սաղմոս Ասափայ. իլերայ Եթովպացւոցն :

Որ հովուեսդ Իսրայելի՛ նայեաց,
որ առաջնորդես որպէս խաշին Յով-
սեփու :

Որ նստիս իբրովբէս՝ յայանեաց ա-
ռաջի Եփրեմի, Բենիամինի եւ Մանասէի :

Զարթո զզօրութիւնս քո, եւ եկ ի
կեցցուցանել զմեզ :

Աստուած զօրութեանց, դարձո ըզ-
մեզ, երեւեցո զերեսս քո իմեզ, եւ
կեցցուք :

Տէր Աստուած զօրութեանց, մինչեւ
յէրբ բարկանաս յաղօթս ծառայից քոց :

Ջամբեցեր մեզ հաց արտասուաց,
եւ արբուցեր մեզ արտասուս չափով :

Արարեր զմեզ նախատինս դրացեաց
մերոց, այսին կատականաց թշնամեաց
մերոց :

Աստուած զօրութեանց, դարձո ըզմեզ. երեւեցո զերեսս քո իմեզ, եւ կեցցուք:

Այգի յեգիպտոսէ փոխեցեր. հաներ զհեթանոսս՝ եւ զնա տնկեցեր, եւ առաջնորդեցեր նմա:

Հաստատեցեր զարմատս նորա՝ եւ ելից զերկիր. ծածկեաց զլերինս հովանի նորա, եւ բարունակ նորա զմայրս Աստուծոյ:

Զգեաց զորթ իւր մինչեւ իծով. մինչեւ իգետս են շառաւիղք նորա:

Ընդէր քակեցեր զցանկ նորա, եւ կթեն զնա անցաւորք ճանապարհի:

Ապականեաց զնա խոզ անտառի, եւ երէ վայրի արածեցաւ ինմա:

Աստուած զօրութեանց, դարձ հայեաց յերկնից եւ տես. այց արա այգւոյս այսմիկ, եւ դարման տար սմա՝ զոր տնկեաց աջ քո:

Իվերայ որդւոյ մարդոյ՝ զոր զօրացուցեր զնա իքեզ. այրեցեալ իհուր եւ աւերեալ, իսաստէ քումմէ կորիցէ:

Եղիցի ձեռն քո իվերայ առն, աջ քո
իվերայ որդւոյ մարդոյ, զոր զօրացու-
ցեր զնա իքեզ:

Ոչ եւս իբացեայ եղիցուք մեք ի
քէն. կեցուսցես դու զմեզ, եւ զանուն
քո Տէր կարդասցուք:

Աստուած զօրութեանց, դարձո ըզ-
մեզ. երեւեցո զերեսս քո իմեզ, եւ
կեցցուք:

ՍՕՂՄՈՍ Զ.

Իկատարած. վասն հնձանաց.

Սաղմոս յԱսաի. հինգերորդ շաբաթուց:

Յնծացէք առ Աստուած, օգնական
է մեր. աղաղակեցէք առ Աստուած Յա-
կոբայ:

Առէք սաղմոս, եւ տուք օրհնու-
թիւն. սաղմոս ասացէք նմա իձայն քաղ-
ցրութեան:

Փող հարէք իգլուխս ամսոց, յաւուր
նշանաւորի տարեկանաց մերոց:

Հրաման է այս Իսրայելի, եւ իրա-
ւունք են Աստուծոյ Յակոբայ:

Վկայութիւնն Յովսեփու՝ զոր եղ ընդ նմա . որպէս ելանէր նա յերկրէն եգիպտացւոց , լեզու զոր ոչ գիտէր՝ լուաւ :

Իբաց արար իբեռանց զթիկունս նորա , եւ զձեռս նորա յորթ եւ իթի ծառայելոյ :

Ինեզութեան կարգացեր առ իս՝ եւ փրկեցի զքեզ . լուայ քեզ իդաղտնութեանէ մրրկին , եւ փորձեցի զքեզ իվերայ ջուրցն հակառակութեան :

Հուր ժողովուրդ իմ՝ եւ վկայեմքեզ , եւ Իսրայէլ՝ թէ լուիցես ինձ :

Մի եւս եղիցին քեզ աստուածք առ ժամայնք . եւ մի երկիրպագանիցես դու աստուծոյ օտարի :

Ես եմ Տէր Աստուած քո՝ որ հանի զքեզ յերկրէն եգիպտացւոց . բաց ըզբերան քո՝ եւ լցից զգա :

Ժողովուրդ իմ ոչ լուաւ ձայնի իմում , եւ Իսրայէլ յիս ինչ ոչ նայեցաւ :

Բարձի թողի զնոսա երթալ զհետ կամաց սրտից իւրեանց . զի գնացին նոքա ըստ կամս անձանց իւրեանց :

Զի թէ ժողովրդեան իմոյ լուեալ էր ինձ, կամ Իսրայելի զճանապարհս իմ գնացեալ էր :

Որպէս զոչինչ խոնարհ արարեալ էր իմ զթշամիս նորա, եւ իվերայ նեղչաց նորա արկեալ էր զձեռն իմ :

Թշնամիք Տեառն ստեցին նմա, եւ եղիցին ժամանակք նոցա աշխարհի :

Կերակրեաց զնոսա իպարարտութե-
նէ ցորենոյ, եւ իվիմէ մեղր յազեցոյց
նոցա :

ՍԱՂՄՈՍ ԶԱ.

Սաղմոս յԱսաի :

Աստուած եկաց իժողովս աստուծոց,
եւ իմիջի նոցա դատէր զնոսա :

Մինչեւ յերբ դատէք անիրաւու-
թեամբ, եւ ակն առնուք մեղաւորաց :

Դատ արարէք որբոյն եւ այրւոյ - ի-
րաւունս արարէք անանկին եւ խոնարհի :

Ապրեցուցէք զաղքատն եւ զտանկն,
իձեռաց մեղաւորի փրկեցէք զնոսա :

Ոչ իմացան եւ ոչ իմիտ առին, ի
խաւարի գնացին, եւ շարժեցան ամե-
նայն հիմունք երկրի:

Ես ասացի՝ թէ աստուածք իցէք,
կամ որդիք Բարձրելոյն ամենեքեան:

Դուք ահաւազիկ որպէս զմարդիկ
մեռանիք, եւ որպէս զմի յիշխանաց
անկանիք:

Արի Աստուած, եւ դատեա զերկիր.
զի դու ժառանգեսցես զամենայն հե-
թանոս:



ՍԱՂՄՈՍ 2Բ.

Օրհնութիւն. Սաղմոս յԱսաի:

Աստուած ո՞քեզ նմանիցի. մի լուեր
եւ մի դադարիր Աստուած:

Զի ահա թշնամիք քո գոչեցին, եւ
ատելիք քո համբարձին զձայնս իւր-
եանց:

Իվերայ ժողովրդեան քո խորաման-
կեցին զգիտութիւն, խորհեցան իվե-
րայ սրբոց քոց եւ ասացին.

եկայք սատակեցուք զնոսա յազգաց,
եւ մի յիշեսցի անուն Իսրայելի եւ եւս :

Խորհեցան միաբանութեամբ իմիա-
սին, եւ վասն քո ուխտ արարին :

Բանակք եդովմայեցւոց եւ Իսմայե-
լացիք, Մովար եւ Հագարացիք,

Գեբաղ՝ Ամոն՝ Ամաղէկ, եւ այլազ-
գիքն ամենայն բնակչօքն հանդերձ
Ծուրայ .

Նաեւ Ասուր եկեալ էր ընդ նոսա .
ամենեքեան սոքա զօրավիգն էին որ-
դւոցն Ղովտայ :

Արա զնոսա որպէս զՄագիամ, որ-
պէս զՍիսարայ, եւ որպէս զԱբին ի
ճորճորսն Կիսոնի :

Սատակեցան նոքա յականս Դովրայ,
եւ եղեն որպէս զազբ երկրի :

Արա զիշխանս նոցա որպէս զՅրեբն,
զԷբն, զԶէբէէ, եւ զՍաղմանա, եւ զա-
մենայն իշխանս նոցա :

Ոյք ասացին՝ ժառանգեսցուք իմեզ
զսրբութիւն Ասսուլծոյ :

Աստուած իմ՝ արա զնոսա որպէս զա-
նիւ, եւ որպէս զեղէգն առաջի հողմոյ :

Որպէս հուր՝ զի այրէ զանտառս,
որպէս բոց՝ զի կիզու զլերինս :

Այսպէս հալածեսցես զնոսա մրրկաւ
քով, եւ բարկութեամբ քով խռովե-
ցուսցես զնոսա :

Լից զերեսս նոցա անարգանօք. եւ
խնդրեսցեն զանուն քո Տէր :

Ամաչեսցեն եւ խռովեսցին յաւի-
տեանս յաւիտենից, եւ ամօթալից կո-
րիցեն :

Ծանիցեն զի անուն քո Տէր է, եւ
դու միայն Բարձրեալ ես ի վերայ ա-
մենայն երկրի :

ՍԱՂՄՈՍ 29.

Իկատարած. վայն հնձանացն. որդւոցն Աորիսայ :

Սաղմոս Դաւթի :

Ո՛րպէս սիրելիք են յարկք քո Տէր
զօրութեանց. ցանկայ եւ փափաքի ան-
ձըն իմ իգաւիթս քո :

Սիրտ իմ եւ մարմին իմ ցնծասցեն
առ Աստուած կենդանի :

Քանզի ճնճղուկ եգիտ իւր տուն, եւ
տատրակ զբոյն՝ ուր դիցէ զձագս իւր :

Սեղան քո Տէր զօրութեանց, թա-
գաւոր իմ եւ Աստուած իմ:

Երանի ամենեցուն՝ որ բնակեալ են
իտան Տեառն, յաւիտեանս յաւիտենից
օրհնեսցեն զքեզ:

Երանեալ է այր՝ որոյ օգնութիւն
իւր իքէն է. ելս եդ իմտի իւրում ի
հովտէս տրտմութեան իտեղւոջ՝ յո-
րում ուխտեաց:

Զօրհնութիւն ստասցի՝ որ զօրէնս
դնէ. գնասցէ նա իզօրութենէ իզօրու-
թիւն. եւ երեւեսցի Աստուած հրեշ-
տակաց իՍիօն:

Տէր Աստուած զօրութեանց՝ լնր
աղօթից իմոց, ունկն դիր Աստուած
Յակոբայ:

Ընդունող ես դու մեր. տես Աստուած
եւ նայեաց յերեսս Օծելոյ քո:

Վասն զի լաւ է ինձ մի օր իգաւիթս
քո՝ քան զհազարս:

Ընտրեցի ես ընդ աղբ գալ իտան
Աստուծոյ առաւել՝ քան բնականալ ի
յարկս մեղաւորաց:

Զողորմութիւն եւ զճշմարտութիւն

սիրէ Տէր Աստուած մեր, զշնորհս եւ
զփառս տացէ :

Տէր ոչ պակաս աւնէ զողորմութիւն
իւր յայնցանէ՝ որ գնան յամբօժութեան :

Տէր Աստուած զօրութեանց, երա-
նեակ է այր՝ որ յուսայ իքեզ :

ՍԱՂՄՈՍ 27.

Իկատարած . որդւոցն Կորխայ . Սաղմոս Դաւթի :

Հաճեցար Տէր ընդ երկիր քո, եւ
դարձուցեր զգերութիւն Յակոբայ :

Թողեր զանիրաւութիւն ժողովրդ-
դեան քո, եւ ծածկեցեր զամենայն մե-
ղրս նոցա :

Լռեցուցեր զամենայն սրտմտութիւ-
նըս քո, եւ դարձար իբարկութենէ
սրտմտութեան քո :

Դարձ առ մեզ Աստուած փրկիչ մեր,
եւ դարձո զսրտմտութիւնս քո իմէնջ :

Մի յաւիտեան բարկանար մեզ Տէր,
եւ մի ձգեր զբարկութիւն քո ազգէ
մինչեւ յազգ :

Աստուած դու դարձեալ կեցուցես

զմեզ . եւ ժողովուրդ քո ուրախ եղի-
ցի իքեզ :

Յոյց մեզ Տէր զողորմութիւնս քո ,
եւ զփրկութիւնս քո տուր մեզ :

Լուաք զինչ խօսի Տէր Աստուած մեր .
խօսեսցի զխաղաղութիւն ժողովրդեան
իւրոյ առ սուրբս իւր , եւ առ այնոսիկ՝
ոյք դարձեալ են առ նա սրտիւք :

Սակայն մերձ է առ երկիւղածս իւր
փրկութիւն նորա . բնակիլ փառաց նո-
րա յերկրի մերում :

Ողորմութիւն եւ ճշմարտութիւն
պատահեսցին . արդարութիւն եւ խա-
ղաղութիւն համբուրեսցին :

Ճշմարտութիւն յերկրէ բուսաւ . ար-
դարութիւն յերկնից երեւեցաւ :

Տէր տացէ զքաղցրութիւն , եւ եր-
կիր մեր տացէ զպտուղ իւր . արդա-
րութիւն առաջի նորա գնասցէ . դիցէ
իճանապարհի զգնացս իւր :



ՍԱՂՄՈՍ 26.

Սաղմոս Դաւթի. Աղօթք երեկոյի:

Խոնարհեցո Տէր զունկն քո եւ լուր
ինձ, զի աղքատ եւ տնանկ եմ ես:

Պահեա զանձն իմ սուրբ Տէր, եւ
փրկեա զծառայս քո Աստուած իմ՝ որ
իքեզ յուսացայ:

Ողորմեան ինձ Տէր, զի առ քեզ ա-
ղաղակեցի զօրհանապազ, ուրախ արա
զանձն ծառայի քո, զի առ քեզ Տէր
համբարձի զանձն իմ:

Ձի դու Տէր քաղցր եւ ուղիղ ես,
բազում ողորմ առ ամենեսեան՝ որք
կարդան առ քեզ:

Ունկնդիր Տէր աղօթից իմոց, եւ
նայեա իձայն խնդրուածաց իմոց:

Յաւուր նեզուժեան իմոյ կարգացի
առ քեզ, եւ լուար ինձ:

Ոչ ոք է նման քեզ յաստուածս
Տէր, եւ ոչ ոք է որպէս զգործս քո:

Ջամենայն ազգս զոր արարեր՝ եկես-
ցեն եւ երկիրպագցեն առաջի քո, եւ

փառաւոր արասցեն զանուն քո յաւիտեան :

Մեծ ես դու Տէր, եւ առնես սքանչելիս. եւ դու միայն ես Աստուած :

Առաջնորդեա ինձ իճանապարհի քում, եւ գնացից իճշմարտութեան քում, եւ ուրախ եղիցի սիրտ իմ յերկն չիլ յանուանէ քումմէ :

Խոստովան եղէց առ քեզ Տէր Աստուած իմ բոլորով սրտիւ իմով. փառաւոր արարից զանուն քո յաւիտեան :

Մեծ եղեւ իվերայ իմ ողորմութիւն քո Տէր, եւ փրկեցեր զանձն իմ իդր-ժոխոց ներքնոց :

Աստուած, անօրէնք յարեան իվերայ իմ, եւ ժողովք հզօրաց խնդրեցին զանձն իմ, եւ ոչ համարեցան զքեզ Աստուած առաջի իւրեանց :

Այլ դու Տէր Աստուած իմ, գթած ես եւ ողորմած, երկայնամիտ՝ բազում ողորմ եւ ճշմարիտ. նայեա առ իս եւ ողորմեա ինձ :

Տուր զօրութիւն ծառայի քո. կեցո

զորդի աղախնոյ քո, եւ արա առ իս
նշան բարութեան:

Տեսցեն ատելիք իմ եւ ամաչեսցեն.
զի դու Տէր օգնեցեր ինձ, եւ մխիթա-
րեցեր զիս:

ՍԱՂՄՈՍ 22.

Սաղմոս օրհնութեան. որդւոցն Կորիսայ:

Հիմունք նորա իլեառն սուրբ նորա.
սիրէ Տէր զդրունս Սիօնի առաւել քան
զամենայն յարկսն Յակոբայ:

Փառաւորեալն խօսեցաւ վասն քո,
ահաւազիկ քաղաքդ Աստուծոյ:

Յիշեցի զբաճաբ եւ զբաբիլոն՝ ոյք
ճանաչեն զիս. ահա այլազգիք եւ Ծուր
եւ ժողովուրդք Հնդկաց, սոքա եղեն
անդ:

Սիօնի ասի մայր, եւ մարդ ծնաւ
ինմա. եւ ինքն հիմունս էարկ ինմա
Բարձրեալն:

Տէր սլատմեսցէ գրովք ժողովրդեան,
իշխանացս այսոցիկ՝ ոյք եղեն անդ:

Որպէս զի ուրախ լիցին իբեղ ամե-
նեքեան՝ որոց բնակութիւն իքէն է:

ՍԱՂՄՈՍ 25.

Իկատարած . վասն Մաղաղեթայ իմաստութիւն .

զի ետ պատասխանի եման իմաստութեամբ Եսրայելի :

Տէր Աստուած փրկութեան իմոյ , ի տուէ կարգացի եւ գիշերի առաջի քո :

Մտցեն աղօթք իմ առաջի քո Տէր , խոնարհեսցի ունկն քո ի խնդրուածս իմ :

Ձի լցաւ չարչարանօք անձն իմ , եւ կեանք իմ ի դժոխս մերձեցան , եւ համարեցայ ես ընդ այնոսիկ՝ որք իջանեն ի գուբ :

Եղէ ես որպէս մարդ առանց օգնականի , եւ իմեռեալս ազատ :

Որպէս զվիրաւորս՝ որք ննջեն ի գերեզմանս :

Զորս դու ոչ յիշեցեր՝ նոքա ի ձեռանէ քումմէ մերժեցան :

Եզին զիս ի գբի ներքնումն՝ իխաւարի եւ ի ստուերս մահու :

Յիս հաստատեցաւ սրտմտութիւն քո . զամենայն զբօսանս քո ածեր ի վերայ իմ :

Հեռի արարեր յինէն զճանօթս իմ,
եւ եդին զիս նշաւակ իւրեանց :

Մասնեցայ եւ ոչ ելանէի, աչք իմ
տկարացան յաղքատութենէ :

Աղաղակեցի առ Տէր զօրհանապազ,
եւ համբարձի առ քեզ զձեռս իմ :

Միթէ մեռելոց առնիցես զսքանչե-
լիս քո. կամ բժշիկք յարուցեալ՝ խոս-
տովան առնիցին առ քեզ :

Միթէ պատմեսցէ ոք երբէք իգե-
րեզմանի զողորմութիւնս քո, կամ ըզ-
ճշմարտութիւնս քո իկորստեան :

Միթէ ճանաչիցին իխաւարի սքան-
չելիք քո, կամ արդարութիւն քո յեր-
կիր մոռացեալ :

Ես առ քեզ Տէր աղաղակեցի. առա-
ւօտու աղօթք իմ ժամանեսցեն առ
քեզ :

Ընդէր Տէր մերժես զանձն իմ, կամ
դարձուցանես զերեսս քո յինէն :

Տնանկ եւ վաստակաւոր եմ ես ի
մանկութենէ իմմէ. իբարձրութենէ
խոնարհեցայ եւ ափշեցայ :

Յիս հաստատեցաւ բարկութիւնս քո,
արհաւիրք քո խռովեցուցին զիս :

Շրջեցան զինեւ որպէս ջուր, զօր
ամենայն պաշարեցին զիս իմիասին :

Հեռի արարեր յինէն զբարեկամս
իմ եւ զճանօթս իմ վասն թշուառու
թեան իմոյ :

ՍԱՂՄՈՍ 2Ը.

Իմաստութեան Եմանայ յեզրայելացւոց :

Զողորմութիւնս քո Տէր յաւիտեան
օրհնեցից. ազգէ յազգ պատմեցից ըզ-
ճշմարտութիւնս քո բերանով իմով :

Ասացեր՝ թէ աշխարհս ողորմու-
թեամբ շինեսցի. յերկինս պատրաստ
եղիցի ճշմարտութիւն քո :

Եդի ուխտ ընտրելոց իմոց. երգուայ
Դաւթի ծառայի իմոյ :

Յաւիտեան հաստատեցից զզաւակ
քո, եւ շինեցից ազգէ յազգ զաթոռ
քո :

Խոստովան եղիցին երկինք սքանչե-
լեաց քոց Տէր, եւ ճշմարտութիւն քո
յեկեղեցիս սրբոց :

Ո՞վ է յամպս որ հաւասարի քեզ.
կամ ո՞վ նմանիցի Տեառն յորդիս Աստուծոյ :

Աստուած փառաւորեալ է իխորհուրդս սրբոց իւրոց . մեծ եւ ահաւոր իվերայ այնոցիկ՝ որք շուրջ են զնովաւ :

Տէր Աստուած զօրութեանց , ո՞նրմանի քեզ . հզօր ես դու Տէր , եւ ճըշմարտութիւն քո շուրջ է զքեւ :

Դու տիրես զօրութեանց ծովու , եւ զխռովութիւն ալեաց նորա դու ցածուցանես :

Դու խոնարհեցուցանես որպէս վիրաւորս զամբարտաւանս . իզօրութիւն բազկի քո ցրուեցեր զթշնամիս քո :

Քո են երկինք եւ քո է երկիր . զաշխարհս լրիւ իւրով դու հաստատեցեր . զհիւսիս եւ զհարաւ դու արարեր . Թաբօր եւ Հերմօն յանուն քո ցնծասցեն :

Քո է բազուկ եւ քո է զօրութիւն . զօրասցի աջ քո , եւ բարձր եղիցի ձեռքն քո :

Յարդարութիւն եւ յիրաւունս հաստատեալ է աթոռ քո . ողորմութիւն եւ

ճշմարտութիւն գնասցեն առաջի երեսաց քոց :

Երանի ժողովրդեան՝ որ գիտեն զօրհնութիւնս քո Տէր. իլոյս երեսաց քոց գնասցեն, եւ յանուն քո ցնծացեն զօրհանապազ, եւ յարդարութեան քում բարձր եղիցին :

Պարծանք զօրութեանց մերոց դու ես Տէր. եւ իկամս քո բարձր եղիցի եղջիւր մեր :

ԻՏեառնէ է օգնութիւն սրբոյն Իսրայելի թագաւորին մերոյ :

Յայնժամ խօսեցար տեսլեամբ ընդ որդիս քո եւ ասացեր. եղից զօգնութիւն իմ իվերայ հզօրին, եւ բարձր արարից զընտրեալն ի ժողովրդենէ իմմէ :

Գտի զԴաւիթ ծառայ իմ, եւ իւզով սրբով իմով օժի զնա :

Ձեռն իմ ընկալցի զնա, եւ բազուկ իմ զօրացուցէ զնա :

Մի մեղիցէ նմա թշնամի, եւ որդի անօրէնութեան մի չարչարեսցէ զնա :

Հարից առաջի նորա զթշնամիս նո-

րա, եւ զատելիս նորա իպարտութիւն մատնեցից :

Ճշմարտութիւն իմ եւ ողորմութիւն իմ ընդ նմա, եւ յանուն իմ բարձր եղիցի եղջիւր նորա :

Եդից իծովու զձեռն նորա, եւ իվերայ գետոց զաջ նորա :

Նա կարգասցէ առ իս՝ Հայր իմ ես դու, Աստուած ընդունող փրկութեան իմոյ :

Ես անդրանիկ արարից զնա, եւ բարձրր քան զամենայն թագաւորս երկրի :

Յաւիտեան պահեցից նմա զողորմութիւն իմ, եւ ուխտ իմ հաւատարիմ ընդ նմա :

Հաստատեցից յաւիտեանս յաւիտեանից զզաւակ նորա, եւ զաթող նորա որպէս զաւուրս երկնից :

Թէ թողցեն որդիք նորա զօրէնս իմ, եւ յիրաւունս իմ ոչ կամեսցին զնալ :

Թէ զարդարութիւնս իմ անարգեսցեն, եւ զպատուիրանս իմ ոչ պահեսցեն :

Հարից դաւաղանաւ զանօրէնութիւ-

նրս նոցա, եւ տանջանօք զանիրաւու-
թիւնս նոցա :

Բայց զողորմութիւն իմ ոչ արգե-
լից ինոցանէ, եւ ոչ նենգեցից ճշմար-
տութեան իմում, եւ ոչ անարգեցից
զուխտ իմ. եւ ինչ որ ելանէ ընդ շըր-
թունս իմ՝ զայն ոչ արհամարհեցից :

Մի անգամ երգուայ իսրբութիւն
իմ, թէ Դաւթի ես ոչ ստեցից :

Զաւակ նորա յաւիտեան կացցէ. եւ
աթոռ նորա որպէս զարեգակն առաջի
իմ, եւ որպէս զլուսին զի հաստատեալ
է յաւիտեան վկայ հաւատարիմ յեր-
կինս :

Իսկ արդ դու մերժեցեր եւ անարգե-
ցեր, եւ ընդ վայր հարեր զՅժեալ քո :

Դարձուցեր զուխտ իծառայէքումմէ.
պղծեցեր յերկրի զսրբութիւն նորա :

Քակեցեր զամենայն պարիսպս նորա,
եւ եղեր զամուրս նորա իգողումն :

Յափշտակեցին զնա անցաւորք ճա-
նապարհի. եւ եղեւ նա նախատ գրա-
ցեաց իւրոց :

Բարձր արարեր զաջ նեղչաց նորա,
եւ ուրախ արարեր զամենայն թշնա-
միս նորա :

Դարձուցեր զօգնութիւն իսրոյ նո-
րա, եւ ոչ ընկալար զնա իպատերազմի :

Անարգեցեր զսրբութիւն նորա, եւ
զաթող նորա յերկիր կործանեցեր :

Նուազ արարեր զաւուրս ժամանա-
կաց նորա, եւ հեղեր զնովաւ զամօթ :

Մինչեւ յերբ դարձուցանես զերեսս
քո իսպառ. բորբոքեսցի որպէս հուր
բարկութիւն քո :

Իսկ արդ յիշեան եւ տես՝ թէ ո՞վ է
իմ հանգիստ. մի՞թէ իզո՞ւր ինչ ստեղ-
ծեր զամենայն որդիս մարդկան :


Ո՞վ է մարդ՝ որ կեցցէ եւ ոչ տես-
ցէ զմահ, կամ փրկեսցէ զանձն իւր ի
ձեռաց դժոխոց :

Ո՞ւր են ողորմութիւնք քո Տէր ա-
ռաջինք, զոր երգուար Դաւթի ճըշ-
մարտութեամբ քով :

Յիշեա զնախատինս ծառայի քո, զոր
ընկալայ իծոց իմ յազգաց բազմաց :

Ձոր նախատեցին թշնամիք քո Տէր,
նախատեցին փոխանակ Օճելոյ քո:

Օրհնեալ Տէր Աստուած յաւիտեանս
յաւիտենից, եղիցի եղիցի:



ՕՐՀՆՈՒԹԻՒՆ ԵՍԱՅԵԱՅ ՈՐԴԻՈՅՆ ԱՄՈՎՍԱՅ.

Եսայեայ ԻԶ.

Իգիշերաց կանխէ հոգի իմ առա-
ւօտ առնել առ քեզ Աստուած:

Վասն զի լոյս են հրամանք քո իվե-
րայ երկրի. ուսարուք զարդարութիւն
քնակիչք երկրի:

Կարկեսցի ամբարիշտն, եւ այլ ոչ
եւս ուսցի առնել յերկրի զարդարու-
թիւն ճշմարտութեան:

Բարձցի ամբարիշտն յերկրէ, եւ մի
տեսցէ զփառս Աստուծոյ:

Տէր բարձր ես եւ բազուկ քո հզօր,
եւ նորա ոչ գիտացին:

Ծանիցեն՝ ամաչեսցեն, եւ նախանձ
անկցի անխրատ ժողովրդեան. եւ արդ-
հօւր զթշնամիս քո կերիցէ:



Տէր Աստուած մեր՝ տուր մեզ զխա-
ղաղութիւն քո . զի ըստ ամենայն գոր-
ծոց մերոց հասուցաւ մեզ :

Տէր Աստուած մեր՝ ստացիր զմեզ .
զի բաց իբէն զայլ ոք ոչ գիտեմք , եւ
զանուն քո անուանեմք զօրհանապազ :

Իսկ արդ մեռեալք զկենդանութիւն
այլ ոչ տեսանիցեն . եւ ոչ բժիշկք յա-
րուցանիցեն :

Վասն այսորիկ ածեր՝ հարեր՝ սատա-
կեցեր եւ ջնջեցեր զամենայն արու-
մանուկ նոցա :

Յաւել Տէր զչար իվերայ չարի նո-
ցա . եւ ած զչար իվերայ անօրինաց
երկրի :

Տէր ինեղութեան յիշեցաք զքեզ .
զի փոքր մի նեղութիւն է խրատ քո
իվերայ մեր :

Որպէս երկունք յըւոյ՝ զի հասեալ
իցէ ժամանակ ծննդեան , եւ առ ցաւս
իւր ճչիցէ :

Այնպէս եղաք սիրելոյ քում Տէր .
յահ եւ յերկիւղ քո յղացեալ երկնե-
ցաք , եւ ծնաք զհոգի փրկութեան քո :

Ոչ եւս կործանեսցուք մեք, այլ կործանեսցին անօրէնք երկրի:

Յարիցեն մեռեալք եւ կենդանացին ամենեքեան՝ որք եղեալ են իգերեզմանս:

Զարթիցեն ցնծասցեն, եւ ուրախ եղիցին դադարեալք յերկրի:

Վասն զի ցօղդ որ ցօղէ իքէն, այդ բժշկուլթիւն է նոցա. բայց երկիրն ամբարշտեալ սատակեսցի:

Խոյս տուր ժողովուրդ իմ. դնա մուտ իշտեմարանս քո, եւ փակեա զդրունս քո առաջի երեսաց քոց:

Փախիր եւ թագիր առ ժամանակ մի, մինչեւ անցցէ բարկուլթիւն Տեառն:

Փառք Հօր եւ Որդոյ եւ:



ՄԱՂԹԱՆՔ.

Խաղաղութեանց տուող Բրիտոս , զխաղաղութիւն եւ զերկնային ողորմութիւն քո պարգեւեալ յարարածս քո :

Մարդասէր Տէր , վասն սրբօրհնոյ անարատի մօր քոյ եւ Կուսի , եւ վասն խաչի քո պատուականի՝ ընկալ զաղաջանս մեր , եւ կեցո զմեզ :

*Զքարողն եւ զաղօթս իվերջն ԵՐԱՆԵԱԼ Կանոնին գտցեսս
յ37 երեսն :*



ՍՍ.ՂՄՈՍ ԶԹ.

Աշօթք Մովսեսի առն Աստուծոյ :



էր ապաւէն եղեր մեր ազգէ մինչեւ յազգ. մինչչեւ լերինք հաստատեալ էին, եւ մինչչեւ ստեղծեալ էիր զերկիր եւ զամենայն տիեզերս :

Յաւիտենից մինչեւ յաւիտեանս դու ես. մի դարձուցաներ զմարդ իտառասպանս. եւ ասացեր, դարձարուք առ իս որդիք մարդկան :

Հազար ամ յաչս Տեառն որպէս օր երեկի՝ զի էանց. որպէս սլահ մի գիշերոյ. եւ ամք նոցա անարգութեամբ եղիցին :

Ընդ առաւօտս որպէս դալարի բուսցին. ընդ առաւօտս որպէս դալարի զուարճասցին եւ ծաղկեսցին. ընդ ե-

րեկոյս թարշամեսցին՝ չորասցին եւ
անկցին :

Նուաղեցաք մեք իբարկու թենէ քում-
մէ, եւ իսրամտու թենէ քումմէ խռո-
վեցաք :

Եդեր զմեղս մեր առաջի քո, եւ
զկեանս մեր իլոյս երեսաց քոց :

Ամենայն աւուրք մեր նուաղեցան .
եւ իբարկու թենէ քումմէ խռովեցաք :

Ժամանակ ամաց մերոց անդադար
որպէս սարդի . եւ թիւ աւուրց ամաց
մերոց ինոսա եօթանասուն ամ :

Ապա թէ տռաւել եւս՝ ու թսուն ամ .
եւ որ ինչ աւելի է քան զայն, ցաւօք
եւ հեծու թեամբ :

Եկն իվերայ մեր հեծու թիւն, եւ
խրատեցաք . իսկ արդ ո՞ գիտասցէ ըզ-
զօրութիւն բարկութեան քո, եւ կամ
յահէ քումմէ զսրամտութիւն քո հա-
մարեսցի :

Այսպէս ցոյց ինձ զաջ քո . եւ որ խո-
նարհ են սրտիւք, զիմաստութիւնս քո :

Դարձ Տէր՝ մինչեւ յերբ . մխիթա-
րեաց իծառայս քո :

Լցաք առաւօտու ողորմութեամբ քով-
ցնծացաք եւ ուրախ եղաք զամենայն
աւուրս կենաց մերոց :

Ուրախ եղաք փոխանակ աւուրցն՝
յորս խոնարհ արարեր զմեզ, եւ ա-
մացն՝ յորս տեսաք զչարչարանս :

Հայեա Տէր իծառայս քո եւ իգործս
ձեռաց քոց, եւ առաջնորդեա որդւոց
նոցա. եղիցի լոյս Տեառն Աստուծոյ ի
վերայ մեր :

Զգործս ձեռաց մերոց ուղիղ արա
իմեզ Տէր. եւ զգործս ձեռաց մերոց
յաջողեա մեզ :

ՍԱՂՄՈՍ Զ.

Օրհնութիւն գովութեան Դաւթի :

Որ բնակեալն է յօգնութիւն Բարձ-
րելոյն, ընդ հովանեալ Աստուծոյ յեր-
կինս հանգիցէ :

Ասասցէ Տեառն՝ ընդունող իմ ես,
ապաւէն իմ Աստուած, եւ ես յուսամ
ինա :

Նա փրկեսցէ զիս յորոգայթէ որսո-
ղին, եւ իբանիցն իխուովութենէ :

Իթիկնամէջս իւր ընկալցի զքեզ. Ի
հովանի թեւոց նորա յուսասցիս :

Որպէս զէն շուրջ եղիցի զքեւ ճըշ-
մարտութիւն նորա :

Ոչ երկիցես դու յերկիւղէ գիշերի,
եւ ոչ ինեատէ՝ որ թռչի իտուէ :

Յիրէ որ շրջի իխաւարի, իգայթա-
կղութենէ գիւին իհասարակ աւուր :

Անկցին իկողմանէ քումմէ հազարք,
եւ բիւրք ընդ աջմէ քումմէ, եւ առ
քեզ ինչ ոչ մերձեսցին :

Բայց միայն աչօք քովք հայեսցիս
դու, եւ զհատուցումն մեղաւորաց տես-
ցես, զի դու Տէր յոյս իմ ես :

Ձեարձրեալն արարեր քեզ ապաւէն,
զի ոչ հասցեն առ քեզ չարք, եւ տան-
ջանք մի մերձեսցին իյարկս քո :

Հրեշտակաց իւրոց պատուիրեալ է
վասն քո, իպահել զքեզ յամենայն ճա-
նապարհս քո :

Իբազուկս իւրեանց ընկալցին զքեզ,
զի մի երբէք հարցես զքարի զոտն քո:
Իվերայ իժից եւ քարբից գնասցես

դու, եւ առ ոսն կոխեսցես զառիւծն
եւ զվիշապն:

Քանզի յիս յուսացաւ, եւ փրկեցից
զնա. հովանի եղէց նմա, զի ծանեաւ
զանուն իմ:

Կարգասցէ առ իս, եւ ես լուայց
նմա. եւ առ նմա եղէց ինեղութեան:

Փրկեցից եւ փառաւոր արարից զնա.
Երկայն աւուրբք լցուցից, եւ ցուցից
նմա զփրկութիւն իմ:

ՍԱՂՄՈՍ ԶԱ.

Սաղմոս օրհնութեան աւուր շաբաթուց ի՛րաւիթ:

Բարի է խոստովան լինել Տեառն, եւ
սաղմոս ասել անուան քում՝ Բարձրեալ:

Պատմել առաւօտու զողորմութիւնս
քո, եւ զճմարտութիւնս քո իգիշերի:

Տասնադեաւ սաղմոսարանաւ, իձայն
օրհնութեան գովել:

Ուրախ արարեր զիս Տէր յարարա-
ծըս քո, եւ իգործս ձեռաց քոց ցնծա-
ցայց:

Որպէս զի մեծ են գործք քո Տէր,
եւ յոյժ խոր են խորհուրդք քո:

Այր անզգամ զայս ոչ ծանիցէ, եւ անմիտն զայս ոչ առնու իմիտ :

Իբուսանել մեղաւորաց որպէս խոտ, իծաղկել այնոցիկ՝ ոյք գործեն զանօրէնութիւն :

Սատակեսցին յաւիտեանս յաւիտենից. եւ դու Բարձրեալ ես յաւիտեանըս՝ Տէր :

Զի ահա թշնամիք քո Տէր, զի ահա թշնամիք քո կորիցեն. ցրուեսցին ամենեքեան՝ ոյք գործեն զանօրէնութիւն :

Բարձր եղիցի որպէս միեղջերուի եղջիւր իմ, եւ ծերութիւն իմ իձէթ պարարտութեան :

Ետես ակն իմ իթշնամիս իմ՝ ոյք յարուցեալ են իվերայ իմ՝ չարութեամբ, ինոսա լուիցէ ունկն իմ :

Արդարքն որպէս զարմաւենիս ծաղկեսցին. որպէս զմայրսն Լիբանանու բազումք եղիցին :

Տնկեալք եղիցին իտան Տեառն, եւ ի գաւիթս Աստուծոյ մերոյ ծաղկեսցին :

Եւս եւ բազումք եղիցին իծերութիւնս պարարտութեան. գիրգք եւ փափուկք

եղիցին իպատմել. ուղիղ է Տէր Աստուած մեր, եւ ոչ գոյ ինմա անիրաւութիւն:

ՍԱՂՄՈՍ ԴԲ.

Յաւուրն առաջին շաբաթու, յոր հաստատեցաւ երկիր. օրհնութիւն գովութեան Դաւթի:

Տէր թագաւորեաց վայելչութիւն զգեցաւ. զգեցաւ Տէր զօրութիւն ընդ մէջ իւր էած:

Հաստատեաց զաշխարհ՝ զի մի սասանեսցի. պատրաստ է աթոռ քո, ի սկզբանէ յաւիտեանս դու ես:

Ամբարձան գետք՝ Տէր, եւ ամբարձին գետք զձայնս իւրեանց. եւ յարիցեն գետք իգնացս իւրեանց:

Իձայնէ ջուրց բազմաց, սքանչելի եղեն զբօսանք ծովու:

Սքանչելի ես դու Տէր իբարձունս, վկայութեանց քոց մեք յոյժ հաւատացաք:

Տան քում վայելէ սրբութիւն, Տէր, ընդ երկայն աւուրս:

ՍԱՂՄՈՍ ԴԳ.

Սաղմոս Դաւթի. չորեքշաբաթու :

Աստուած վրէժխնդիր, Տէր Աստուած՝ վրէժխնդիր յայտնեցար :

Բարձր լեր որ դատես զերկիր, հատո զհատուցումն ամբարտաւանից :

Մինչեւ յերբ մեղաւորք Տէր, մինչեւ յերբ մեղաւորք պարծեսցին :

Բարբառեալ խօսէին զանիրաւութիւն. խօսեսցին ամենեքեան՝ ոյք գործեն զանօրէնութիւն :

Զժողովուրդս քո Տէր խոնարհ արարին, եւ զժառանգութիւն քո չարչարեցին :

Զայրին եւ զպանդուխտն սպանին, զորքն կոտորեցին եւ ասացին. ոչ տեսանէ զայս Տէր, եւ ոչ իմիտ առնու Աստուած Յակոբայ :

Իմացարուք անզգամք ժողովրդոց, եւ անմիտք՝ մինչեւ յերբ ոչ առնուք իմիտ :

Որպէս զի թէ որ անկեաց զունկն՝

ինքն ոչ լուիցէ, կամ որ ստեղծ զակն՝
ինքն ոչ տեսանիցէ :

Որ խրատէ զազինս, որպէս թէ ոչ
յանդիմանեսցէ. որ ուսուցանէ մար-
դոյ զգիտութիւն. Տէր ճանաչէ զխոր-
հուրդս մարդկան, զի են ընդունայնք :

Երանի մարդոյ՝ զոր խրատես դու
Տէր, եւ յօրինաց քոց ուսուցանես դու
նմա :

Յաճուցանես դու նմա զաւուրս չա-
րութեան, մինչեւ փորեցի խորխորատ
մեղաւորի :

Ոչ մերժէ Տէր զժողովուրդ իւր, եւ
զժառանգութիւն իւր ոչ առնէ անտես :

Մինչեւ դարձցին իրաւունք յարդա-
րութիւն, ընկալցին զնա ամենեքեան՝
ոյք ուղիղ են սրտիւք :

Ո՞վ յարիցէ ընդ իս իվերայ չարաց.
կամ ո՞վ հաւասարեցի ինձ իվերայ այ-
նոցիկ՝ ոյք գործեն զանօրէնութիւն :

Եթէ ոչ Տեսառն օգնեալ էր ինձ,
փոքր մի եւս՝ բնակեալ էր անձն իմ ի
գժօխս :

Թէ ասէի՝ թէ ահա սասանեցան ոտք
իմ, ողորմութիւն քո Տէր օգնէր ինձ :

Ըստ բազում ցաւոց սրտի իմոյ՝ մը-
խիթարութիւն քո ուրախ առնէր զան-
ձըն իմ :

Մի հաւասարեսցի աթոռ անօրէնու-
թեան, ո սպառնառէ զվաստակս ընդ-
դէմ հրամանի :

Որսացին զանձն արդարոյ, եւ զա-
րիւն անբիծ պարտաւոր առնէին :

Եղեւ Տէր ապաւէն իմ. Աստուած օգ-
նական յուսոյ իմոյ :

Հատուցէ նսցա Տէր ըստ անօրէնու-
թեան նոցա. եւ ըստ չարութեան նո-
ցա կործանեսցէ զնոսա Տէր Աստուած
մեր :

ՍԱՂՄՈՍ ԴԴ.

Օրհնութիւն գովութեան Դաւթի :

Եկայք ցնծասցուք իՏէր, աղաղակես-
ցուք առ Աստուած փրկիչ մեր :

Կանխեսցուք առաջի նորա խոստո-
վանութեամբ, եւ սաղմոսիւք աղաղա-
կեսցուք առ նա :

Աստուած մեծ է, Տէր թագաւոր մեծ
իվերայ ամենայն երկրի :

Իձեռս նորա են ամենայն տիեզերք
երկրի, եւ բարձրութիւնք լերանց նո-
րա են :

Նորա է ծով՝ եւ նա արար զնա, եւ
զցամաք ձեռք նորա ստեղծին :

Եկայք երկիրպագցուք նմա. անկ-
ցուք՝ լացցուք առաջի Տեառն Արարչին
մերոյ :

Նա ինքն է Տէր Աստուած մեր. մեք
ժողովուրդք ձեռին նորա, եւ խաշն
արօտի նորա :

Այսօր եթէ ձայնի նորա լսիցէք, մի
խստացուցանէք զսիրտս ձեր որպէս ի
դառնութեան :

Յաւուրն փորձութեան յանապատին՝
ուր փորձեցին զիս հարքն ձեր, քննե-
ցին զիս, եւ տեսին զգործս իմ՝ զքա-
ռասուն ամ :

Ձանացի ընդ ազգին ընդ այնմիկ եւ
ասացի՝ միշտ մոլորեալ են սրտիւք. եւ
նոքա ոչ ծանեան զձանապարհս իմ :

Որպէս երդուայ իբարկութեան իմում, թէ մտցեն իհանգիստ իմ :

ՍԱՂՄՈՍ ԳԵ.

Սաղմոս Դաւթի. իծամանակի զի զտաճարն շինեցին :

Օրհնեցէք զՏէր յօրհնութիւն նոր .
օրհնեցէք զՏէր ամենայն երկիր :

Օրհնեցէք զՏէր եւ օրհնեցէք զանուն նորա . աւետարանեցէք օր ըստ օրէ զփրկութիւն նորա :

Պատմեցէք իհեթանոսս զփառս նորա , յամենայն ժողովուրդս զսքանչելիս նորա :

Մեծ է Տէր եւ օրհնեալ է յոյժ . ահարկու է նա իվերայ ամենայն կռոց :

Ամենայն կուռք հեթանոսաց դեւք են . այլ Տէր զերկինս արար :

Խոստովանութիւն եւ վայելչութիւն է առաջի նորա . սրբութիւն եւ մեծ վայելչութիւն իսրբութեան նորա :

Մատուցէք Տեառն տոհմք ազանց . մատուցէք Տեառն զփառս եւ զպատիւ . մատուցէք Տեառն զփառս անուան նորա :

Առէք պատարագս եւ մտէք իտրահս նորա . երկիր պագէք Տեառն իգաւիթս սրբութեան նորա , եւ խռովեսցի յերեսաց նորա ամենայն երկիր :

Ասացէք իհեթանոսս՝ թէ Տէր թագաւորեաց . հաստատեաց զաշխարհ զի մի սասանեսցի . եւ դատէ զժողովուրդքս իւր ուղղութեամբ :

Ուրախ եղիցին երկինք , եւ ցնծացէ երկիր . զուարճացի ծով լրիւ իւրով . ցնծացեն դաշտք , եւ ամենայն որ է ինոսա :

Յայնժամ ցնծացեն ամենայն ծառք անտառի յերեսաց Տեառն՝ զի գայ , եւ գայ նա իգատել զերկիր :

Դատէ զտիեզերս իրաւամբք , եւ զժողովուրդս ամենայն ճշմարտութեամբ իւրով :

ՍԱՂՄՈՍ ԴԶ.

Սաղմոս Դաւթի . իժամանակի զի երկինն հաստատեցաւ :

Տէր թագաւորեաց՝ ցնծացէ երկիր . ուրախ եղիցին կղզիք բազումք :

Ամպ եւ մէգ շուրջ են զնուլաւ . յիրաւունս եւ յարդարութիւն ուղղեալ է ակտոռ նորա :

Հուր առաջի նորա գնասցէ , եւ այրեսցէ շուրջ զթշնամիս նորա :

Երեւեցան փայլատակունք նորա տիեզերաց . ետես' եւ սասանեցաւ երկիր :

Լերինք որպէս մոմ հալեսցին յերեսաց Տեառն , յերեսաց Տեառն ամենայն երկիր :

Պատմեսցեն երկինք զարդարութիւն նորա . եւ տեսցեն ամենայն ժողովուրդք զփառս նորա :

Ամաչեսցեն ամենեքեան ոյք երկիր պագանեն կռոց , եւ ոյք պարծին իդրօշեալս իւրեանց :

Երկիր պագցեն նմա ամենայն հրեշտակք նորա , զի լուաւ եւ ուրախ եղեւ Սիօն . եւ ցնծասցեն դստերք Յուդայ վասն իրաւանց քոց' Տէր :

Զի դու Բարձրեալ ես ի վերայ ամենայն երկրի . յոյժ բարձրացար ի վերայ ամենայն կռոց :

Ոյք սիրէք զՏէր' ատեցէք զչարու-

թիւն. պահէ Տէր զանձինս սրբոց իւրոց,
ի ձեռաց մեղաւորի փրկեսցէ զնոսա :

Լոյս ծագեաց արդարոց . ուղղոց
սրաից եղեւ ուրախութիւն :

Ուրախ եղերուք արդարք ի Տէր . եւ
խոստովան եղերուք յիշատակի սրբու-
թեան նորա :

ՍԱՂՄՈՍ ԳԷ.

Սաղմա Կաւթի օրհնութեան :

Օրհնեցէք զՏէր յօրհնութիւն նոր,
զի սքանչելիս արար :

Փրկեաց զնա աջ իւր, եւ բազուկ
սուրբ իւր :

Եցոյց Տէր զփրկութիւն իւր, առա-
ջի ազգաց յայտնեաց զարդարութիւն
իւր :

Յիշեաց ողորմութեամբ իւրով զՅա-
կոբ. ճշմարտութեամբ իւրով զսուռն
Իսրայելի. եւ տեսին ամենայն ծագք
երկրի զփրկութիւն Աստուծոյ մերոյ :

Ազազակեցէք առ Տէր ամենայն եր-
կիր. օրհնեցէք, ցնծացէք եւ սաղմոս
ասացէք :

Սաղմոս ասացէք Աստուծոյ մերոյ
օրհնութեամբ, օրհնութեամբ եւ ի
ձայն սաղմոսաց :

Իձայն օրհնութեան կուածոյ փողոյ,
օրհնութեամբ ցնծութեամբ եւ իձայն
եղջեր փողոյ, աղաղակեցէք առաջի
թագաւորին Տեառն :

Խռովեսցի ծով լրիւ իւրով. տիեզերք
եւ ամենայն բնակիչք նորա, եւ գետք
ծափս հարցեն իմիասին ձեռամբ :

Լերինք ցնծասցեն առաջի Տեառն,
զի գայ զի հասեալ է Տէր իդատել
զերկիր :

Դատէ զաշխարհս արդարութեամբ
եւ զժողովուրդս իւր ուղղութեամբ :

ՍԱՂՄՈՍ ԳԸ.

Սաղմոս Դաւթի :

Տէր թագաւորեաց, բարկացան ժողովուրդք. որ նսախ իբրովբէս, սառանեցաւ երկիր :

Տէր իմիօն մեծ է, եւ բարձր է ի վերայ ամենայն ժողովրդոց :

Խոստովան եղիցուք անուան քում մեծի, զի ահաւոր եւ սուրբ է. եւ պատիւ թագաւորի զիրաւունս սիրէ :

Դու պատրաստեցեր զուղղութիւն. զիրաւունս եւ զարդարութիւն Յակոբայ դու արարեր :

Բարձր արարէք զՏէր Աստուած մեր. երկիր պագէք սլատուանդանի ոտից նորա, զի սուրբ է :

Մովսէս եւ Ահարօն երիցունք նորա. Սամուէլ ընդ այնոսիկ՝ ոյք կարգան զանուն նորա :

Կարգային առ Տէր եւ նա լսէր նոցա, եւ իսիւն ամպոյ խօսէր ընդ նոսա :

Պահէին զլկայութիւնս նորա եւ ըզհրամանս զոր եա նոցա :

Տէր Աստուած մեր՝ դու լսէիր նոցա. Աստուած՝ դու քաւիչ լինէիր նոցա, եւ վրէժխնդիր իվերայ ամենայն գործոց նոցա :

Բարձր արարէք զՏէր Աստուած մեր. երկիր պագէք իլեառն սուրբ նորա, զի սուրբ է Տէր Աստուած մեր :

ՍԱՂՄՈՍ ԴԹ.

Սաղմոս խոստովանութեան Դաւթի :

Աղաղակեցէք առ Տէր ամենայն երկիր . ծառայեցէք Տեառն ուրախութեամբ :

Մտէք առաջի նորա ցնծութեամբ . ծաներուք զի նա է Տէր Աստուած մեր :

Նա արար զմեզ , եւ ոչ մեք էաք . մեք ժողովուրդք եւ խաշն արօտի նորա :

Մտէք ընդ դրունս նորա խոստովանութեամբ , եւ օրհնութեամբ իյարկս նորա :

Խոստովան եղերուք Տեառն , եւ օրհնեցէք զանուն նորա :

Քաղցր է Տէր , յաւիտեան է ողորմութիւն նորա . ազգէ մինչեւ յազգէ ճշմարտութիւն նորա :

ՍԱՂՄՈՍ Զ.

Սաղմոս Դաւթի :

Յողորմութիւն եւ յիրաւունս օրհնեցից զքեզ Տէր . սաղմոս ասացից , եւ իմիա առից :

Ճանապարհ ամբիժ մինչեւ եկեսցէ
առ իս . զի գնայի ես յանբժութան սըր-
տի իմոյ իմէջ տան իմոյ :

Ոչ եղի առաջի աչաց իմոց զիրս
անիրաւութեան . ոյք առնէին զանօրէ-
նութիւն՝ ատեցի :

Ոչ մերձեցաւ առ իս որ թիւրն էր
սրտիւ . խոտորեալ յինէն անզգամին ,
եւ ես ինչ ոչ փոյթ առնէի :

Որ խօսէր գաղտ զընկերէ իւրմէ՝
զնա բացէ իբաց հալածէի :

Որ ամբարտաւան էր աչօք եւ ազահ
սրտիւ՝ ընդ նմա եւ հաց ոչ ուտէի :

Աչք իմ իհաւատացեալս երկրի , զի
նստցին նոքա ընդ իս :

Որ գնայր իճանապարհ ամբիժ՝ նա
պաշտէր զիս :

Ոչ բնակէր իմէջ տան իմոյ՝ որ առ-
նէր զամբարտաւանութիւն . որ խօսէր
զանիրաւութիւն՝ չէր յաջողեալ նմա
առաջի աչաց իմոց :

Ընդ առաւօտս սպանանէի զամենայն
մեղաւորս երկրի . զի սատակեցից իբա-

զաքի Տեառն զամենեսեան՝ ոյք գործեն զանօրէնութիւն :



ՍԱՂՄՈՍ ձՍ.

Ազօթք ուրկի . եբրեւ ճանճրացի՝ առաջի Տեառն
սիռեսցէ զինդրուածս իւր :

125

Տէր՝ լուր ազօթից իմոց , ազազակ
իմ առ քեզ եկեսցէ , մի գարձուցա-
ներ զերեսս քո յինէն :

Յաւուր նեղութեան իմոյ խոնարհե-
ցո առ իս զունկն քո . յորում աւուր
կարդամ առ քեզ՝ վազվազակի լուր
ինձ :

Սպառեցան որպէս ծուխ աւուրք իմ ,
եւ ոսկերք իմ որպէս խռիւ չորացան :

Հարայ ես որպէս խոտ՝ եւ ցամա-
քեցաւ սիրտ իմ . մոռացայ ուտել զհաց
իմ իձայնէ հեծութեան իմոյ :

Կցեցաւ ոսկր իմ իմարմին իմ . նը-
մանեցայ ես հաւալտան անապատի :

Եղէ ես որպէս բու յաւերակի . տըք-
նեցայ եւ եղէ ես որպէս ճնճղուկ մի-
այն իտանիս :

Նախատեցին զիս թշնամիք իմ զօր-
հանապազ, եւ գովիչք իմ ինեւ երգ-
նուին:

Զմոխիր որպէս զհաց կերի, եւ զըմ-
պելին իմ արտասուօք խառնեցի:

Յերեսաց բարկութեան սրտմտու-
թեան քո, զի գու բարձրացուցեր եւ
խոնարհեցուցեր զիս:

Աւուրք իմ որպէս հովանի անցին,
եւ ես որպէս խոտ ցամաքեցայ:

Դու Տէր յաւիտեան կաս, եւ յիշա-
տակ քո ազգէ մինչեւ յազգ:

Դու յարուցեալ գթասցիս իմերայ
Սիօնի. ժամանակ գթալոյ նորա հա-
սեալ է ժամ:

Հաճեցան ծառայք քո ընդ քարինս
նորա, եւ իհողոս նորա գթասցին:

Երկիցեն հեթանոսք յանուանէ քում-
մէ, եւ ամենայն թագաւորք երկրի ի
փառաց քոց:

Շինէ Տէր զՍիօն, եւ երեւեոցի փա-
ռօք իւրովք ինմա:

Հայեցաւ նա յաղօթս խոնարհաց, եւ
ոչ արհամարհեաց զինն ըուածս նոցա:

Գրեցցի այս յազգ յայլ, ժողովուրդ-
դոր ստացեալ է, օրհնեսցէ զՏէր :

Հայեցաւ նա իբարձանց իսրբութե-
նէ իւրմէ. Տէր յերկնից յերկիր հայե-
ցաւ .

Լսել զհեծութիւն կապելոց, եւ ար-
ձակել զորդիս մահապարտաց :

Պատմել իՍ իօն զանուն Տեառն, եւ
զօրհնութիւնս նորա յերուսաղէմ :

Ժողովել ժողովրդոց իմիասին, եւ
թագաւորաց ծառայել Տեառն :

Պատասխանի ետ նմա իճանապարհի
զօրութեան իւրոյ. զնուազութիւն ա-
ւուրց իմոց ասա ինձ, եւ մի հաներ
զիս իկէս աւուրց իմոց, զի ազգէ յազգ
են ամք քո :

Իսկզբանէ Տէր զհիմունս երկրի հաս-
տատեցեր, եւ գործք ձեռաց քոց եր-
կինք են :

Նորա անցանեն, եւ դու կաս եւ մը-
նաս յաւիտեան :

Ամենեքեան որպէս զձորձս մաշե-
ցին, որպէս զվերարկուս փոխեսցես ըզ-
նոսա, եւ փոխեսցին :

Բայց դու նոյն ինքն ես, եւ ամբ քո ոչ անցանէն. որդիք ծառայից քոց բընակեացին ինմա. եւ զաւակի նոցա յաւիտեան յաջողեսցի:

ՍԱՂՄՈՍ ձԲ.

Սաղմսո Դաւթի:

Օրհնեա անձն իմ զՏէր, եւ ամենայն ոսկերք իմ զանուն սուրբ նորա:

Օրհնեա անձն իմ զՏէր, եւ մի մոռանար զամենայն տուրս նորա:

Ո քաւէ զմեզս քո, բժշկէ զամենայն հիւանդութիւնս քո:

Ո փրկէ յապականութենէ զկեանս քո, պսակէ զքեզ ողորմութեամբ եւ գթութեամբ:

Ո ընու իբարութենէ զցանկութիւն քո. նորողեսցի որպէս արծուոյ մանկութիւն քո:

Առնէ ողորմութիւնս Տէր, եւ իրաւունս ամենայն զրկելոց:

Եցոյց Տէր զճանապարհս իւր Մովսէսի, եւ որդւոցն Իսրայելի զկամս իւր:

Գլթած ողորմած է Տէր, երկայնամիտ եւ բազումողորմ:

Ոչ խաղառ բարկանայ մեզ Տէր, եւ ոչ յաւիտեան պահէ ոխս:

Ոչ ըստ մեզաց մերոց արար մեզ Տէր, եւ ոչ ըստ անօրէնութեան մերում հատոյց մեզ:

Այլ որպէս բարձր են երկինք յերկրէ. այնպէս զօրացոյց Տէր զողորմութիւն իւր իվերայ երկիւղածաց իւրոց:

Որչափ հեռի են արեւելք յարեւմըտից, այնչափ հեռի արար իմէնջ զանօրէնութիւնս մեր:

Որպէս գլթայ հայր իվերայ որդւոց իւրոց, այնպէս գլթասցի Տէր յերկիւղածս իւր:

Զի նա գիտաց զստեղծուածս մեր, եւ յիշեաց թէ հոզ եմք:

Մարդոյ որպէս խոտոյ են աւուրք իւր. որպէս ծաղիկ վայրի այնպէս ծաղկի:

Շնչէ ինմա հողմ, եւ ոչ է՝ եւ ոչ եւս երեւի տեղի նորա:

Իայց ողորմութիւն Տեառն մնայ յա-

ւիտեանս յաւիտենից իվերայ երկիւղածաց իւրոց, եւ արդարութիւն նորա յորդոց մինչեւ յորդիս :

Ոյք պահեն զուխտս նորա, յիշեն զպատուիրանս նորա եւ առնեն զնա :

Տէր յերկինս պատրաստեաց զաթուիւր. արքայութիւն նորա ամենեցուն տիրէ :

Օրհնեցէք զՏէր ամենայն հրեշտակք նորա՝ հզօրք զօրութեամբ, ոյք առնէք զբան նորա իլսել ձայնի պատգամաց նորա :

Օրհնեցէք զՏէր ամենայն զօրութիւնք նորա, պաշտօնեայք եւ արարողք կամաց նորա :

Օրհնեցէք զՏէր ամենայն գործք նորա, զի ընդ ամենայն տեղիս է տէրութիւն նորա. օրհնեա անձն իմ զՏէր :



ՍՍ.ՂՄՈՍ 29.

Սաղմոս Գաւթի. իվերայ աշխարհագործ արարածոց :

Օրհնեա անձն իմ զՏէր. Տէր Սատուած իմ մեծ եղեր յոյժ :



Խոստովանութիւն եւ մեծ վայելչութիւն զգեցար, արկար զլոյս սրպէս զօթոց . ձգեցեր զերկինս սրպէս խորան, եւ արկեր ի վերայ ջուրց զվերնայարկս նորա :

Ո գնէ յամպս զգնացս իւր, եւ շըրջի նա ի վերայ թեւոց հողմոց :

Ո արար զհրեշտակս իւր հոգիս, եւ զպաշտօնեայս իւր ի հուր կիզելոյ :

Հաստատեաց զերկիր ի վերայ հաստատութեան իւրոյ, զի մի սասանեացի յաւիտեան :

Խորք սրպէս զգեստ վերարկու է նորա . ի վերայ լերանց կացցեն ջուրք :

Ի սաստէ քումմէ փախիցեն, եւ ի ձայնէ որոտալոյ քումմէ սարսիցեն :

Ելանեն լեռնանան, եւ ի ջանեն դաշտանան, ի տեղի յոր հաստատեցեր ըզնոսա :

Սահման եդեր, եւ ոչ անցանեն, եւ ոչ եւս դառնան ի ծածկել զերկիր :

Առաքեցեր զաղբիւրս ընդ ծործորս, ի միջոյ լերանց գնացցեն ջուրք :

Արբուցանել զամենայն դազանս վայրի . յագեսցին ցիւք իծարաւս իւրեանց :

Անդ թռչունք երկնից բոյնս գիցեն . եւ իմիջոյ վիմաց տացեն զձայնս իւրեանց :

Արբուցանէ զլերինս իշտեմարանաց իւրոց . իպտղոյ գործոց իւրոց լցցի երկիր :

Բուսուցեր զխոտ իլերինս , զգալարի իծառայութիւն մարդկան :

Հաներ զհաց յերկրէ . գինի ուրախ առնէ , իւզ զուարթ , եւ հաց հաստատէ զսիրտ մարդոյ :

Յագեսցին ծառքն անտառի , եւ մայրքն Լիբանանու՝ զորս դու տնկեցեր :

Անդ թռչունք երկնից ձագս հանցեն . եւ բոյն արագլի ապաւէն է նոցա :

Լերինք բարձունք են եղջերուաց , եւ վէմք ապաւէնք նասպաստակաց :

Արարեր զլուսին վասն ժամանակի . արեգակն ծանեաւ զժամ մտանելոյ իւրոյ :

Արարեր գխաւար՝ եւ եղեւ գիշեր .
ինմա գնան ամենայն դազանք անտառի :

Կորիւնք առիւծուց մռնչեն եւ յա-
փըշտակեն , եւ խնդրեն յԱստուծոյ ըզ-
կերակուրս իւրեանց :

Իծագել արեւու ժողովին , եւ իմս-
րիս իւրեանց դադարեն :

Ելանէ մարդ իգործս իւր , եւ իւլաս-
տակս ձեռաց իւրոց մինչեւ յերեկոյ :

Որպէս զի մեծ են գործք քո Տէր .
զամենայն ինչ իմաստութեամբ արա-
րեր , եւ լցաւ երկիր ստեղծուածովք
քովք :

Այս ծով մեծ եւ անգորր , իմա են
սաղունք՝ որոց ոչ գոյ թիւ . գազանք
մեծամեծք եւ մանունք . իմա եւ նաւք
գնան , վիշապն զոր ստեղծեր խաղալ
նովալ :

Ամենեքեան քեզ սպասեն , եւ դու
տաս զկերակուր նոցա իժամու :

Տաս գու նոցա՝ եւ կերակրին . բա-
նաս զձեռն քո , եւ կերակրես զամե-
նեսեան կամօք քովք :

Դարձուցանես զերեսս քո ինոցանէ՛ ,
եւ խռովին , հանես զոգի ինոցանէ՛ ,
պակասին եւ իհող դառնան :

Առաքես զոգի քո եւ ստանաս զնո-
սա , եւ նորոգես զերեսս երկրի :

Եղիցին փառք Տեառն յաւիտեան .
եւ Տէր ուրախ եղիցի յարարածս իւր :

Ո հայի յերկիր եւ տայ դողալ սմա ,
մերձեսցի իլերինս , եւ ծխեսցին :

Օրհնեցից զՏէր իկեանս իմ . սաղմոս
ասացից Աստուծոյ իմոյ մինչեւ եմ ես :

Քաղցր եղիցի նմա օրհնութիւն իմ ,
եւ ես ուրախ եղէց իՏէր :

Պակասեսցին մեղաւորք յերկրէ , եւ
ամբարիշտք մի եւս գտցին ինմա . օրհ-
նեա՛ անձն իմ զՏէր :

ՍԱՂՄՈՍ ՃԴ .

ՍԷԼՄԼԻԱ :

Խոստովան եղերուք Տեառն եւ կար-
դացէք զանուն նորա . պատմեցէք ի
հեթանոսս զգործս նորա :

Օրհնեցէք եւ սաղմոս ասացէք նմա .
պատմեցէք զամենայն սքանչելիս նորա .

եւ գովեցարուք յանուն սուրբ նորա :

Ուրախ եղիցին սիրտք այնոցիկ՝ ոյք խնդրեն զՏէր. խնդրեցէք զՏէր՝ եւ հզօրք եղերուք. եւ խնդրեցէք զերեսս նորա յամենայն ժամ :

Յիշեցէք զսքանչելիս նորա զորս արար, զարուեստս եւ զիրաւունս բերանոյ նորա :

Զաւակք Աբրահամեան ծառայք նորա, որդիք Յակոբայ ընտրեալք նորա :

Նա ինքն է Տէր Աստուած մեր. յամենայն երկրի են իրաւունք նորա :

Յիշեաց յաւիտենից զուխտ իւր, եւ զբանն զոր պատուիրեաց մինչ իհազարամ :

Զուխտն զոր եդ ընդ Աբրահամու. եւ զերդումն իւր ընդ Սահակայ :

Հաստատեաց առ Յակոբ զհրաման իւր, եւ առ Իսրայէլ զուխտ իւր յաւիտենից :

Ասէ. ձեզ տաց զերկիրն Քանանու, զվիճակ ժառանգութեան ձերոյ :

Զի էին նոքա թուով սակաւք նուազք եւ պանդուխտք ինմա :

Անկցին նոքա ազգէ յազգ, իթագա-
ւորութենէ իժողովուրդ յայլ:

Ոչ եթող մարդկան մեղանչել նոցա,
եւ կշտամբեաց զթագաւորս վասն նոցա:

Մի մերձենայք ասէ՛ յօժեալս իմ,
եւ իմարդարէս իմ մի մեղանչէք:

Կոչեաց սով յերկիր նոցա, եւ զա-
մենայն զօրութիւն հացի եբեկ:

Առաքեաց առաջի նոցա այր. իժա-
ռայութիւն վաճառեցաւ Յովսէփ:

Խոնարհ արարին իկապանս զոտս նո-
րա, եւ էանց ընդ երկաթ անձն նորա:

Մինչեւ եկեսցէ բան նորա, եւ բան
Տեառն փորձեաց զնա:

Առաքեաց թագաւորն եւ ելոյժ զնա,
իշխան ժողովրդեան եթող զնա:

Կացոյց զնա Տէր տան իւրոյ. իշխան
իվերայ ամենայն ստացուածոց իւրոց:

Խրատել զիշխանս նոցա որպէս զին-
քըն, եւ զժերս նոցա իմաստունս ա-
րասցէ:

Եմուտ Իսրայէլ յեգիպտոս. եւ Յա-
կոբ պանդխտեցաւ յերկիր Քամայ:

Աճեցոյց զժողովուրդ իւր յոյժ , եւ զօրացոյց զնոսա քան զթշնամիս իւր :

Դարձոյց զսիրտս նոցա ատել զժողովուրդ իւր , եւ ինենգել զծառայս իւր :

Առաքեաց զՄովսէս ծառայ իւր , եւ զԱհարօն ընտրեալ իւր :

Ետ նոցա զքան նշանաց իւրոց , եւ զարուեստս իւր յերկիր Քամայ :

Առաքեաց զխաւար եւ խաւարեցոյց զնոսա , զի դառնացուցին զքան նորա :

Դարձոյց յարիւն զգետս նոցա , եւ սպան զամենայն ձկունս նոցա :

Եռաց յերկիր նոցա գորա , եւ իշտեմարանս թագաւորաց նոցա :

Ասաց ' եւ եկն շանաճանճ եւ մթելս ընդ ամենայն սահմանս նոցա :

Դարձոյց զանձրեւս նոցա իկարկուտ , եւ հուր յերկիր նոցա բորբոքեցաւ :

Եհար զայգիս եւ զթզենիս նոցա , եւ փշրեաց զամենայն ծառս սահմանաց նոցա :

Ասաց ' եւ եկն մարախ եւ խառնիճ , զի ոչ գոյր նոցա թիւ :

Եկեր զամենայն խոտ երկրի նոցա .
եւ սպառեաց զամենայն ստուղ անդոյ
նոցա :

Եհար զամենայն անդրանիկս Եգիպտացւոց ,
զսկիզբն ամենայն վաստակոց
նոցա :

Եհան զնոսա ոսկւով եւ արծաթով,
եւ ոչ գոյր յազգի նոցա հիւանդ :

Ուրախ եղեւ Եգիպտոս ընդ ելանել
նոցա . զի անկաւ ահ Տեառն իվերայ
նոցա :

Սփռեաց ամպ՝ հովանի առնել նոցա
խոռէ , եւ հրով լոյս տայր նոցա ի
գիշերի :

Խնդրեցին՝ եւ եկն լորամարդի , եւ
հացիւ երկնից լցոյց զնոսա :

Եհար զվէմն՝ եւ բղխեցին ջուրք ,
եւ գնացին գետք ընդ անջրդիս :

Յիշեաց զբան իւր սուրբ՝ որ ընդ
Աբրահամու ծառայի իւրոյ :

Եհան զթողովուրդ իւր ցնծութեամբ ,
եւ զընտրեալս իւր ուրախութեամբ :

Ետ նոցա զգաւառս հեթանոսաց . ի

վաստակս ժողովրդոց ժառանգեցոյց
զնոսա :

Զի պահեսցեն զվկայութիւնս նորա ,
եւ զօրէնս նորա խնդրեսցեն :

ՍԱՂՄՈՍ ձե.

Աւելուիա :

Խոստովան եղերուք Տեառն՝ զի քաղ-
ցըր է , զի յաւիտեան է ողորմութիւն
նորա :

Ո՞ խօսեսցի զզօրութիւնս Տեառն .
լսելի արասցէ զամենայն օրհնութիւնս
նորա :

Երանի ոյք պահեն զիրաւունս , եւ առ-
նեն զարդարութիւն յամենայն ժամ :

Յիշեա զմեզ Տէր ընդ հաճոյս ժողո-
վըրդեան քո , եւ այց արա մեզ իփրկու-
թեան քում :

Տեսցուք մեք զքաղցրութիւն ընտրե-
լոց քոց . ուրախ եղիցուք մեք յուրա-
խութիւն ազգի քո . եւ գովեսցուք մեք
իժառանգութեան քում :

Մեղաք մեք ընդ հարսն մեր, անօրինեցաք եւ յանցեաք :

Հարքն մեր յեգիպտոս ոչ իմացան զսքանչելիս քո, եւ ոչ յիշեցին զբազում ողորմութիւնս քո :

Բարկացուցին զքեզ յանցանելն իւրեանց ընդ ծով Կարմիր. փրկեաց զնոսա վասն անուան իւրոյ, զի ծանիցեն զզօրութիւնս նորա :

Սաստեաց իծով Կարմիր՝ եւ ցամաքեցաւ. առաջնորդեաց նոցա ընդ անդունդս որպէս ընդ անապատս :

Կեցոյց զնոսա իձեռաց ատելեաց նոցա, եւ փրկեաց զնոսա իձեռաց թշնամեաց նոցա :

Ծածկեաց ծով զնեղիչս նոցա. եւ մի ինոցանէ ոչ ապրեցաւ :

Հաւատացին բանի նորա, եւ օրհնեցին զօրհնութիւնս նորա :

Վաղվաղեցին եւ մոռացան զգործս նորա, եւ ոչ անսացին խորհրդոց նորա :

Ցանկացան զցանկութիւն յանապատի, եւ փորձեցին զԱստուած յանջրդի :

Եւ նոցա զխնդրուածս նոցա. առա-

քեաց զլիւթիւն յանձինս նոցա :

Բարկացուցին զՄովսէս իբանակի, եւ զԱհարոն սուրբ Տեառն :

Բացաւ երկիր եւ եկուլ զԴադան, եւ ծածկեաց զբանական Աբիրոնի :

Հուր վառեցաւ իժողովս նոցա, եւ բոց մաշեաց զմեղաւորս :

Արարին զորթն իՔորեբ, եւ երկիր պագին պատկերի, եւ փոխեցին զփառս իւրեանց ինմանութիւն որթու խոտակերի :

Մոռացան զԱստուած կենարարն իւրեանց, որ արար զմեծամեծս իւր յեգիպտոս, եւ զսքանչելիս իւր յերկիր Քամայ, եւ զահ իւր իվերայ Կարմիր ծովուն :

Ասաց սատակել զնոսա, եթէ ոչ Մովսէս ընտրեալն կայր առաջի նոցա :

Դարձաւ առ Տէր եւ անցոյց զբարկութիւն նորա, զի մի սատակեցցին նոքա :

Անարգէցին զերկիրն ցանկալի, եւ ոչ հաւատացին բանի նորա :

Տրտնջեցին իբանակս իւրեանց, եւ ոչ լուան ձայնի Տեառն :

Համբարձ զձեռն իւր իվերայ նոցա ,
հարկանել զնոսա յանապատի :

Յրուեսցի զաւակ նոցա ընդ հեթա-
նոսս . ցրուեսցի զաւակ նոցա ընդ դա-
ւառս :

Պղծեցան նոքա ինէլիեգովր , զի կե-
րին զզոհեալ եւ զմեռելոտի :

Բարկացուցին զնա իգործս իւրեանց ,
եւ յաճախեաց իվերայ նոցա բեկումն :

Ապա եկաց իմէջ Փենեհէս , քաւեաց
եւ արգելաւ մահ . համարեցաւ նմա
յարգարութիւն ազգէ յազգ մինչեւ
յաւիտեան :

Բարկացուցին զնա իվերայ ջուրցն
հակառակութեան . չարչարեցաւ Մով-
սէս վասն նոցա , զի դառնացուցին ըզ-
հոգի նորա :

Հրամայեաց շրթամբք իւրովք , եւ
ոչ սատակեցին զազգն՝ զոր ասաց նո-
ցա Տէր :

Խառնակեցան ընդ հեթանոսս , եւ ու-
սան զգործս նոցա . ծառայեցին կռոց նո-
ցա , եւ եղեւ նոցա գայթակղութիւն :

Զոհեցին զուստերս եւ զգստերս իւրեանց դիւաց, եւ հեղին զարիւն անբիծ:

Արիւն ուստերաց եւ գստերաց իւրեանց՝ զոր զոհեցին կռօցն Քանանու:

Շաղախեցաւ երկիր յարենէ նոցա, եւ պղծեցաւ իգործոց նոցա, զի պոռնրկեցան իգնացո իւրեանց:

Բարկացաւ սրտամտութեամբ Տէր ի վերայ ժողովրդեան իւրոյ, եւ գարշեցոյց զժառանգութիւն իւր յոյժ:

Մատնեաց զնոսա իձեռս հեթանոսաց. տիրեցին նոցա ատելիք իւրեանց, եւ թշնամիք էւրեանց նեղեցին զնոսա. եւ խոնարհ եղեն իներբոյ ձեռաց նոցա:

Բազում անգամ փրկեաց զնոսա, եւ նորա գառնացուցին զնա իխորհուրդս իւրեանց, եւ կորացան յանօրէնութեան իւրեանց:

Հայեցաւ Տէր ինեղութիւնս նոցա, ի լսել ձայնի աղօթից նոցա:

Յիշեաց զուխտ իւր, եւ զղջացաւ ըստ բազում ողորմութեան իւրում. եւ ետ զնոսա իգթութիւնս առաջի ամենայն գերչաց նոցա:

Փրկեա՛ւ զմեզ Տէր Աստուած մեր, եւ
ժողովեա զմեզ իհեթանոսաց :

Խոստովան եղիցուք անուան քում
սրբոյ, եւ պարծեսցուք յօրհնութիւնս
քո :

Օրհնեալ Տէր Աստուած Իսրայելի
յաւիտեանս յաւիտենից :

Եւ ասացէ՛ ամենայն ժողովուրդն .
եղիցի եղիցի :



ԱՂՕԹՔ ԵԶԵԿԻԱՅԻ ԱՐՔԱՅԻ ՀՐԷԱՍՏԱՆԻ .

ԻԺԱՄԱՆԱԿԻ ՅՈՐՈՒՄ ՀԻՒԱՆԴԱՅԱԻ ,

ԵՒ ՅԱՐԵԱԻ ԻՀԻՒԱՆԴՈՒԹԵՆԷ ԻԻՐՄԷ :

Եսայեայ ԼԸ :

Ես ասացի իվերանալ յինէն աւուրց
իմոց, թէ գնացի ես իդրունս զժոխոց :

Թողի զամենայն յետին իմ, եւ ա-
սացի՛ թէ այլ ոչ եւս տեսից զփրկու-



Թիւն Տեառն յերկրին կենդանեաց, եւ ոչ եւս տեսից զմարդքնակչօք իւրովք հանդերձ:

Պակասեցայ ես յազգատոհմէ իմմէ. այսուհետեւ Թողի Լքի զամենայն ըզկեանս իմ:

Եւ գնաց մեկնեցաւ յինէն հոգի իմ, որպէս զայն՝ որ քակէ զտաղաւար. եւ եղէ ես որպէս զոստայն սատարաց մերձ իհատանիլ:

Յաւուր յայնմիկ մատնեցայ ես յառաւօտէ որպէս իձեռս առիւծու. այնպէս խորտակեաց մանրեաց զոսկերս իմ, զի յառաւօտէ մինչ իգիշեր մատնեցայ:

Որպէս ծիծառն՝ այնպէս ճչեցի, որպէս զաղաւնի՝ այնպէս մնչեցի, զի նուազեցան աչք իմ իտեսանելոյ:

Հայեցայ իբարձունս առ Տէր Աստուած իմ՝ որ փրկեաց զիս, եւ փարատեցոյց յինէն զցաւս անձին իմոյ:

Տէր, վասն այսորիկ պատմեցաւ քեզ. զարթուցեր զանձն իմ, դարձուցեր զհոգի իմ. մխիթարեցայ եւ կեցի:

Ահա իխաղաղութիւն դարձաւ դառնութիւն իմ. փրկեցեր զանձն իմ, զի մի կորեայց. եւ ընկեցեր յետոյ զամենայն զմեզս իմ :

Զի ոչ թէ որք իդժոխս են խոստովան առնին առ քեզ. եւ ոչ մեռեալք օրհնեսցեն զքեզ. եւ ոչ յուսասցին ի ճշմարտութիւնս քո ամենեքեան՝ ոյք իջանեն իդժոխս :

Այլ կենդանիքս օրհնեսցուք զքեզ Տէր. որպէս եւ ես այսուհետեւ մանկունս ծնայց՝ որք պատմեսցեն զարդարութիւնս քո, Տէր փրկութեան իմոյ :

Ես ոչ եւս դադարեցից օրհնել զքեզ յօրհնութիւն նոր, զամենայն աւուրս կենաց իմոց յանդիման տաճարիդ Աստուծոյ :

Փառք Հօր եւ Որդւոյ եւ :



ՄԱՂԹԱՆՔ .

Յոյս կենդանութեան , յոյս եւ ապաւէն փրկութեան Տէր Յիսուս փրկիչ . փրկեա եւ փարատեցո զցաւս անձին իմոյ :

Մարդասէր Տէր, վասն սրբոհեոյ անարատի մօր քոյ եւ Կուսի , եւ վասն խաչի քո պատուականի ' ընկալ զաղաչանս մեր եւ կեցո զմեզ :

*Զքարողն եւ զաղօթս իվերջն ԵՐԿԻՆՔ ՊԱՏՄԵՆ Կանոնին
գտցես 183 երեսն :*



Աւելուիա :

Ի ստովան եղերուք Տեառն զի
քաղցր է, զի յաւիտեան է ո-
ղորմութիւն նորա :

Ասասցեն փրկեալք Տեառն,
զորս փրկեաց իձեռաց թշնամւոյն :

Յամենայն գաւառաց ժողովեաց ըզ-
նոսա, յարեւելից եւ յարեւմտից, ի
հիւսիսոյ եւ իծովէ :

Մոլորեցան նոքա յանապատի յան-
ջըրդի ճանապարհի, եւ քաղաք բը-
նակութեան ո՛չ գտին :

Քաղցեան եւ ծարաւեցան, եւ ան-
ձինք նոցա ինոսին նուաղեցան :

Ազաղակեցին առ Տէր ինեղութեան
իւրեանց, եւ իվշտաց նոցա փրկեաց
զնոսա :

Առաջնորդեաց նոցա իճանապարհ
ուղիղ, զի երթիցեն իքաղաք բնակու-
թեան իւրեանց :

Խոստովան եղիցին Տեառն ողորմու-
թեանց նորա, եւ սքանչելեաց նորա
որդիք մարդկան :

Զի յագեցոյց զանձինս քաղցեալս,
եւ զանձինս կարօտեալս լի արար բա-
րութեամբ :

Ոյք նստէին իխաւարի եւ իստուերս
մահու, կապեալ էին յաղքատութեան
որպէս յերկաթս :

Զի դառնացուցին զբանն Աստուծոյ,
եւ զխորհուրդս Բարձրելոյն բարկա-
ցուցին :

Խոնարհ եղեն իցաւոց սիրտք նոցա,
տկարացան՝ եւ ոչ ոք էր որ օգնէր
նոցա :

Աղաղակեցին առ Տէր ինեղութեան
իւրեանց, իվշտաց նոցա եհան զնոսա :

Փրկեաց զնոսա իխաւարէ եւ ի
ստուերաց մահու, եւ խղեաց զկապանս
նոցա :

Խոստովան եղիցին Տեառն ողորմու-
թեանց նորա, եւ սքանչելեաց նորա
որդիք մարդկան :

Զի փշրեաց զդրունս պղնձիս, եւ
զնիգս երկաթիս խորտակեաց :

Օգնեաց նոցա իճանապարհի անօրէ-
նութեան իւրեանց, զի վասն մեղաց
իւրեանց խոնարհ եղեն յոյժ :

Յամենայն կերակրոց գարշէին սիրտք
նոցա, մերձեցան մինչեւ ի դրունս մա-
հու :

Աղաղակեցին առ Տէր ինեղութեան
իւրեանց, իվշտաց նոցա ապրեցոյց
զնոսա :

Առաքեաց զբան իւր եւ բժշկեաց
զնոսա, եւ փրկեաց զնոսա յապականու-
թենէ իւրեանց :

Խոստովան եղիցին Տեառն ողորմու-
թեանց նորա, եւ սքանչելեաց նորա
որդիք մարդկան :

Մատուցեն նմա պատարագ օրհ-
նութեան, եւ պատմեսցեն զգործս նո-
րա ցնծութեամբ :

Ոյք իջանէին իծով նաւուք, եւ առ-

նէին զգործս իջուրս բազումս :

Նորա տեսին զգործս Տեառն եւ զբարանչելիս նորա իխորս անդնդոց :

Ասաց՝ եւ յարեաւ Հողմ՝ եւ մրրիկ, եւ բարձրացան ալիք նորա :

Ելանէին յերկինս եւ իջանէին յանդունդս . եւ անձինք նոցա յանձինս իւրեանց մաշեցան :

Խռովեցան սասանեցան որպէս արբեալք, եւ ամենայն իմաստութիւն նոցա ընկլաւ :

Ազաղակեցին առ Տէր ինեղութեան իւրեանց . իվշտաց նոցա կեցոյց զնոսա :

Դարձոյց զմրրիկն յօղս՝ եւ դադարեցան ալիք նորա . ուրախ եղեն զի դադարեցան . եւ առաջնորդեաց նոցա ինաւահանգիստ կամաց իւրեանց :

Խոստովան եղիցին Տեառն ողորմութեանց նորա, եւ սքանչելեաց նորա որդիք մարդկան :

Բարձր արասցեն զնա իժողովս ժողովրդոց, եւ յաթուս ծերոց օրհնեցեն զնա :

Զի դարձոյց զգեան իցամաք, եւ

զգնացս ջուրց յերկիր ծարաւուտ :

Արար զերկիրն պտղաբեր՝ յաղտաղտուկս վասն չարութեան բնակչացնոցա :

Արար զանապատն իճահիճս ջուրց , եւ զերկիրն ծարաւուտ իզնացս ջուրց :

Բնակեցոյց ինմա քաղցեալս . եւ շինեցին քաղաք բնակութեան իւրեանց :

Վարեցին արտս եւ տնկեցին այգիս , եւ արարին պտուղ արմտեաց իւրեանց :

Օրհնեաց զնոսա՝ եւ բազմացան յոյժ . եւ անասունք նոցա ոչ նուաղեցան :

Նուաղեցան նոքա եւ չարչարեցան ինեղութենէ չարեաց եւ իվշտաց :

Եկն անարգութիւն իվերայ իշխանաց նոցա . մոլորեցոյց զնոսա յանապատի եւ ոչ իճանապարհի :

Օգնեաց տնանկին յաղքատութեան . եւ առաջնորդեաց որպէս խաշին ազգի նոցա :

Տեսցեն ուղիղք եւ ուրախ եղիցին . եւ ամենայն անօրէն խցցէ զբերան իւր : Ո՛վ է իմաստուն՝ որ պահեսցէ զայս . եւ իմիտ առցէ զողորմութիւնս Տեառն :

ՍԱՂՄՈՍ ձԷ.

Օրհնութիւն Սաղմոսաց Գաւթի :



Պատրաստ է սիրտ իմ Աստուած , պատրաստ է սիրտ իմ օրհնել եւ սաղմոս ասել քեզ փառք իմովք :

Զարթիք փառք իմ , զարթիք սաղմոսիւք եւ օրհնութեամբ , եւ ես զարթեայց առաւօտուց :

Խոստովան եղէց քեզ իժողովուրդս Տէր , եւ սաղմոս ասացից քեզ յազինս :

Մեծ եղեւ մինչեւ յերկինս ողորմութիւն քո , մինչեւ յամպս ճշմարտութիւն քո :

Բարձրեալ ես դու յերկինս Աստուած , եւ յամենայն երկրի են փառք քո :

Որպէս փրկեցան սիրելիք քո . կեցո աջով քով եւ լուր մեզ :

Աստուած խօսեցաւ իսրբութենէ իւրմէ , բարձր եղէց՝ բաժանեցից զՍիւքէմ , եւ զհովիտսն յարկաց չափեցից :

Իմ է Գաղայադ եւ իմ է Մանասէ . եփրեմ հզօրիչ դլխոյ իմոյ

Յուզայ թագաւոր իմ. Մովսէս ան-
զան յուսոյ իմոյ :

Յեզովմէ ուղղեցից զգնացս իմ. եւ
ինձ այլազգիք հնազանդ եղեն :

Ո՞ տարցէ զիս իքաղաք ամուր, կամ
ո՞ առաջնորդեսցէ ինձ մինչեւ յեզովմէ :

Եթէ ոչ դու Աստուած, որ մերժե-
ցեր զմեզ. եւ ոչ ելեր Աստուած ընդ
զօրս մեր :

Տուր մեզ օգնութիւն ինեղութեան,
զի սուտ է փրկութիւն մարդոյ :

Աստուծով արասցուք զօրութիւն.
Եւնա յամօթ արասցէ զթշնամիս մեր :

ՍԱՂՄՈՍ ձԸ.

Իկատարած. Սաղմոս Դաւթի :

Աստուած օրհնութեան իմոյ մի լը-
ռեր, զի բերան մեղաւորի՝ բերան նեն-
գաւորի բացաւ ի վերայ իմ :

Խօսեցան զինէն լեզուաւ նենգաւո-
րաւ, եւ բանիւ անտելութեան պաշա-
րեցին զիս :

Մարտեան ընդ իս իտարապարտուց .

փոխանակ սիրոյ իմոյ մատնէին զիս ,
այլ ես յաղօթս կայի :

Հատուցին ինձ չար փոխանակ ընդ-
բարևոյ , ատելութիւն փոխանակ սիրոյ
իմոյ :

Կացօ իվերայ նորա մեղաւոր . սա-
տանայ կացցէ ընդ աջմէ նորա :

Իդատաստանէ իւրմէ ելցէ դատա-
պարտեալ , եւ աղօթք նորա իմեղս
դարձցին :

Եղիցին աւուրք նորա նուազ , եւ զայ-
ցելութիւն նորա զայն այլ տարցէ :

Եղիցին որդիք նորա որբ , եւ կին
նորա այրի . սահեսցին փոփոխեսցին .
որդիք նորա մուրողք եղիցին , եւ ել-
ցեն իբնակութենէ իւրեանց :

Քննեսցէ փոխատու զամենայն ինչս
նորա . եւ յափշտակեսցեն օտարք ըզ-
վաստակս նորա :

Մի գտցի օգնական նմա . եւ մի ոք
ողորմեսցի իվերայ որբոց նորա :

Եղիցին որդիք նորա իսատակումն ,
եւ յազգէ ջնջեսցի անուն նորա :

Յիշեսցին մեզք հօր նորա առաջի
Տեառն. եւ մեզք մօր նորա մի ջնջես-
ցին, եւ եղիցին առաջի Տեառն յամե-
նայն ժամ:

Սատակեսցի յերկրէ յիշատակ նո-
րա, փոխանակ զի ոչ յիշեաց առնել
զողորմութիւն:

Հալածեաց զայր աղքատ եւ զանանկ .
սպանանել զայն՝ որ խոնարհ է սրտիւ:

Սիրեաց զանէծս՝ եւ ելցէ նմա. ոչ
կամեցաւ զօրհնութիւն, հեռի եղիցի
ինմանէ:

Զգեցաւ զանէծս որպէս հանդերձ .
մտցէ որպէս ջուր խփոր նորա. եւ որ-
պէս ձէթ ընդ ոսկերս նորա:

Եղիցի նմա որպէս հանդերձ՝ զի ա-
գանի, որպէս գօտի՝ որ ածի հանա-
պազ ընդ մէջ:

Այս գործ է այնոցիկ՝ ոյք չարա-
խօս կային զինէն առ Տէր, եւ ոյք խօ-
սէին չար զանձնէ իմմէ:

Այլ գու Տէր Տէր՝ արա ընդ իս ըստ
անուան քում, զի քաղցր է ողորմու-

Թիւն քո . եւ փրկեա զիս , զի աղքատ
եւ սնանկ եմ ես :

Սիրտ իմ խռովեցաւ իփորի իմում .
եւ ես որպէս ստուեր իխուսափիլ իմում
պակասեցայ , եւ Թօթափեցայ որպէս
մարախ :

Ծունկք իմ տկարացան իպահոց , եւ
մարմին իմ այլազունեցաւ յիւզոյ :

եղէ ես նախատ նոցա . տեսին զիս ,
եւ շարժեցին զգլուխս իւրեանց :

Օգնեա ինձ Տէր Աստուած իմ , եւ
փրկեա զիս ըստ ողորմութեան քում :

Ծանիցեն զի ձեռն քո այս է , եւ դու
Տէր արարեր զայս :

Նոքա անիծանեն , եւ դու օրհնես-
ցես . ոյք յարուցեալ են իվերայ իմ ,
զամօթ կրեսցեն . այլ ծառայ քո ու-
րախ եղիցի իքեզ :

Զգեցցին զամօթ , ոյք չարախօս
կային զանձնէ իմմէ . եւ արկցեն որ-
պէս կրկնոց զամօթ զիւրեամբք :

Այլ ես խոստովան եղէց առ Տէր յոյժ
բերանով իմով . եւ իմէջ բաղմաց օրհ-
նեցից զքեզ :

Ձի եկաց նա ընդ աջմէ տնանկին,
իփրկել զիս յայնցանէ՝ ոյք հալածեն
զանձն իմ:

ՍԱՂՄՈՍ ձԹ.

Եկատարած. Սաղմոս Դաւթի:

Ասաց Տէր ցՏէր իմ, նիստ ընդ աջ-
մէ իմմէ, մինչեւ եդից զթշնամիս քո
պատուանդան ոտից քոց:

Գաւազան զօրութեան առաքեսցէ
քեզ Տէր իՍիօնէ, եւ տիրեսցես դու ի
մէջ թշնամեաց քոց:

Ընդ քեզէ սկիզբն աւուր զօրութեան.
իվայելչութիւն սրբոց քոց յարգանդէ
յառաջ քան զարուսեակ ծնայ զքեզ:

Երգուաւ Տէր եւ ոչ եւս զզջասցի,
թէ դու ես քահանայ յաւիտեան ըստ
կարգին Մեւքիսեդեկի, եւ Տէր ընդ
աջմէ քումմէ:

Խորտակեսցէ յաւուր բարկութեան
զթագաւորս. դատէ զհեթանոսս, եւ
բազում առնէ զհարուածս, եւ խորտա-
կեսցէ զգլուխս բազմաց յերկրի:

Զուգիսս իճանապարհի արբուսցէ .
վանն այսորիկ եւ բարձր արասցէ ըզ-
գլուխս :

ՍՍՂՄՈՍ ձԺ.

Ալէլուիս :

Խոստովան եղէց քեզ Տէր բոլորով
սրտիւ իմով, իխորհուրդս ուղղոց ի
ժողովուրդս մեծ են գործք Տեառն, եւ
քննեալ են յամենայնի կամք նորա :

Խոստովանութիւն եւ վայելչութիւն
են գործք նորա . արդարութիւն նորա
մնայ յաւիտեանս յաւիտենից :

Յիշատակ արար սքանչելեաց իւրոց
ուղղոց. ողորմած գթած է Տէր, կերա-
կուր տայ երկիւղածաց իւրոց :

Յիշեաց յաւիտենից զուխտ իւր .
զգօրութիւն գործոց իւրոց պատուի-
րեաց ժողովրդեան իւրում :

Տալ նոցա զժառանգութիւն հեթա-
նոսաց . եւ գործք ձեռաց նորա արդա-
րութիւն եւ իրաւունք են :

Հաւատարիմ են յամենայնի պա-
տուիրանք նորա . հաստատեալ են յա-

ւիտեանս յաւիտենից . արարեալ են ճշմարտութեամբ եւ ուղղութեամբ :

Փրկութիւն առաքեաց Տէր ժողովրդեան իւրում . պատուիրեաց յաւիտենից զուխտ իւր . սուրբ եւ ահեղ է անուն նորա :

Սկիզբն զգօծութեան երկիւղ Տեառն . իմաստութիւն բարի ամենեցուն՝ ոյք առնեն զնա . եւ օրհնութիւն նորա մնայ յաւիտեանս յաւիտենից :

ՍԱՂՄՈՍ ձԺԱ .

Աւելուիա . իվերայ սալաշխարութեան

Անդեսայ եւ Չաքարիայ :

Երանեալ է այր՝ որ երկնչի իՏեառնէ, զպատուիրանս նորա նա կամի յոյժ :

Հզօր եզիցի յերկրի զաւակ նորա, եւ ազգ ուղղոց օրհնեսցի :

Փառք եւ մեծութիւն են իտան նորա . արդարութիւն նորա մնայ յաւիտեանս յաւիտենից :

Ծագեաց իխաւարի լոյս ուղղոց, ուղորմած գթած եւ արդար է Տէր :

Քաղցր այր ողորմի եւ տայ փոխ .
յօրինէ զբան իւր իդատաստանի , զի
յաւիտեան նա մի սասանեսցի :

Յիշատակ յաւիտենից եղիցի արդա-
րըն . իհամբաւէ չարէ նա մի երկիցէ :

Պատրաստ է սիրտ նորա յուսալ առ
Աստուած :

Հաստատեալ է սիրտ նորա . եւ նա մի
երկիցէ մինչեւ տեսցէ իթշնամիս իւր :

Սփռեաց՝ եւ ետ աղքատաց . արդա-
րութիւն նորա մնայ յաւիտեանս յա-
ւիտենից , եւ եղջիւր նորա բարձր ե-
ղիցի փառօք :

Մեղաւորն տեսցէ եւ բարկացի . զա-
տամուռնս իւր կրճտեսցէ եւ հալեսցի .
եւ ցանկութիւն մեղաւորաց կորիցէ :

ՍԱՂՄՈՍ ձԺԲ .

ԱԷԼԼԻԿԱ :

Օրհնեցէք մանկունք զՏէր , եւ օրհ-
նեցէք զանուն Տեառն :

Եղիցի անուն Տեառն օրհնեալ յայսմ
հետէ մինչեւ յաւիտեան :

Յարեւելից մինչեւ իմուտս արեւու

օրհնեալ է անուն Տեառն :

Բարձր է իվերայ ամենայն ազգաց
Տէր , եւ յերկինս են փառք նորա :

Ո՞վ է որպէս Տէր Աստուած մեր ի
բարձունս բնակեալ , եւ զխոնարհս տե-
սանէ յերկինս եւ յերկրի :

Յարուցանէ զաղքատս յերկրէ , եւ
բարձր առնէ զտառապեալս յաղբեւաց :

Նստուցանէ զնոսա իշխանս ընդ իշ-
խանս ժողովրդեան իւրոյ :

Բնակեցուցանէ զամուլն իտան ու-
րախամիտ , որպէս մայր որդւովք բեր-
կրեալ :

ՍԱՂՄՈՍ ձԺԳ.

Ալէլուիա :

Յեւանեւն Իսրայելի յեգիպտոսէ .
տանն Յակոբայ իժողովրդենէ այլազ-
գեաց :

Եզեւ Հրէաստան սրբութիւն նորա ,
եւ Իսրայէլ իշխանութիւն նորա :

Ծով ետես եւ փախեաւ , եւ Յորդա-
նան անդրէն դարձաւ :

Լերինք ցնծասցեն որպէս խոյք , եւ

բլուրք որպէս գառինք մաքեաց :

Ձի է քեզ ծով, զո՞ տեսեր եւ փախեար. կամ դու Յորդանան՝ զի դարձար անդրէն :

Լերինք՝ ցնծացէք որպէս խոյք, եւ բլուրք որպէս գառինք մաքեաց :

Յերեսաց Տեառն սասանեցաւ երկիր, յերեսաց Աստուծոյ Յակոբայ :

Ո դարձոյց զվէմն ի վտակս Զուրց, եւ զապառաժն յաղբերակունս :

Մի մեզ Տէր՝ մի մեզ, այլ անուանքում տուր զփառս վասն ողորմութեան եւ ճշմարտութեան քո :

Մի երբէք ասացեն իհեթանոսս, թէ ո՞ւր է Աստուած նոցա :

Աստուած մեր յերկինս եւ յերկրի, զամենայն զոր ինչ կամեցաւ՝ եւ արար :

Կուռք հեթանոսաց ոսկի եւ արծաթ են, ձեռագործ են որդւոց մարդկան :

Բերան ունին, եւ ոչ խօսին, աչս ունին, եւ ոչ տեսանեն :

Ականջս ունին, եւ ոչ լսեն. ունչս ունին, եւ ոչ հոտոտեն :

Ձեռս ունին, եւ ոչ շօշափեն. ոտս

ունին, եւ ոչ գնան. եւ ոչ գոյ բար-
բառ իկոկորդս նոցա :

Նման նոցա եղիցին՝ ոյք արարին
զնոսա, ամենեքեան ոյք յուսացեալ են
ինոսա :

Տունն Իսրայելի յուսացաւ իՏէր .
օգնական եւ ընդունող է նոցա :

Տունն Ահարօնի յուսացաւ իՏէր . օգ-
նական եւ ընկերող է նոցա :

Երկիւղածք Տեառն յուսացան իՏէր,
օգնական եւ փրկիչ է նոցա :

Յիշեաց զմեզ Տէր եւ օրհնեաց զմեզ .
օրհնեաց Տէր զտունն Իսրայելի . օրհ-
նեաց Տէր զտունն Ահարօնի :

Օրհնեաց Տէր զերկիւղածս իւր, ըզ-
փոքրկունս եւ զմեծամեծս :

Յաւելցէ իձեզ Տէր, իձեզ եւ յոր-
դիս ձեր :


Օրհնեալ էք դուք իՏեառնէ, որ ա-
րար զերկինս եւ զերկիր :

Երկինք երկնից Տեառն են. եւ զեր-
կիրս եւ որդւոց մարդկան :

Ոչ թէ մեռեալք օրհնեսցեն զքեզ

Տէր, եւ ոչ ամենեքեան՝ ոյք իջանեն
ի դժոխս :

Այլ կենդանիքս օրհնեսցուք զքեզ
Տէր, յայսմհետէ մինչեւ յաւիտեան :



ՍԱՂՄՈՍ ձԺԴ.

Աւելուիա :



Սիրեցի զի լուիցէ Տէր զձայն աղօ-
թից իմոց. զի խոնարհեցոյց զունկն
իւր առ իս, եւ ես յաւուրս իմ՝ կար-
դացի առ նա :

Շրջեցան զինեւ երկունք մահու,
եւ վիշտք դժոխոց գտին զիս :

Զնեղութիւն եւ զանձկութիւն գտի,
եւ զանուն Տեառն կարդացի :

Ո՛ Տէր՝ փրկեա զանձն իմ. ողորմած
Աստուած մեր՝ ողորմի եւ պահէ զողայս
Տէր :

Ես խոնարհ եղէ՛, եւ Տէր կեցոյց զիս.
դարձ անձն իմ՝ իհանգիստ քո, զի Տէր
օգնեաց քեզ :

Փրկեաց զանձն իմ ի.մահուանէ,

զաչս իմ յարտասուաց, եւ զոտս իմ
իգայթակղութենէ, հաճոյ եղէց առա-
ջի Տեառն յերկրին կենդանեաց:

ՍԱՂՄՈՍ ձԺԵ.

ՍԼԷԼԼԻԽ:

Հաւատացի զոր եւ խօսեցայ, եւ ես
խոնարհ եղէ յոյժ:

Ես ասացի իզարմանալ իմում, թէ
ամենայն մարդ սուտ է:

Զինչ տաց տրիտուր Տեառն ընդ ա-
մենայնի՝ զոր եւ ետ ինձ:

Զբաժակ փրկութեան ընկալայց, եւ
զանուն Տեառն կարդացից:

Զաղօթս իմ Տեառն տաց առաջի
ամենայն ժողովրդեան նորա:

Պատուական է առաջի Տեառն մահ
սրբոց իւրոց. ո՞ Տէր ես ծառայ քո եմ,
ծառայ եւ որդի աղախնոյ քո:

Հատեր զկապանս իմ. քեզ մատուցից
սլատարագ օրհնութեան, եւ զանուն
Տեառն կարդացից:

Զաղօթս իմ Տեառն տաց առաջի
ամենայն ժողովրդեան նորա, իգաւիթս
տան Տեառն, եւ իմէջ քո Երուսաղէմ:

ՍԱՂՄՈՍ ձԺԶ.

Աւելուիա :

Օրհնեցէք զՏէր ամենայն ազինք .
դովեցէք զնա ամենայն ժողովուրդք :

Զօրասցի ողորմութիւն նորա իվե-
րայ մեր . եւ ճշմարտութիւն Տեառն
մնասցէ յաւիտեան :

ՍԱՂՄՈՍ ձԺԷ.

Աւելուիա :

Խոստովան եղերուք Տեառն , զի բա-
րի է , զի յաւիտեան է ողորմութիւն
նորա :

Ասասցէ տունն Իսրայելի՛ զի յաւի-
տեան է ողորմութիւն նորա :

Ասասցէ տունն Ահարօնի՛ զի յաւի-
տեան է ողորմութիւն նորա :

Ասասցեն երկիւղածք Տեառն՛ զի յա-
ւիտեան է ողորմութիւն նորա :

Ինեղութեան իմում ես առ Տէր
կարդացի , եւ լուաւ ինձ յանդորր :

Տէր է իմ օգնական , եւ ես ոչ եր-
կեայց , զի արասցէ ինձ մարդ :

Տէր է իմ օգնական, եւ ես տեսից
իթշնամիս իմ:

Բարի է յուսալ իՏէր՝ քան յուսալ
իմարդիկ. բարի է յուսալ իՏէր՝ քան
յուսալ յիշխանս:

Ամենայն ազինք շրջեցան զինեւ, եւ
անուամբ Տեառն յազթեցի նոցա:

Շրջելով շրջեցան զինեւ, եւ պա-
շարեցին զիս իմիասին, եւ անուամբ
Տեառն վանեցի զնոսա:

Շուրջ եղեն զինեւ որպէս մեղուք,
վառեցան բորբոքեցան որպէս փուշք-ի
հուր, եւ անուամբ Տեառն մերժեցի
զնոսա:

Իմերժելն դրդուեցայ, եւ եղէ մերձ
իգլորիլ. եւ Տէր ընկալաւ զիս:

Զօրութիւն իմ եւ օգնութիւն իմ
Տէր, եւ եղեւ ինձ իփրկութիւն:

Զայն ցնծութեան փրկութեան իյար-
կըս արդարոց:

Աջ Տեառն արար զօրութիւն, աջ
Տեառն բարձր արար զիս, եւ աջ Տեառն
արար զօրութիւն:

Ոչ մեռայց, այլ կեցից եւ պատմեցից զգործս Տեառն:

Խրատելով խրատեաց զիս Տէր, եւ իմահ ոչ մատնեաց:

Բացէք ինձ զգրունս արգարութեան, զի մտից ընդ այն, եւ խոստովան եղէց Տեառն:

Այս դուռն Տեառն է, եւ արդարք մտանեն ընդ սա:

Խոստովան եղէց քեզ Տէր, զի լուար ինձ, եւ եղեր ինձ իփրկութիւն:

Վէմն զոր անարգեցին շինողքն, նա եղեւ գլուխ անկեան:

ԻՏեառնէ եղեւ այս, եւ է սքանչելի առաջի աչաց մերոց:

Այսօր է զոր արար Տէր. եկայք ցնճասցուք եւ ուրախ եղիցուք իսմա:

Ո՛ Տէր փրկեա, ո՛ Տէր առաջնորդեա. օրհնեալ որ գալոց ես յանուն Տեառն, եւ օրհնեցաք զքեզ իտանէ Տեառն:

Տէր Աստուած մեր երեւեցաւ մեզ. արարէք տօնս ուրախութեան կանխաւ, մինչեւ յանկիւնս սեղանոյ:

Աստուած իմ ես դու՛ եւ խոստովան
եղէց քեզ. Աստուած իմ ես դու՛ եւ
բարձր արարից զքեզ:

Խոստովան եղէց քեզ Տէր՛ զի լուար
ինձ, եւ եղեր ինձ իփրկութիւն:

Խոստովան եղերուք Տեառն զի բա-
րի է, զի յաւիտեան է ողորմութիւն
նորա:

ՍԱՂՄՈՍ ձԺԸ.

Աւելուիա:

Երանեալ են անբիծք իճանապարհի,
եւ ոյք զնան յօրէնս Տեառն:

Երանի ոյք քննեն զվկայութիւնս նո-
րա, բոլորով սրտիւ իւրեանց խնդրես-
ցեն զնա:

Ոչ թէ ոյք գործեն զանօրէնութիւն,
իճանապարհս նորա զնասցեն:

Դու պաասուիրեցեր զպատուիրանս
քո իպահել ինձ յոյժ:

Երանի թէ յաջողեալ էին ինձ ճա-
նապարհք իմ՛ իպահել ինձ զարդարու-
թիւնս քո.

Յայնժամ ես ոչ ամաչէի իզգուշա-

նալ ինձ իպատուիրանս քո :

Խոստովան եղէց քեզ Տէր յուղղութիւն սրտի իմոյ, որպէս ուսայց զիրաւունս արդարութեան քո :

Զիրաւունս քո սլահեցի, մի թողուր զիս մինչ իսսառ :

Ի՞նչ ուղղեսցէ երիտասարդ զճանապարհս իւր, այլ իպահել զբանս քո :

Բոլորով սրտիւ իմով խնդրեցի ըզքեզ, մի մերժեր զիս իպատուիրանաց քոց :

Իսրտի իմում թագուցի զբանս քո, որպէս զի մի մեղայց քեզ :

Օրհնեալ ես դու Տէր, ուսո ինձ զարդարութիւնս քո :

Շրթամբք իմովք պատմեցից զամենայն իրաւունս բերանոյ քո :

Իճանապարհս վկայութեանց քոց զուարճացայ, որպէս յամենայն իմեծութեան :

Իպատուիրանս քո հոգացայ, եւ ըզգուշացայ իճանապարհս քո :

Զիրաւունս քո խօսեցայ, եւ ոչ մուսացայ զբանս քո :

Հատո ծառայի քում, զի կեցից եւ պահեցից ղբանս քո :

Զարթո զաչս իմ, եւ նայեցայց ի սքանչելիս օրինաց քոց :

Պանդուխտ եմ ես յերկրի, մի թագուցաներ յինէն զպատուիրանս քո :

Փափաքեաց անձն իմ իցանկալ ինձ յիրաւունս քո յամենայն ժամ :

Սաստեցեր ամբարտաւանից. անիծեալ՝ ոյք խոտորեցան իպատուիրանաց քոց :

Իբաց արա յինէն զնախատինս եւ զարհամարհանս, զի զվկայութիւնս քո խնդրեցի :

Քանզի նստան իշխանք եւ չարախօսէին զինէն. այլ ծառայ քո խորհէր յիրաւունս քո :

Զի վկայութիւնք քո խօսք իմ էին, եւ խորհուրդք իմ արդարութիւն քո :

Մերձեցաւ անձն իմ իհող, Տէր՝ կեցո՞ զիս ըստ բանի քում :

Զճանապարհս իմ պատմեցի քեզ՝ եւ լուար ինձ, ուսո ինձ զարդարութիւնս քո :

Իճանապարհս արդարու թեանց քոց
իմաստուն արա զիս, եւ քննեցից զսքան-
չելիս քո :

Տքնեցաւ անձն իմ առ իճանձրանալ-
հաստատեա զիս իբանս քո :

Զճանապարհս մեղաց իբաց արա յի-
նէն, եւ յօրէնս քո ողորմեա ինձ :

Զճանապարհս ճշմարտութեան քո
ընտրեցի, եւ զիրաւունս քո ես ոչ մո-
ռացայ :

Մերձեցայ ես իվկայութիւնս քո, Տէր՝
մի յամօթ առներ զիս :

Իճանապարհս պատուիրանաց քոց
ընթացայ, զի անդորր արարեր սրտի
իմոյ :

Օրէնսգէտ արա զիս Տէր իճանա-
պարհս իրաւանց քոց, եւ խնդրեցից
զնա յամենայն ժամ :

Իմաստուն արա զիս, եւ քննեցից զօ-
րէնս քո, եւ պահեցից զնա բոլորով
սրտիւ իմով :

Առաջնորդեա ինձ իշաւիզս պատուի-
րանաց քոց, զի ընդ նոսա հաճեցայ :

Խոնարհեցո զսիրտ իմ իվկայութիւնս

քո, եւ մի յագահութիւն :

Դարձո զաչս իմ, զի մի տեսից ըզնանրութիւն, իճանապարհս քո կեցո զիս :

Հաստատեա ծառայի քում զբան քո յերկիւղ քո :

Հան յինէն զնախատինս, զոր եւ կարծեցի. զի դատաստանք քո քաղցր են :

Ահա ցանկացայ պատուիրանաց քոց. յարդարութեան քում կեցո զիս :

Եկեսցէ իվերայ իմ ողորմութիւն քո Տէր, եւ փրկութիւն քո ըստ բանի քում :

Տաց պատասխանի ոյք նախատեն զիս բանիւք. զի ես իբանս քո յուսացայ :

Մի իբացեայ առներ իբերսնոյ իմմէ զբան ճշմարտութեան մինչեւ յոյժ, զի յիրաւունս քո յուսացայ :

Պահեցի զօրէնս քո յամենայն ժամ, յաւիտեան եւ յաւիտեանս յաւիտենից :

Գնայի ես յանդորրու, զի զպատուիրանս քո խնդրեցի :

Խօսէի զվկայութիւնս քո առաջի թագաւորաց, եւ ոչ ամաչէի :

Խորհէի իպատուիրանս քո՝ զոր սիրեցի :

Համարձի զձեռս իմ՝ իպատուիրանս քո զոր սիրեցի, եւ խորհէի յարդարութեան քում :

Յիշեա զբան ծառայի քո, յոր յուսացուցեր զիս :

Սա մխիթարեսցէ զիս իխոնարհութեան իմում. զի բան քո կեցոյց զիս :

Ամբարտաւանք անիրաւեցան յիս յոյժ. այլ յօրինաց քոց ես ոչ խոտորեցայ :

Յիշեցի զիրաւունս քո յաւիտենից, Տէր, եւ մխիթարեցայ :

Տրամութիւն կալաւ զիս իմեղաւորաց, եւ ոյք թողին զօրէնս քո :

Գողելի են ինձ իրաւունք քո իտեղոջ պանդխտութեան իմոյ :

Յիշեցի իգիշերի զանուն քո՝ Տէր, եւ պահեցի զօրէնս քո :

Սա եղեւ ինձ ճանապարհ իկեանս, զի զարդարութիւնս քո խնդրեցի :



Բաժին իմ ես դու Տէր, ասացի պահել ինձ զօրէնս քո :

Աղաչեցի զերեսս քո բոլորով սրտիւ իմով. ողորմեա՛ն ինձ ըստ բանի քում :

Խորհեցայ իճանապարհս իմ, եւ դարձուցի զոտս իմ իվկայութիւնս քո :

Պատրաստեցայ եւ ոչ խռովեցայ, զի պահեցի զպատուիրանս քո :

Տուունք մեղաց պատեցան զինեւ. այլ զօրէնս քո ես ոչ մոռացայ :

Իմէջ գիշերի յառնէի խոստովան լինել առ քեզ, վասն իրաւանց եւ արդարութեան քո :

Հաղորդ էի ես ամենայն երկիւղածաց քոց, որոց պահեալ էին զպատուիրանս քո :

Ողորմութեամբ Տեառն լի եղեւ երկիր. զարդարութիւնս քո ուսո ինձ :

Քաղցրութիւն արարեր ընդ ծառայի քում՝ Տէր, ըստ բանի քում :

Զքաղցրութիւն, զխրատ եւ զգիտութիւն ուսո ինձ, զի իպատուիրանս քո ես հաւատացի :

Մինչեւ խոնարհեալ էի ես՝ մեղայ .
վասն այսորիկ զբանս քո պահեցի յոյժ :

Քաղցր ես դու Տէր, եւ քաղցրու-
թեամբ քով ուսո ինձ զարդարութիւ-
նըս քո :

Բազմացան յիս անիրաւութիւնք ամ-
բարտաւանից . այլ ես բոլորով սրտիւ
իմով քննեցի զսլատուիրանս քո :

Մածեան որպէս կաթն սիրտք նոցա .
այլ ես զօրէնս քո խօսեցայ :

Բարի է ինձ զի խոնարհ արարեր զիս,
որպէս ուսայց զարդարութիւնս քո :

Բարի են ինձ օրէնք բերանոյ քո,
քան զհաղարս ոսկւոյ եւ արծաթոյ :

Ձեռք քո արարին եւ ստեղծին զիս .
իմաստուն տրա զիս, եւ ուսայց զսլա-
տուիրանս քո :

Երկիւղածք քո տեսցեն զիս եւ ու-
րախ եղիցին, զի ես իբանս քո յու-
սացայ :

Ծանեայ Տէր՝ զի արդարութեամբ
են դատաստանք քո . յիրաւի խոնար-
հեցուցեր զիս :

Եղիցի ողորմութիւն քո իմիւթարեւ

զիս, ըստ բանի քու՛մ զծառայս քո:

Եկեացեն յիս գթու՛թիւնք քո՛, եւ կեցից, զի օրէնք քո խօսք իմ է՛լին:

Ամաչեսցեն ամբարտաւանք՛ որք ի տարապարտուց անիրաւեցան յիս. այլ ես հոգացայ իպատուիրանս քո:

Խրատեսցեն զիս երկիւղածք քո, եւ ոչք ճանաչեն զվկայու՛թիւնս քո:

Եղիցի սիրտ իմ անբի՛ծ յարգարու՛թեան քու՛մ, զի մի ամաչեցից:

Կարօտացաւ անձն իմ իփրկու՛թիւնս քո, զի ես իբանս քո յուսացայ:

Սպասեցին աչք իմ՛ բանի քու՛մ. աւացի՛, երբ մխիթարեսցէ զիս:

Եղէ ես որպէս տիկ իպարզի, զի զարգարու՛թիւնս քո ես ոչ մոռացայ:

Քանի ինչ են աւուրք ծառայի քո. երբ արասցես ինձ իրաւունս իհալածչաց իմոց:

Պատմեցին ինձ անօրէնք զխորհուրդըս, այլ ոչ որպէս զօրէնս քո:

Ամենայն պատուիրանք քո ճշմարիտ են. ինանիր հալածեցին զիս, օգնեա՛ ինձ:

Փոքր մի եւս եւ կորուսանէին զիս
յերկրի . այլ ես ոչ թողի զպատուիրա-
նքս քո :

Ըստ ողորմութեան քում կեցո զիս ,
եւ պահեցից զվկայութիւնս բերանոյքո :

Յաւիտեան Տէր բան քո կայ յեր-
կինս , ազգէ մինչեւ յազգ է ճշմար-
տութիւն քո :

Հաստատեցեր զերկիր՝ եւ կայ :

Հրամանի քում մնայ տիւ , զի ամե-
նեքեան ծառայք քո են :

Եթէ ոչ օրէնք քո խօսք իմ էին ,
կանխաւ եւս արդեօք կորուսեալ էի ի
խոնարհութեան իմում :

Յաւիտեան ոչ մոռացայց զարդա-
րութիւնս քո , զի նոքօք կեցուցեր զիս :

Քո եմ ես եւ կեցո զիս , զի զար-
դարութիւնս քո խնդրեցի :

Ինձ սպասեցին մեղաւորք իկորու-
սանել , զի զվկայութիւնս քո ես իմիտ
առի :

Յամենայն կատարածի տեսի զվախ
ճան . յոյժ անգորր էին ինձ պատուի-
րանք քո :

Որպէս սիրեցի զօրէնս քո, զօրհանապազ խօսք իմ էին:

Քան զթշնամիս իմ իմաստուն արարեր զիս իպատուիրանս քո, զի յաւտեան իմ էին:

Քան զամենայն ուսուցիչս իմ իմաստուն եղէ, զի զպատուիրանս քո քննեցի:

Յամենայն ճանապարհաց չարաց արգելի զոտս իմ, որպէս զի պահեցից զբանս քո:

Յիրաւանց քոց ես ոչ խոտորեցայ, զի դու օրէնսդէտ արարեր զիս:

Որպէս զի քաղցր են իքիմս իմ բանք քո՝ քան զմեղր բերանոյ իմոյ:

Իպատուիրանաց քոց իմացեալ ատեցի զամենայն ճանապարհս չարաց, զի դու օրէնսդէտ արարեր զիս:

Ճրագ են բանք քո ոտից իմոց, եւ լոյս տան շաւղաց իմոց:

Երգուայ եւ հաստատեցի, զի պահեցից զամենայն իրաւունս արդարութեան քո:

Խոնարհ եղէ մինչեւ յոյժ. Տէր, կեցո զիս ըստ բանի քում:

Ընդ կամս բերանոյ իմոյ հաճեա
Տէր, եւ զիրաւունս քո ուսո ինձ:

Անձն իմ իձեռս քո է յամենայն
ժամ, եւ զօրէնս քո ես ոչ մոռացայ:

Եդին ինձ մեղաւորք որոգայթ. ի
պատուիրանաց քոց ես ոչ մոլորեցայ:

Ժառանգեցի զվկայութիւնս քո յա-
ւիտեան, զի ցնծութիւն է սրտի իմոյ:

Խոնարհեցուցի զսիրտ իմ առնել
զարդարութիւնս քո յաւիտեան վասն
հատուցման:

Զանօրէնս ատեցի, եւ զօրէնս քո
սիրեցի:

Օգնական եւ փրկիչ իմ ես դու, եւ
եւ իբանս քո յուսացայ:

Իբաց եղերուք յինէն չարք, եւ քրն-
նեցից զպատուիրանս Աստուծոյ իմոյ:

Օգնեա ինձ ըստ բանի քում եւ կե-
ցո զիս, եւ մի յամօթ առներ զիս ի
յուսոյ իմմէ:

Օգնեա ինձ եւ ապրեցո զիս, եւ խոր-
հեցայց յիրաւունս քո յամենայն ժամ:

Անարգեցեր զամենեսեան՝ որք ապրս-
տամբք եղեն յարդարութեանց քոց:

զի անիրաւութեամբ էին խորհուրդք
նոցա :

Յանցաւորս համարեցայ զամենայն
մեղաւորս երկրի. վասն այսորիկ սիրե-
ցի զպատուիրանս քո :

Բեւեռեա ընդ երկիւղ քո զմարմին
իմ, զի իդատաստանաց քոց երկեայց
յոյժ :

Աւելուիա :

Արարի իրաւունս եւ արդարութիւն.
մի մասներ զիս իձեռս նեղչաց իմոց :

Ընկալ զծառայս քո իբարի, զի մի
ամբարտաւանք զզուեսցեն զիս :

Սպասեցին աչք իմ փրկութեան
քում Տէր, եւ բանից արդարութեան քո :

Արա ընդ ծառայի քում Տէր ըստ ո-
ղորմութեան քում. զարդարութիւնս
քո ուսո ինձ :

Ծառայ քո եմ ես, իմաստուն արու
զիս, եւ ծանեայց զվկայութիւնս քո :

ժամ է պաշտել զՏէր . խափանեցին
զօրէնս քո :

Վասն այսորիկ սիրեցի զպատուիրա-
նըս քո՝ քան զամենայն ոսկի եւ զապա-
ղիոն :

Ամենայն պատուիրանք քո յաջողե-
ցան ինձ , զի ատեցի ես զճանապարհս
չարաց :

Աքանջելի են վկայութիւնք քո , վա-
սըն այսորիկ սիրեաց զնոսա անձն իմ :

Յայտնութիւն բանից քոց լուսաւոր
է եւ իմաստուն առնէ զտղայս :

Զբերան իմ բացի , եւ առի զհողի . ի
պատուիրանս քո փափաքեաց անձն իմ :

Նայեա առ իս եւ ողորմեա ինձ ըստ
իրաւունս սիրողաց անուան քո :

Զճանապարհս իմ ուղիղ արա ինձ
ըստ բանի քում , եւ մի տիրեսցեն ինձ
ամենայն մեղք :

Փրկեա զիս իզրպարտութենէ մարդ-
կան , եւ պահեցից զպատուիրանս քո :

Երեւեցո զերեսս քո իճառայս քո ,
եւ ուսո ինձ զարդարութիւնս քո :

Վտակք ջուրց իջին յաչաց իմոց ,
զի ոչ պահէցին զօրէնս քո :

Արդար ես դու Տէր , եւ ուղիղ են
դատաստանք քո :

Պատուիրեցեր զարդարութիւն վը-
կայութեանց քոց , եւ ճշմարիտ են յոյժ :

Մաշեաց զիս նախանձ քո , զի մո-
ռացան զբանս քո թշնամիք իմ :

Ընտրեալ է բան քո յոյժ , եւ ծա-
ռայ քո սիրեաց զսա :

Մանուկ եմ ես եւ արհամարհեալ ,
եւ զարդարութիւնս քո ես ոչ մոռացայ :

Արդարութիւն քո արդարութիւն
յաւիտենից , եւ օրէնք քո ճշմարիտ են :

Նեղութիւնք եւ վիշտք դտին զիս ,
եւ պատուիրանք քո խօսք իմ էին :

Արդարութեամբ են վկայութիւնք
քո յաւիտեան . իմաստուն արա եւ կե-
ցո զիս :

Կարգացի առ քեզ բոլորով սրաիւ
իմով , լուր ինձ Տէր , զի զարդարու-
թիւնս քո խնդրեցի :

Ազաղակեցի առ քեզ , եւ վրկեա զիս ,

եւ պահեցից զվկայութիւնս քո :

Կանխեցի ստրաժամու, աղաղակեցի, եւ ես իբանս քո յուսացայ :

Կանխեցին աչք իմ առաւօտու իխօսիլ ինձ զբանս քո :

Զայնի իմում լուր Տէր ըստ սղորմութեան քում. եւ յիրաւունս քո կեցո զիս :

Մերձեցուցին յիս հալածիչք իմ զանօրէնութիւն, զի յօրինաց քոց հեռի եղեն :

Մերձ ես դու Տէր, եւ ամենայն պատուիրանք քո ճշմարիտ են :

Իսկզբանէ ծանեայ իվկայութեանց քոց, զի յաւիտեան հաստատեցեր ըղնոսա :

Տես զխօնարհութիւն իմ եւ փրկեա զիս, զի զօրէնս քո ես ոչ մոռացայ :

Դատեա զդատաստանս իմ եւ փրկեա զիս, եւ ըստ բանի քում կեցո զիս :

Հեռի է իմեղաւորաց փրկութիւն, զի զիրաւունս քո ոչ պահեցին :

Գթութիւնք քո բազում են Տէր, եւ

քնստ իրաւանց քոց կեցո զիս :

Բազում են, որք հալածեն եւ նեղեն զիս. իվկայութեանց քոց ես ոչ խոստօրեցայ :

Հայէի յանագորոյնս եւ մաշէի, զի զպատուիրանս քո ոչ պահեցին :

Տես՝ զի զպատուիրանս քո սիրեցի. Տէր՝ ողորմութեամբ քո կեցո զիս :

Սկիզբն բանից քոց ճշմարտութիւն է. յաւիտեան են ամենայն իրաւունք արդարութեան քո :

Իշխանք հալածեցին զիս ինանիր, եւ իբանից քոց երկեալ սիրտ իմ :

Ցնծացայ ես իբանս քո որպէս այն՝ որ գտանէ աւար բազում :

Զմեղս ատեցի եւ անարգեցի, եւ զօրէնս քո սիրեցի :

Եօթն անգամ յաւուր օրհնեցից զքեզ, վասն իրաւանց եւ արդարութեան քո :

Խաղաղութիւն բազում է այնոցիկ՝ ոյք սիրեն զօրէնս քո, եւ ոչ գոյ ինոսա դայթակղութիւն :

Սպասեցի փրկութեան քում Տէր,
եւ զպատուիրանս քո սիրեցի :

Պահեաց անձն իմ զվկայութիւնս
քո, եւ սիրեաց զնոսա յոյժ :

Պահեցից զպատուիրանս եւ զվկայու-
թիւնս քո, զի ամենայն ճանապարհք
իմ առաջի քո են :

Մերձեացին խնդրուածք իմ առաջի
քո Տէր, ըստ բանի քում իմաստուն
արա զիս :

Մտցեն աղօթք իմ առաջի քո Տէր,
եւ բանիւ քով փրկեա զիս :

Բզխեսցեն շրթունք իմ զօրհնութիւ-
նքս քո, յորժամ ուսուսցես ինձ զար-
դարութիւնս քո :

Խօսեսցի լեզու իմ զբանս քո, զի ամ-
ենայն պատուիրանք քո արդարու-
թեամբ են :

Եզիցի ձեռն քո իկեցուցանել զիս,
զի զպատուիրանս քո ընտրեցի :

Յանկացայ փրկութեան քում Տէր,
եւ օրէնք քո խօսք իմ էին :

Կեցցէ անձն իմ, օրհնեսցէ զքեզ,
եւ իրաւունք քո օգնեսցեն ինձ :

Մոլորեցայ ես որպէս զոչխար կու-
րուսեալ. խնդրեա զճառայս քո, զի
զսլատուիրանս քո ես ոչ մոռացայ :

ՕՐՀՆՈՒԹԻՒՆ ԵՍԱՅԵԱՅ

ԿԱՅԵԱԿՆԱՄԱՔՈՒՐ ՍՈՒՐԲ ՄԱՐԳԱՐԷԻՆ .

Նսայեայ 10Բ .

Օրհնեցէք զԱստուած յօրհնութիւն
նոր, զի իշխանութիւն նորա իբարձու-
նըս փառաւորի :

Եւ անուն նորա փառաւորեալ է ի
ծագաց մինչեւ իծագս երկրի :

Ոյք իջանէին իծով նաւուք, կղզիք
եւ ամենայն բնակիչք նոցա ընդ նոսա :

Ուրախ եղիցի անապատն եւ ամե-
նայն բնակիչք իւր . ուրախ եղիցին
բանակք եւ բակք կեդարու, եւ ուրախ
եղիցին բնակիչք վիմին :

Իզլխոց լերանց գոչեսցեն, տացեն
զփառս Աստուծոյ. եւ զքաջութիւն նո-
րա կղզիք պատմեսցեն :

Տէր Աստուած զօրութեանց դիմեալ
դայ զարթուցանել զսլատերազմ, յա-
րուցանել զնախանձ: փող հարկանել
եւ գոչել ի վերայ թշնամեաց իւրոց
զօրութեամբ բազմաւ:

Ուրախ եղիցին երկինք ի վերուստ,
եւ ամպք ցօղեսցեն զարդարութիւն:

Բյխեսցէ երկիր զողորմութիւն եւ
զարդարութիւն՝ առ հասարակ բըղ-
խեսցէ:

ԱՂՕԹԻ

ՅՈՎՆԱՆՈՒ ՄԱՐԳԱՐԷՒՆ.

Ինեղութեան իմում ես առ Տէր կար-
դացի. եւ լուաւ Աստուած յանդնդոց
դժոխոց աղաղակի իմում:

Լուր Տէր ձայնի իմում, զի ընկեցեր
զիս իխորս ծովու: եւ շրջանք գետոց
պաշարեցին զիս:

Ամենայն զբօսանք քո եւ ալիք քո
անցին ի վերայ իմ. եւ ասացի, թէ մեր-
ժեցայ ուրեմն յերեսաց աչաց քոց:

Արդ իցէ թէ յաւելից հայել իտա-
ճար սուրբ քո. զի հեղան զինեւ Զուրբ
մինչեւ յանձն իմ, եւ անդունդք պա-
շարեցին զիս :

Եմուտ գլուխ իմ ընդ փապարս լե-
րանց . իջի ես իխորս երկրի, եւ տեսի
զնիգոս նորա՝ զի էին որպէս աղխք յա-
ւիտենից . եւ ելցեն յապականութենէ
կեանք իմ :

Առ քեզ Տէր Աստուած իմ ինուադիւ
անձին իմոյ կարգացի, եւ զքեզ Տէր
յիշեցի . եւ մտցեն աղօթք իմ իտա-
ճար սուրբ քո :

Զի ոյք պահէին զունայնութիւն եւ
զստութիւն՝ յողորմութենէ իւրեանց
մերժեցան :

Այլ ես իձայն օրհնութեան խոստո-
ւան եղէց քեզ, մատուցից պատարագս
Տեառն, եւ կատարեցից զուխտ իմ ի
փրկութեան :

Փառք Հօր եւ Որդոյ եւ :



ՄԱՂԹԱՆ Ք.

Եկեացեն աղօթք մեր իտաճար սուրբ քո . խոնարհեցի ունկն քո իխնդրուածս մեր :

Մարդասէր Տէր , վասն սրբօհեոյ անարատի մօր քո եւ Կոստի , եւ վասն խաջի քո պատուականի ' ընկալ զաղաջանս մեր , եւ կեցո զմեզ :

*Զքարոզն եւ զաղօթս իվերջն ՄԻՆԱԽԱՆՁԻՐ Կանոնին
գացես ի134 երեսն :*



ՍԱՂՄՈՍ ձԺԹ.

Օրհնութիւնք աստիճանաց :



Ենդութեան իմում ես առ Տէր
կարգացի, եւ լուաւ ինձ Տէր.
Վերկեաց զանձն իմ իշրթանց
նենգաւորաց եւ իլեզուէ չա-
րէ :

Զի տացի քեզ՝ կամ՝ զինչ յաւելցի,
լեզու նենգաւոր :

Որպէս նեաք հզօրի, զի մխեալ են
կայծակամբք կաղնուոյ :

Վայ ինձ զի ընդ երկար եղեւ պան-
դըխտութիւն իմ, եւ ընակեցայ ես ի
վրանս Կեղարու :

Բազում անգամ ընակեցաւ անձն իմ
ընդ այնոցիկ՝ ոյք ատէին զողջոյն :

Ես էի խաղաղարար, յորժամ խօ-
սէի՝ մարտնչէին ընդ իս :

ՍԱՂՄՈՍ ձԻ.

Օրհնութիւնք աստիճանաց :

Համբարձի զաչս իմ իլերինս , ուս-
տի եկեսցէ ինձ օգնութիւն :

Օգնութիւն ինձ իՏեառնէ եկեսցէ ,
որ արար զերկինս եւ զերկիր :

Մի տար իսասանութիւն զոտն քո ,
եւ մի ննջեսցէ պահապան քո :

Որպէս ոչ ննջէ եւ ոչ իքուն երթայ
պահապանն Իսրայելի :

Տէր պահեսցէ զքեզ , եւ Տէր ըն-
կալցի աջոյ ձեռամբն իւրով :

Արեգակն իտուէ քեզ մի մեղիցէ ,
եւ մի լուսին իգիշերի :

Տէր պահեսցէ զքեզ յամենայն չա-
րէ , պահեսցէ Տէր զանձն քո :

Տէր պահեսցէ զմուտ եւ զեւ քո ,
յայսմհետէ մինչեւ յաւիտեան :

ՍԱՂՄՈՍ ձԻԱ.

Օրհնութիւնք աստիճանաց :

Ուրախ եղէ ես' ոչք ասէին ցիւս , ի
տուն Տեառն երթիցուք մեք :

Հասեալ կային ոտք մեր առ դրունս
քո՝ Երուսաղէմ :

ԶԵրուսաղէմ շինեալ որպէս քաղաք,
եւ բնակութիւն իւր շուրջ զնովաւ :

Անդ ելանէին սղգք սղգք Տեառն .
Խլկայութիւն Իսրայելի խոստովան լի-
նել անուան Տեառն :

Անդ արկեալ են աթուռք դատաս-
տանի, աթուռս արկեալ են իտան Դաւթի :

Հարցէք զողջունէ Երուսաղէմի, եւ
զշինութենէ՝ ոյք սիրէք զՏէր :

Եղիցի խաղաղութիւն իզօրութեան
քում, եւ շինութիւն յաշտարակս յա-
մուրս քո :

Վասն եղբարց եւ ընկերաց իմոց
խօսեցայ զխաղաղութիւն . վասն քո եւ
վասն տան Տեառն Աստուծոյ մերոյ խըն-
դրեցաք զբարութիւն իքէն :

ՍԱՂՄՈՍ ձԻԲ.

Օրհնութիւնք աստիճանաց :

Առ քեզ Տէր Համբարձի զաչս իմ,
որ բնակեալդ ես իյերկինս :

Որպէս աչք ծառայի իձեռն Տեառն
իւրոյ, եւ որպէս աչք աղախնոյ իձեռն
տիկնոջ իւրոյ:

Այնպէս են աչք մեր առ քեզ Տէր
Աստուած մեր, մինչեւ ողորմեսցիս ի
վերայ մեր:

Ողորմեա մեզ Տէր, ողորմեա մեզ, զի
բազում լցաք արհամարհանօք:

Եւս առաւել լցան անձինք մեր նա-
խատանօք, որք նախատէին զմեզ, եւ
արհամարհանօք ամբարտաւանից:

ՍՍ.ՂՄՈՍ ՃԻԳ.

Յրհնութիւնք աստիճանաց:

Եթէ ոչ Տէր էր առ մեզ, ասասցէ
Իորայէլ՝ եթէ ոչ Տէր էր առ մեզ:

Ընդ յառնել մարդկան իվերայ մեր,
կենդանւոյն կամեցան կլանել զմեզ:

Իբարկանալ սրտմտութեամբ նոցա
իվերայ մեր, ապա եւ ջուրք ուրեմն
ընկզմեցին զմեզ:

Ընդ ուղիս անցին անձինք մեր, ան-
ցին անձինք մեր ընդ ուղիս անդադարս:

Օրհնեալ է Տէր, որ ոչ ետ զմեզ
յորս ստամանց նոցա :

Անձինք մեր ապրեցան որպէս ճընճ-
ղուկք յորոգայթէ որսողաց :

Որոգայթք նոցա փշրեցան, եւ մեք
ապրեցաք :

Օգնութիւն է մեզ յանուանէ Տեառն,
որ արար զերկինս եւ զերկիր :

ՍԱՂՄՈՍ ձԻԴ.

Օրհնութիւնք աստիճանաց :

Ո յուսայ իՏէր, որպէս լեառն Սիօն,
մի սասանեսցի յաւիտեան՝ որ բնա-
կեալն է յերուսաղէմ :

Լերինք շուրջ են զնովաւ. Տէր շուրջ
է զժողովրդեամբ իւրով յայսմ հետէ
մինչեւ յաւիտեան :

Ոչ թողու Տէր զգաւազան մեղաւո-
րաց իվիճակս արգարոց. եւ արգարք
մի ձգեսցեն զձեռս իւրեանց յանօրէ-
նութիւն :

Բարի առնէ Տէր բարեաց, եւ այնո-
ցիկ՝ ոյք ուզիզ են սրտիւք :

Իսկ զթիւրեալսն իյափշտակութիւնս,
տանի զնոսա Տէր ընդ այնոսիկ՝ ոյք
դործեն զանօրէնութիւնս. խաղաղու-
թիւնս իվերայ Իսրայելի :

ՍԱՂՄՈՍ ձԻԵ.

Օրհնութիւնք աստիճանաց :

Իդարձուցանել Տեառն զգերութիւնս
Սիօնի, եւ եղաք մեք մխիթարեալք :

Յայնժամ լցան բերանք մեր խնդու-
թեամբ եւ լեզուք մեր ցնծութեամբ :

Յայնժամ ասասցեն իհեթանոսս,
մեժ արար Տէր զառնելն իւր ընդ նո-
սա. մեժ արար Տէր զառնելն իւր ընդ
մեզ. եւ մեք եղաք բերկրեալք :

Դարձո Տէր զգերութիւնս մեր ու-
պէս զուղիս իհարաւոյ. ոյք վարէին
արտասուօք՝ ցնծութեամբ հնձեսցեն :

Երթալով երթային եւ լային՝ ոյք
բարձեալ տանէին զսերմանիս իւրեանց :

Քալով եկեսցեն եւ ցնծասցեն՝ ոյք
առեալ բերիցեն զօրայս իւրեանց :

ՍԱՂՄՈՍ ձԻՉ.

Օրհնութիւնք աստիճանաց :

Եթէ ոչ Տէր շինէ զտունն՝ ինանիր
վաստակին շինողք նորա :

Եթէ ոչ Տէր պահէ զքաղաքն՝ ըն-
դունայն տքնին պահապանք նորա :

Ինանիր է ձեզ յառնելն կանխաւ .
արդ արիք մինչչեւ էք ննջեցեալք ,
ոյք ուտէք զհաց ցաւոց :

Իժամանակի որպէս տացի քուն սի-
րելեաց իւրոց . ժառանգութիւն առն
որդիք են՝ որոյ վարձք իւր են , այն է
պտուղ որովայնի իւրոյ :

Որպէս նետք իձեռս հզօրի , այնպէս
են եւ որդիքն թօթափելոց :

Երանի որ ելից զցանկութիւն իւր
ինոցանէ . մի ամաչեսցեն յորժամ խօ-
սեսցին թշնամիք նոցա ընդ նոսա առ
դրանն :

ՍԱՂՄՈՍ ձԻԷ.

Օրհնութիւնք աստիճանաց :

Երանի ամենեցուն՝ ոյք երկնչին ի
Տեառնէ , եւ գնան իճանապարհս նորա :

Զվաստակս ձեռաց քոց կերիցես .
երանի է քեզ, եւ բարի եղիցի :

Կին քո որպէս այգի վայելուչ յան-
կիւնս տան քո . որդիք քո որպէս նո-
րատունկ ձիթենւոյ շուրջ զսեղանով քո :

Այսպէս օրհնեսցի ամենայն մարդ,
որ երկնչի իՏեառնէ . օրհնեսցէ զքեզ
Տէր իՍիօնէ,

Եւ անցես դու զբարութիւն երու-
սազեմի զամենայն աւուրս կենաց քոց :

Տեսցես դու զորդիս որդւոց քոց .
իսազաղութիւն իվերայ Իսրայելի :

ՍԱՂՄՈՍ ձԻԸ .

Օրհնութիւնք սատիճանաց :

Բազում անգամ մարտեան ընդ իս
իմանկութենէ իմմէ, ասացէ Իսրայէլ :

Բազում անգամ մարտեան ընդ իս
իմանկութենէ իմմէ, եւ ինձ ոչ յաղ-
թեցին :

Զթիկունս իմ հարին մեղաւորք .
ընդ երկար արարին զանօրէնութիւնս
իւրեանց :

Տէր արդար է, եւ խորտակէ զուլն
մեղաւորաց :

Ամաչեսցեն եւ յետս դարձցին ա-
մենեքեան՝ ոյք ատեն զՍիօն :

Եղիցին նոքա որպէս խոտ տանեաց,
որ մինչչեւ իբուռն եկեալ չորացաւ .

Ուստի ոչ ելից զբուռն իւր հնձողն,
եւ ոչ զգիրկս իւր՝ որ զորայն ժողովէր :

Ոչ ասացին ամենեքեան՝ ոյք անցա-
նէին առ նորօք, թէ օրհնութիւն Տեառն
ընդ ձեզ, եւ օրհնեցաք զձեզ յանուա-
նէ Տեառն :

ՍԱՂՄՈՍ ձԻԹ.

Օրհնութիւնք աստիճանաց :

Ի խորոց կարգացի առ քեզ Տէր,
Տէր՝ լուր ձայնի իմում :

Եղիցին ականջք քո իլսել զձայն ա-
ղօթից իմոց :

Թէ զանօրէնութիւնս իմ քննես Տէր
Տէր, իսկ ո՞նց կարէ կալ առաջի քո, զի
իքէն է քաւութիւն :

Վասն անուանքո համբերի Տէր, համ-

բեր անձն իմ բանի քում. յուսացաւ
անձն իմ իՏէր :

Իպահէ առաւօտու մինչեւ յերեկոյ,
իպահէ առաւօտու յուսացաւ Իսրայէլ
իՏէր :

ԻՏեառնէ է ողորմութիւն բազում,
ինմանէ է փրկութիւն. եւ նա փրկեաց
զԻսրայէլ յամենայն նեղութեանց նորա :

ՍԱՂՄՈՍ ձԼ.

Օրհնութիւնք աստիճանաց :

Տէր ոչ բարձրացաւ սիրտ իմ, եւ
ոչ զբօսան աչք իմ :

Ոչ դնացի ես ընդ մեծամեծս, եւ
ոչ ընդ այնոսիկ՝ ոյք սքանչելի եղեն
քան զիս :

Բայց թէ խոնարհեցայ ես որպէս
մանուկ սարտուցեալ իստենէ մօր իւ-
րոյ, եւ դարձ նորա անդրէն ինոյն :

Այլ թէ հպարտացուցի արդեօք
զանձն իմ, այսպէս եղիցի հատուցումն
անձին իմոյ. յուսացաւ Իսրայէլ իՏէր
յայսմ հետէ մինչեւ յաւիտեան :

ՍԱՂՄՈՍ ՃԼՍ.

Երգ չուց :

Յիշեա՛ն Տէր զԴաւիթ, եւ զամենայն
հեզութիւն նորա :

Որպէս երգուաւ Տեառն, եւ ուխտս
եղ Աստուծոյ Յակոբայ՝

Թէ ոչ մտից իյարկս տան իմոյ, թէ
ելից յանկողինս մահճաց իմոց .

Թէ տաց քուն աչաց իմոց, կամ
նինջ արտեւանաց իմոց, կամ հան-
գիստ իրանաց իմոց . մինչեւ գտից
զտեղի յարկի Տեառն Աստուծոյ Յակոբայ

Ահա լուաք զնմանէ յԵփրաթայ, եւ
գտաք զնա իդաշտս մայրեաց :

Մտցուք իյարկս նորա, երկիր պագ-
ցուք իտեղւոջ՝ ուր կացեալ են օտք
նորա :

Արի Տէր իհանգիստ քո, դու եւ տա-
պանակ կտակի սրբութեան քո :

Քահանայք քո զգեցցին զարդարու-
թիւն, եւ սուրբք քո ցնծալով ցնծաս-
ցեն :

Վասն Դաւթի սիրելւոյ քո, մի դար-



ձուցաներ զերեսս քո յՕժեւոյ քումմէ :
Երդուաւ Տէր Դաւթի ճշմարտու-
թեամբ՝ եւ ոչ ստեաց նմա . իպտղոյ
որովայնի նորա նստուցանել յաթոռ
նորա :

Թէ պահեսցեն որդիք քո զօրէնս իմ ,
եւ զվկայութիւնս իմ զոր ուսուցից
նոցա .

Որդիք նոցա նստցին յաւիտեանս
յաւիտենից յաթոռ քո :

Հաճեցաւ Տէր ընդ Սիօն , եւ ընտ-
րեաց բնակիլ ինմա . ասէ՛ այս է հան-
գիստ իմ յաւիտեանս յաւիտենից , ի
սմա բնակեցայց՝ զի հաճեցայ ընդ սա :

Զայրիս սորա օրհնելով օրհնեցից ,
եւ զաղքատս սորա լցուցից հացիւ :

Երիցանց սորա զգեցուցից զփրկու-
թիւն , եւ սուրբք սորա ցնծալով ցըն-
ծասցեն :

Անդ ծագեցից զեղջիւր իԴաւիթ .
պատրաստ արարից զճրագ Օժեւոյ իմոյ :

Թշնամեաց նորա զգեցուցից զամօթ .
այլ իվերայ նորա ծաղկեսցի սրբու-
թիւն իմ :

Երգ չուոց :

Ձի բարի կամ զի վայելուչ, զի բը-
նակին եզբարք իմիասին :

Որպէս իւղ զի իջանէ իգլուխ եւ ի
մօրուսն Ահարօնի. եւ իմօրուացն իջա-
նէ իգրասպանս զգեստու նորա :

Որպէս ցօղ զի ցօղէ իՀերմօնէ իվե-
րայ լերին Սիօնի :

Տէր անդ պատրաստեաց զօրհնու-
թիւն եւ զկեանս յաւիտենից :

Երգ չուոց :

Աստ օրհնեցէք ամենայն ծառայք
Տեառն զՏէր, ո կայք իտան Տեառն եւ
իգաւիթս Աստուծոյ մերոյ :

Իգիշերի համբարձէք զձեռս ձեր ի
սրբութիւն, եւ օրհնեցէք զՏէր :

Օրհնեսցէ զմեզ Տէր իՍիօնէ, որ ա-
րար զերկինս եւ զերկիր :

ՍԱԳՄՈՍ ՃԼԴ.

ԱԼԷԼՈՒԻԱ:

Օրհնեցէք զանուն Տեառն. օրհնեցէք ծառայք Տեառն զՏէր, ո կայք ի տան Տեառն եւ իգաւիթս Աստուծոյ մերոյ:

Օրհնեցէք զՏէր, զի բարի է. սաղմոս ասացէք անուան նորա, զի քաղցր է: ԶՅակոբ ընտրեաց իւր Տէր, զԻսրայէլ ժառանգուիթ իւն իւր:

Ես ծանեայ՝ զի մեծ է Տէր եւ Տէր մեր է քան զամենայն կուռս:

Զամենայն զոր ինչ կամեցաւ եւ արար Տէր, յերկինս եւ յերկրի, իծով եւ յամենայն խորս:

Հանէ զամպս իծագաց երկրի. ըզփայլատակունս իւր յանձրելս արար. եւ հանէ զհողմ՝ իշտեմարանաց իւրոց:

Եհար զամենայն անգրանիկս Եգիպտոսացոց, իմարդոյ մինչեւ յանասուն:

Առաքեաց զնշանս եւ զարուեստս իւր իմէջ քո Եգիպտոս, իՓարաւօն եւ յամենայն զօրս իւր:

Եհար զազգս բազումս, եւ սպան
զթագաւորս հզօրս :

ԶՍեհօն թագաւոր Ամուրհացւոց,
զՈւլգ թագաւոր Բասանու, եւ զամե-
նայն թագաւորու թիւնս քանանացւոց :

Ետ զԵրկիր նոցա ի ժառանգութիւն,
ժառանգութիւն Իսրայելի ժողովրդեան
իւրոյ :

Տէր անուն քո յաւիտեան, Տէր յի-
շատակ քո ազգէ մինչեւ յազգ :

Դատէ Տէր զժողովուրդս իւր, եւ ի
ծառայս իւր մխիթարի :

Կուռք հեթանոսաց ոսկի եւ արծաթ
են, ձեռագործք են որգւոց մարդկան :

Բերան գոյ՝ եւ ոչ խօսին, աչք են՝
եւ ոչ տեսանեն :


Ականջք են՝ եւ ոչ լսեն, եւ ոչ գոյ
շունչ իբերանս նոցա :

Նման նոցա եղիցին ոյք արարին ըզ-
նոսա. ամենեքեան ոյք յուսացեալ են
ինոսա :

Տուն Իսրայելի օրհնեցէք զՏէր. տուն
Ահարօնի օրհնեցէք զՏէր :

Տուն Ղեւեայ օրհնեցէք զՏէր. երկիւ-
ղածք Տեառն օրհնեցէք զՏէր :

Օրհնեալ Տէր իՍիօնէ , որ բնակեալն
է յերուսաղէմ :



ՍՍ.ՂՄՈՍ ձևե.

Աւելուիս :



Խոստովան եղերուք Տեառն , զի բա-
րի է զի յաւիտեան է ողորմութիւն
նորա :

Խոստովան եղերուք Աստուծոյն Աս-
տուծոց . զի յաւիտեան է ողորմութիւն
նորա :

Խոստովան եղերուք Տեառն տերանց .
զի յաւիտեան է ողորմութիւն նորա :

Արար սքանչելիս մեծամեծս միայն .
զի յաւիտեան է ողորմութիւն նորա :

Զերկինս արար իմաստութեամբ իւ-
րով . զի յաւիտեան է ողորմ. նորա :

Հաստատեաց զերկիր իվերայ ջուրց .
զի յաւիտեան է ողորմութիւն նորա :

Արար զլուսաւորս մեծամեծս միայն,
զի յաւիտեան է ողորմութիւն նորա :

Զարեգակն արար իշխանական տուն-
ջեան . զի յաւիտեան է ողորմ. նորա :

Զլուսին եւ զաստեղս իշխանական
գիշերոյ . զի յաւիտեան է ողոր. նորա :

Եհար զերկիրն եգիպտացւոց ան-
դրանկօք իւրովք հանդերձ . զի յաւի-
տեան է ողորմութիւն նորա :

Եւ եհան զիսրայէլ իմիջոյ նորա . զի
յաւիտեան է ողորմութիւն նորա :

Իձեռն բարձր եւ իբազուկ հզօր , զի
յաւիտեան է ողորմութիւն նորա :

Եհերձ զծովն մեծ , եւ բաժանեաց
յերկուս մասունս . զի յաւիտեան է ո. :

Եւ անցոյց զիսրայէլ ընդ մէջ նորա .
զի յաւիտեան է ողորմութիւն նորա :

Ընկղմեաց զՓարաւօն եւ զզօրս իւր
իծով կարմիր . զի յաւիտեան է :

Եւ եհան զժողովուրդ իւր յանապատ .
զի յաւիտեան է ողորմութիւն նորա :

Եհար զազգս մեծամեծս միայն . զի
յաւիտեան է ողորմութիւն նորա :

Եւ սպան զթագաւորս Հզօրս. զի
յաւիտեան է ողորմութիւն նորա :

ԶՍեհօն թագաւոր Ամուրհացւոց. զի
յաւիտեան է ողորմութիւն նորա :

ԶՈվգ թագաւոր Բասանու. զի յաւի-
տեան է ողորմութիւն նորա :

Ետ զերկիր նոցա իժառանգութիւն.
զի յաւիտեան է ողորմութիւն նորա :

Ժառանգութիւն Իսրայելի ծառայի
իւրոյ. զի յաւիտեան է ողորմ նորա :

Յիշեաց զմեզ Տէր իխոնարհութեան
մերում. զի յաւիտեան է ողորմ. նորա :

Եւ փրկեաց զմեզ իձեռաց թշնամեաց
մերոց. զի յաւիտեան է ողորմ. նորա :

Ո տայ կերակուր ամենայն կենդա-
նեաց. զի յաւիտեան է ողորմ. նորա :

Խոստովան եղերուք Աստուծոյն եր-
կնաւորի. զի յաւիտեան է ողորմ նորա :

ՍՍՂՄՈՍ ձԼԶ.

Սաղմոս Դաւթի. իձեռն Երեմիայի. ամնշան յԵբրայեցւոցն :

Առ գետս Բաբելացւոց, անդ նստէաք
եւ լայաք, որպէս յիշեցաք մեք անդ
զՍիօն :

Իմէջ ուռեաց նոցա կախեցաք ըզկտակարանս մեր :

Անդ հարցանէին գերիւնք մեր զբանքս օրհնութեան. գերեվարք մեր ստիպէին զմեզ եւ ասէին .

Օրհնեցէք մեզ յօրհնութենէն Սիօնի . իսկ զիմարդ օրհնեսցուք զօրհնութիւնս Տեառն յերկիր օտար :

Թէ մոռացայց զքեզ Երուսաղէմ, մուռասցիս զի աջ իմ :

Կցեսցի լեզու իմ իքիմս իմ՝ թէ ոչ յիշեցից զքեզ, թէ ոչ նախ նուազեցից զքեզ Երուսաղէմ, սկիզբն ուրախութեան իմոյ :

Յիշեա Տէր զորդիսն Եդովմայ յաւուրսն Երուսաղէմի :

Ոյք ասէին, քակեցէք քակեցէք, մինչեւ իհիմն հասուցէք :

Դուստր Բաբելացոց թշուառական, երանի որ հատոյց զհատուցումն քո՝ զոր դու մեզ հատուցեր :

Երանի որ կալաւ զմանկունս քո, եւ եհար զքարի :

ՍԱՂՄՈՍ ձԼԷ.

Սաղմոս Դաւթի :

Խոստովան եղէց քեզ Տէր բոլորով
սրաիւ իմով. առաջի հրեշտակաց սաղ-
մոս ասացից քեզ :

Զի լուար զբանս բերանոյ իմոյ. եր-
կիր պագից իտաճար սուրբ քո, եւ խոս-
տովան եղէց անուան քում վասն ողոր-
մութեան եւ ճշմարտութեան քո :

Մեծ արարեր յամենայնի զանուն
սուրբ քո, յորում աւուր կարգամ առ
քեզ, վաղվաղակի լուր ինձ, եւ բազում
արասցես զօրութիւնս յանձն իմ :

Խոստովան եղիցին առ քեզ ամե-
նայն թագաւորք երկրի. զի լուան ըզ-
բանս բերանոյ քո, եւ օրհնեսցեն զճա-
նապարհս քո :

Մեծ են փառք Տեառն. բարձր է
Տէր, զխոնարհս տեսանէ, եւ զբարձու-
նըս իհեռաստանէ ճանաչէ :

Թէ գնացից ես իմէջ նեղութեանց,
կեցուսցես զիս իբարկութենէ թշնա-
մւոյն :

Ձգեցեր զձեռն քո, եւ փրկեաց զիս
աջ քո. եւ Տէր Հատուցէ ընդ իմ:

Տէր ողորմութիւն քո յաւիտեան.
զգործս ձեռաց քոց մի անտես առներ:



ՍՍ.ՂՄՈՍ ձԼԸ.

Եկատարած. Սաղմոս Բաւթի:

Տէր փորձեցեր զիս եւ ծանեար
զիս. դու ծանեար զնստել իմ եւ ըզ-
յառնել իմ:

Իմիտ առեր զխորհուրդս իմ իհե-
ռաստանէ. զշաւիղս իմ եւ զվիճակս
իմ դու քննեցեր, եւ զամենայն ճանա-
պարհս իմ յառաջագոյն տեսեր, զի ոչ
գոյ նենգութիւն իլեզուի իմում:

Ահա դու Տէր՝ ծանեար զյետին իմ
եւ զառաջին իմ. դու ստեղծեր զիս,
եւ եգեր զձեռն քո ի վերայ իմ:

Աքանջելի եղեւ գիտութիւն քո յի-
նէն, զօրացաւ, եւ ոչ հանդարտեմ
ամա:



Յո՛ երթայց ես յողւոյ քումմէ, կամ
յերեսաց քոց ես յո՛ փախեայց :

Թէ ելանեմ յերկինս՝ դու անդ ես, եւ
թէ իջանեմ իդժոխս, եւ անդ մօտ ես :

Թէ առից զթեւս իմ՝ ընդ առաւօտս,
եւ ընակեցայց յերդերս ծովու .

Սակայն եւ անդ ձեռն քո առաջնոր-
դեսցէ ինձ, եւ աջ քո ընկալցի զիս :

Ասացի՛ խաւար ուրեմն արդեօք
ծածկեաց զիս, կամ գիշեր փոխանակ
լուսոյ փափկութեան իմոյ :

Խաւարն իքեզ ոչ խաւարեսցի, եւ
գիշերն որպէս տիւ լուսաւոր եղիցի .
եւ խաւար նորա որպէս զլոյս նորա :

Դու ստացար զերիկամունս իմ, եւ
ընկալար զիս յորովայնէ մօր իմոյ :

Խոստովան եղէց քեզ Տէր՝ զի ահեզ
եւ սքանչելի ես՝ սքանչելի են գործք
քո, եւ անձն իմ սիրեաց յոյժ :

Ոչ թագեալ ոսկր իմ իքէն զոր ա-
րարեր իծածուկ, եւ կար զօրութեան
իմոյ ընդ ստորինս երկրի :

Ձանդործս իմ տեսին աչք քո, եւ ի
գիրս քո ամենեքեան գրեցան :

Իսուէ մոլորեցան, եւ ոչ ոք էր որ
առաջնորդէր նոցա :

Ինձ յոյժ մեծարու եղեն բարեկամք
քո Աստուած, եւ յոյժ զօրացան իշ-
խանք նոցա :

Թուեցի զնոսա, եւ քան զաւագ բազ-
մացան. զարթեայ, եւ արդ ընդ քեզ եմ :

Թէ սպանանես զմեղաւորս Աստուած,
ւրք արեան իբաց եղերուք յինէն :

Իհակառակութիւն եւ ինախանձ, առ-
ցեն ինանիր զքաղաքս քո :

Զատելիս քո Տէր ատեցի, եւ իվե-
րայ թշնամեաց քոց մաշեցայ :

Յատելութիւն կատարեալ ատեցի
զնոսա, եւ եղեն ինձ թշնամիք :

Փորձեա զիս Աստուած եւ ծանիր
զսիրտ իմ, քննեա զիս եւ ծանիր զշա-
ւիղս իմ. եւ տես թէ իցեն անօրէնու-
թիւնք իճանապարհս իմ, եւ առաջնոր-
դեա ինձ իճանապարհս քո յաւիտենից :

ՍԱՂՄՈՍ ձԼԹ.

Եկատարած. Սաղմոս Գաւթի :

Ապրեցո զիս Տէր իմարդոյ չարէ,
յառնէ անիրաւէ փրկեա զիս :

Խորհեցան զանօրէնութիւն խիրտս
իւրեանց . զօր ամենայն պատրաստե-
ցան իպատերազմ :

Սրեցին զլեզուս իւրեանց որպէս զօ-
ձի , եւ թոյնք իժից իներքոյ շրթանց
նոցա :

Պահեա զիս Տէր իձեռաց մեղաւորի
եւ իմարդոյ չարէ փրկեա զիս :

Խորհեցան խափանել զգնացս իմ .
Թագուցին ամբարտաւանք որոգայթ
ինձ :

Լարս ձգեցին որոգայթ ոտից իմոց ,
շուրջ զշաւղօք իմովք եղին ինձ զգայ-
թակղութիւն :

Ասացի՛ Տէր Աստուած իմ ես դու ,
ունկն դիր Տէր ձայնի աղօթից իմոց :

Տէր Տէր զօրութիւն փրկութեան ի-
մոյ , հովանի գլխոյ իմոյ յաւուր պա-
տերազմի :

Մի մատներ զիս Տէր իցանկութիւն
մեղաւորաց՝ ոյք խորհեցան վասն իմ .
մի ընդ վայր հարկաներ զիս :

Զի մի երբէք բարձրասցին , եւ խոր-
հուրդք նոցա մի կատարեսցին . վախ-

ձան կատարածի նոցա՝ վաստակ շըր-
թանց իւրեանց ծածկեսցէ զնոսա :

Արկցես իվերայ նոցա զկայծակունս
հրոյ, եւ կործանեսցես զնոսա . իտա-
ռապանաց մի կարասցեն կեալ :

Մարդոյ լեզուանւոյ մի յաջողեսցի
իվերայ երկրի . զայր մեղաւոր չարիք
իւր որսասցեն իկորուստ :

Ծանեայ զի առնես Տէր դատաստան
աղքատի եւ իրաւունս տնանկի :

Արդարք գոհասցին զանուանէ քուժ-
մէ, եւ բնակեսցին ուղիղք առաջի ե-
րեսաց քոց :

ՍԱՂՄՈՍ ձԽ.

Սաղմոս Դաւթի :

Տէր կարդացի առ քեզ՝ եւ լուր ինձ,
նայեա՛ իձայն աղօթից իմոց իկարգալ
իմում առ քեզ :

Ուղիղ եղիցին աղօթք իմ որպէս
խունկ առաջ քո Տէր . համբարձումն
ձեռաց իմոց պատարագ երեկոյի :

Դիր Տէր պահապան բերանոյ իմոյ .
եւ դուռն ամուր շրթանց իմոց , զի մի
խոտորեսցի սիրտ իմ բանիւ չարու-
թեան :

Իպատճառել զպատճառս մեղաց ընդ
մարդս՝ ոյք գործեն զանօրէնութիւն .
եւ ոչ եղէց կցորդ ընտրելոց նոցա :

Խրատեսցէ զիս արդարն ողորմու-
թեամբ եւ յանդիման արասցէ . իւզ
մեղաւորի մի օծցէ զգլուխ իմ , այլ ա-
ղօթք իմ իկամս նորա :

Արգելան մերձ առ վիմին դատաւորք
նոցա . լուիցեն բանից իմոց , եւ քաղ-
ցրասցին :

Որպէս թանձրութիւն հողոյ զի սըվ-
ուեալ է իվերայ երկրի . ցրուեսցին ոս-
կերք նոցա մերձ իդժոխս :

Առ քեզ Տէր Տէր են աչք իմ . իքեզ
յուսացայ , մի հաներ զհոգի յինէն :

Պահեա զիս յորոգայթէ որ թագու-
ցաւ ինձ , իգայթակղութենէ գործու-
ղին զանօրէնութիւն :

Անկցին իցանցս նորա մեղաւորք ,
միայն եմ ես մինչեւ անցից :

ՍԱՂՄՈՍ ձԽԱ.

Իմաստութիւնն Դաւթի .

Աղօթք, իժամանակի զի էր նա յայրի անդ :

Ձայնիւ իմով ես առ Տէր կարգացի ,
ձայնիւ իմով զՏէր աղաչեցի :

Սփռեցից առաջի Տեառն զաղօթս
իմ, եւ զնեղութիւնս իմ առաջի նորա
պատմեցից :

Ինուազիւ յինէն հոգւոյ իմոյ, դու
Տէր ծանեար զշաւիղս իմ. իճանա-
պարհ յոր եւ գնայի՝ թագուցաւ ինձ
որոգայթ :

Հայէի յաջմէ՝ տեսանէի, եւ ոչ ոք
ճանաչէր զիս. կորեաւ յինէն փախուստ
իմ, եւ ոչ գտաւ խնդրող անձին իմոյ :

Ազաղակեցի առ քեզ Տէր եւ ասացի,
դու ես յոյս եւ բաժին իմ յերկրին
կենդանեաց :

Նայեա՛ Տէր յաղօթս իմ, զի ես խո-
նարհ եղէ յոյժ. ապրեցո՛ զիս իհալած-
չաց իմոց, զի հզօրք եղեն քան զիս :

Տէր, հան իբանտէ զանձն իմ. գոհանամ զանուանէ քումմէ :

Եւ քեզ սպասեն արդարք մինչեւ հատուցես :



ՍԱՂՄՈՍ ձԻԲ.

Սաղմոս Դաւթի. իժամանակի զի հալածէր զնա

Աբիստղոմ որդի նորա :

Տէր, լուր աղօթից իմոց, ունկն գիր խնդրուածաց իմոց ճշմարտութեամբ քով :

Լուր ինձ արդարութեամբ քով, եւ մի մտաներ իդատաստան ընդ ծառայի քում՝ զի ոչ արդարանայ առաջի քո ամենայն կենդանի :

Հալածեաց թշնամին զանձն իմ, խոնարհ արար յերկիր զկեանս իմ. եւ նստոյց զիս իխաւարի որպէս մեռեալ յաւիտենից :

Ձանձրացաւ յիս հոգի իմ, եւ սիրտ իմ խռովեցաւ յիս :

Յիշեցի զաւուրսն զառաջինս, խորհեցայ յամենայն գործս քո. յարարածըս ձեռաց քոց խորհեցայ, եւ համբարձի առ քեզ զձեռս իմ:

Անձն իմ որպէս երկիր ծարաւի է առ քեզ. վաղվաղակի լուր ինձ Տէր, զինուաղեցաւ յինէն հոգի իմ:

Մի դարձուցաներ զերեսս քո յինէն. նմանիցիմ այնոցիկ՝ ոյք իջանեն իգուբ:

Լսելի արա ինձ առաւօտու զողորմութիւնս քո, զի ես իքեզ Տէր յուսացայ:

Յոյց ինձ ճանապարհ յոր եւ գնացից, զի առ քեզ Տէր համբարձի զանձըն իմ:

Փրկեա զիս իթշնամեաց իմոց՝ Տէր, զի զքեզ ապաւէն ինձ արարի:

Ուսո՞ ինձ առնել զկամս քո, զի դու ես Աստուած իմ:

Հոգի քո բարի առաջնորդեսցէ ինձ իյերկիր ուղիղ:

Վասն անուան քո Տէր կեցուցես զիս, արդարութեամբ քով հանցես ինեղութենէ զանձն իմ:

Ողորմութեամբ քով սատակեալ ըզ-
թշնամիս իմ. եւ կորո զամենայն նեղի-
չքս անձին իմոյ, զի ես ծառայ քո եմ:

ՍԱՂՄՈՍ ձԽԳ.

Սաղմոս Դաւթի առ Գողիաթ:

Օրհնեալ Տէր Աստուած իմ, որ ու-
սոյց զձեռս իմ իպատերազմ, եւ զմա-
տունս իմ իճակատամարտ:

Ողորմութիւն իմ եւ ապաւէն իմ,
օգնական իմ եւ փրկիչ իմ. ապաւէն
իմ, եւ ես յուսամ ինա. ո՞հնազանդ
առնէ զժողովուրդ ընդ ինեւ:

Տէր՝ ո՞վ է մարդ զի յայանեցար դու
նմա, կամ որդի մարդոյ թէ համարիս
ինչ զնա:

Մարդ նանրոյ նմանեցաւ, եւ աւուրք
նորա որպէս հովանի անցին:

Տէր խոնարհեցո զերկինս եւ էջ,
մերձեա իլերինս եւ ծխեսցին:

Փայլեա զփայլատակունս քո, եւ
խռովեա զնոսա. առաքեա զնետս քո,
եւ ցրուեա զնոսա:

Առաքեա զձեռն քո իբարձանց, եւ

փրկեա զիս իջուրց բազմաց, եւ իձե-
ռաց որդւոց օտարաց :

Որոց բերանք իւրեանց խօսեցան ըզ-
նանրութիւն, եւ աջ նոցա աջ է մեղաց :

Աստուած յօրհնութիւն նոր օրհնե-
ցից զքեզ, տասնազեալ սաղմոսարա-
նաւ սաղմոս ասացից քեզ :

Ո տացէ զփրկութիւն թագաւորաց
մերոց, որ փրկելոց իցէ զԴաւիթ ծա-
ռայ իւր իսրոյ չարէ :

Փրկեա զիս եւ ապրեցո զիս իձեռաց
որդւոց օտարաց :

Որոց բերանք իւրեանց խօսեցան ըզ-
նանրութիւն, եւ աջ նոցա աջ է մեղաց :

Որոց ուստերք իւրեանց որպէս նորա-
տունկ հաստատուն են իմանկութենէ
իւրեանց. դստերք նոցա զարդարեալ
եւ պաճուճեալ ինմանութիւն տաճարի :

Շտեմարանք նոցա լի են եւ բղխեն
իմիմեանց. խաշինք նոցա բազմածինք
են, եւ բազմանան իզնացս իւրեանց.
եւ անդեայք նոցա պարարտք են :

Ոչ գոյ խրամատութիւն ցանկոյ նո-
ցա, եւ ոչ աղաղակ իհրապարակս նոցա :

Արդ երանեցից ժողովրդեան, որոյ
այս այսպէս է. նա՛ երանի ժողովրդեան՝
որոյ Տէր Աստուած է նոցա :

ՍԱՂՄՈՍ ձԽԴ.

Օրհնութեանց Սաղմոս Դաւթի :

Բարձր առնեմ զքեզ Աստուած իմ եւ
թագաւոր իմ, եւ օրհնեմ զանուն քո
յաւիտեան եւ յաւիտեանս յաւիտենից :

Զօրհանապազ օրհնեցից զքեզ, եւ
գովեցից զանուն քո յաւիտեան եւ յա-
ւիտեանս յաւիտենից :

Մեծ է Տէր եւ օրհնեալ է յոյժ եւ
մեծութեան նորա ոչ գոյ չափ :

Ազգք եւ ազգք գովեսցեն զգործս
քո, եւ զգօրութիւնս քո պատմեսցեն :

Զմեծւլայելչութիւն փառաց սրբու-
թեան քո խօսեսցին, եւ զսքանչելիս
քո պատմեսցեն :

Զգօրութիւն ահի քո ասացեն, եւ
զմեծութիւնս քո պատմեսցեն :

Զյիշատակ բազում քաղցրութեան
քո բղխեսցեն, եւ արդարութեամբ քո
ցնծասցեն :

Գթած ողորմած է Տէր, երկայնամիտ
եւ բազումողորմ:

Քաղցր է Տէր առ ամենեսեան, եւ
գթութիւն նորա իլերայ ամենայն ա-
րարածոց իւրոց:

Խոստովան եղիցին առ քեզ Տէր ամե-
նայն գործք քո եւ սուրբք քո օրհնես-
ցեն զքեզ:

Զփառս արքայութեան քո ասացեն,
եւ զգօրութիւնս քո պատմեսցեն:

Ճանաչել որդւոց մարդկան զգօրու-
թիւնս քո, եւ զփառս մեծվայելչու-
թեան արքայութեան քո:

Արքայութիւն քո արքայութիւն ա-
մենայն յաւիտենից, եւ տէրութիւն քո
ազգէ մինչեւ յազգ:

Հաւատարիմ է Տէր յամենայն բանս
իւր, եւ արդար է յամենայն գործս իւր:

Հաստատէ Տէր զամենայն գայթակ-
ղեալս, եւ կանգնէ զամենայն գլորեալս:

Աչք ամենեցուն իքեզ յուսան, եւ
դու տաս կերակուր նոցա իժամու:

Տաս դու նոցա եւ կերակրին. բանաս
զձեռն քո, եւ լցուցանես զամենեսեան

քաղցրութեամբ կամօք քովք :

Արդար է Տէր յամենայն ճանապարհս իւր, եւ սուրբ է յամենայն գործս իւր :

Մերձ է Տէր առ ամենեսեան՝ ոյք կարգան առ նա, առ ամենեսեան՝ ոյք կարգան առ նա ճշմարտութեամբ :

Զկամս երկիւղածաց իւրոց առնէ Տէր. աղօթից նոցա լսէ, եւ կեցուցանէ զնոսա :

Պահէ Տէր զամենեսեան՝ ոյք սիրեն զնա, եւ զամենայն մեղաւորս սատակէ Տէր :

Զօրհնութիւնս Տեառն խօսեսցի բերան իմ. օրհնեսցէ ամենայն կենդանի զանուն սուրբ նորա յաւիտեան եւ յաւիտեանս յաւիտենից :

ՍԱՂՄՈՍ ձԽԵ.

Ալէլուիա. Անգեայ եւ Զաքարիայ :

Օրհնեան անձն իմ զՏէր. օրհնեսցից զՏէր իկեանս իմ, սաղմոս ասացից Աստուծոյ իմոյ մինչեւ եմ ես :

Մի յուսայք յիշխանս՝ յորդիս մարդկան, զի ոչ գոյ փրկութիւն ինոսա :

Ելցէ հոգի ինոցանէ՝ եւ դարձցին անդրէն իհող, եւ յայնմ աւուր կորիցեն ամենայն խորհուրդք նոցա :

Երանի ազգի՝ որոյ Տէր Աստուած Յակոբայ օգնական է նմա, եւ յոյս նորա իՏէր Աստուած է :

Որ արար զերկինս եւ զերկիր, զծով եւ զամենայն որ ինոսա :

Ո պահէ զճշմարտութիւն յաւիտեան, եւ առնէ իրաւունս զրկելոց :

Տայ հաց քաղցելոց. եւ արձակէ ըզկապեալս Տէր :

Տէր բանայ զաչս կուրաց, եւ կանգնէ զգլորեալս Տէր :

Տէր սիրէ զարդարս, Տէր պահէ ըզպանդուխտս. զորքս եւ զայրիս ընդունի Տէր, եւ զճանապարհս ամբարշտաց կորուսանէ :

Թագաւորեսցէ Տէր յաւիտեան, Աստուած քո Սիօն ազգէ մինչեւ յազգ :

ՍԱՂՄՈՍ ձԽԶ.

Ալէլուիա. Անգեայ եւ Զաքարիայ :

Օրհնեցէք զՏէր, զի բարի է սաղմոս. Աստուծոյ մերում քաղցր եղիցի օրհնութիւն :

Շինէ զերուսաղէմ Տէր, եւ զցրուեալսն Իսրայելի ժողովէ :

Բժշկէ զբեկեալ սիրտս, եւ պատէ զամենայն վէրս նոցա :

Ո թուէ զբազմութիւն աստեղաց, եւ զամենեսեան զնոսա յանուանէ կոչէ :

Մեծ է Տէր եւ մեծ է զօրութիւն նորա, իմաստութեան նորա ոչ գոյ բաւ :

Ընդունի զհեզս Տէր, եւ խոնարհ առնէ զամբարտաւանս մինչեւ յերկիր :

Օրհնեցէք զԱստուած խոստովանութեամբ, սաղմոս ասացէք նմա օրհնութեամբ :

Ո զգեցոյց զերկինս ամպովք, եւ պատրաստ արար զանձրեւ իւր յերկիր :

Բուսոյց զխոտ իլերինս, եւ զգալարի իծառայութիւն մարդկան :

Ո տայ անասնոց կերակուր, ձաղուց
ագռաւուց՝ ոյք կարդան առ նա :

Ոչ թէ ընդ զօրութիւնս ձիոյ կամե-
ցաւ Տէր, եւ ոչ ընդ իրանս առն հըս-
կայի հաճեցաւ :

Այլ հաճեցաւ Տէր ընդ երկիւղածս
իւր, եւ ընդ այնոսիկ՝ ոյք յուսան յո-
ղորմութիւն նորա :

ՍԱՂՄՈՍ ձԽԷ.

Աւելուիա, Անգեայ եւ Չաքարիայ :

Գովեա երուսաղէմ զՏէր .

եւ օրհնեա զԱստուած քո Սիօն :

Ձի զօրացոյց զնիգս դրանց քոց, եւ
օրհնեաց զորդիս քո իքեզ :

Ո եզ զսահմանս քո իխաղաղութիւն .
պարարտութեամբ ցորենոյ լցոյց զքեզ :

Առաքէ զբան իւր յերկիր . վաղվաղ
ընթանան պատգամք նորա :

Դնէ զձիւն որպէս զասր, եւ զմէգ
որպէս փոշի ցանեաց :

Արկանէ զսառն որպէս պատառս . ա-
ռաջի ցրտոյ նորա ո՞ կարէ կեալ :

Առաքէ զբան իւր եւ հալէ զնոսա .
չնչեսցեն հողմք , եւ գնասցեն ջուրք :

Պատմէ զբան իւր Յակոբայ , զարդա-
րութիւն եւ զիրաւունս Իսրայելի :

Ոչ այսպէս արար ամենայն ազգաց
Տէր , եւ զդատաստանս իւր ոչ յայտ-
նեաց նոցա :



ԱՂՕԹԻ

ԱՄԲԱԿՈՒՄԱՅ ՄԱՐԳԱՐԷԻ

Ամբակ . Դ :

Տէր , զլուր քո լուայ եւ երկեայ . Վէր'
նայեցայ իգործս քո եւ զարհուրեցայ :

Իմէջ երկուց կենդանեացն ծանիցիս
դու , իմերձենալ սմացն յայտնեսցիս ,
եւ իհասանել ժամանակին երեւեսցիս :

Իխռովել անձին իմոյ իժամանակի
բարկութեան զողորմութիւն յիշեսցես :

Աստուած իհարաւոյ եկեսցէ , եւ
սուրբն իՓառան լեռնէ :

Յայտնեսցեն երկինք զվայելչութիւն
փառաց նորա . եւ օրհնութեամբ նորա
լցան աիեզերք :

Ճառագայթք որպէս իլուսոյ հատան
ինմանէ, եւ եղջիւրք իձեռին նորա գը-
տան. եւ անդ հաստատեցաւ զօրութիւն
փառաց նորա :

Յերեսաց նորա ելցեն հարուածք .
եւ զհետ շաւղաց նորա երթիցեն մե-
ծամեծք իթռչնոց :

Եկաց եւ չափեաց զերկիր . հայեցաւ
եւ դիտեաց զհեթանոսս :

Լերինք հալեսցին եւ անտառք վատ-
նեսցին . ճանապարհք՝ որք իսկզբանէն
էին՝ կուրասցին, եւ ինմանէ դողացցի
ամենայն երկիր :

Տեսի զբանակս Քուշացւոց . խռովե-
ցան բնակիչք վրանացն Մադիամու :

Միթէ իվերայ գետոց բարկացիս
դու Տէր, կամ սրտմտութիւն քո իվե-
րայ գետոց, կամ բարկութիւն քո իվե-
րայ ծովու :

Ելեր դու իկառս քո . հեծելութիւնդ
քո փրկութիւն եղեւ յելանելն քո :

Չարթեաւ աղեղն քո . զնետս կա-
պարճից քոց արբուցեր, զգետս ցրուե-
ցեր, զերկիր դողացուցեր իսաստկու-

Թե՛նէ անձրեւի՝ որք անցանէն ընդ սա :

Անդունդք աղաղակեցին մեծապէս ,
լոյս փայլման արեգականն արգելաւ ,
եւ ծագումն լուսնին դադարեցաւ :

Որպէս ինչոյլս սլաքաց քոյ գնաս-
ցես , եւ որպէս իլոյս փայլատակման
սրոյ քո :

Բարկու թեամբ զարթիցես ի վերայ
երկրի , եւ դողու թեամբ կասցես զհե-
թանոսս :

Երեւեցար ի սիրկու թիւն ժողովրդեան
քո ի սիրկել զընտրեալս քո :

Նետաձիգ եղեր ի գլուխս մարգկան
ամբարտաւանից . մինչեւ յանդունդս
ծովու ընկղմեցան :

Խնդրեցեր զվրէժ զօրու թեամբ քով
ի զօրագլխացն մեղաւորաց , որք յուսա-
ցեալ էին յանդգնութիւնս իւրեանց .
զի կերին զաղքատն ի գաղտնիս :

Առաքեցեր ի վերայ ծովու զերիվարս
քո . եւ խռովեցան յաղթ ջուրք անդրն-
դոց :

Կացի ես՝ եւ գեղան աղիք իմ ի ձայ-
նէ բերանոյ իմոյ . եմուտ դողումն յու-

կերս իմ, եւ ես յանձն իմ խռովեցայ :

Զայս պահեսցես յաւուր նեղութեան,
ածել ի վերայ ազգի ամենայնի որք մար-
տընչին ընդ ժողովրդեան քում :

Թղենի ոչ տացէ զպտուղ իւր, եւ
յայգւոջ բեր մի գտցի. ձիթենիք սը-
նասցին, եւ երկիր մի բուսուցէ զգա-
լարի :

Պակասեսցին հօտք իճարակաց : եւ
եղինք մի գտցին առ մսուրս :

Ես իՏէր յուսացայ, ցնծացայց եւ
ուրախ եղէց յԱստուած փրկիչ իմ :

Տէր Տէր ետ ինձ զօրութիւն, եւ
կացոյց զոտս իմ իհաստատութեան. ի
վերայ պարանոցի թշնամւոյն կացոյց
զիս եւ հանգոյց զիս երազ երազ :

Փառք Հօր եւ Որդոյ եւ :



Մ Ա Ղ Թ Ա Ն Ք .

Լուր մեզ Տէր լուր մեզ , աստուածային ողորմութեամբ եւ գթութեամբ քո խնայեա յարարածս քո :

Մարդասէր Տէր , վասն սրբուհւոյ անարատի Մօր քո եւ Կուսի , եւ վասն խաչի քո պատուականի , ընկալ զաղաջանս մեր , եւ կեցո զմեզ :

*Զքարոզն եւ զաղօթս իվերջն ՈՂՈՐՄԵԱ կանոնին
գտցես ի177 երեսն :*



ՍԱՂՄՈՍ ձԽԸ.

ԱԼԷԼՈՒԻԱ . Անգեայ եւ Զաքարիայ :



Օրհնեցէք զՏէր յերկնից , օրհնեցէք զնա իբարձանց :

Օրհնեցէք զնա ամենայն հըրեշտակք նորա . օրհնեցէք ըզնա ամենայն զօրութիւնք նորա :

Օրհնեցէք զնա արեգակն եւ լուսին . օրհնեցէք զնա ամենայն աստեղք եւ լոյսք :

Օրհնեցէք զնա երկինք երկնից . եւ ջուրք որ իվերոյ քան զերկինս , օրհնեցէք զանուռն Տեառն :

Զինա ասաց ' եւ եղեն , հրամայեաց ' եւ հաստատեցան :

Կացոյց զնոսա յաւիտեանս յաւիտենից . սահման եղ , եւ ոչ անցանեն :

Օրհնեցէք զՏէր յերկրէ վիշապք եւ ամենայն խորք :

Հուր եւ կարկուտ, ձիւն եւ սառն,
Հողմ եւ մրրիկ, որք առնէք զբան նորա:

Լերինք եւ ամենայն բարձունք, ծառք
սլողաբերք եւ ամենայն մայրք:

Գազանք եւ ամենայն անասունք, սո-
ղունք եւ ամենայն թռչունք թեւաւորք:

Թագաւորք երկրի եւ զօրք իւրեանց,
իշխանք եւ ամենայն դատաւորք երկրի:

Երիտասարդք եւ կուսանք, ծերք
եւ տղայք օրհնեցէք զանուն Տեառն,

Բարձրացաւ անուն նորա միայն. խոս-
տովանու թիւն նմա յերկինս եւ յերկրի:

Բարձր առնէ Տէր զեղջիւր ժողովրդ-
դեան իւրոյ. օրհնու թիւն նմա յամե-
նայն սրբոց նորա յորդոցն Իսրայելի
ժողովոյն՝ որ մերձ է առ Տէր:

ՍԱՂՄՈՍ ձԽԹ.

Ալէլուիա. Անդեայ եւ Զաքարիայ:

Օրհնեցէք զՏէր յօրհնու թիւն ինոր.
օրհնու թիւն նմա յեկեղեցիս սրբոց:

Ուրախացի Իսրայէլ յարարիչ իւր.
որդիք Սիօնի ցնծացեն ի թագաւորն
իւրեանց:

Օրհնեսցեն զանուն նորա օրհնութեամբ, սաղմոսիւք եւ օրհնութեամբ սաղմոս երգեսցեն նմա :

Հաճի Տէր ընդ ժողովուրդ իւր սուրբ, եւ բարձր առնէ զհեզս իփրկութեան :

Պարծեսցին սուրբքն փառօք, եւ ցընծասցեն իհանգիստս իւրեանց, եւ բարձրր արասցեն զԱստուած բերանօք իւրեանց :

Սուր երկսայրի ետ իձեռս նոցա, առնուլ զհատուցումն իհեթանոսաց, իյանդիմանութիւն ամենայն ժողովրդից :

Կապել զթագաւորս նոցա կապանօք, եւ զզօրավարս նոցա ձեռնակապօք երկաթեօք :

Առնել նոցա գատաստանս ըստ գրոց, եւ փառք այս են ամենայն սրբոց նորա :

ՍԱՂՄՈՍ ձԾ.

Ալէլուիա. Անդեայ եւ Չաքարիայ :

Օրհնեսցէք զԱստուած իսրբութեան նորա, օրհնեսցէք զնա իհաստատութեան իզօբութեան նորա :

Օրհնեցէք զնա իզօրութեան նորա ,
օրհնեցէք զնա իբազում մեծութեան
նորա :

Օրհնեցէք զնա իձայն օրհնութեան ,
օրհնեցէք զնա սաղմոսիւք եւ օրհնու-
թեամբ :

Օրհնեցէք զնա ցնծութեամբ , գո-
վեցէք զնա ուրախութեամբ :

Օրհնեցէք զնա իբանս քաղցր , գո-
վեցէք զնա իբարբառ լսելի :

Օրհնեցէք զնա իձայն գոհութեան .
ամենայն հոգիք օրհնեցէք զՏէր :



Սյս Սաղմոս ինքնագիր Գաւթի արտաքոյ թուոց : Իժա-
մանակի զի եւ նա նահատակ ընդդէմ Գողիաթու , առա-
ջի Սաւուղայ եւ ամենայն զօրացն Նարայելի :

Փոքր էի ես յեղբարս իմ , եւ կըրտ-
սեր իտան Հօր իմոյ , արած էի զխաշի-
նըս Հօր իմոյ :

Ձեռք իմ արարին զսաղմոսարան ,
եւ մատունք իմ կազմեցին զգործի օրհ-
նութեան :

Իսկ արդ ո՞ սլատմեսցէ զայս Տեառն
իմում. ինքնին Տէր ամենայնի լուիցէ
զամենայն :

Եւ առաքեաց Տէր զհրեշտակ իւր,
եւ համբարձ զիս իհօտէ խաշանց Հօր
իմոյ, եւ էօծ զիս յօծումն իւզոյ իւրոյ :

Եղբարք իմ մեծամեծք եւ գեղեցիկք,
եւ հաճեցաւ ընդ նոսա Տէր :

Ելի ես ընդդէմ այլազգւոյն, եւ նը-
զովեցի զկուռս նորա :

Հանի զսուսերն ինմանէ, եւ հատի
զգլուխ նորին, եւ բարձի զնախատինս
յորդւոցն Իսրայելի :



ՕՐՀՆՈՒԹԻՒՆ

ԵՐԻՑ ՄԱՆԿԱՆՅՆ .

Դանիելի Դ :

Օրհնեալ ես Տէր Աստուած Հար-
ցըն մերոց , օրհնեալ փառա-
ւորեալ անուն քո յաւիտեան :

Յիրաւունս անցուցեր զայս
ամենայն ընդ մեզ . արդար ես գու Տէր ,
եւ ամենայն գործք քո ճշմարիտ են :

Ճանապարհք քո ուղիղ են , եւ ամե-
նայն դատաստանք քո արդար են :

Դատաստան արդարութեան ածեր ի
վերայ մեր ըստ ամենայնի զոր ինչ ա-
ծեր իվերայ մեր , եւ քաղաքի սրբոյ
Հարցն մերոց երուսաղեմի :

Արդարութեամբ եւ յիրաւի ածեր
զայս ամենայն իվերայ մեր վասն մե-
զաց մերոց :

Անօրինեցաք եւ յանցեաք ասպտամբ
լինել իքէն . մեղաք յամենայնի, եւ սլա-
տուիրանաց քոց մեք ոչ անսացաք :

Ոչ սլահեցաք եւ ոչ արարաք որպէս
սլատուիրեցեր դու մեզ, զի զբարիս
գտցուք մեք իքէն :

Արդ զամենայն զոր արարեր եւ զոր
ինչ ածեր իվերայ մեր, արդար գա-
տաստանաւ արարեր :

Մատնեցեր զմեզ իձեռս թշնամեաց
մերոց, անօրինաց, խստաց եւ ասլս-
տամբողաց :

Իձեռս թագաւորի անօրինի եւ չա-
րի քան զամենայն երկիր, մատնեցեր
զմեզ :

Եւ արդ ոչ գոյ մեզ ժամ բանալ զբե-
րանս մեր, զի ամօթ եւ նախատինք
եղաք ծառայից քոց սլաշտօնէից :

Այլ մի մատներ զմեզ իսպառ վասն
անուան քո, մի ցրեր զուխտս քո, եւ
մի իբացեայ առներ զողորմութիւնս
քո իմէնջ :

Վասն Աբրահամու սիրելւոյ քո, ի

Սահակայ ծառայի քո , եւ Իսրայելի սրբոյ քո :

Խոստացար նոցա եւ ասացեր , բազմացուցից զզաւակ ձեր որպէս զաստեղըս երկնից բազմութեամբ , եւ որպէս զաւազ առ եզր ծովու :

Եւ արդ Տէր նուաղեցաք մեք քան զամենայն ազգս , եւ եմք տառապեալ յամենայն երկրի այսօր վասն մեզաց մերոց :

Ոչ գոյ իժամանակիս յայսմիկ իշխան՝ մարգարէ եւ առաջնորդ . ոչ ողջակէզք պատարագաց , ոչ խունկք օրինաց , եւ ոչ տեղի պատարագս մատուցանելոյ առաջի քո , եւ զողորմութիւն գտանել իբէն :

Այլ անձամբք խոնարհեալ եւ հոգւով տառապանաց ընդունելի լիցուք մեք որպէս զողջակէզս խոյոց եւ զուարակաց . եւ որպէս բիւրաւորս գառանց պարարտաց :

Այնպէս ընդունելի լիցին պատարագք մեր այսօր առաջի քո , զի կատարեալ գտցուք զկնի քո . եւ չիք ամօթ յուսացելոցս իբեզ :

Եւ արդ զամբ զհետ քո ամենայն սրտիւք մերովք, երկնչիմք իքէն, եւ խնդրեմք զերեսս քո. Տէր մի յամօթ առներ զմեզ :

Այլ արա առ մեզ ըստ հեղութեան քում եւ ըստ բազում ողորմութեան քում. փրկեա զմեզ վասն սքանչելեաց քոց Տէր. եւ փառաւորեսցի անուն քո յաւիտեան :

Յամօթ լիցին ամենեքեան որ չարչարեն զծառայս քո. ամաչեցեալ լիցին բռնութիւնք նոցա, եւ ամենայն զօրութիւնք նոցա խորտակեսցին :

Եւ ծանիցեն զի դու ես Տէր Աստուած միայն, որ փառաւորեալդ ես իվերայ ամենայն տիեզերաց :

Օրհնեալ ես դու Տէր Աստուած հարցրն մերոց. գովեալ եւ առաւել բարձրացեալ յաւիտեան :

Եւ օրհնեալ է անուն սուրբ փառաց քոց. գովեալ եւ առաւել բարձրացեալ յաւիտեան .

Օրհնեալ ես իտաճարի փառաց սրբութեան քո. գովեալ եւ առաւել :

Օրհնեալ ես իվերայ աթոռոյ ար-
քայու թեան քո. գովեալ եւ առաւել:

Օրհնեալ ես որ նստիս իքրովքէս եւ
հայիս յանդունդս. գովեալ եւ առա:

Օրհնեալ ես իվերայ հաստատու-
թեան երկնից. գովեալ եւ առաւել:

Օրհնեցէք ամենայն գործք Տեառն
դՏէր. օրհնեցէք եւ բարձր արարէք
զնա յաւիտեան:

Օրհնեցէք երկինք դՏէր. օրհնեցէք
եւ բարձր արարէք զնա յաւիտեան:

Օրհնեցէք հրեշտակք Տեառն. եւ
ջուրք որ իվերոյ երկնից դՏէր. օրհն:

Օրհնեցէք զօրու թիւնք Տեառն. ա-
րեգակն եւ լուսին դՏէր. օրհնեցէք եւ:

Օրհնեցէք աստեղք երկնից. անձրեւք
եւ ցօղք դՏէր. օրհնեցէք եւ բարձր:

Օրհնեցէք ամենայն հողմք հուր եւ
ջեր դՏէր. օրհնեցէք եւ բարձր ար:

Օրհնեցէք ցուրտ եւ տօթ, ցօղ եւ
ձիւնաբեր դՏէր. օրհնեցէք եւ բար:

Օրհնեցէք սառն եւ սլարղ, եղեամն
եւ ձիւն դՏէր. օրհնեցէք եւ բարձր:

Օրհնեցէք աիւք եւ գիշերք, լոյս

եւ խաւար զՏէր. օրհնեցէք եւ բար :

Օրհնեցէք ամսք եւ փայլատակունք
եւ երկիր զՏէր. օրհնեցէք եւ բարձր :

Օրհնեցէք լերինք եւ բլուրք, եւ ամենայն բոյսք երկրի զՏէր. օրհնեցէք :

Օրհնեցէք ազբիւրք ծովք եւ գետք
զՏէր. օրհնեցէք եւ բարձր արարէք :

Օրհնեցէք կէտք եւ ամենայն կայ-
տառք՝ որ իջուրս, եւ թռչունք եր-
կնից զՏէր. օրհնեցէք եւ բարձր ար :

Օրհնեցէք գազանք եւ անասունք, եւ
որդիք մարդկան զՏէր. օրհնեցէք եւ :

Օրհնեսցէ Իսրայէլ զՏէր. օրհնեսցէ
եւ բարձր արասցէ զնա յաւիտեան :


Օրհնեցէք քահանայք զՏէր. օրհնե :

Օրհնեցէք ծառայք Տեառն զՏէր օրհն :

Օրհնեցէք անձինք, եւ շունչք ար-
դարոց զՏէր. օրհնեցէք եւ բարձր :

Օրհնեցէք սուրբք եւ խոնարհք սրբ-
տիւրք զՏէր. օրհնեցէք եւ բարձր ար :

Օրհնեցէք Անանիա Ազարիա եւ Մի-
սայէլ զՏէր. օրհնեցէք եւ բարձր ար :



ՕՐՀՆՈՒԹԻՒՆ

ՄՍՐԻԱՄՈՒ ԱՍՏՈՒԱԾԱԾՆԻՆ .

Ղուկ . Ա .

Մեծացուսցէ անձն իմ զՏէր , եւ ցըն-
ծասցէ հոգի իմ Աստուծով փրկչաւ ի-
մով :

Այց արար իվերայ խոնարհութեան
աղախնոյ իւրոյ . այսուհետեւ երանի-
ցեն ինձ ամենայն ազգք :

Արար ընդ իս մեծամեծս հզօրն . եւ
սուրբ է անուն նորա :

Ողորմութիւն արար ազգաց յազգս
երկիւղածաց իւրոց . արար զօրութիւն
բազկաւ իւրով :

Յրուեաց զամբարտաւանս իմտաց
սրտից , եւ քակեաց զհզօրս յաթուոց :

Զխոնարհս բարձրացոյց , զկարօտս
ելից բարութեամբ , եւ զմեծատունս
արձակեաց ունայնս :

Պաշտպանեաց Իսրայելի ծառայի իւ-
րոյ , յիշելով զողորմութիւն իւր :

Որպէս խօսեցաւ առ հարսն մեր ,
ընդ Աբրահամու եւ զաւակի նորա յա-
ւիտեան :

Օ Ր Հ Ն Ո Ի Թ Ի Ի Ն

ԶԱՔԱՐԻԱՅԻ ՀՕՐՆ ՅՈՎՀԱՆՆՈՒ ՄԿՐՏԶԻ .

Ղուկ . Ա .

Օրհնեալ Տէր Աստուած Իսրայելի ,
որ յայց ել , եւ արար փրկութիւն ժո-
ղովրդեան իւրոյ :

Յարոյց մեզ եղջիւր փրկութեան ի
տանէ Դաւթի ծառայի իւրոյ . որպէս
խօսեցաւ բերանովք սրբոցն՝ որ յաւի-
տենից մարգարէքն էին :

Փրկութիւն իթշնամեաց մերոց , եւ
իձեռաց ամենայն ատելեաց մերոց :

Առնել ողորմութիւն առ հարսն մեր ,
եւ յիշել զկտակարանս սրբութեան իւ-
րոյ :

Երգումն զոր երգուաւ Աքրահամու
հօր մերոյ՝ տալ մեզ առանց երկիւղի
զփրկութիւն իթշնամեաց մերոց :

Պաշտել զնա սրբութեամբ եւ ար-
գարութեամբ առաջի նորա զամենայն
աւուրս կենաց մերոց :

Եւ դու մանուկ՝ մարգարէ բարձրե-
ւոյն կոչեսջիր , գնասցես առաջի Տեա-



ուրն պատրաստել զճանապարհս նորա :

Տալ զգիտութիւն փրկութեան ժողովրդեան իւրոյ, իթողութիւն ամենայն մեղաց մերոց :

Վասն գթոյ ողորմութեան Տեառն Աստուծոյ մերոյ, որով երեւեցաւ մեզ արեգակն իբարձանց՝ լուսաւոր առնել զխաւար մեր :

Ծագել զլոյս իվերայ այնոցիկ՝ որ նստէաք իխաւարի եւ իստուերս մահու, ուղղել զոտս մեր իճանապարհս խաղաղութեան :

ԱՂՕԹՔ ՍԻՄԷՈՎՆԻ ԾԵՐՈՒՆԻՈՅՆ .

Ղուկ. Բ. *

Արդ արձակեա զճառայս քո Տէր ըստ բանի քում իխաղաղութիւն, զի տեսին աչք իմ զփրկութիւն քո՝ զոր պատրաստեցեր առաջի ամենայն ժողովրդոց :

Լոյս յայտնեցար հեթանոսաց, եւ փառք ժողովրդեան քում Իսրայելի :

ԱՂՕԹԻ ԱՊԱՇԻԱՐՈՒԹԵԱՆ

ՄԱՆԱՍԷԻ ԹԱԳԱԿՈՐԻՆ .



Տէր ամենակալ Աստուած Աբրահամու , Իսահակայ , Յակոբայ եւ զաւակի նոցա արգարոց . ամենակալ Տէր՝ [Ժող զմեզս իմ :

Որ արարեր զերկինս եւ զերկիր եւ զամենայն զարգ նոցա . ամենակալ Տէր :

Որ կապեցեր զծով բանիւ հրամանի քո . փակեցեր զխորս , կնքեցեր ահաւոր եւ փառաւորեալ անուամբ քով սրբով . ամենակալ Տէր՝ [Ժող զմեզս իմ :

Որ ամենայն ինչ սարսի եւ դողայ յերեսաց ահի զօրութեան քո , ամե՛ :

Անբաւ է մեծւայելչութիւն փառաց սրբութեան քո . սաստիկ է բարկութիւն սպառնալեաց քոց ի վերայ մեղաւորաց , անչափ եւ անքննին են ողորմութիւնք աւետեաց քոց . ամենակալ Տէր՝ [Ժող :

Դու Տէր բարձրեալ, գթած, երկայնամիտ, բազումողորմ. եւ զղջանաս ի վերայ չարեաց մարդկան. ամե՛ն:

Դու Աստուած՝ ոչ եղեր ապաշխարութիւն վասն արդարոցն՝ Աբրահամու, Իսահակայ եւ Յակոբայ, որք ոչ մեղան քեզ. ամենակալ Տէր՝ թող՛:

Այլ եղեր ապաշխարութիւն վասն իմ մեղաւորիս. զի մեղայ աւելի քան զաւազ ծովու, եւ բազմացան անօրէնութիւնք իմ. ամենակալ Տէր՛:

Ձեմ՝ արժանի հայել եւ տեսանել ըզբարձրութիւնս երկնից իբազմութենէ անօրէնութեան իմոյ. ամենակալ Տէր:

Կորացեալ եմ՝ ես իբռնութենէ կասանաց երկաթից, եւ ոչ դոյ ինձ հանգիստ. ամենակալ Տէր՝ թող զմեզս՛:

Բարկացուցի զսրտամտութիւնս, եւ չար առաջի քո արարի. կանգնեցի պատկեր եւ բազմացուցի զցասումս. ամենա՛:

Եւ արդ Տէր՝ խոնարհեցուցանեմ զծունր սրտի իմոյ, եւ հայցեմ իբազրութենէ քումմէ. ամենակալ Տէր՛:

Մեղսոյ Տէր մեղայ, եւ զանօրէնութիւնս իմ ես ինձէն գիտեմ. ամենա՞:

Աղաչեմ եւ խնդրեմ իքէն՝ թող ինձ Տէր թող ինձ, եւ մի կորուսաներ զիս ըստ անօրէնութեան իմոյ. ամենակալ՞:

Մի յաւիտեան բարկանար ինձ Տէր, եւ մի յիշեր զչարիսն իմ, եւ մի պարտաւորեր զիս ընդ իջեալսն իներբոյ երկրի չարեօք. ամենակալ Տէր՞:

Զի դու Աստուած՝ Աստուած ապաշխարողաց ես, եւ յիս ցոյց զբարերարութիւնդ. քո, որ անարժան եմ. ա՞:

Կեցուսցես զիս ըստ բազում ողորմութեան քում. եւ ես օրհնեցից զքեզ զամենայն աւուրս կենաց իմոց. ամեն՞:

Զքեզ Տէր օրհնեն ամենայն զուարթունք երկնից. եւ քո են փառք յաւիտեանս. ամէն:

Փառք Հօր եւ Որդոյ եւ՞:

Աղաչեմ եւ խնդրեմ իքէն Տէր, թող ինձ զմեղս իմ:

Բազումողորմ Տէր, ողորմեա ինձ:

Աստուած, քաւեա զիս զմեղաւորս
իմեղաց եւ կեցո :

Արարիչ իմ եւ յոյս Աստուած, գը-
թա յիս իմեղուցեալ ծառայս, եւ ո-
ղորմեա ինձ բազմամեղիս :

Ամենօրհնեալ սրբուհի եւ միշտ կոյս
Աստուածածին Մարիամ, բարեխօսեա
առ Տէր վասն իմ մեղաւորիս :

Ամենայն սուրբք Աստուծոյ, բարե-
խօսեցէք առ Հայր իյերկինս վասն մեր
մեղաւորացս :

Քրիստոս որդի Աստուծոյ անոխա-
կալ, ընկալ զաղաչանս մեր, զի իքեզ
են ապաւինեալ անձինք մեր :

Յազթող զօրութեամբ՝ սուրբ եւ
կենդանարար եւ պատուական խաչիւ-
քո Տէր պահպանեա զմեզ :

Առաքեա Տէր զհրեշտակ խաղաղու-
թեան քո, որ եկեալ պահեսցէ զմեզ
անխռովս իտուէ եւ իգիշերի :

Եւ մարդասիրութեամբ քո յիշեա
զմեզ Տէր, յիշեա զմեզ յորժամ գաս
արքայութեամբ քով, եւ ողորմեա մեզ :



ՆԱԽԱԴՐՈՒԹԻՒՆՔ ԽՐԱՏԱԿԱՆՔ

ՅԱՂԱԳՍ ԱՂՕԹԻՑՆ

ՋՈՐ ԱՐԱՐԵԱԼ Է ՏԵԱՌՆ ՆԵՐՍԻՍԻ

ԵՂԲՕՐԻՆ ԳՐԻԳՈՐԻՍԻ ՀԱՅՈՑ ԿԱԹՈՒՂԻԿՈՍԻ .

Աղօթք հասարակաց Քրիստոնէից մեծաց եւ փոքունց , զոր պարտին ուսանել ամենեքեան՝ եւ ուսուցանել զմիմեանս . քահանայք՝ զժողովուրդս , հարք՝ զորդիս , մարք զղստերս , եւ ընկեր՝ զընկերն իւր :

Եւ աղօթեսցեն սովաւ յաւուրն հինգ անգամ , երկուտասան ծնրադրութեամբ իժամոն . այսինքն՝ յառաւօտուն , ի ճաշուն , ի հասարակ աւուրն , յերեկոյին , եւ ի հանգստեան : Ապա թէ պղերդ ոք լինիցի եւ ծուլանայ զհինգ ժամ աղօթս կատարել , աղօթեսցէ չորս անգամ , կամ երեք անգամ , կամ երկու անգամ , կամ մի անգամ յաւուրն , որ միայն ճանաչի թէ Քրիստոնեայ է , եւ զինքըն ծանիցէ թէ արարած եմ Աստուծոյ եւ երկրպագունորա : Եւ թէ զամենայն բանս աղօթիցն հեղգայ ուսանել , (որք եւ զսատանայական երգս բազումս փութով ուսանին) , ուսցի զկէս սորա , կամ այլ նուազ . զի թէ տունս

երիս ուսանիցին իսմանէ, եւ աղօթեսցին երիս ծնրա-
դրութեամբ իժամուն, ընդունելի է առաջի Աստուծոյ :

Ապա թէ որ իՔրիստոնէիցն անփոյթ առնէ զսա յուսա-
նելոյ եւ յաղօթելոյ, յանդիմանեսցի եւ իմոլար ժողո-
վոյն այլազգեաց . որք զաղօթսն զոր ուսոյց . . . իսպա-
տերազմունս անգամ ոչ խափանեն՝ թող թէ իխաղաղու-
թեան : Իսկ մեր ժողովուրդք արտաքոյ աղօթից տեղւոյ
բնաւ ոչ յիշեն զանունն Աստուծոյ . զի ոչ ունին փոյթ ի
կարգոյ աղօթից որպէս զաստուածասպաշտս, այլ սիրեն
ղբատարկաբանութիւն քան զաղօթս : Եւ թէ երբեմն
դան ոմանք յաղօթել առ քահանայն, կամ փակեալ բե-
րանով կանգնին, կամ զրուցատրութիւնս առնեն ընդ մի-
մեանս . զի ոչ ինքեանք գիտեն բնա Աղօթից, եւ ոչ
քահանայից միտ դնեն սաղմոսաց եւ սլաշտամանց : Ասան
այսր սլատճառի արարաք զաղօթս զայս պարզ եւ յստակ
բառիւ վասն տխմարաց դիւրահաս լինելոյ . որ է սակաւ
ըստ բանից՝ տունս քսան եւ չորս, ըստ ժամուց տունջեան
եւ գիշերոյ, եւ ըստ տառից սրբոց մարգարէիցն, եւ զօ-
րաւոր ըստ մտաց . զի զյոլովադոյն պէտս խնդրուածոց
մերոց որ յԱստուծոյ՝ ունի յինքեան . եւ տուաք ժողո-
վրդեան մերում յուսումն . զի ամենայն անձն Քրիստոնէի
ուսցի զսա, եւ ուր հանդիպեսցին իժամ աղօթիցն՝ իօ-
սեսցին սովաւ ընդ Աստուծոյ, թէ յեկեղեցի՝ թէ իտան,
թէ յանդի, թէ իգործ ինչ՝ թէ իճանապարհի : Եւ որք
ուսանին զսա եւ աղօթեսցեն մտադրութեամբ՝ ջերմե-
ռանդն սրտիւ եւ արտասուօք, ամենայն խնդրուածք որ

գրեալ են իմա՛ կատարեսցին իկենդանութեան եւ յե-
մահո՛ւ: Իսկ որք արհամարհեն եւ ոչ ուսանին եւ ոչ աղօ-
թեսցին՝ ինքեանք տեսցին զվնաս անձանց իւրեանց.
մեք հատաք իմէնջ զպատճառն՝ առնելով զաղօթս զայս.
զի մի այլ եւս պատճառեսցեն թէ ոչ գիտեմք բանս ա-
ղօթից, վասն այնորիկ ոչ կամք յաղօթս: Բայց ծանիցեն
այնպիսիքն, թէ սատանայ ոչ այնչափ քանայ զայլ բարե-
գործութիւնս մեր խափանել որչափ զաղօթս. զի գիտէ
որ յաղօթիցն միայն ինքն հալածի իմէնջ, եւ Աստուած
բնակէ իմեզ: Արդ՝ մեք աղաչեսցուք զբարերարն Աս-
տուած բնալ զաչս մտաց ձերոց, յօժարութեամբ ու-
սանել զսա եւ աղօթել, եւ Աստուծոյ սիրելի լինել:

Եւ յաղօթելն՝ զՔրիստոսի կաթուղիկոս չայոց, եւ զեղ-
բայրն նորին զՆերսէս զաղօթիցս յօրինողն յիշեցէք ի
Քրիստոս: Եւ որք ընդօրինակէք իգիրս զաղօթս, գրե-
ցէք եւ զխրատական բանս զայտոսիկ. եւ որք գրեն զսա՝
գրեսցին իղայրութիւն կենացն յաւիտենից: Եւ որք ու-
սանին եւ աղօթեսցեն, ողորմութիւն ընկալցին իՔրիստո-
սէ. եւ որք ուսուցանիցեն զընկերս, վարձս առցեն յԱս-
տուծոյ: Եւ որք գրենն, մի առաւել քան զօրինակս՝ բան
կամ գիր խառնեսցեն, եւ մի նուազ գրեսցեն, զի մի այլ
եւ այլ լինիցին բանքն, այլ հաւասար լիցին ամենեքեան
ուր եւ գրեսցեն. եւ տխարքն իգիրս՝ ուղիղ գրողացն
տացեն գրել: Եւ Քրիստոսի փառք յաւիտեանս. ամէն:



ՀԱԻԱՏԱՅԵԼՈՅ ԻՔՐԻՍՏՈՍ .

ՁՈՐ ԱՐԱՐԵԱԼ Է ՍՐԲՈՅ ՏԵԱՌՆ ՆԵՐՍԻՍԻ

ՀԱՅՈՅ ԿԱԹՈՒՂԻԿՈՍԻ .

Ա.



աւատով խոստովանիմ եւ երկիր պագանեմ քեզ , Հայր եւ Որդի եւ սուրբ Հոգի , անեղ եւ անմահ ընութիւն , արարիչ հրեշտակաց եւ մարդկան եւ ամենայն եղելոց . եւ ողորմեա քո արարածոց , եւ ինձ բազմամեղիս :

Բ. Հաւատով խոստովանիմ , եւ երկիր պագանեմ քեզ , անբաժանելի լոյս , միասնական սուրբ Երրորդութիւն եւ մի Աստուածութիւն , արարիչ լուսոյ եւ հալածիչ խաւարի . հալածեա իհոգւոյ իմմէ զխաւար մեղաց եւ անգիտութեան . եւ լուսաւորեա զմիտս իմ ի

ժամուս յայսմիկ աղօթել քեզ իհաճոյս,
եւ ընդունել իքէն զխնդրուածս իմ.
եւ ողորմեա քո արարածոց, եւ ինձ
բազմամեղիս :

Հայր երկնաւոր Աստուած ճշմարիտ, Գ.
որ առաքեցեր զՈրդիդ քո սիրելի ի
խնդիր մոլորեալ ոչխարին, մեղսյ
յերկինս եւ առաջի քո. ընկալ զիս որ-
պէս զանառակ որդին, եւ զգեցո ինձ
զպատմուճանն զառաջին՝ զոր մերկա-
ցայ մեղօք. եւ ողորմեա քո արարա՞ :

Որդի Աստուծոյ Աստուած ճշմարիտ, Դ.
որ խոնարհեցար իհայրական ծոցոյ՝ եւ
առեր մարմին իսրբոյ կուսէն Մարիա-
մայ վասն մերոյ փրկութեան. խաչե-
ցար թաղեցար եւ յարեար իմեռելոց
եւ համբարձար փառօք առ Հայր. մե-
ղսյ յերկինս եւ առաջի քո. յիշեա
զիս որպէս զաւազակն՝ յորժամ գաս
արքայութեամբ քով. եւ ողորմեա՞ :

Հոգի Աստուծոյ Աստուած ճշմարիտ, Ե.
որ իջեր իՅորդանան եւ իվերնատունն,
եւ լուսաւորեցեր զիս մկրտութեամբ

սուրբ աւագանին, մեղայ յերկինս եւ
առաջի քո. մաքրեա զիս վերստին աս-
տուածային հրով քով՝ որպէս հրեղէն
լեզուօք սուրբ զառաքեալսն. եւ ողոր՞:

գ. Անեղ բնութիւն, մեղայ քեզ մտօք ի-
մովք, հոգւով եւ մարմնով իմով. մի
յիշեր զմեղս իմ զառաջինս՝ վասն ա-
նուանդ քում սրբոյ. եւ ողորմեա՞:

ե. Տեսող ամենայնի, մեղայ քեզ խոր-
հրդով բանիւ եւ գործով. ջնջեա ըզ-
ձեռագիր յանցանաց իմոց, եւ գրեա
զանուն իմ իգպրութեան կենաց. եւ ո՞:

զ. Քննող գաղտնեաց, մեղայ քեզ կա-
մաւ եւ ակամայ, գիտութեամբ եւ
անգիտութեամբ. թողութիւն շնորհեա
մեղաւորիս, զի իծննդենէ սուրբ աւա-
գանին մինչեւ ցայսօր մեղուցեալ եմ
առաջի Աստուածութեանդ քո զգայա-
րանօք իմովք, եւ ամենայն անգամօք
մարմնոյս. եւ ողորմեա քո արարած՞:

թ. Ամենախնամ Տէր, դիր պահապան
աչաց իմոց զերկիւղ քո սուրբ՝ ոչ եւս
հայել յարատ, եւ ականջաց իմոց՝ ոչ

ախորժեւ լսել զբանս չարութեան, եւ
բերանոյ իմոյ՝ ոչ խօսել զստութիւն,
եւ սրտի իմոյ՝ ոչ խորհել զչարու-
թիւն, եւ ձեռաց իմոց՝ ոչ գործել
զանիրաւութիւն, եւ ոտից իմոց՝ ոչ
զնալ իճանասպարհս անօրէնութեան.
այլ ուզղեա զշարժումն սոցա լինել
միշտ ըստ պատուիրանաց քոց յամե-
նայնի. եւ ողորմեա քո արարածոց եւ”:

Հնւր կենդանի Քրիստոս, զհուր սի- փ.
րոյ քո՝ զոր արկեր յերկիր, բորբոքեա
յանձն իմ, զի այբեսցէ զախտ հոգւոյ
իմոյ, եւ սրբեսցէ զխիղճ մտաց իմոց,
եւ մաքրեսցէ զմեզս մարմնոյ իմոյ, եւ
վառեսցէ զլոյս գիտութեան քո իսրտի
իմում. եւ ողորմեա քո արարածոց եւ”:

Իմաստութիւն հօր Յիսոս, տուր ԺԱ.
ինձ իմաստութիւն զբարիս խորհել եւ
խօսել եւ գործել առաջի քո յամենայն
ժամ. իչար խորհրդոց իբանից եւ ի
գործոց փրկեա զիս. եւ ողորմեա”:

Կամեցող բարեաց Տէր կամարար, ԺԲ.
մի թողուր զիս իկամս անձին իմոյ գը-

նալ. այլ առաջնորդեա ինձ լինել միշտ
ըստ կամաց քոց բարեսիրաց, եւ ողո՛:

ժԳ. Արքայ երկնաւոր, տուր ինձ զար-
քայուլթիւն քո՛, զոր խոստացար սիրե-
լեաց քոց, եւ զօրացո զսիրտ իմ ատել
զմեղս, եւ սիրել զքեզ միայն, եւ առ-
նել զկամս քո. եւ ողորմեա քո արար՛:

ժԻ. Խնամող արարածոց, պահեա նշա-
նաւ խաչի քո զհոգի եւ զմարմին իմ
իպատրանաց մեղաց, իփորձուլթեանց
դիւաց, եւ իմարդոց անիրաւաց, եւ
յամենայն վտանգից հոգւոյ եւ մարմ-
նոյ. եւ ողորմեա քո արարածոց եւ՛:

ժԵ. Պահապան ամենայնի Քրիստոս, աջ
քո հովանի լիցի իվերայ իմ իտուէ եւ
իգիշերի, ինստել իտան, իգնալ իճա-
նապարհ, իննջել եւ իյառնել, զի մի
երբէք սասանեցայց. եւ ողորմեա՛:

ժԶ. Աստուած իմ, որ բանաս զձեռն քո,
եւ ընուս զամենայն արարածս ողորմու-
թեամբ քով, քեզ յանձն առնեմ զան-
ձրն իմ. դու հոգա եւ պատրաստեա
զպէտս հոգւոյ եւ մարմնոյ իմոյ յայսմ
հետէ մինչեւ յաւիտեան. եւ ողորմեա՛:

Դարձուցի՛չ մոլորելոց, դարձո զիս ^{ժԷ.}
իչար սովորութեանց իմոց իբարի սո-
վորութիւն, եւ բեւեռեա իհոգի իմ
զսոսկալի օր մահուն, եւ զերկիւղ գե-
հենին, եւ զսէր արքայութեան. զի
զղջացայց իմեղաց՝ եւ գործեցից զար-
դարութիւն, եւ ողորմեա քո արարա՛:

Աղբիւր անմահութեան, աղբերացո ^{ժԸ.}
խորտէ իմմէ զարտասուս ասպաշխարու-
թեան որպէս պոռնկին, զի լուացից
զմեղս անձին իմոյ յառաջ քան զելա-
նելն իմ յաշխարհէս. եւ ողորմեա՛:

Պարգեւի՛չ ողորմութեան, պարգե- ^{ժԹ.}
ւեա ինձ ուղղափառ հաւատով եւ բա-
րի գործով, եւ սուրբ մարմնոյ եւ ա-
րեան քո հաղորդութեամբ գալ առ
քեզ. եւ ողորմեա քո արարածոց եւ՛:

Բարերսր Տէր, հրեշտակի բարւոյ ^{Ի.}
յանձն արասցես զիս քաղցրութեամբ
աւանդել զհոգի իմ, եւ անխռով ան-
ցուցանել ընդ չարութիւն այսոցն՝ որ
են ինեւրքոյ երկնից. եւ ողորմեա քո՛:

Լոյս ճշմարիտ Գրիստոս, արժանա- ^{ԻԱ.}
ւորեա զհոգի իմ ուրախութեամբ տե-

սանել զլոյս փառաց քոց իկոչման ա-
ւուրն, եւ հանգչել յուսով բարեաց
յօթեւանս արդարոց մինչեւ յօր մեծի
գալատեան քո. եւ ողորմեա՛:

ԻԲ. Դատաւոր արգար, յորժամ գաս
փառօք Հօր դատել զկենդանիս եւ ըզ-
մեռեալս, մի մտաներ իդատաստան
ընդ ծառայի քում. այլ փրկեա զիս ի
յաւիտենական հրոյն, եւ լսելի արա
ինձ զերանաւէտ կոչումն արդարոց
յերկնից արքայութիւնդ. եւ ողոր՛:

ԻԳ. Ամենողորմ Տէր, ողորմեա ամենայն
հաւատացելոց իքեզ, իմոց եւ օտարաց,
ծանօթից եւ անծանօթից, կենդանեաց
եւ մեռելոց. շնորհեա եւ թշնամեաց
իմոց եւ ատելեաց զթողութիւն՝ որ
առ իս յանցանաց. եւ դարձո զնոսա ի
չարեացն զոր ունին վասն իմ, զի ո-
ղորմութեանդ քում արժանի եղիցին.
եւ ողորմեա քո արարածոց եւ ինձ՛:

ԻԴ. Փառաւորեալ Տէր, ընկալ զաղաչանս
ծառայիս քո, եւ կատարեա իբարի ըզ-
խնդրուածս իմ բարեխօսութեամբ սրբ-
բուհւոյ Աստուածածնին եւ Յովհաննու

Մկրտչին եւ սրբոյն Ստեփանոսի նա-
խավկային եւ սրբոյն Գրիգորի մերոյ
Լուսաւորչին, եւ սրբոց Առաքելոց՝
Մարգարէից՝ Վարդապետաց՝ Մարտի-
րոսաց՝ Հայրապետաց՝ Ճգնաւորաց՝
Կուսանաց՝ եւ ամենայն սրբոց քոց երկ-
նաւորաց եւ երկրաւորաց։ Եւ քեզ
փառք եւ երկրպագութիւն անբաժա-
նելի սուրբ Երրորդութեանդ յաւի-
տեանս յաւիտենից. ամէն։



ՄԱՂԹԱՆԻ ԶՕՐԱԻՈՐԻ

ԱՐԼԱԻՐԱՅ ԳԻՇԵՐԱՅՆՈՑ

ՍՐԲՈՅՆ ԳՐԻԳՈՐԻ ՆԱՐԵԿԱՑԻՈՑ

ԱՍԱՅԵԱԼ .

Բան ԺԲ .

Քնկալ քաղցրութեամբ , Տէր
Աստուած հօր , զգառնացո-
ղիս զաղաչանս , մատիւր դժու-
թեամբ առ պատկառեալս դի-
մօք . փարատեա , ամենապարգեւ , զա-
մօթական տխրութիւնս . բարձ յի-
նէն , ողորմած , զանբերելի ծանրու-
թիւնս . անջրպետեա , հնարաւոր , ըզ-
մահածու կրթութիւնս . աւարեա ,
միշտ յաղթող , զխաբողին հաճու-
թիւնս . բացադրեա , վերնային , ըզ-
մողելոյն մառախուղ . կնքեա , կեցու-
ցիչ , զկորուսչին ընթացմունս . ցրուեա ,
ծածկատես , զըմբռնողին չար գտմու-
նըս . խորտակեա , անքննին , զմարտո-

դին գիմեցմունս : Տեառնագրեա քո ա-
նուամբդ զլուսանցոյց երդ յարկիս .
սլարփակեա քո ձեռամբդ զուռաստաղ
տաճարիս . գծագրեա քո արեամբդ ըզ-
մուտ սեմոց սենեկիս . կերպացո զքո
նշանդ իհետս ելից մաղթողիս . ամրա-
ցո քո աջովդ զհանգստեանս խշտի .
մաքրեսցես իհաղբից զծածկարան ան-
կողնոյս . պահեսցես քո կամօքդ զուռ-
ուռապեալ անձն որդւոյս . անխարդախ
արասցես զքո շնորհեալ շունչ մարմ-
նոյս . կացուսցես շրջափակ զպար զօ-
րուդ երկնայնոյ . կարգեսցես իդիմի
ընդդէմ դիւաջն դասու : Տուր հան-
գիստ բերկրութեան մահահանգոյնս
նիրհման իխորութեան գիշերիս , բա-
րեխօսութեամբ հայցուածոց սրբոյ Աս-
տուածածնիդ եւ ամենայն ընտրելոց :
Ամփոփեալ պարուրեա զպատուհան տե-
սութեանց զգայարանացս իմաստից
անզարհուրելի զետեղմամբ իծփական
խռովութեանց , կենցաղական զբաղ-
մանց , անբջական երազոց , խօլականաց
ցնորից , յիշատակաւ քո յուսոյդ ան-


վնասելի պաշտպանեալ: Եւ սթափեալ
վերստին իննջմանէ ծանրութեան ա-
մենագգաստ արթնութեամբ, հոգենո-
րոգ զուարթութեամբ իքեզ արձանա-
ցեալ զայս ձայն մաղթանաց բուրմամբ
հաւատոց քեզ, ամենօրհնեալ թագա-
ւոր փառաց անճաւից, փառաբանողաց
երկնագումար խմբից երգակցեալ յեր-
կինս առաքել: Զի դու փառաւորեալ
ես յամենայն արարածոց յաւիտեանս
յաւիտենից, ամէն:



ԱՂՕԹՔ ԵՐԵԿՈՅԵԱՆ

ՆՈՐԻՆ ՍՐԲՈՅՆ ԳՐԻԳՈՐԻ .

Բան Գ. Գ .

ստուած յաւիտենական , բարե-
րար եւ ամենակալ . ստեղծիչ
լուսոյ , եւ յօրինիչ գիշերոյ .
կեանք իմահու , եւ լոյս ի-
խաւարի . յոյս ակն ունողաց եւ եր-
կայնամտութիւն տարակուսելոյ : Որ ամենարուեստ իմաստութեամբ քո՛ գար-
ձուցանես յայգ զստուերս մահու , ան-
նուաղ ծագումն եւ անմուտ արեգա-
կրն . քանզի ոչ զօրէ ծածկել զիառս
տէրութեան քո խաւար գիշերոյ : Ո-
րում կրկնի ծունր երկրպագութեան
ամենայն եղելոց՝ երկնաւորաց եւ եր-
կրաւորաց , եւ սանգարամետականաց ,
որ լսես զհեծութիւն կապելոց , եւ հայ-
խ յաղօթս խոնարհաց , եւ ընդունիս
զխնդրուածս նոցա . Աստուած իմ եւ
թագաւոր իմ . կեանք իմ եւ ապաւէն

իմ. յոյս իմ եւ վստահութիւնն իմ. Յիսուս Քրիստոս Աստուածդ ամենայնի. սուրբդ հանգուցեալ իհոգիս սրբոց, մխիթարութիւնն վշտաց՝ եւ քաւարան մեղուցելոց, որ գիտես զամենայն յառաջ քան զլինել նոցա. առաքեա ըզպահպանողական զօրութիւնն աջոյ քո, եւ փրկեա զիս յերկիւղէ դիշերի եւ իդիւէ չարէ:

Որպէսզի զյիշատակ սոսկալի եւ սուրբ քո անուանդ՝ միշտ համբուրեալ շըրթամբք հոգւոյ՝ ըղձութեան շնչոյ, կեցից պահպանեալ ընդ այնոցիկ՝ որ կարգան զքեզ իբոլոր սրտէ: Եւ իդրոշմէ խաչի քոյոյ նշանիդ, զոր աստուածային արեամբք քո ներկեալ նորոգեցեր, եւ ինոյն շնորհ որդեգրութեան զմեզ մկրտեցեր, եւ իսիառս պատկերի քո նրկարեալ՝ յօրինեցեր, այսու պարգեւօք աստուածականօք՝ ամաչեսցէ սատանայ, քակտեսցին մեքենայքն. բարձցին որոգայթքն. պարտեսցին մարտուցեալքն. պակասեսցին զէնքն սայրասուրբ. մերժեսցի մէզն. փարատեսցի խաւարն.

մեկնեսցի մառախուղն : Բազուկ քո հովանասցի, եւ աջ քո կնքեսցէ. վասն զի գթած ես եւ սղորմած, եւ անուն քո կոչեսցեալ է ի վերայ ծառայից քոց : Եւ քեզ ընդ Հօր՝ Հոգևովդ սրբով, փառք եւ իշխանութիւն յաւիտեանս յաւիտենից. ամէն :



Բան խա .

Որդի Աստուծոյ կենդանւոյ օրհ-
 նեալ յամենայնի, հօրդ ահա-
 լորի անքննին ծնունդ, որ տը-
 կարանայ առ իբէն եւ ոչ ինչ .
 որ իծագել անստուեր նշուլից սղորմու-
 թեան քո փառաց, հալին մեղք, հա-
 լածին դեւք, ջնջին յանցանք, խղին
 կասլանք, խորտակին շղթայք, կեն-
 դանածնին մահացեալք, բժշկին հա-
 րուածք, ողջանան վէրք, բառնին ա-
 պականութիւնք, տեղի տան տխրու-
 թիւնք, նահանջին հեծութիւնք, փախ-
 նու խաւարն, մեկնի մէգն, մերժի մա-
 ռախուղն, փարաախ մռայլն, սպառի
 աղջամուղջն, վերանայ մութն, դնայ
 գիշերն, տարագրի տաղնասլն, չքա-
 նան չարիքն, հալածին յուսահատու-
 թիւնքն, եւ թագաւորէ ձեռն քո ամե-

Նակար, քաւիչդ ամենայնի: Որ ոչ ե-
կիր կորուսանել զմարդկան ոգիս, այլ
կեցուցանել. թող ինձ զանթիւ չարիսն
իմ բազում ողորմութեամբք, զի գու-
միայն ես յերկնի անճառ, եւ յերկրի
անղնին, իտարր գոյի, եւ յեզերս ծա-
գաց աշխարհի, սկիզբն ամենայնի եւ
յամենայնի ամենայն լրմամբ, օրհնեալ
իբարձունս: Եւ քեզ ընդ Հօր եւ Հոգւոյդ
սրբոյ փառք յաւիտեանս. ամէն:



ՅԱՆԿ ՍԱՂՄՈՍԱՅ

ԸՍՏ ԿԱՐԳԻ ԱՅԲՈՒԲԵՆԻՅՑ .

	<u>Թիւ.</u>	<u>Էջ.</u>
Աղաղակեցէք առ Աստուած ամենայն . . .	ԿԵ . . .	155
Աղաղակեցէք առ Տէր ամենայն երկիր . . .	ՂԹ . . .	246
Ապրեցո՛ւ զիս Տէր, զի նուաղեաց	ԺԱ . . .	49
Ապրեցո՛ւ զիս Տէր իմարդոյ չարէ	ՃԼԹ . . .	337
Առ դետս Բաբելացաց անդ նստէաք . . .	ՃԼԶ . . .	332
Առ քեզ Տէր կարդացի Աստուած իմ . . .	ԻԷ . . .	58
Առ քեզ Տէր համբարձի զանձն իմ	ԻԳ . . .	52
Առ քեզ Տէր համբարձի զաչս իմ	ՃԻԲ . . .	317
Ասաց անդգամն խորտի իւրում	ԺԳ . . .	21
Ասաց անդգամն խորտի իւրում	ՄԲ . . .	124
Ասաց Տէր ցտէր իմ, նիստ ընդ աջմէ . . .	ՃԹ . . .	281
Ասացի՛ թէ պահեցից զճանապարհս . . .	ԼԸ . . .	94
Սաէ անօրէնն իմեղանչել ընդ միտս . . .	ԼԵ . . .	77
Աստուած՝ ականջօք մերովք լուաք	ԽԳ . . .	104
Աստուած Աստուած իմ, ես առ	ԿԲ . . .	159
Աստուած Աստուած իմ նայեաց առ	ԻԱ . . .	46
Աստուած Աստուծոց Տէր խօսեցաւ	ԽԹ . . .	117
Աստուած եկաց ի ժողովս	ՉԱ . . .	207

Աստուած դիրաւունս քո արքայի	ՀԱ	172
Աստուած մեր ապաւէն	ԽԵ	109
Աստուած մերժեցեր եւ աւերեցեր	ԾԹ	145
Աստուած մտին հեթանոսք	ՀԸ	201
Աստուած յանուան քում կեցո զիս	ԾԳ	125
Աստուած յօդնել ինձ նայեաց	ԿԹ	168
Աստուած ողորմեա մեզ եւ օրհնեա	ԿՁ	158
Աստուած հ քեզ նմանիցի . մի լուեր	ԶԲ	208
Աստուած վրէժ խնդիր . Տէր Աստ	ՂԳ	236
Աստուած օրհնութեան իմոյ մի լը	ձԸ	277
Աստ օրհնեցէք ամենայն ծառայք	ձԼԳ	327
Բազում անգամ մ'արտեան ընդ իս	ձԻԸ	392
Բայց միայն Աստուծոյ հնազանդ	ԿԱ	148
Բանից իմոց ունկնդիր Տէր . եւ իմիս	Ե	6
Բարի է խոստովան լինել Տեառն , եւ	ՂԱ	233
Բարձր առնեմ զքեզ Աստուած իմ	ձԽԴ	346
Բարձր առնեմ զքեզ Տէր	ԻԹ	61
Բղխեացէ սիրտ իմ զստադամս քո	ԽԴ	107
Գոհացայց զքէն Տէր բոլորով	Թ	13
Գովեա Երուսաղէմ զՏէր	ձԽԷ	351
Դատ արա ինձ Աստուած	ԽԲ	109
Դատ արա ինձ Տէր , զի ես	ԻԵ	55
Դատեա Տէր զայնսոսիկ ' ոյք դատին	ԼԴ	75
Եթէ ոչ Տէր էր առ մեզ , սասացէ	ձԻԳ	318
Եթէ ոչ Տէր շինէ զտունն	ձԻԶ	231
Եկայք ցնծացուք իՏէր	ՂԴ	238

Երանեալ ե՛ն անբիծք	ձԺԸ . . .	293
Երանեալ է այր՝ որ երկնչի	ձԺԱ . . .	285
Երանեալ է այր որ ոչ դնաց	Ա . . .	1
Երանի ամենեցուն՝ ոյք երկնչին	ձԻԷ . . .	321
Երանի որ խորհի զաղքատն	Խ . . .	99
Երանի, ում թողութիւն եղեւ	ԼԱ . . .	66
Երկինք պատմեն զփառս Աստուծոյ	ԺԸ . . .	41
Զ՞ի բարի կամ զ՞ի վայելուչ	ձԼԲ . . .	327
Զ՞ի պարծի իչարութեան հղօր	ՄԱ . . .	152
Զողորմութիւնս քո Տէր	ԶԸ . . .	219
Ընդէր խռովեցան հեթանոսք	Բ . . .	2
Ընդէր մերժեցեր Աստուած	ՀԳ . . .	184
Թէ արդարեւ զարդարութիւն	ՄԷ . . .	440
Իբրեւ զի բարի է Կորայելի Աստուած	ՀԲ . . .	181
Իդարձուցանել Տեսուն զգերութիւն	ձԻԵ . . .	520
Իխորոց կարգացի սու քեղ Տէր	ձԻԹ . . .	323
Իկարդալ իմում լուար ինձ Աստուած	Դ . . .	5
Ինեղութեան իմում ես առ Տէր	ձԺԹ . . .	315
ԻՏէր յուսացայ . հրպէս ասիցէք	Ժ . . .	18
Իքեղ Տէր յուսացայ, մի ամաչեցից	Լ . . .	63
Իքեղ Տէր յուսացայ մի ամաչեցից	Հ . . .	169
Լուարուք զայս ամենայն ազգք	ԽԸ . . .	114
Լուիցէ քեղ Տէր յաւուր անձկութեան	ԺԹ . . .	43
Լուր Աստուած աղօթից խոց	ԿԳ . . .	151
Լուր Աստուած աղօթից իմոց	Կ . . .	146
Լուր Տէր արդարութեան . հւ նայեմ	ԺԶ . . .	25

Խոնարհեցո Տէր զունին քո	ՁԵ . . .	214
Խոստովան եղերուք Տեառն՝ եւ կար՝	ՃԳ . . .	257
Խոստովան եղերուք Տեառն՝ զի բա՛	ՃԺԷ . . .	290
Խոստովան եղերուք Տեառն՝ զի բա՛	ՃԼԵ . . .	350
Խոստովան եղերուք Տեառն՝ զի քաղ՝	ՃԵ . . .	262
Խոստովան եղերուք Տեառն՝ զի քաղ՝	ՃԶ . . .	271
Խոստովան եղէց քեզ Տէր	ՃԺ . . .	282
Խոստովան եղէց քեզ Տէր	ՃԼԷ . . .	334
Խոստովան եղիցուք առ քեզ	ՃԳ . . .	188
Ծափս հարէք ամենայն	ԽԶ . . .	111
Կեցո զիս Աստուած	ԿԸ . . .	163
Հաճեցար Տէր ընդ երկիր քո	ԶԳ . . .	212
Համբարձի զաչս իմ իլերինս	ՃԻ . . .	315
Համբերելով՝ Համբերի Տեառն	ԼԹ . . .	96
Հաւատացի զոր՝ եւ խօսեցայ	ՃԺԵ . . .	289
Հիմունք նորա իլեառն սուրբ	ԶԶ . . .	216
Զայնիւ իմով ես առ Տէր	ՃԶ . . .	190
Զայնիւ իմով ես առ Տէր	ՃԽԱ . . .	341
Մատուցէք Տեառն՝ որդիք Աս	ԵԸ . . .	60
Մեծ է Տէր . եւ օրհնեալ է յոյժ	ԽԷ . . .	112
Մի նախանձիր ընդ չարս	ԼԶ . . .	87
Մինչեւ յերբ Տէր՝ մոռանաս զիս	ԺԳ . . .	21
Յայսնի է իշրէաստանի Աստուած	ՃԵ . . .	188
Յարիցէ Աստուած՝ եւ ցրուեացին	ԿԷ . . .	138
Յեւաներէն Նարայելի յեղիստուէ	ՃԺԳ . . .	285
Յիշեա Տէր զ՛Նաւիթ	ՃԼԱ . . .	326

Յողորմութիւն եւ յիրաւունս	Ճ	246
Նայեցարուք ժողովուրդք	ՀԵ	192
Ողորմեա ինձ Աստուած, դի կոխեաց	ԾԵ	173
Ողորմեա ինձ Աստուած՝ ողորմեա	ԾԶ	139
Ողորմեա ինձ Աստուած ըստ մեծի	Ծ	120
Ո յուսայ իՏէր, որպէս լեառն	ՃԻԴ	319
Որ բնակեալն է յօգնութիւն	Ղ	231
Որ Հովուեաղ Խորայելի՛ նայեաց	ՀԹ	205
Որպէս սիրելիք եմ յարկք քո Տէր	ԶԳ	210
Որպէս փառիաքի եղջերու յաղբերս	ԽԱ	101
Ունկն դիր Աստուած աղօթից խնոց	ԾԴ	126
Ուրախ եղէ ես՝ ոյք ասէին ցիս	ՃԻԱ	316
Պահեա զիս Աստուած իմ, զի ես	ԺԵ	23
Պատրաստ է սիրտ իմ Աստուած	ՃԷ	276
Սիրեցի՛ զի լուսիցէ Տէր զձայն	ՃԺԳ	285
Սիրեցից զքեզ Տէր զօրութիւն	ԺԷ	27
Տեառն է երկիր լրիւ խրով	ԻԳ	51
Տէր ապաւէն եղեր մեր ազգէ	ԶԹ	226
Տէր Աստուած իմ իքեզ յուսացայ	Է	10
Տէր Աստուած փրկութեան խնոյ	ԶԷ	217
Տէր զի բազում եղերն ներդէք իմ	Գ	4
Տէր թաղաւորեաց, բարկացան	ՂԸ	244
Տէր թաղաւորեաց՝ վայելչութիւն	ՂԹ	235
Տէր թաղաւորեաց՝ ցնծացէ	ՂՁ	241
Տէր իզօրութեան քում ուրախ	Ի	13
Տէր ըյս իմ եւ կեանք իմ	ԻԶ	56

Տէր լուր աղօթից իմոց ունկն	ձԽԲ . . .	352
Տէր լուր աղօթից իմոց, աղա՛	ձԱ . . .	248
Տէր կարգացի առ քեզ եւ լուր	ձԽ . . .	339
Տէր հովուեացէ զիս եւ ինձ ինչ	ԻԲ . . .	50
Տէր մի սրտամուտեամբ քով	Զ . . .	8
Տէր մի սրտամուտեամբ քով	ԼԵ . . .	92
Տէր ոչ բարձրացաւ սիրտ իմ՝	ձԼ . . .	324
Տէր նվ կացցէ իխորանի քում	ԺԴ . . .	23
Տէր Տէր մեր զի սքանչելի է	Ը . . .	12
Տէր փորձեցեր զիս եւ ծանեար	ձԼԸ . . .	335
Յնծացէք առ Աստուած	Զ . . .	205
Յնծացէք արդարք իՏէր	ԼԲ . . .	68
Փրկեա զիս իթշնամեաց իմոց	ԾԸ . . .	142
Քեզ վայելէ օրհնութիւն	ԿԻ . . .	153
Օրհնեա անձն իմ զՏէր, Տէր	ձԳ . . .	253
Օրհնեա անձն իմ զՏէր, եւ ամենայն	ձԲ . . .	254
Օրհնեա անձն իմ զՏէր, օրհնեցից	ձԽԵ . . .	349
Օրհնեալ Տէր Աստուած իմ	ձԽԴ . . .	546
Օրհնեցէք զանուն Տեառն	ձԼԴ . . .	328
Օրհնեցէք զԱստուած իսրբութեան	ձԾ . . .	359
Օրհնեցէք զՏէր ամենայն ազինք	ձԺԶ . . .	290
Օրհնեցէք զՏէր՝ զի բարի է	ձԽԶ . . .	550
Օրհնեցէք զՏէր յերկնից	ձԽԸ . . .	357
Օրհնեցէք զՏէր յօրհնութիւն նոր, զի	ՂԵ . . .	245
Օրհնեցէք զՏէր յօրհնութիւն նոր, օրհ՛ն	ՂԵ . . .	240
Օրհնեցէք զՏէր յօրհնութիւն ի	ձԽԹ . . .	258
Օրհնեցէք մանկունք՝ զՏէր	ձԺԲ . . .	284
Օրհնեցից զՏէր յամենայն ժամ	ԼԳ . . .	71



ՕՐՀՆՈՒԹԻՆՆԵՐ

Արդ արձակեա զճառայս քո Տէր	370
Ես ասացի իմերանալ յինչն աւուրց	267
Զի հուր բորբոքեցաւ	129
Եգիշերաց կանխէ հողի իմ	225
Ինեղութեան իմում ես աւ Տէր	342
Հաստատեցաւ սիրտ իմ իՏէր	175
Մեծացուցէ անձն իմ զՏէր	368
Նայեցարուք երկինք . եւ խօսեցայց	79
Տէր զլուր քո լուայ եւ երկեայ	352
Տէր ամենակալ Աստուած Աբրահամու	374
Փոքր էի ես յեղբարս իմ	360
Օրհնեալ ես Տէր Աստուած Հարցն	362
Օրհնեալ Տէր Աստուած Իսրայելի	369
Օրհնեսցուք զՏէր, զի փառօք է	34
Օրհնեցէք զԱստուած յօրհնութիւն նոր	311

ԵՕԹՆ ՍԱՂՄՈՍԲ ԱՊԱՇԽԱՐՈՒԹԵԱՆ

Տէր մի սրամտութեամբ քով	2	8
Երանի, ում թողութիւն եղեւ մեղաց	ԼԱ	66
Տէր մի սրամտութեամբ քով	ԼԷ	92
Ողորմեա ինձ Աստուած լոտ մի ծի	Մ	120
Տէր լուր, աղօթից իմաց, աղաղակ	ՃԱ	248
Իխորոց կողմացի աւ քեզ Տէր, Տէր	ՃԻԹ	323
Տէր՝ լուր աղօթից իմաց, ունին դիր	ՃԻԲ	342



500

10n

879

0027675

879

<< Ազգային գրադարան



NL0027675

